

R 8460

Шарқ юлдузи

- NASR
- NAZM
- DRAMATURGIYA
- MUMTOZ ADABIYOT
- YOSHLAR DAFTARI
- JAHON ADABIYOTI
- ESTETIKA
- SAN'AT FALSAFASI
- ADABIYOTSHUNOSLIK
- SAN'ATSHUNOSLIK



Sharq yulduzi

Унутилмас лаҳзалар



Ўзбекистон халқ ёзувчиси
ШУҲРАТ
(1918 – 1993)

R 440

J Alisher Navoiy
nemidagi
O'zbekiston MK

Шарқ юлдузи

Адабий-бадиий, илмий, ижтимоий-сиёсий журнал

1931 йилдан чиқа бошлаган

Энг № 1

ЖАМОАТЧИЛИК КЕНГАШИ

Сирожиддин Сайид
Муҳаммад Али
Кенгесбой Каримов
Энахон Сидикова
Иқбол Мирзо
Қаҳрамон Қуронбоев
Жумакул Қурбонов
Фармон Тошев
Ислом Ёкубов

Хайдиддин Султонов
Махмуд Тоир
Мехрибон Абдураҳмонова
Йўлдош Солижонов
Тоштемир Турдиев
Шуҳрат Маткаримов
Адҳамбек Алимбеков
Умарали Норматов
Жамолиддин Муслим

Бош мухаррир — Сирожиддин Рауф

Назм бўлими мудири — Икром Отамурод

Адабиётшунослик бўлими мудири — Ориф Ҳожи

4
2018

УШБУ СОНДА:

НАЗМ

Ўткир РАҲМАТ



ЁДГА ТУШАР УМРИМ ПАРЧАСИ

Шеърлар

Хаёлимни қўйвормас, ахир,
Дала-дашту тоғлар барчаси.
Бирдан яйраб кетади бағир,
Ёдга тушар умрим парчаси.

НАСР



Гулчехра АСРОНОВА

ДИЛБАНД

Хикоя

Бир йил чидадим ўшандай машаққатга. Қора терга ботиб, олтин тоғларни ваъда қила-қила ёт юртларга олиб келган “валламат”лар йўлкира ҳисобидан бўйнимга илган ҳакни тўлаб, уйга бешикаст қайтдим.

ЧИНГИЗ АЙТМАТОВ
ТАВАЛЛУДИННИНГ 90 ИЛЛИГИГА

Аҳмаджон МЕЛИБОЕВ

ҰЛФАДИБНИНГ ҰЛФА НИЯТИ



“Айтматов изходи бизга кўп жиҳатдан сабок бергувлик мактабдир, – деб ёзган эди Ўзбекистон халқ шоирини Абдулла Орипов, – ...Чингиз оға ўзининг бениҳоя жасур истеъоди билан ҳар қандай маҳдуд, қийин шароитда ҳам ҳақиқатни киёмага етказиб, ўринлатиб айта билишини исботлади”.

Халима АХМЕДОВА**НАЗМ**

*КЎЗИМ ГАВҲАРИДА
САЙР ҚИЛАР ДҮНЁ*

Шеърлар

Ҳар фасл биздадир, биз фаслдамиз,
Кўксимиизда урсин тонгнинг юраги.
Токи огоҳ этсин борлигимиздан
Шафдоф шудрингларнинг тоза жарангни.

**Мұхаммад САЛОМ****НАСР***КЕЛИН**Хикоя*

Аммо гаплашиш жуда пайсалга солинди. Бу орада келин оғироёқ бўлди-ю, иш янада чигаллашди. Бундай шароитда вазиятни чукурроқ кавлаштириш орқали сал очилган хандақни жарликка айлантириш ҳеч гап эмас.

**Наргиза ТЎҲТАЕВА****ИҲОДИЙ КЕНГАЦЛАРДА***ИЗЛАНИШЛАР САРҲИСОБИ*

Ўтган йилги болалар насрини кўздан кечирганимизда ҳам анча ўқишли асарлар яратилганига гувоҳ бўламиз. Яратилаётган асарлар шаклий-услубий жиҳатдан ҳам, жанр нуқтаи назаридан ҳам ранг-баранглик касб этмоқда. Атокли адаб Худойберди Тўҳтабоевнинг “Тагоб қишлоқ эртаклари”, Эркин Маликнинг “Набирамга мактублар”, Отабек Кувватовнинг “Олимжоннинг саргузашлари”, Маъруфжон Йўлдошевнинг “Зарчодир остида”, Зиёдулла Латиповнинг “Мўъжизакор ҳаёт” каби қисса ва ҳикоялар тўплами шулар жумласидан.





ОГАХИЙ
(1809–1874)

Ки, ўн саккиз минг олам ўн саккиз ёшингдин айлансун

* * *

Мунчаким дилкашдуур фархунда дийдоринг сенинг,
Тонг эмастур жон била бўлсан гирифторинг сенинг.

Хусн аро гарчи куёш олий маком ўлди, вале,
Кўйинга юз кўйғон ул бир ошики зоринг сенинг.

Махв ўлуб дийдоринга гуллар якосин килди чок,
Боғ аро чун кўрдилар гулзори рухсоринг сенинг.

Доми ҳайрат пой бандидур мудом озода сарв,
То тамошо килди зебо кадду рафторинг сенинг.

Жовидони жонга восил хаста жисмим бўлғуси,
Гар эшитсан бир нафас жонбахш гуфторинг сенинг.

Илтифот айлаб агар кулбамга еткурсанг кадам,
Бош кўйиб олдингда жон эткумдир исоринг сенинг.

Нетти сўрсанг Огахийнинг ҳолини раҳм айлабон –
Ким, ўларға етти дардингдин бу беморинг сенинг.

* * *

Васл аро мушкил ғами ҳижрон эканни билмадим,
Ҳажр дарди бўйла бедармон эканни билмадим.

Шукр қилмай васлига тушдим ғами фурқат аро,
Ушбу ғам мундок балойи жон эканни билмадим.

Базмгохи васл аро эрдим жаҳондин бехабар,
Ҳажр аро тушкач, жаҳон зиндон эканни билмадим.

Оҳқим, то кирмагунча ҳажр муҳлик даштиға
Васл базми равзай ризвон эканни билмадим.

Етмагунча токи жоним комиға захри фирок,
Ёр лаъли чашмаи ҳайвон эканни билмадим.

Жонға осойиш висол ичра етиб шому сахар,
Ҳажр дардидин ўлум осон эканни билмадим.

Дарди ҳижрон дафъиға, дедимки, тортай соғаре,
Ёрсиз саҳбойи гулгун қон эканни билмадим.

Борча авқотимни бехуда ўтурдим, гүйё
Умрни бир неча кун меҳмон эканни билмадим.

Огаҳий ёнглиғ ҳамиша айш ила мағрур ўлуб,
Васл аро мушкил ғами ҳижрон эканни билмадим.

* * *

Не тонг сансиз ҳалок ўлсамки, жисмим ичра жонимсан,
Бакойи лаззати айшу ҳаёти жовидонимсан.

Ғамим йўқтур агар ишқ ичра ҳар кун юз карат ўлсам –
Ки, нутки руҳпарвар дилбари Исо нишонимсан.

Ман ахли ишқ аро асрุ хушилҳон булбулингурман,
Сан ахли хусн ичра юз гул очғон гулистонимсан.

Не тонг комиға еткурсанг қарамдин ушбу кулниким,
Сарипи хусн узра подшохи комронимсан.

Топарман шер ёнглиғ ахли ишқ ичра товонолиғ,
Десанг, токи манга бир хаста шўри нотавонимсан.

Мани лутғ айлабон комимға еткурсанг тонг эрмаским,
Нигорим, дилситоним, ғамгусорим, меҳрибонимсан.

Назр бир гўшаи чашминг била килсанг манга басдур –
Ки, манман бир гадоу сан Сулаймони замонимсан.

Ажаб эрмас бори ушшок аро кадрим баланд этсанг –
Ки, борча дилраболар ичра ёри кадрдонимсан.

Сани кўргач топарман Огаҳийдек қуввату ором,
Нединким роҳатафзори тану ороми жонимсан.

* * *

Оташин руҳсоринг очсанг ахли олам ўртанур,
Ахли олам йўкки, миноранг торам ўрнатур.

Жилва айлаб, юз очиб майдон аро сурсанг саманд,
Ҳам парию ҳам малак, ҳам хайли одам ўртанур.

Чексам ўтлуг оҳ ҳажринг бирла гардун ўт бўлуб,
Ҳам куёр хуршид ҳам Исою Марям ўртанур.

Ху. ўн саккүү түнг олам ўн саккүү ёшиңгдин айлансун

Ушбу кадду юз била боғ ичра гар килсанг хиром,

Хам күёр рашк ўтига шамшоду гул хам ўртанур.

Гах-гахи лутф айлабон базми висолингтә етур,

Тобакай фуркат ўтига жони пурғам ўртанур.

Илтифоту раҳм изхор айлабон ҳолини сүр,

Хаста күнглум ишкинг ўтидин дамодам ўртанур.

Қил тамошо Огаҳийнинг ҳолини хижрон аро,

Охи ўти учкунидин жумла олам ўртанур.

* * *

Юзинг очким, күёш садқанг бўлуб, бошингдин айлансун,

Янги ой юз тавозеъ кўргузуб, кошингдин айлансун.

Агарчи лаълу ёкут эл замираига муфарриҳдур,

Ҳаётафзо ики лаъли гуҳарпошингдин айлансун.

Тану жоним ҳадаф айлаб, ўку тош отсанг, эй чобук,

Бири ўқингдин эврулсун, бири тошингдин айлансун.

Рақибинг гар эрур ҳасмим, они йўлдош этуб келсанг,

Санга жон садқа бўлсун, жисм йўлдошингдин айлансун.

Чу ўн саккизга етти ёшиңг, ол бурқаъ жамолингдин –

Ки, ўн саккиз минг олам ўн саккиз ёшиңгдин айлансун.

Бокиб кўз учидин пинҳону фош этдинг тағофиллар,

Йўку борим ҳамул пинҳон ила фошингдин айлансун.

Неча қаллош эсам ҳам ағниё оллида бош эгмон,


Фанийлар химмат ичра ушбу қаллошингдин айлансун.

Чу бергунг нон ила ош, эй сахий, сидк ахлига бергил,

Риёву кизб аҳли нон ила ошиңгдин айлансун.

Ул ой кўнглуға қилди Огаҳий оху ёшиңг таъсир,

Бори жону жаҳоним ох ила ёшиңгдин айлансун.



ТУПРОҚДАН ДОВРУФ ЯСАЁТГАНЛАР

Анвар ОБИДЖОН

Равшанбек лойга беланган қўлини ювиб бўлиб, биз билан илик кўриши. Бир пиёла чой устида пича сухбат қургач, корхонача тусини олган хонадондаги ишларни кўздан кечиришга тушдик.

Бу йигитнинг етти пушти сополчилик билан шугулланиб келган, боболари ўз касбидан барака топиб, анча бикир ҳаёт кечиришган экан. Лекин, шўролар даврига келганда, косиб-хунармандлар олдида баланд тўсиклар пайдо бўлиб, кулоллар хонадонидан ҳам файз арий бошлабди.

– Шунга қарамай, отам касбини давом эттираверди, – дея ўтган ишларни эслайди Равшанбек. – Барча хунармандлар сингари бозорда таъкибга учрайвериб молимиз касод бўла борди, тириклик ўtkазиш учун деҳкончилик билан ҳам шугулланишга мажбур бўлдик охири. Яхшиямки, бу касбдан тугалай безиб кетмай, отамдан билганимча ўрганиб олган эканман, Худога беадад шукроналар бўлсин, мана, кўчатимизни гуллатадиган замонлар келди.

Гап Риштон ҳакида кетаётганини аллакачон пайқаб олган бўлсангиз кепрак, азиз ўқувчи! Довруғи кўхна Туркистон оша етти иқлимга тарағлан, дунёда ўхшашсизлиги билан алоҳида мактаб макомини олган Риштон сополчилиги ҳануз бу туман аҳлининг асосий ифтихори бўлиб турибди. Ушбу туманда туғилиб ўсган Исажон Султон, Баходир Исо, Фулом Фатхиддин, Азизбек Анвар сингари қаламкашлар ижодида кулол ва кулолчиликка оид сатру жумлалар тез-тез учраб туришининг сабаби ҳам шунда. Айнан мана шу ифтихор туйғуси мазкур гўша кулолларига куч, сабр-токат ато этиб, улар асрор хунармандчилигимизнинг бу нодир турини эски замон бўхронларидан эсон-омон олиб чиқишиган бўлса, ажабмас.

Ота касбини кайта оёкка турғазишда Равшанбек кўп кийинчиликларга дучор бўлди. Эскирган дастгоҳларни янгилаб, ишни жўяли йўлга кўйиб олиш учун, ҳатто, рўзгор юмушларига яраб турган енгил автомашинани сотишга тўгри келди. Дастреб, ясаган идишларининг асосий кисмини Самарқандга олиб бориб, пуллаб юрди – ўзи уста, ўзи савдогар. Кўли мўмайроқ пул кўргани сайин, замонавий ускуналар харид килди, шогирдлар сони кўпая борди, иши бароридан келаверди. Энди карасангиз, бошка кенг ҳовли сотиб олди, ҳовлида янги автомашина пайдо бўлди, кичик устахонаси каттагина цехга айланди. Ҳозир элликка яқин ишчи бор. Бундан ташкири,

Анвар ОБИДЖОН – Ўзбекистон ҳалқ шоюри. 1947 йилда туғилган. Тошкент давлат университетининг (ҳозирги ЎзМУ) журналистика факультетини тамомлаган. Ижодкорнинг “Баҳромнинг ҳикоялари”, “Эй, ёруғ дунё”, “Кетмагил”, “Безгакашамол”, “Даҳшатли Мешполон” каби шеърий ва насрор китоблари чоп этилган.

диёримизда гўзал урф тусини олган – аввало, эҳтиёжманд оиласардаги аёлларнинг, ногиронларнинг касаначиликка жалб этиши оркали моддий ахволини яхшилашга қаратилган эзгу ишларга монанд тарзда, яна беш юз хонадан маҳсулотга ўз уйда гул чизиб бериш билан шуғулланиб, яхшигина фойда кўрятти. Цехда оштоворғу йигма салатдон, кўзаю кўра, гулдону ўйинчоклардан тортиб, катиқ ивтиладиган чапя-ю, аёллар соч ювадиган боштовоққача, жами уч юз хил атрофида маҳсулот ясалмоқда.

Даромадининг чўғи пастлаб бораётган маҳалларда Равшанбек сополчиликни отасининг кистови билан ўрганган бўлса, давр ўзгаргач, унинг фарзандлари бу касбни ўzlари кизикиб ўзлаштирипти. Айниқса, олтинчи синфда ўқидиган Отабек, бўш колди дегунча, усталарнинг ёнидан жилмайди, ўзи пиёла ясад, ўзи гул чизади. Харидорлар келганида, ўз пиёлаларини боланинг ўзи беш минг сўмдан сотади, шундан минг сўми хизмат ҳаки сифатида ёнига колади. Ўша минг сўмнинг ортида қанча уринишлар ётишини билсин, пулнинг қадрига етадиган бўлсин деб, Равшанбек атайн шундай қиласди. Бола зотидан кизиги йўқ, бир куни Отабек учтўрт синфдошини етаклаб келиб, дада, шуларниям ишга олинг, дермиш.

Сополчиликка мос тупрокни танлаш, ташиб келтириш, лойга айлантириш – жараённинг бошланиши. Кейин ускунада хомпаз идишлар ясалади, баъзиларининг ичига, четларига бўртма ёки ўйма накшлар ўйилади, эртаси куни хумдонда пишишилади. Маҳсулот сал тиникқач, гул чизилади, бўёклари яркираб туриши учун кайтадан хумдонга солинади. Сопол кўғирчокларни ясаш янада мураккаб.

Ўзи Тошкентда фаолият юритаётган эса-да, бир оёги хануз ота уйидан узилмаган, Ватанимиз тарихига оид бадиий китобларни “кувиб юриб” ўқидиган тадбиркор йигит Олимjon Саримсоковнинг айтишича, бошка кўп юртлардаги, ҳатто ўзимизнинг Бухородаги кулоллар маҳсулот ясаш учун лойга кўшимча нарсалар аралаштиришга мажбур бўлса, унинг Риштонидаги тупрокка сув кўшилса кифоя экан. Шу боис, тупроғимиз ўзининг накадар ноёблигини кўз-кўзлаб тураверсин, дегандек, маҳаллий сополчиilar идишларнинг тагига ранг беришмас экан. Бунинг замирида она заминга нисбатан юксак эҳтиром, чексиз миннатдорлик ётганини англаб олиш қийин эмас.

Хитой кулоллари – дунёда энг машхури. Идишларга бўртма усулда накш беришини улар ўйлаб топган. Шундай бўлса-да, Истроилда ташкил этилган халкаро кўргазмада, риштонликларнинг бўртма усулда безатилган лаганлари хитойлик кулолларнидан кимматрот баҳода тез сотилиб кетди. Сабаби шуки, Хитойда бўртма накшлар идишга ускuna ёрдамида туширилса, Риштонда кўлда килинади. Кўл меҳнати эса ўзининг бошқача бежиримлиги билан ажralиб туради, бу соҳа билимдонлари томонидан алоҳида кадрланади. Шунинг учунми, Равшанбек илгари асосан Қирғизистон, Тожикистон бозорларига кириб борган бўлса, энди Истроил, Жанубий Корея каби давлатлардан ҳам буюрмалар туша бошлади.

Тадбиркор Саидаҳмад Ақбаров ҳали ёш бўлишига қарамай, чинни идишлар ясаш корхоначасини ташкил этиб, ўзбекларнинг кундалик турмушида доим керак бўлиб турадиган чойнак-пиёла, коса, лаган, тақсимча кабилар ясашни ўйлга кўйди. Сополчиликдан фарқли ўларок, чинни идиш ясаш учун Риштон тупроғига четдан бир неча хил хомашё келтириб қўшиш лозимлиги сабабли, бу соҳа анча серхаражат бўлса-да, оғир юмушнинг улдасидан чиқибгина қолмай, хориждан кўшимча ускуналар сотовлиб, иккинчи цехни ҳам ишга туширди.

Саидаҳмад хозиргача юз нафарга яқин кишини ишли қилди. Улар учун маҳсус ошхона курилиб, бепул овқат берib борилмоқда. Ўртacha маош саккиз юз минг сўмдан тепада. Оила куриб, алоҳида эшик очган ўғли ўз рўзгорини тебратиб туришни ўрганиб олиши ҳам ота-оналарга бир олам қувонч баҳши этаверади. Уч нафар фарзандининг каттаси эндигина бошланғич синфда ўқиётган бу навқирон йигит эса, оиласини эплашдан ташқари, неча-нечча тумандошига ҳам ризқ топиб

бераётгани кўп-кўп ёшларимиз учун ўзига хос бир намунаидир. Тасанно, азамат!

Давлатимиз хазинасини чет эл валюталари билан бойитища туризмнинг аҳамияти бекиёс. Шу туфайли, илгари эътибордан четроқда колиб келган бу соҳани кескин ривожлантириш учун юртимизда кенг кўламли ишлар амалга оширила бошланди.

Фарғонада бири табиатининг ўта фусункорлиги, бири тарихий обидаларга бойлиги, бири қадимий касб-хунарларни хануз асрар келаётгани, бошкаси таъмининг оламда қиёси йўқ мевалари билан довруғ соглан Кўқон, Марғилон, Шоҳимардон, Сўх, Кувасой, Олтиарик, Учкўприк, Кўштепа, Кува сингари масканларда чет эллик сайдхонларни ўзига мафтун эта оладиган жиҳатлар беҳисоб. Худоёрхон ўрдаси, Норбўтабек, Камол кори, Саййид Аҳмадхўжа мадрасалари, Модарихон, Убайдуллохон, Хўжа Азиз бува, Али Охунд, Абдулазизхон дада мақбаралари, ҳазрат Хувайдо, Йигитпирим, Биби Убайда, Зўрой она, Ок ота, ҳазрат Али Шоҳимардон, Садқак ота зиёратгоҳлари, минорадор Жоме, Хўжа Эгиз, Ҳожа Форсо, Оқил мингбоши, Хўжа Илғор, Қиёқ, Подшоҳпирим деб атальмиш кўхна масжидлар янглиғ дилишнатар жойларимиз, ноёб экспонатларга бой музейларимиз шулар жумласидандир.

Риштон ҳам хорижлик туристлар диққатини ўзига тобора кўпроқ жалб этаётган гўшага айланни бормоқда.

Кулол Саиджон Аҳмедовнинг хонадонида бўлганимизда, бир нарса алоҳида диққатимизни тортиди. Омадни карангки, бу йигитнинг томоркаси бошдан-оёқ кулолчиликка мос тупроқдан иборат экан. Олисдан кидириб юрмай, хомашёни шу жойнинг ўзидан қазиб олишавераркан.

— Айланасиям, чукурлигиям тўрт метрга тўрт метр килиб кавланган жойдан кирк тонна лой чиқади, — деб изоҳ берди Саиджон. — Бир ойда кўпи билан икки тонна лой ишлатишимишини ҳисобга олсан, ўн сотихли томорқанинг тупроғи ҳали кўп йилларга етади.

Дарвоза ортидаги айвонга катор-катор териб кўйилган биридан жилвакор идишларни кўриб, кўзимиз камашди. Буларнинг талай қисми чет эллик сайдхонларга сотилаётганини эшитиб, сира таажжубландадик.

Туристлар энг кўп ташриф буюрадиган жой – машхур қизиқчи Мухиддин Дарвишев “Тоҳир сопол” деб лақаб кўйган, идишларга безак беришда игна-бигиз кўллаш усулини ихтиро этгани туфайли маҳсулотлари бошқаларнидан яққол ажralиб турувчи Тоҳиржон Ҳайдаровнинг Жалойирдаги хонадони. У устахонага айланган уйидан ташқари алоҳида томорқада ўзига хос музей ҳам ташкил этган. Бу макондан деярли барча МДХ давлатлари, Италия, Хитой, Англия, Жанубий Корея, АҚШ, Испания, Австралия каби олис мамлакатлардан келган туристларнинг оёғи узилмайди. Ҳатто, сайдхонлардан бири, уй эгасидан рухсат олгач, уч-тўрт ойдан сўнг хотини ва қизиниям етаклаб келиб, шу хонадоннинг ўзида бир неча кун истиқомат килиб кетибди. Бунинг нимаси қизиқлигини сўрашса, ўзбекона шароитда яшаб, факат ўзбекона овқатларни, бир-биридан ширин меваларни еб, жуда яйрадик, дейишибди.

Тоҳиржон бу жойдаги уйни ота-буваларимиз анъанаисига кўра, меҳроб-токчали, вассали килиб курди. Ташки деворларни оқлатмай, сомон сувоклигича колдири. Кенг айвон остига ўрнатилган сўрилардаги хонтахталарнинг атрофиға тўшаклар солиб, болишлар кўйиб кўйди. Сотадиган маҳсулотлари девор бўйлаб чўзилган токчалардан жой олди. Четдаги бостирма остида кўхна ёдгорликлар кўргазмаси мавжуд. Унданга икки-уч юз йиллик хум, кўза, хамиртогора, киртогора кабилар каторида қадимий омочу кўқонарава ҳам турибди. Бу араванинг бағдодлик эгаси Абдухолик отанинг айтишича, ундан бувасининг буваси ҳам фойдаланган экан. Сайдхонлар учун шуларнинг ўзигина бир экзотика эмасми?

Бу йигит ҳали номи унчалик ёйилмаган пайтлардаёқ катта-катта оштовокларга Саид Аҳмад, Эркин Воҳидов, Одил Ёкубов, Незмат Аминов, Ўтқир Ҳошимов, Озод Шарафиддинов, Рауф Парфи, Шавкат Раҳмон, Мухаммад Юсуф, Турсунбой

Адашбоев сингари адиларимиз расмини чизиб юради. Ҳозир музейдаги бундай расмли товоклар сони олтмиштадан ошди. Бундан ташкари, жаҳон ва ўзбек мумтоз адабиёти намояндаларининг шеърлари, темурийлар, бобурийлар, Кўқон хонлари шажараси битилган яна ўнлаб товок ва кўзалар бор. Туман ёшлар иттифоки ташаббуси билан бу ерда кутубхона, устоз-шогирдчилик мактаби очилди.

Хорижлик кезаргонар мўъжизаларга бой юртимизни энди-энди кашф этяпти. Кашф этгандар бошкага юртдошларига ўз хайрату ҳаяжонларини кўпроқ юқтиравериши учун уларга янада кулай шароитлар яратиб бераверишдан толик масак бўлгани.

Тумандаги бир янгиликни эшишиб, “Страус фарм” фермасига бордик. Дарвозадан ўтибоқ, ўзимни бирданига Африкада юргандек хис эта бошладим. Агар, бундан йигирма-ўтгиз йил бурун бирон-бир авлиё башорат килиб, Риштонда тужукшлар пайдо бўлади, деб юборса, уни тентакка чиқаришлари аниқ эди. Мана, дўппи бир айланди-ю, буни энди хамма ўз кўзи билан кўриб турибди.

Тадбиркор Фарангиз Азимова бу соҳага кўл уришдан олдин кўп ўйланди, кўп ўрганди. Охири катъий тўхтамга келди, учта парваришлов ангари, инкубатория корпуси, алоҳида жўжахона, озука тайёрлаш цехи, ем омбори кабиларни курниб, Ўзбекистон – Буюк Британия кўшма корхонасига асос солди. Ўн бешинчи йилда Жанубий Африкадан самолётда бир хафталик жўжалар олиб келиниб, парваришлаш бошланди.

Айни кунларда тужукшлар сони бир юз олтмиш уч бош экан. Шулардан эллик иккитаси уч-беш ёшгача, йигирма бештаси йигирма ойликдан ошганлари, колгани етти ойлик атрофидаги жўжалар. Буларни кўриб, хаёлимда бир мутойиба шарпланди. Булбуллар, кумрилар, беданалар у ёқда колиб, ўзбек шоирлари келгусида тужукшлар ҳакида ҳам ёник-ёник шеърлар тўкий бошласа-я!

– Бу жониворларнинг энг ўзига хос фазилати – очофат эмас, – дейди иш бошқарувчи Ҳусанбой Аҳмаджонов. – Олдига уч баравар кўп озука солсангиз ҳам, факат керагини ейди.

– Булар нима ейди ўзи?

– Цехимизда тайёрланадиган асосий емнинг ярмидан кўпи беда, соя, қолгани макка, буғдой, арпа донлари аралашмасидан иборат. Бундан ташкари, соғликларини яхширок асрари ниятида қизилча, сабзи, шолғом, олма, карам сингари кўшимча озукаларниям бериб борамиз.

Туякуш ўртача етмиши йил умр кўради, кирк беш йил давомида тухум беради, етилганлари бир юз кирк килограммгача тош босади. Халастерин моддаси атиги бир фоиздан сал кўпроқни ташкил этувчи парҳезбоп гўштининг кўриниши ҳам, тъьми ҳам корамолникига яқин, Тошкентдаги айрим ресторонлар доимий мижозга айланниб қолган.

Ушбу жониворнинг кони фойда эканлиги шундаки, гўшт ва тухумидан ташкари, териси, сугти, ёғидан тортиб, тумшуғу пати, тирноғу тухумининг пўчоғигача алоҳида состилади. Айникса, териси юкори кадрга эга бўлиб, кўримлилиги бўйича тимсоҳнидан, пишиклиги бўйича каркидоннидан кейинги ўринда туради. Ошланган терининг бир квадрат метри жаҳон бозорида тўрт юз эллик долларгача баҳоланади.

Озука маҳсулотларини сотиб олиш анча қимматга тушаётгани ишни янада ривожлантиришда асосий тўсик бўлиб келаётганди. Нихоят, бу муаммо ҳам ечимини топиб, бундан буён ўзлари арzon озука етиширишлари учун Марказий Фарғона ерларидан жамоага эллик гектар экинзор ажратилди...

Мухтарам Президентимиз Шавкат Мирзиёев раҳбарлигига ишлаб чиқилган 2017–2021 йилларда Ўзбекистон Республикасини ривожлантиришнинг бешта устувор йўналишлари бўйича Ҳаракатлар стратегияси хужжатини ўзига дастуруламал килиб олган фарғоналиклар вилоят ҳалқ хўжалигининг ҳар бир бўғинида бири биридан улкан юксалишларга эришмоқдалар. Булар орасида ўта омилкор ва беҳад меҳнатсеварлиги билан донг таратган риштонликларнинг ҳам муносаби ўрни бор.

Ёдга тушар умрим парчаси



Ўткир РАҲМАТ

* * *

Кўнгил кўчасида кўклам чиройи,
Гуллаган дараҳтдай сиғмас ўзига.
Шодлиги ногаҳон кетади бойиб,
Бахорга ўхшайди дунё кўзига.

Кўнгил кўчасига ёғиб колар кор,
Кошу киприклар ҳам окка беланар.
Боладай мулойим бокиб беозор,
Таскинлар умрга бориб уланар.

* * *

Кўзимда сувратинг,
Ўзида йўқ дил,
Гўёки абадий олган муҳрлаб.
Шошилиб бирма-бир ўтиб борар йил,
Хаёлим, соғинчим тўхтамас йўллаб.

Корлардан бўшаган тупрок кўпчиди,
Чечаклар жилмаяр ҳайратни кучиб.
Юрагим кутмаган кунга бош кўйди,
Фирокнинг бодасин юрибман ичиб.

Булоқда бир умр тинмайди ғайрат,
Ундан рухланади мавжланиб маъво.
Жодудай сехрлаб сендаги сийрат,
Қалбимни титратган,
Куйлатган наво.

Ўткир РАҲМАТ – 1948 йилда туғилган. Самарқанд давлат университетининг ўзбек тили ва адабиёти факультетини битирган. Шоирнинг “Ирмоқ”, “Соғинч”, “Райхон ҳиди”, “Ой ёғдуси”, “Хаёл ифори”, “Юракдаги қуш”, “Оҳанглар ранги”, “Ўтли рӯҳ” каби ўндан зиёд шеърий тўпламлари нашр этилган.

Шаффоф орзуларни күчоклаб, суюб,
Ойнинг ёғдусида эркалаб ёндим.
Кандайдир илохий меҳрни туйиб,
Ногаҳон, ўзимдан ўзим кувондим.

Киприк қокканчами умр ораси
Ёки бир лаҳзада ялт этган чакмок.
Жунбушга солади ўчмас ноласи,
Тақдирим баҳш этган бир киё бокмок.

Шамоллар ёнимдан ўтар шивирлаб,
Еллинган япроқлар бўяр юзини.
Кунлар ҳам чидолмай, сўзга очмай лаб,
Окшомнинг қўйнига ташлар ўзини.

* * *

Бу оким қаърига олар мени ҳам,
Жимгина узилиб ололмайсан ҳеч.
Гоҳида шодланиб, гоҳи киприк нам,
Кунларинг югурап бўлгунича кеч.

Шундайми, дунёнинг битмас ишлари,
Барига офтобу ой бўлар гувоҳ.
Гул тутган қувончу ғамнинг тишлари,
Умр йўлларида савобу гуноҳ.

Ташвишлар титроғи бермайди ором,
Тинчимас кўксимда ўтли ғалаён.
Талпиниб яшайман сенга дилором,
Шундан таскин топар вужудимда жон.

Бош олиб қайга ҳам борардим, ахир,
Бу дарё шаштлари, барибир, хоким.
Яхшиям, сен билан бутун бу бағир,
Сенчалик умидбахш бўлолмас ҳеч ким.

* * *

Қир-адирни босиб белидан
Илондайин ўрмалайди йўл.
Чанг кўтарган шамол феълидан
Ижирғанмай кетмоқда кўнгил.

Ғам-ғуссалар ортда ҳилвираб
Қолган, энди килолмас эрмак.
Иzlарига етолмас саҷраб,
Эртасидан умидсиз кўлмак.

Узокларда шафак ёлкени,
Куннинг тафти шаштидан тушган.
Самоларда күшлар түлкини
Булутларга гүё туташган.

Бокаверіб синмайди нигох,
Сукунатда очилар шовқин.
Софингчига күшилади гох,
Гох шодликлар бўлади яқин.

* * *

Сени истаб бордим, жуда соғиниб,
Вужудим меҳрдан эди лиммо-лим.
Ўйловдим, соғинч ҳам кутар кувониб,
Қокиниб, юлкиниб чикмади ҳеч ким.

Гүё ҳамма нарса сохта кўғирчок,
Безаниб, ясаниб олгандек сахна.
Вужудим парчалаб ташлар ошпичок,
Қайданам ўргага тушди бу раҳна.

О, ҳатлаб ўтмоқлик нақадар кийин,
Нотаниш нигоҳдек ғалат, бегона.
Шукухли кунларни эслаган сайин
Яшашга чорлайди энди афсона.

* * *

Бошимдан тушмас осмон,
Кўнглимни булат босган.
Ташвиш тиши беомон,
Кайфият ковоқ осган.

Вужудимда уйғоқ шаҳд,
Жилов бермас бедов кун.
Жилмаяди дилда аҳд,
Орзуга етмоқ учун.

Сафаринг қандай тугар,
Борса келарми йўлинг?
Бехаловат, бехатар,
Алдамасми ўнг, сўлинг.

Яширмайин борини
Дала-дашт ёйган сепин.
Бу дунё бозорини
Умрим айланар секин.

Сарҳади йўқ оламнинг
Олди-берди ахволи.
Тинмас саси ноламнинг,
Жавоб топмас саволи.

Пастга тушмайди осмон,
Ер кўтариб хормайди.
Ўз измини хеч качон
Ўзгаларга бермайди.

Борса келар ё келмас,
Бу йўл қисмат, эҳтимол.
Не бўлар тақдир билмас,
Яшайверар бемалол.

Кўхна дуннинг қўйнида
Азалдан қувончу ғам.
Бу ҳаётнинг уйида
Кўришар уни баҳам.

Қадим қўшиқ эски куй
Мослашади ҳар замон.
Мезбон десам, қийнар ўй,
Бунда мен ахир меҳмон.

Кўрганларим бор-йўғи
Қошу қабог экан-да.
Хайрият, рухим чўги
Юрак деган Ватанда.

* * *

Кўнглим эрий бошлар қарошлирингда,
Зулмат йўлларида милтиллар чирок.
Ҳасаднинг отилган тиф тошларида
Ҳали ҳам қадалар
Нимадир, бирок.

Тирналган, қакшаган, йиглаган яра
Зулукка айланниб, симирап фурсат.
Йилт этган умидим ҳамон овора,
Мени ҳам қўллагин,
Ҳаёт, йўл кўрсат!

Ҳасрат тутунидан димиккан нафас
Шаффоҳ ҳаволарни кутиб яшайди.
Орзулад уйғониб қолганда бехос,
Пойига ҳаёлим
Гуллар тўшайди.

Парвозга шайланиб қолар тараддуу,
Намланган киприкдан сизади титроқ.
Бошимгэ энгашган булутлар бехуд,
Күзёши түкишга
Хоҳиши күпрок.

Нега индамайсан, нечун бепарво,
Дарёдай мавжланиб, тинмайсан окиб?
Наҳотки, ўзимни топганумча то
Дунё кенглигиди
Юрсам улокиб?

Шабнамлар бўйнидан кучоклади нур,
Жилвалар жимирилар бағрин тўлдириб.
Балки бу хўрсиниш, балки бу хузур,
Хаёлим банд этар,
Ўйга чўмдириб.

* * *


Эргашгандек бўлар тоғлар ҳам,
Дов-дарахтлар хилвираб колар.
Киприкларим оғушлаган нам,
Ногох, дилга соғинични солар.

Автоларда йўқ эди ором,
Пастга чопиб ўрмаларди йўл.
Кўпприк тутиб пишкирап Дарғом,
Парво килмас унга ўнгу сўл.

Ортда колмай чопар далалар,
Кўринмайди этаги – сўнгги.
Кўнглим топиб, туйгум аллалар,
Топиларми бу онлар тенгти.

Илдамланар мен билан умр,
Фалағовур шахар бошланар.
Нимагадир бўш келмас хузур,
Нимагадир дилим ғашланар.

Хаёлимни кўйвормас, ахир,
Дала-дашту тоғлар барчаси.
Бирдан яйраб кетади бағир,
Ёдга тушар умрим парчаси.



Собир ЖАББОР

Вужудимда гуллар ҳаяжон

Тароват

Булут оҳанг севалаб ўтди
Боғлар узра, далалар узра.
Тоғлар узра қаҳқаха кетди,
Куёш қизик латифа сўзлар.

Покизалик – дарахт, гулларда,
Шаббода кучоклаб олгулик.
Ер хиди уфурган йўлларда
Кўнгил наволарга солгулик.

Кўлмакларни пуфлайди еллар,
Титрар куннинг, булутнинг акси.
Мангуликка чорлайди йўллар,
Мангуликка ўқийсан таҳсин.

Интиқлик

Хали бери уйкум келмайди,
Бўғотлардан томчилар охлар.
Ахволимни билиб-бilmайин
Титрамоқда энтиккан шохлар.

Этак қоқди қаҳратон охир,
Яна тўқкиз кўшмоқчи февраль.
Бор-э, шунча согиндик, ахир,
Кўкламойни тез айтиб юбор.

Собир ЖАББОР – 1955 йилда туғилган. Тошкент давлат университетининг (ҳозирги ЎзМУ) журналистика факультетини битирган. Унинг “Яшаш имкони” шеърий тўплами нашир этилган.

Турналар

Турналар учиб кетаяпти,
Нигоҳим самога талпинар.
Кетмоқдадир офтобнинг тафти
Билан ёниб, яшинаган кунлар.

Учиб кетаяпти турналар,
Қанотида баҳорнинг хиди.
Пастда олча, олма, хурмолар
Баргларининг ачимсик дуди.

Кетмоқдадир турналар учиб,
Кий-чув килар ерда болалар.
Шунда, нигоҳ самодан кўчиб
Болаларга келиб боғланар.

Шафтоли гули

Шафтоли гулин кўриб,
Болари бўлгим келди.
Гулгун чехрали ёрим,
Бағрингда кулгим келди.

Шафтоли гулин кўриб,
Болари бўлгим келди.
Гул, ари топар сурур,
Мен нима қиласай энди?

Шафтоли гулидайин
Бўса тутсанг нимтатир,
Үйғонар дилда майин
Хамир учидан патир.

Кел, сени гуллатайин,
Сувратингта тикилдим.
Шафтоли гулидайин
Тўкилди дил, тўкилди.

Сенсиз

Аллазамон бўлди – сенсизман,
Аллазамон сен чўғ соглан дил.
Сен ўзингни, дединг, тенгсизман,
Булбулини тополдими гул?

Армон ўраб олган беармон,
Кўконсойман – сени изларман.
Эгаликман деганинг ёлғон,
Сенгамас, кадрингта бўзларман.

Кадр надир?
Мехр-мухаббат,
Нилуфардек күзимда қолдинг.
Күз олдымда ўша малоҳат,
Чиркираган сүзимда қолдинг.

Аллазамон бўлди – ёлғизман,
Ўз ёғига қоврилади дил.
Чексиз сахро, сувсиз денгизман,
Сендан кўнгил узолмас кўнгил.

* * *

Бир гап бор булутнинг вазминлигига,
Шамол титраб кўйди, худди бир гап бор.
Бир гап бор оловнинг маҳзунлигига,
Тутаб, ёнолмасдан ўтин бемадор.

Келдинг. Вужудимда гуллар ҳаяжон,
Шаррос ёмғир куйди шамол аралаш.
Дилим – аламазон, сўз – аламазон,
Оловни яшнатди бу яраш-яраш.

ЁЛҒИЗЛИК

Ёлғизлатманг ёлғиз одамни,
Кенг деб билсин ёруғ оламни.
Тенг деб билсин ёруғ оламни,
Ёлғизлатмас одам одамни.

Кенг деб билсин ёруғ оламни,
Нигоҳлари нурдан яшнасин.
Ўн саккиз минг олам аламли
Бандасининг кўзи ёшланса.

Тенг деб билсин ёруғ оламни,
Чечак бўлинг томорқасида.
Унутолсин ёлғизлик фамни,
Мункимасин фам оркасидан.

Ёлғизлатмас одам одамни,
Оқибатда оқил бўлайлик.
Ёлғизлатмас ёлғиз одамни
Яратганга яқин бўлайлик.

ХОДИМЛАР БҮЛИМИ БОШЛИГИ

Усмон АЗИМ

Ҳикоя¹

Бирор ишдан кетса, ишхона деган ғовур-ғувур жойдагилар бирдан адолатли фикрлай бошлайдылар. “Э, бекор бўлди-да!”, деб қолади кимдир кечаги ҳамкасби ҳакида. Ҳамма шу фикрга қўшилади. Бошқа бирор тўғрисида “бори нимаю, йўғи нима” тарика – шунчаки бирорров гапиришиб қўйишади – қайтиб эсга олишмайди. Бошқа бирорвлар эса, тирик афсонага айланади: “Мана шу одам бизда ишлаган” кабилида фаҳр билан эслаб юришади. Ишхонанинг тантанали мажлисларида бу идоранинг накадар аҳамиятли эканлигини кўрсатиб қўйиш учун уларнинг номлари санаб ўтилади.

Умр күз очиб юмганча ўтиб кетар экан.

Ишхонанинг эшигидан кечагина мўлтирабгина кириб келган ёшгина инсон, “ҳа-ёху” деб нафақа ёшига етиб келганини билмай колади. Энди кучга тўлиб, обрў-эътиборга эришдим деганингда, бошлиқнинг “ҳамиша сафимиздасиз”, деган ёлғон гапига чин юракдан ишонгинг келиб, бир даста гулни кўтарганингча, нокулай жилмайиб, негадир ўпканг тўлиб, ишхонангни тарк этасан. Бу жойга энди эрталаблари кечикишдан хавотир олиб, шоша-пиша келмаслигингта негадир ишонмайсан. Ортингта бурилиб қарайсан. Кузатиб чиккан биттга-ярим ҳамкасларинг худди сени курортга жўнатаётгандай ажиб бир хуррамлиқда, юзларида табассум билан “хайр” деб қўл силтаб кўйишиди. Сен энди ўзингни тутиб туролмайсан. Ичингдан бостириб келган хўрсиник кўксингни бир кўтариб ташлайди, кўзларинг намланаиди. Назарингда, хеч кимга керак эмасдай бўлиб қолган умрингнинг қолганини кўтариб, номаълумлик сари юрасан. Бу дунёдаги бажарадиган ишингни бажариб, ишлаганингни ишлаб бўлдинг. Энди... У ёгини ўйлагинг келмайди. Шунда миянгнинг пинҳон қатида яшириниб ётган, сени асрашга бел боғлаган бир туйгу не-не тасаллилар билан бу аҳволингта пешвоз чиқади. Қайсиdir бир донишманднинг каердадир эшитганингми-ей, ўқиганингми-ей бир гапи “чарс” этиб эсингта тушади. Унинг айтишича, “одам зоти умринг охиригача ўзининг ишини бажаришда давом этар” экан. Аммо канака иш? Иш ишхонада колиб кетмайдими?

Ходимлар бўлими бошлиги Муяссар Қодировнанинг нафақага чиқиши ҳақидаги гап аллақайдан учиб келиб, коридору хоналарда хира пашибадай айланниб колганда, ишхона ҳамжиҳатлик билан бу гапга ишонмади. Ким кетади? Муяссар Қодировна? Кўйсангиз-чи! Одам ишонадиган гапни айтинг, биродар! Осмон ўйилиб тушади, денг, “хўп” дейин! Йигирма биринчи декабрда, майялар айтганидек, охират

¹ Охирги кисм. Башланиши ўтган сонларда.

күпади дәңг, жим турай! Водийлик ишбілармон Миррихда помидор-бодринг сотиб ўтирганлигини америқолик олимлар телескопда күришибди, десандын ҳам ишонаверай!.. Аммо Мұяссар Қодировна!..

Бу гапни айттан одам бир кадар мулзамлиқда қолади. Негадир үзини оқлагансимон гапира бошлайды. Мен үзим ҳам ишонмайман-ку-я! Энди... эшиттанимни айтаяпманда! Тешік күлок! Одамлар ҳам гап деб бир балоларни чайнаң юришади-ей!..

Шодмонбеков эса одатдагидай бу гапнинг довругини достон килади. Эмишки, майяларнинг хисоб-китобича, бутун ёруғ дунёнинг тақдири Мұяссар Қодировнанинг нафакаға чикиш-чиқмаслығы билан чамбарчарс боғлик – агар у йигирма иккінчи декабрда ишдан кетса, дунё коронги даврдан бир қалқиб, сонсаноксиз күш порлаб турган ёруғ замонлар даврига үтади; нафакаға чикмаса, инсоният зулмат ичиде мунғайиб, чүчиб, күнгли хуфтон бўлиб яшайверар экан. Ҳозирги эра неча минг йиллардан бўён Мұяссар Қодировнанинг эраси, уни тугатиш қачонлардир ўлиб кетган дами ўтқир майяларнинг қўлидан келмаса, болаларининг эмас, бошликларининг суратларини хоналари деворига осиб қўядиган ҳозирги раҳбарчаларнинг қўлидан келмас экан... Афсусланадиган жойи шундаким, бу шовур-шувурлару ўринсиз ҳазиллар Мұяссар Қодировнанинг кулоғига етиб бормайди. У бир томону, бутун ишхона бир томон! Ишхона Мұяссар Қодировнага сир бермасликка ҳаракат килади. Чунки тартиб-интизомни пинҳона бузишлар; ишдан кечикиб келингандаги ёлғон бичиб-тўкишлар; ишни кўйиб, коридору фойеда гап сотишлар; чекиш баҳона ишхона олдидаги бир парча боғда сайру томошалар; сохта касаллик варакалари... – барча-барча найрангу фитналарни у аямасдан фош қилган. Юзу кўзинг деб ўтирган! “Мана мен” деб керилгандар маошини тўлиқ ололмай, ғазнанинг олдида мўлтираб қолган! У билан ўрлашгандарнинг қанчаси ҳайфсан олганини ўқигач, “Эълонлар тахтаси” ёнида ранги оқариб, кўкрагини чангallаганча, лолу караҳтиклиқда котмаган дейсиз! Ишдан хайдалгандар-чи! Каттаматта одамлар ишхона эшигидан кон йиглаб чикиб кетганлар! Унга қасдма-қасд нафакаға кетиши учун ариза ёзган Олим Жўраевич дегани зўрикканидан кон босими ошиб, уйига етар-етмас, тилидан колиб, йиқилиб тушмадими? Тушди! Окибат, бир ҳафта ўтар-ўтмас, у дунёга бенавбат йўл олди! Йўқ, Мұяссар Қодировна билан тортишиб бўлмайди! Ахрор Валиевич деган бир бошлиқ унга беписанд караб, нима кунларга тушмади! Ван Гунг деган телба гумаштаси билан санки рассомларга кўшилиб кетди. Тунов кун ўрисларнинг телевизори Прансиядаги бир шаҳардан шу тўнкани кўрсатиб қолди. Елкасига тушган сочини от думи килиб боғлаб олиди. Соколи ўсан. Аллабалоларни алжияпти. Бўёқ чалпиб ташланган аллақандай расмни кўрсатиб, “баҳтлиман” дейдими-ей! Хуллас, дунёни бузишга қасд этганларнинг бетартиб сафига кўшилгани аниқ. Агар Мұяссар Қодировна Прансия бўлганида, бу баттолнинг елкасига тушган сочини кестириб, беш-үн йилгинага Ўрисиянинг Сибирига меҳмонга жўнатарди! Минг таассуфким, Мұяссар Қодировнага ҳатто биттагина одамни ўша совук жойларга жўнатиш хукуки берилмаган. Дунё эса тартибсизликдан куляй-куляй деб турибди! Тартибсизликни дастурламал билган бу дунё ҳали кўрганини кўради! Мұяссар Қодировналарни кўп эслайди!

Аммо “ўт бўлмаса, тутун қаердан чиқади?” деган гап бу гал ҳақрост чиқди. Мұяссар Қодировнани ҳам ғафлат босдими, ёхуд майялар каромат килганидай, давру-давронининг куни битганмиди, уни чакиришиб, “шундай фикр бор” лигини айтишганда, ичидан бир силкиниб кўзғалган доду фарёд бўғзига тиқилган бўлса ҳам, үзини босди. Индамайгина ариза ёзди. Чунки “шундай фикр” пайдо бўлгандан кейин, қаршиликнинг фойдаси йўклигини у жуда яхши билади. Бу мулоҳаза ин-

сониятни рамкада ушлаб турадиган улкан тартиб-интизомнинг муҳокамадан озод темир конуни эканлигини ҳам тушунади.

Ишхона негадир у билан мулозаматсиз хайрлаши. Ҳатто уч-тўрт кишини чакириб, номига йиғин ҳам қилинмади, ими-жимида жўнатиб юборишиди. Муяссар Қодировна ўрнига келган ёшгина кизга ишни топширди-да, бошини мағрур кўтариб, ишхонадан чикиб кетди. Ҳеч ким кузатгани ҳам йўқ. Ишхона негадир хоналарга бекиниб олди. У кетаётганда коридорлар бўйм-бўш эди.

Муяссар Қодировна шаҳар четидаги кўпқаватли иморатнинг пастки қаватида – бир хонали хонадонда яккаю ёлғиз яшайди. Фарзанди йўқ, эр ҳам килмаган. Унинг ҳар лаҳзада кўриниш бериб турадиган темир иродали феъли эркакларга ёкмаган. Эрликка номзодлар бир-икки кўриниш берганларидан кейин ғойиб бўлганлар. Ўзини негадир “Муяссар Қодировна” деб таништирган бу кизнинг телесухандонлардай сўзни чертиб-чертиб гапириши-ю, раҳбарларга хос бўйрукнамо оҳангি эркакларни чўчитган. Натижада эрликка номзодлар ошиклик макомига кўтарилимасдан, жуфтакни ростлаганлар. Аммо бу қиска давр ичида улар дунёнинг тораяётганини ҳам, осмоннинг пасаяётганини ҳам, руҳларини аллақандай маҳобатли кудрат босиб, беҳаракатлик маҳкам тутиб бораётганини ҳам хис этиб ултурганлар. Бу кизнинг атрофида гўё ҳаво йўқдай эди. Эрликка номзодлар кочиб колганларидан сўнг, ойлаб-йиллаб нафасларини ростлаш билан овора бўлганлар ва анчагача аёл зотига караэлмай юрганлар.

Муяссар Қодировна эса ўзини ишга бағишилади. “Кўз-кулоклик” вазифасига жон-жаҳди билан амал қиласди. Иш учун ўзини ҳам, бирорларни ҳам аямади. Эрга тегиб олмаган лаззатларни ишдан – вазифасини аъло бажаришдан топди...

Аммо

энди

бир хонали бу уйда

ёлғиз ўзи

нима қиласди?

Нима қиласди, роҳат-фароғатда кун кечирали! Идорани тартибга соламан, деб ишдан чикқан асабларига дам беради. Худога шукр, овунаман деса, юмуш кўп; саёҳат этаман деса – бутун дунё кўл чўзгулик жойда! Ана, теле... Йўқ, нима эди? Тилинг кесилгур Шодмонбеков нима дер эди? “Ойнан жаҳон!..” Адо бўлтур шу гапни тўғри айтган! Керак бўлса, ойнаи жаҳон, ана, қаршингда! Телеочкичнинг истаган мурватини боссанг, хоҳлаган жойиннга саёҳат қиласан; кўшикчилар минг муқом этиб, ашула айтиб беради; истаган машҳур одаминг ҳаётини авра-астарини қолдирмай хикоя қиласди – отаси асли ким, энаси ким билан юрган, кўкидан канча тўлаб, башарасини операция қилдирган, эри билан нимага яшамайди, ким билан яшашни орзу қиласди... Бу гаплар кулоғингнинг китиғини келтиrsa ҳам, зерикмайсан! Уялигина бўлса ҳам томоша қиласан! Айниқса, сериаллар! Бу каналда тугасдан бунисида “опажон, бизни ҳам томоша қилинг!” деб турибди.

Муяссар Қодировна шундай қиласди! Аммо томошибинлик ҳам осон иш эмас экан. У аввал ордона қолгур ишхона билан бўлиб, ойнаи жаҳонни томоша қилишдан чиқиб қолганига икрор бўлди. Бу кинони кўраман десанг, буниси ўтиб кетади, бу сериални бошласанг, униси бошланиб қолади... Улгуроммайсан! Муяссар Қодировна, албатта, бундай тартибсизликка бепарво қараб турмади. Бир ой ичida масалани жиддий ўрганиб чикқач, зарур чоралар кўриш учун харакатга тушди. Аввал газета киоскига... Йўқ, нима эди? Тилингта терскан чиқкур Шодмонбеков

нима дер эди? Ҳа, “күшк”! Хуллас, газета күшкига бориб, энг мукаммал теледастурлар эълон килинадиган газетани сотиб олди. Уларни эринмай ўрганиб чиқди. Ўзи учун керакли кўрсатувларни бир бошдан белгилаб олди. Кечкурун бериладиган кўрсатувлар эртага – кундузи қайтарилишини ҳам фаҳмлади. Демак, кечкурун кўришнинг имкони бўлмаган киноларни ёки кўрсатувларни эртага кўрса бўлади. Уларни ҳам бирма-бир белгилади... Хуллас, ҳафталик яшаш дастури тайёр! Муяссар Қодировна ҳаёти тамоман ўзгарди. У энди уй ичидаги бемалол юрмас, вақти телевизорнинг ҳукмидаги – реклама пайтлари югуриб бориб, чой кўяр ёки овқат учун пиёз арчар; дўконга чопкиллаб бориб, чопкиллаб келар; йўл-йўлакай учраган таниши-билишларига салом берса ҳам, сўрашиши омонат этиб, зинғиллаганча уйига ўтиб кетаверади. Кўни-кўшнию, кариндош-уругларнинг тўй-маъракаларига боришидан ҳам зигирча маъни топмайди. Кўпинча бормай кўя колади. Мабодо борса ҳам, хуноби хун бўлиб ўтиради. Безовталика чулғаниб, очарчи нима деб вайсаётганини, отарчи нима деб бакираётганини эшийтмай, қовогини уйганча, тўрсайиб олади – ундан тарқалаётган диккинафаслик атрофни шу кадар тутадики, дастурхон атрофидагилар караҳт аҳволга тушади. Бечоралар бу нокулайлик қаердан келаётганини тушунмайди, у ёқ-бу ёқка зимдан назар ташлашади; кулиши нари турсин, ҳатто баландроқ гапиремокка ҳам журъат этишмайди. Муяссар Қодировнанинг улар билан нима иши бор! Ахир, “Сени кўрмасам, ўламан” сериалининг бир юз иккинчи қисми ўтиб кетаяпти! Ўн дакиқадан кейин “Сен менинг ҳаётимсан”нинг ўн бешинчиси бошланади. Ахир, тел... йўғ-е, “ойнаи жаҳон” бекорга бу киноларни кўрсатмаётгандир! Одамлар кўрсин дейишгандир ахир! Булар эса ҳаммани овора килишияпти! Йиғилиб, овқатни паккос тусиришдан мурод нима?..

Муяссар Қодировна ўрнидан нохос забт кўзгалиб, ҳеч кимга эътибор бермай, жиддий қиёфада ташқарига равона бўлади. Унинг бу кетишидан шундай важоҳатли куч тараладики, тўй эгалари “э, ўтирангиз бўларди”, қабилидаги манзират сўзларини ҳам айтольмай, ортидан хайрон караб коладилар.

Дастурхон атрофидан эса бирдан диккинафаслик кўтарилади – аллакандай енгиллик оралаб қолади. Мехмонлар эркин нафас олиб, бир-бирларига кулибигина қарайдилар, бироқ ҳалиги диккинафаслик қаердан келди-ю, қаерга кетганини тасаввур ҳам қила олишмайди. Бу ҳол бирпасда унтилади – “олинг-олинг” бошланади, кизишган жувонлар “қарсо-қарси”га ракс тушади, ҳатто кампирлар ҳам кўшилади; эркакларга ҳам журъат кайтади – дунёни бошига кўтариб айноҳанинос солаётгандан отарчи мусикани енгишга уринганча, бор овозда кучаниб, сухбатлашмокчи бўлишади. Аммо бу шовқинга бас келолмай, иложисиз қолишгач, яхшиси, қадаҳларни тўлдиришини маъкул билишади. Муяссар Қодировна бирпасда эсдан чикади.

Одамлар шунака! Ҳамма нарсани бирпасда эсдан чикаришади. Хотиранинг мазаси йўқ! Кун ўтса бўлди! Кеча нима бўлган эди, эртага нима кечади? Ўйлаб ўтиришмайди. Ҳатто бу аёлдан бошланиб, дунёга тараалаётган, ўзларини хозиригина хайиктириб турган бу Кучни ҳам бирпасда унтишади!

Муяссар Қодировна эса бу пайт ҳаллослаганча етиб борган, эшикхонани шиддат билан очиб, ичкари кираётгандан бўлади. Лекин у эшикни канча шиддат билан очган бўлса, шунчалик авайлаб ёпади. Гап шундаки, эшикка пружина ўрнатилган. Пружинанинг бир уни эшикка маҳкамланган бўлса, иккинчи уни кесакига михланган. Агар авайлаб ёпмасангиз, тараклаб кетади. Бу мослама тартибини яхши кўрадиган Муяссар Қодировнанинг ташаббуси билан амалга оширилди. У парвойи фалак кўшниларини йиғиб, агар пружина кўйилса, эшик анқайиб ётмаслигини, эшикхона ёт кўзлар назаридан холи бўлишини, уйнинг эгалик эканлиги билиниб туришини

уқдири. Тушунмаганларга қайта-қайта тушунтири. Ахир, эшик энг мухим нарса! Очик эшик – эгасиз кўча! Пружина кўйилса, истасанг-истамасант, ёпилади-колади. Бунинг устига, тартиб-интизом бўлади. Санкиб юрган яхши-ёмон искаланиб, бош сукмайди. Тартибсизлиқдан Худо асрасин!

Шахсан ўзи бош бўлиб, харажатга пул йиғдирган. Доим кайф қилиб юрадиган бешинчи қаватдаги қўшиниси уста Аҳмадни “Висол” деган пивохонадан шахсан то-пиб келиб, пружинани ўрнаттирган. Иш битгунча бошида какқайиб турган. Бу ҳам ўша ишхонадаги Ван Гунгнинг... Йўғ-э... номинг ўчгурнинг исми нима эди?.. Ҳа, ўшанинг бири – бетартиб. Арокнинг исини олса, Алломишининг чохидан ҳам “пир” этиб учеб чиқади! Опа мана шундай неча-неча пишиқдан-пишиқ ўйларни бошидан ўтказиб, коккан қозиқдай қатъийлик билан бир кадам нари жилмаган. “Опа, бора-веринг, ўзим ўрнатаман”, деганига кулоқ солмаган. Устанинг кўз олдида эса пиво! Сап-сарик, кўпирниб турган оромижон! Эндинга бир хўплаганда, бу балойи қазо етиб келганини қаранг! Аммо уста “миқ” этмаган. Бир ишга, бир “опа”га караб – пешонасига тўппонча тираганини кўриб турган асир каби ишлайверган, ишлайверган, ишлайверган... Унинг назарида, ойлар, йиллар, асрлар ўтиб кетган! Аммо бу опа вақтнинг ўтганини сезармиди? Башарасидан заҳар тўкиб, унга тикилганча тураверган, тураверган, тураверган... Не-не оғир ишларни ўйнаб-кулиб бажарадиган уста Аҳмад терлаб-пишиб кетган.

– Опа... – деб гап бошлаган у яна, ҳеч кимдан сўрамай, ишбошқарувчилик масъ-улиятини зиммасига олган бу аёлга Худодан инсоф тираб.

– Мен опа эмасман! – деган опа, унга инсоф-пинсоф керакмаслигини муз уфурган оҳангда оламга ошкор айлаб. – Муяссар Қодировнаман!..

Уста жунжикиб кетган.

– Ўйингизга кириб ўтираверинг, дейман-да... – деган бўшашибгина. – Дам ол-и-иб... Битқазсам, ўзим айтиб чикаман...

– Ташибишимни килманд. Мен ишдан қочмайман! – деган Муяссар Қодировна. Сўнг Муқбил тоштарнинг каттагина “тош”ини қайси бир замонлардан топиб, унинг нақ бетига аямай отган: – одамлардай ишни ташлаб, пивохонага қочишни ўйлаётганим йўқ.

Шунда уста бу хотин ўйлаётган ўйидан ҳам хабардорлигини, шунчаки бошида гунг қарғадай дўнмаганлигини, балки бу дунё унга топширган мухимдан ҳам мухимроқ постда аллақандай яширин вазифани сидқидилдан адо этаётганинги бутун вужуди билан ҳис қилган. Муяссар Қодировна ҳақиқатдан ҳам ўз постида – бечора Аҳмадни катъий назорат остига олмаса, дунёнинг иши битмаслигини чукур англаган холда, кўнглидан не-не ўй-хаёллар кечиб, сабр-токат билан турган. Ахир бу дунё ҳам мана шу уста Аҳмаднинг худди ўзи! Одамларини қаттиқ тутмасант нималар килишмайди! Бири пивохонага чопади, бири бозорга, яна бири чойхонани маскан этса, бири ўйнашиникига!.. Баъзилар эса анақа... Ван Гунгга (бўйининг сингурнинг исми нима эди!) ўхшаб, расм чизади... Уларнинг бу юришида дунёнинг юмушини ким бажаради? Деворлар идраб, эшигу дарвозалар ланг очилиб кетади-ку! Очик эшикда сиру асрор қоладими? Ахир казо-казо мартабаю мансабларнинг, не-не идоралару маҳкамаларнинг обрўйи, одамларни хуркитадиган савлати эшикларининг маҳкамалигидан-ку! Келган одам эшик олдида озгина тўхтаб, у ёқ-бу ёқка карасин, ўпкасини босиб олсин, шавкату сулукатни кўрсин, юрагига салгина ҳадик тушсин! Юрагида ҳадиги йўқ одам, ахир, хатарли! У ҳеч нарсадан қайтмайди! Агар бундай кетаверса, Шодмонбековга ўхшаганлар идораларнинг теграсидан панжараларни ҳам олиб ташлашни талаб этишади!

– Уф-э!.. – деган уста Ахмад сүнгти бурама михни ўрнатиб бўлгач, пешонасининг терини кир кўли билан артиб. – Кутулдимми, оп... Муяссар Қодировна!

У яна “опа” деб юбормаганидан хурсанд, Муяссар Қодировнага караб илжайган.

– Уста Ахмад, – деган жаҳддан энтикиб Муяссар Қодировна. – Қамоқхона эмасман, мендан кутулгани. Мен...

Шу пайт йўлакда учинчи қаватдаги Зулхумор лайлак пайдо бўлган. Кўлида се-лофан халта! Ичиди муштдайгина алламбало – келяпти хиргойи килиб! Бармоғини қирсиллатиб ҳам кўяди. Бу ёруғ оламда бир ўзи яшатгандай! Унга катта-кичик-нинг фарки йўқ. Дунё тўтиғига чиқмайди! Устида ҳемирилик кўйлак, оёғида артилса, ойда-йилда бир артиладиган арzon хитойи тапичка, сочи тараалмаган, юзида баҳтиёр табассум – кунгабокарнинг пўчоғини атрофга бетўхтов пуфлаб, ялло килиб келяпти!.. О, бу хотин! Худо одамни ҳам шундай яратадими? Бирор танишининг кораси бир чакирим нарида кўринса ҳам, овозини борича бакириб, салом беради, учинчи қаватдаги уйининг деразасидан, карши уйининг балконидаги кўшнилар билан сўрашади; ҳар соатда “дом”ларнинг ортидаги бозорчага бориб келгани келган. Ҳеч қачон иккита нарса олмайди. Битта-битталаб ташиди: бир чиққанда нон, яна бир чиқишида пиёз, яна бир чиққанида туз... Улар ҳам оз-озгинадан – кўпроқ олсан, кўчага чиқолмай қоламан, деб ваҳимага тушса керак.

– Муяссар опа! – деб олислан бакирган Зулхумор лайлак. – Ассалому алайкум!

– Секин, Зулхумор, секин, – деган Муяссар опа.

Лайлак парво ҳам килмаган. У гап сочадиган мошинадай, йўл-йўлакай теваракка гап тараб келаверган.

– Айтганингизни бажармай қўймайсиз, опа! – Муяссар Қодировнанинг катъиятидан баҳт топгандай, унинг башараси бир товок табассумга айланган. – Уста Ахмад ҳам кўлга тушибди-да! Ассалому алайкум, Ахмаджон! Кўлга тушдингизми? О, бу киши сизга Поти анқовингиз эмас! Алдаб бўпсиз! Пивоҳонанинг тагида бўлсангиз ҳам, томида бўлсангиз ҳам, топиб келадилар! Аммо Потингиз тилло хотин – сизга чидайди...

Уста ичига оғриқ киргандай афтини бужмайтирган. Опанинг қаҳри келиб, илон монанд заҳри келиб, тўлғониб кетган. Аммо Зулхуморнинг парвойи фалак – доим тўлиб-тошиб турадиган гап халтасидан вайсашни тўрт тарафга сочиб келаверган.

– Вой, пружина ҳам ўрнатдиларингми? Ҳалтура қилмадингизми, Ахмад? Сиз ба-жарган ишни уч кундан кейин бошқа устага қайта қилдирадик... Лекин яхши бўлти! Каллангиз ишлайди, опа! Қойил! Овора бўлғанларингта яраша ўзи ишлайдими?..

“Бу жойда мендан бошқалар ҳам бор”, деб ўй-хаёлига ҳам келтирмайдиган Зулхумор эшикни зарб билан ланг очган-да, кўйиб юборган. Таранг тортилган пружина эшикни палаҳса тошдай учирив, кесакига бор бўйича қарсиллатиб урган. Ноҳос “та-а-ак” этган овоздан Муяссар Қодировна чўчиб тушган, юзи бир бужмайиб, ёқасига “түф-түф”лаган. Уста Ахмаднинг пешонаси эса тиришган.

– Аммо бизнинг хизмат битди! – деган у ҳозир машмаша бўлишини аниқ се-зиз. – Кетдим. Ишим кўп.

У пивоҳонанинг олдида озодлик зорикиб кутаётганини бутун вужуди билан тууб, канот қокмасдан ўша тарафга учган.

– Аммо зўр бўлти! – деган гапни автомат ўқидай сочаркан, устанинг кетишига зарра ҳам парво этмай Зулхумор. – Пушканинг... Нима эди, отинг ўчгур... Ҳа, зам-билинг... Йўғ-е, замбаракнинг ўзи бўлти!

– Зулхумор... – деган опа.

– Эшикмисан, эшик! Қарсиллатиб очиб-ёпаверамиз!

– Зулхумор!..

– Ҳа, опа!..

Аёл Муяссар Қодировнага караган. Караган-у... унинг юзидағи ифодани кўргач, гапи миљтикнинг стволига тикилиб қолган ўқдек бўғзида тўхтаб қолган. Осмон ўйилиб тушган бўлса керак, деб ўйлаган. Ва бу ишда ўзининг ҳам катта айби борлигини бирдан англаған.

– Нима қилдим, опа?.. – деган у нихоят, бўшашиб. – Нима қилдим?

Опа ҳатто ўзининг айбини ҳам сезмайдиган бу хотиндан кўз узмай, ингичка лаблари қаҳрдан янада ингичкалашиб, минг ғазабли афсусда бош чайқаган:

– Бу кишимнинг орзусини қаранг! Эшикни қарсиллатиб очиб-ёпармиш!.. Бу дунёда маданият бор, Зулхумор! Тартиб бор! Тушундингми?

Зулхумор Лайлак тушунмаган.

– Қандай ёпай, опа? – ҳайрон колган у. – Очсан, ўзи карсиллаб ёпилиб кетяптику. Мана...

У яна эшикни бир тортиб очган-да, кўйиб юборган. Таранг пружина эшикни яна карсиллатиб, кесакига урган.

Опа энди чидаб туролмаган.

– Бефаросат! – деган опа ва бу сўз шу лахзада заррача ҳакорат эмаслигини, балки бу аёлнинг феълу атворига куйиб кўйгандай ярашганини шундок ҳис қилган.

– Вой, опа, менда нима айб? – Лайлак парво ҳам этмаган. – Бу эшикка пружина ўрнатганинг фаросати бўлмаса, мен гуноҳкорми? Уста Ахмадни сўкинг! Шундай юмшоққина эшикни эшикхонанинг бетига карсиллатиб соладиган килиб кўйибди! Эшикмас, шапалок! Мана, қаранг, ўзидан ўзи!..

Зулхумор яна эшикка кўл узатган. Ҳозир гумбурлаб ёпиладиган эшик, дунёни остин-устун этадигандай, опа унинг билагидан илдам тутган.

– Бас қил-3!

Муяссар Қодировнанинг овози шундай катъий жаранглаганки, Зулхумор Лайлак караҳтланиб, тутилиб, таъбиридан адашган. Ҳа, ҳаётида биринчи бор гапиришга тили айланмаган! У бу аёлнинг овозидан кимлардандир элас-элас эшийтгани қандайдир кўркинчли вокеларнинг шарпасиними-ей, аллакачон ўтиб кетган, энди эртакнамо түюладиган даҳшатли замонларнинг ҳавода колган аллакандай курдати эпкининими-ей аниқ туйган – бадани жимирилаб, хавотир аралаш ҳайронликда опага чўчиб қараган. Чунки бу қурдатнинг эпкини шу аёлдан тараалаётганини, эҳтиёт бўлмаса, бу эпкин беаёв гирдобга айланниб, қаърига тортиб кетишини ҳам дафъатан сезиб улгурган! Негадир кўзига опа ҳам хеч кимга сир бермай, писиб ётган, аммо пайти етса, бир ҳамла билан дунёни эзиб-эзгилаб ташлайдиган улкан йирткичга ўхшаб кўринган.

Зулхумор хўнграб йиглаб юборган.

– Нима қилдим? – деган у йиги аралаш. – Нима қилдим? Бундай ёмон қараманг, опажон! Шу курмагур эшик очик турса ҳам бало урмас эди. Пружинага бало борми? Ҳамма жойнинг эшигини ёпиб ташлайпмиз! Очик эшик қолмади...

У бирдан яна хато гапирайтганини Муяссар Қодировнанинг юзидағи жиддийлик нихоятда куюклашганидан фахмлаган.

– Узр, опажон!.. – деган ёшли кўзларини мўлтиратиб. – Узр. Доим бир балоларни валидираф юбораман. Бувим “сен тилингдан топасан”, деганлар. Ҳакиқатан ҳам... Айтинг, қандай ёпай, опажон?

Муяссар Қодировнанинг лабларига табассум юргурган.

Эшикнинг қандай очиб-ёпилишини аллакандай йўрикномадан аллакачон ўқиб, ёдлаб олгандай, илмини намойиш эта бошлаган.

— Мана бундай ушлайсан-да, секин тортиб...

Шу пайт тепа қаватдан тушиб келётган Фотима зинада пайдо бўлган. У эшикхонанинг нимқоронғилигида аёлларга арвоҳ монанд кўриниб кетган. Эшикни очиб-ёпиши машқ қилаётгандар чўчиб тушганлар.

Воҳ, бу хотиннинг бешарпа юриши! “Қилт” этган сас чикармайди! Доим рўбарўнгта якин келганда кўрасан! Ерга караб, салом беради-да, бошини кўтармай, ўтиб кетаверади. Ҳеч кимга эътибор бермайди. Гўё ичидаги кимдир бор. Ўшанинг айттанини бажаради. Ўшанинг айттанини эшикмасдан қолмай, деб ўйлаганиданми, ҳамиша жимгина юради. Авваллари узун сочи бўлар эди. Ичидаги одамдан шошилинич буйруқ келганми, бир кун кутилмагандага калтагина сочда кўриниш берган. Кўшни хотинларнинг гап кўзғаб, “очилибсиз”, “ярашибди” деган гапларига эгган бошини кўтармай, “раҳмат” деган-да, ўтиб кетаверган. Яна бир кун атрофдаги “дом”дагиларни лолу ҳайрон қолдирганча хижобга ўраниб чиқкан. Барча лолу қарахтиклида қолган. Муяссар Қодировнадан бошқа аҳли аёл қўлини кўксига кўйиб, салом берган. Аммо Фотима ердан кўзини узмасдан, пичирлабгина саломлашган-да, ўйлидан колмаган. Аёллар унинг бу кўринишини муҳокама этиб, бирор карорга келмасдан, у яна ўзгарган. Барқ уриб елкасига сочилган соchlарини хилпиллатганча, тиззасини ёпиб-ёпмайдиган кўйлакда эшикхонадан чиқкан. Дунё билан иши йўқ, кўзини ерга тикиб, овози ўчирилган телевизордай товуш чикармай, қайгадир шошилибгина илдам кетган. Бу аёл гўё бу дунёнинг ўткинчи дўконида ўзига мос либосни танлаб, ёкмагач, ечиб кўяётгандай; ўзига турфа киёфаларни тинмай танлаётгандай – ичидаги одамнинг йўриғига биноан нималарнидир тинмай излаётгандай... Бу изланишларнинг кўшнилар кўзидан пинҳон ботинида эса барчага ноаён, фақат унгагина аник кўриниб турадиган нимадир бордай эди. Аммо Фотиманинг ҳар қандай киёфасида ҳам кўшнилар бу аёлга ботиниб ҳазил-хузил килишолмас, аксинча, иззат-хурматини жойига кўйишарди. Тўртингчи қаватда яшовчи олим Раҳимжонов эса, ниҳоятда жиддий тарзда: “Бу жувонда гап кўп. У ўзини излайпти”, деган.

Мана, ҳозир ҳам у ўша бесас, тезкор юришида зинадан тушиб келяпти.

— Вой! Юришингиз қурмасин, Поти, — деган Зулхумор. — Одамни ўтакасини ёрай дедингиз-а! — Ва одатича, ҳозиргина кўзёш килиб турганини унутиб, машгулотларининг маъносини тушунтира кетган. — Қарант, Поти, эшикка пружина кўйдирилди. Уста Аҳмадингизни опам пивохонадан топиб, кўл-оёғини занжирлагандай олиб келиб, ўрнаттириди. Энди эшикни қандай очиб-ёпиш кераклигини ўргатаятилар.

Фотима бир зум тўхтаб, бу гаплар унга алокаси йўқдай, бошини ҳам қилиб эшигтан-да, индамайгина уларнинг олдидан ўтиб кетмоқчи бўлган.

— Шошманг, Поти, — деган эшик очиб-ёпишнинг накадар мухим иш эканлигини энди чуқур англаб етган Зулхумор жон кўйдириб. — Сиз ҳам кўринг. Опа, кўрсатинг, Поти ҳам билсин!..

Фотиманинг юзида ҳеч қандай ўзгариш заҳир бўлмай, тўхтаган.

Фотимадан кўз узмай турган Муяссар Қодировна унинг бирорвлар ташаббу-су меҳнатини кадрламай ўтиб кетишидан кўнгли оғринганини сездирмай, ўзига ярашиқ викор билан эшикни қандай очиб-ёплишини намойиш этишга киришган.

— Эшикни бундай ушлайсан-да, пружинанинг тортишига караб куч ишлати-и-иб, очасан. Ташкарига чикиб олганингдан кейин, кўйиб юбормасдан, аста-а ёпиб кўясан...

Опанинг гапи тугамасданоқ, Фотима “тушундим” дегандай бош иргаб, шарпасиз бурилганда, индамай кетаверган. Муяссар Қодировна тушунтириш ишларини тамом унтутиб, ортидан қаҳр-ғазаб билан караб қолган. Ҳатто юzlари кизариб кетган.

— Бироннинг гапини гап демайди-я! — деган у ўрганиб. — Ахир, одобнинг ҳам тартиби бор. Икки бирдай одам гап уқтириб туриди-ю, арвоҳга ўҳшаб ўтиб кета-верадими?

— Аммо лекин... — Зулхумор хозиргина кандай ахволга тушганини бирдан эсидан чиқариб, Фотиманинг тарафини олган: — Шу Поти зўр одам экан. Билмас эканман, опа! Елка қисиб юрганини кўриб, саҳронинг хаси, чумчукнинг саси, деб юрибман. Йўқ, бу Поти мусича бошқача экан! Бир ойча аввал телевизорни кўйсам, мусичайи беозор телевизорни шундай тўлдириб туриби! Галстук таққан учта дуппа-дуруст одам таърифини қилди, таърифини қилди — достон килиб юборди. Бир хорижлик одам “Фотима Эшмуродовадай одамлар кўпайса, дунё яна ҳам меҳру муҳаббатли бўлар эди”, деди. Эмишки, у кишим бирбало жонғармасининг...

— Нима? Жонғарма? Жонғармаси ҳам чиқдими? — деган опа фифони фалакка чикиб.

Фифони чиқмай бўладими! Ахир, бинойидай ўрисча ёзib юрилган эди! Бироннинг хотини талок бўлаётгани йўқ эди! У ўрисча иш қоғозларни минг бир азобда ўзлаштириб, далолатномани ҳам, мажлис қарорини ҳам, буйруклару маълумотномаларни бирпаста койилмаком килиб ёзив ташлайдиган бўлганда, бу адо бўлгурлар ўзбекча ёзишини расм килиши! Давлат тили дейишдими-еъ!.. Муяссар Кодировнага канчалар азоб беришиди!..

— Ҳа, шунакаси бор экан, опа! Шунакаси чиқибди! Анақа... Ҳа, “хайрия жонғармаси” дейишди.

Опа Зулхуморнинг нима деётганини энди фаҳмлаган:

— “Фонд” дейишгандир, Зулхумор! “Хайрия фонди” дейишган.

— Ўз кулогим билан эшитдим, опажон! “Жонғарма” дейишди!

— Тилларига кокилиб ўлгурлар кайдан топишади бу сўзларни!.. Аммо у Художинингни олгурларнинг шу сўзини эшитганиман... “Жонғарма” эмас... Тилимнинг учida туриди-я... — Муяссар Кодировна бу сўз тепада учеб юргандай, диккинафаслик билан осмонга қараб турган ва ушлашга қийнала-қийнала, охири тилига кўндирган: — “Жамғарма!..” “Жамғарма! Хайрия жамғармаси!..”

— Хуллас, опажон, Поти шу хайриянинг аъзоси экан! Топган-тутгани ўшанини экан! Одамлар берганини ҳам олиб, етимхоналарга, карияларнинг ғарибоналарига тарқатар экан! Ўзи овқат ёёлмайдиган касалларнинг оғзига кошиқда овқат тутар экан! Опа, бало экан бу Поти!.. Шундай хурматим ошиб кетди!.. Ҳавасларим келди!.. Жимгина юриб, килган ишларини қаранг бу мусичани!

Зулхуморнинг бу гапларидан энди Муяссар Кодировнанинг энсаси котган:

— Нима, шу ишларга Фотимадан бошқа одам ўлиб кетган эканми? Етимхоналарга ҳам, касалларга ҳам давлат қарайди. Нима қиласи давлат ишига аралашиб, ундан кўра, пивохона теграсида итдай айланиб юрадиган эрига қараса бўлмайдими?

— Вой, опажон, Фотима шу эрини яхши кўради. Уста Ахмад билан улар етимхонада бирга бўлишган экан! Ўшоқдан бир-бирини топишган экан! Ҳеч кими йўқ-да! Ота-онаси ҳам, ака-укаси ҳам шу Ахмад! Ичишини айтмаса, уста жуда яхши одам!..

Зулхумор сайраб кетган! Бирпаста баҳор келган кўнглидан гулларни анкитиб, булбулларни сайратиб мактаган. Уста Ахмад бу дунёда тенги йўқ одам! Зулхумор уйини таъмиrlайман, деганида, пул сарфлаб ўтирасанми, ўзим килиб бераман, деган. Кундуз каерлардадир юмушларини бажариб келиб, кечаси бир пайтгача ишлаган. Шунча ишни килиб, бир тийин ҳам олмаган! Болаларингга сарфла, деган! Фотима ҳар кун овқат килиб чиқкан. Овқат сяётган эрига термили-и-иб ўтирган! Шундай термилган, шундай термилган!.. Эри ҳам овқатдан ахён-ахён бош кўтариб,

унга “Поти...” деб күяр экан. Шундай айттар эканки... Зулхуморнинг йиғлагиси келар экан! Фотима эса жилмайиб күяр экан. Шундай жилмаяр эканки!.. Эру хотиннинг бир-бирларига меҳрибонликларини айтиб адо этиб бўлмас экан!..

Муяссар Қодировна унинг гапини бўлишга мажбур бўлган:

— Майли, Зулхумор, — деган у куруккина қилиб. — Факат эшикни очиб-ёпишга эҳтиёт бўл! Кўшниларга ҳам айт!

Аммо Зулхумор айттармиди! Опадан кутулганига шукр килганча, хиргойини авжидан олиб, тепа қаватга равона бўлган. Шу билан опанинг насия гапини таомм унугтган. Эшик эса қарсилаб ёпилаверган! Қарсилаганды ҳам, сериалнинг энг кизик жойига келганида гумбузлаган. Опа эса эртаси “эшикни авайлаб ёпинг!” деган эълонни ўқловдай ҳарфлар билан ёзиб, эшикка ёпиштириб кўйган. Шунда ҳам барибир эълонни писанд-мисанд этмайдиганлар топилган. Муяссар Қодировна охир ишни кўшниларнинг умуммажлисини ўтказишга мажбур бўлган. Барчани йиғиб, эшик қандай очилиб-ёпилишини намойиш этган. Шундан сўнг эшикни ёпишда хатога йўл кўядиганлар жуда камайиб кетган. Баъзан кимлардир билиб-бilmай бу хатони такрорласа, Муяссар Қодировна сериал кўриб ўтирган бўлса ҳам, шашт туриб, балконнинг деразасини очган-да, ромдан адолатнинг тимсоли мисол кўриниши бериб, гуноҳкорнинг пўстагини коқкан. Бу хатога йўл кўйган гуноҳкор неча алвон кечиримлар сўраб, опанинг темир панжасидан омон қолган. Факат ўн еттингчи хонадон сохиби – кўзойнак такиб юрадиган паришонхотир олим Раҳимжонов ҳар гал хушмуомалалик билан илжайиб, кўлинни кўксига кўйганча, узрини айтган бўлса ҳам, яна тақрор ва тақрор бу хатога йўл кўяверган. Тўғри, у эшик қарсилаб ёпилган заҳотиёк нима килиб кўйганини доим англаган: эшикка негадир жилмайиб қараганча, қарахтланиб тўхтаб қолган, аммо бўлар иш бўлган – балкон деразаси очилиб, тинчлик ва тартиб кўрикчиси Муяссар Қодировна аллақачон ромдан унга қаҳр билан қараб турганига кўзи тушган.

— Уйингизнинг эшигини ёпиб юришни уdda килолмайсиз-у, – деган опа, бу одам билан жиддий гаплашмаса, мақсадга эришолмаслигини тушунгач. – Шогирдларингизга нимани ўргатасиз?

Раҳимжонов нокулай илжайганча, яна кўлини кўксига кўйиб, кечирим сўрамоқчи бўлган-у, улгуrolмаган.

— Менга кечирим сўрашингиз керак эмас, – деган опа гарангсираб турган Раҳимжоновга кетма-кет зарба бериб. – Эс-хушиңгизни йигиб олин! Кўшниларга бундай беписанд бўлманг! Олим деган номингиз бор! Тартиб-интизомга риоя килинг!

Раҳимжонов имтихонда жавоб беролмаган талабадай хижолатдан терлаб кетган.

У ниҳоят кўлини кўксига кўйиб, нимадир демоқчи бўлганда, дераза аллақачон ёпилган, Муяссар Қодировна эса гойиб бўлган.

Қаттиқўллик билан кўрилган бундай чора-тадбирлар ўз кучини кўрсатган – чамаси бир ойлар ичига барча кўшнилар эшикни очиб-ёпишнинг шундай ҳадисини олишганки, мушукдай бесас чиқиб, бесас кирадиган бўлишган. Кўшниларни тартибга согланидан Муяссар Қодировна баҳтиёр – сериалларни роҳату фарогатда томоша киладиган бўлган.

Хуллас, кўрилган қатъий чора-тадбирлар натижасида тартиб-интизом ўрнатилди.

Аммо эшикнинг қарсилаб ёпилиши барчанинг эсидан чиқиб, кўшниларнинг хатти-ҳаракати худди Муяссар Қодировна ўйлагандай изга тушган маҳалда, бир қарашда арзимаган воеа рўй берди.

Сериаллар орасидаги танаффус пайти уй олдидаги йўлакчада банияти шифо

айланниб юрган Муяссар Қодировнанинг каршисидан, одатида завқу шавқ билан хиргойи килиб, Зулхумор лайлак чикиб қолди.

— Ассалому алайкум!.. — деди у бидиллаб. Аммо салом берди-ю, таъбиридан адашиб, бирдан тўхтаб қолди. — Ана уни қаранг, ана уни қаранг... — деди Зулхумор, опанинг боши оша нимагадир ҳайрат билан тикилиб. — Ана, ана...

Муяссар Қодировна ўтирилиб каради ва кўпкаватли уйлар орасидаги йўлакчадан келаётган бир тўп курок одамларга кўзи тушди. Олдинда икки катта бозор сумкани аранг кўтарган Фотима, ортидан аллақандай лаш-лушларни кўлтиклаган уста Ахмад, ёнида елкасига кўрпа-тўшак ортмоклаган ўттиз беш-кирк ёшлардаги йигит, улардан сал нарироқда беш-олти каппайган тугунларни кўшбоғлаб елкаларига илиб, кўлларига ҳам аллақандай халтачаларни тутган, негадир бошини танғиб боғлаган ёшгина аёл, тўрт-беш кадам орқада эса катта-кичик иккита бола йўртганча, уларга эргашиб келипти. Болалардан бири скрипка филофини кучоклаб олган, иккинчисининг икки кўлида икки боғлам китоб. Улар шу юришда, эшикхонага бурилишди. Фотима кўлидаги сумкаларни ерга кўйиб, пружинали эшикни зўрикибгина очди. Ҳамроҳлари бирин-бирин ичкари кирдилар. Лахза ўтгач, юкни каергадир кўйиган уста Ахмад чикди-да, хотининг кўлидан сумкаларни олиб, яна изига кайтди. Фотима ўзини ичкарига олиб, эшикни Муяссар Қодировна кўрсатгандан ҳам зиёда этиб ёпди.

Эшикнинг очилиб-ёпилишида бирор нуксон йўқ эди. Хавотирланиб караб турган Муяссар Қодировна ҳам бирор айб тополмади. Аммо Зулхумор негадир “ух” тортиди. Ҳакикатан ҳам, Фотима ва ҳамроҳларининг ўтишидан ҳавода аллақандай орзу-умид ва матонат уфурган, аммо бу сурур ниҳоятда залворли — суюкларни қисирлатадиган даражада оғир эди.

— Во-ей! — деди Зулхумор.

— Нега вой-войлайсан? — деди ҳеч нарса сезмаган Муяссар Қодировна. — Одам кўрмаганмисан?

— Билмасам...

Зулхумор бу пайт негадир оғир-босик одамга айланган, гапдонгина феълу атвонрига бегона тарзда ўйланниб туради.

— Хўп, опажон, мен борай...

Аёл оғиздан тушмайдиган хиргойисини ҳам унудиб, эшикхонага қараб кетди. Муяссар Қодировна унинг ортидан ажабсиниб қараб қолди. Зулхумор негадир Фотимага ўхшаб, бошини эгганча, жимгина кетиб борар эди.

Үйига кириб, телевизор каршисидаги креслога чўккан Муяссар Қодировна эса, Фотимани негадир ижирғаниб эслади. Ўзи бир етимхонадан чиккан аёл бўлса! Каталакдай уйда яшаса! Нима қиласи бунча меҳмонни лаш-лушлари билан үйига киргизиб! Эси йўқ! Ҳеч эси йўқ! Бетартиб!.. У Фотима ҳакидаги ўйларини охирига етказа олмади. Сериал бошланди.

Муяссар Қодировна хато килди! Уч кундан сўнг Зулхумор эшик кокиб келди. Унинг ховлиниб хабар беришича, келганлар меҳмон эмас экан! Ҳеч ҳам меҳмон эмас экан!

— Жуда валдираисан, Зулхумор, — деди опа ўйлагани нотўғри чикаётганидан оғриниб. — Меҳмондан бошқа яна ким келади? Эшикдан киргандан кейин, меҳмон-да! Бувим “тешиқдан кирган сичкон, эшикдан кирган меҳмон”, деб, кўп гапирап эдилар...

— Вой, улар эшикдан киргандарни билан меҳмон эмас экан, опажон!

— Бўлмаса, ким бўлади? — деди Муяссар Қодировна чиндан хайрон колиб.

— Меҳмон эмас экан, опажон! Ҳеч меҳмон эмас экан! Улар энди уста Ахмаднинг уйида яшар экан!

Опа нималарни кўрмаган! Аммо Зулхуморнинг гапидан бир қалкиб тушди.

– Фотиманинг уйи икки хоналими?

– Икки хонали,

– Икки хонали уйда бунча одам қандай сиғар экан?

– Билмасам... Поти ўйнаб-кулиб юрибди-ку! Жуда кувониб юрибди! Лекин уйи зўр тақирангган!

– Нима килингган?

Зулхумор ўйланиб қолди.

– Тақирангган... дейишадими, опа?

Муяссар Қодировна ҳам ўйга толди. Барчани овора килди булар! Ўрисча гапирилаверса, осмон ўйилиб тушармиди!

– Ҳозир... ҳозир... Тилимнинг учиди турибди!.. – Бирдан Муяссар Қодировнанинг юзи ёришиб кетди: – Томир!.. Томир!.. Томирлаган!

Зулхумор чўчибгина опага каради:

– Йўғ-е, опа... Уй дараҳт эмас-ку, томирласа!

Опа гап қайтарганни ёқтирамайди. Зулхуморни силкиб-силкиб ташлади:

– Ўзинг билмасанг, билганинг гапига кўнмасанг! Вайсаганинг вайсаган!..

Аммо Зулхумор бу гапга эътибор бермади. Бирдан юзи бир рапида кувончга айланди:

– Топдим, опа! Топдим!.. Таъмирланган!.. Ана шу Фотиманинг уйи зўр таъмирланган! Уста Ахмаднинг кўли гул-ку! Кирсангиз, оғзингиз очилиб қолади! Бир бало килиб бўяган! Хоналар саройдай катта кўринади! “Нимага бундай кўринади?” десам, уста кулиб, “Кўнгли кенг одамнинг уйи шунака бўлади”, дейди. Деворлари га расмлар осилган! Ромлари шундай чиройли!

– Кимнинг расми? – опа хаёллари қаерларгадир бориб, дафъатан шубҳаланди.

– Ҳеч кимники эмас, анакалар чизади-ку!..

Муяссар Қодировнанинг кўнгли бирдан хуфтон бўлди! Кўз олдига Асрор Валиевич ва Ван... Йўғ-е!.. Лакаб ортишимай ўлгур!.. Бокибой... Ҳа, Бокибой келди!.. Шу мусиҷа Фотимаю, уста Ахмад ҳам ўшалардан экан-да! Айтдим, юришлари бошқача!

– Ана у болалар ҳам, опажон, нақа экан!

– Қанақа экан?

– Кичкинаси искрипка чалар экан, каттаси расм чизар экан! Ўша чизадиганинг расмларини Поти эъзозлаб, коридорига осиб ташлаган. Уста Ахмад билан иккаласи томоша килиб, тўйишмайди, опа. Бошларини сарак-сарак килиб, “зўр” деб кувонишади. Бир кирсам, кичкинаси искрипка чалди. Опа, бир оғир кўй! Йиғлагиларим келиб кетди!.. Бу ўлгур ўрис мусиқа ҳам одамни йиғлатар экан! Телевизўрдан кўрсам, ғингшимай ўлсин, деб, дарров бошқа жойга буардим-а!.. Нимага эшифтмаганман, опа?

Муяссар Қодировна чидаб туролмади:

– Э, ҳадеб йиғлайверасанми? Ёлғонни ҳам дўндирасан! Сенга гап бўлса бўлди!

– Вой, ёлғон айтсам, тил тортмай ўрай! Шундай чалади, шундай чалади... Уста Ахмад эса уларни мақтагани мақтаган! Айтишича, бу болаларга Худо берган экан! Доҳий дедими-ей, даҳо дедими-ей!..

– Шу алкаш уста Ахмад бу гапларни қаердан билар экан?

– Билар экан, опажон! Билар экан! Мен ҳам ҳайрон қолдим! Сиз ҳам шу болаларни бир кўринг, опа! Расмларига карасангиз бир йиғлайсиз, искрипка эшифтсангиз, икки йиғлайсиз, уста Ахмад билан Потининг қувонганини кўриб, адойи тамом бўласиз!

— Бу болалар кариндошлари эканми?

— Йўқ, опа, буларда кариндош борми? Етимхонада ўсганлар-ку. Уста билан Поти кайси бир тупканнинг тубига боргандарида, шу болаларни Худо учраштирибди. Ота-онасининг кўллари киска экан. Буларнинг нақаси пойтахтда, яхши муаллимларнинг кўлида тез нақа бўлар экан. Шунга кўчириб олиб келишибди.

— Ота-оналарини кўриб турибсанми?

— Йўқ, опа! Улар тонг сахардан ишга кетишар экан...

— Нима иш қилишади?

— Худонинг иши кўп-ку, опа! Мардикорчиликка боришар, кўча супуришар, бозорда олди-сотди қилишар... Ризкларини тергани кетишган-да. Ҳа, болаларнинг отаси “мен умримни шу болаларимга бағишлайман. Улар Ўзбекистоннинг номини хали оламга машҳур килади. Фотимахону уста Ахмаднинг химмати билан йўлнинг бошига чиқдик, энди, Худо хоҳласа, шу адоксиз йўлдан кетаверамиз”, дебди!

Қанақа адоксиз йўл? Каёққа кетишади? Ўзбекистоннинг куни шуларга қолганми? Буларнинг хаёлида нима бор? Асрор Валиевич билан ана у ўлгур... Ван... Бокибоя хам шундай тушункисиз гапирав эди! Булар шунча кўпми? Булардан кутулиб бўлмайдими? Мана, ҳатто унинг эшигининг олдига етиб келишди!

— ...Опа, Поти уста Ахмад билан иккала болани етаклаб юрибди. Кичкинасини кампазитур музика ёздиғанларга, каттасини... накаларга кўрсатишибди! Ҳаммаси “Койилмиз!” дебди. Бугун “Койилмиз!” деганлар билан бирга, болаларнинг кичигини глир деган мактабга олиб кетишиди!

Зулхумор яна нималарнидир узоқ гапириди. Аммо Муяссар Қодировнининг кўнглига шундай фашлик тумани чўқдики, дунё кўзига тор кўриниб кетди, кулогига бошқа гап кирмади. Тинмай вайсаётган қўшни аёлнинг қаршисида лолу караҳтиклида туриб колди. Зулхумор гапдан тўхтамаяпти! Хурсанд! Хўш, у нимага хурсанд бўляпти?

— Сен нимага хурсанд бўляпсан?

— Билмадим, опа! Аммо лекигин болаларнинг чизган расмини кўрсангиз, скрипка чалишини бир эшиксангиз! Ичим кувончга тўлди! Бу Потини қаранг! Ахмадни қаранг! Тўрт бирдай жонга текин бошпана бериб, яна шоду хуррам! Ҳеч кимга ҳавасим келмаган менинг ҳам, шуларга ўҳшагим келди-я!.. Потига, мени хам музейларга элтинг, дедим, кампазитир музикага ҳам боравераман, дедим!.. Поти мени кучоклаб олди! Шу хотин шундай яхши!..

Бу дунёга бир бало бўлди! Мана, умрида бирор бир рассомнинг суратинию, бирор композитор мусикасини томоша килмаган Зулхумор лайлак ҳам уларни мақтаяпти. Бу тоифа одамлар дунёни бузишини нега ҳеч ким англамайди? Ахир, бутун бир ишхона нима бўлди? Остин-устун бўлиб кетишига озигина колди-ку! О, булар хатарли!.. Бетартиб одамлар! Индамасанг, дунёни чаппа айлантирадилар!..

— Хўп, хайр. Мен борай, опа! Уларнинг келишига бир қошиқ овқат килмокчи эдим. Кўчадан оч-наҳор келишади...

Зулхумор шошилиб, файратушиддатга тўлиб хайрлашиди. Шиддатининг шошқини шундай зўр эдики, Муяссар Қодировнининг эшигини беихтиёр қарсиллатиб ёпиб, ташкарига отилди. Опа сесканиб тушди. Лайлак кечирим ҳам сўрамади. Факат зиналардан тапиллаб, тепага югуриб кетаётгани эшитилди, холос.

Шу Лайлак чин юракдан кувоняпти! Нодон! Уй-жойини ташлаб, лўлидай кўчиб юрган шу рўдаполарга аклли одамнинг ҳаваси келадими? Топғанлари бир орка кўрпа-тўшагу, скрипкага бало борми? Ё буларга ҳеч нарса писанд эмасми? Молу дунё, мансабу мартабага қайрилиб қарашмайдими?.. Уларга нима керак?

Дунё ҳавосини “үша”лар дафъатан олиб кўйгандай, Муяссар Кодировнанинг бирдан нафаси кисилди. Балконга чикиб, деразани очди. Дунёда чиндан ҳам ҳаво йўқдай эди! Улар ҳавони ҳам олиб кўйишдими?.. Ё... уларга кўшилмаганларга энди ҳаво йўқмикан? Опа давомини ўйлашдан ҳам кўркди. Кўзларини юмди.

Аммо бу тўс-тўпалон дунёда бирпас тин олиб бўладими? Ногаҳоний “ур-э!” деган хайкириқдан ўзига келди. Қаршидаги уйнинг бурчагидан кўлидаги скрипка ғилофини голибона силкитганча, рўдаполарнинг кичик ўғли югуриб чиқди. У еру осмонга сифмай, ҳайкириб келар, гўё бола эмас, бола киёфасидаги қувонч чопиб келаётгандай эди.

– Ур-э-э!.. Зулхумор хола!.. Ур-э!..

Тепа қаватдаги деразанинг шакирлаб очилгани, сўнг Зулхуморнинг ховлиқкан овози эшитилди:

– Ўқишга кирдингми?! Глирга кирдингми?!

– Кирдим!.. Глиэр мусика мактабига олишди! Глиэрга! Зўр экансан, дейишди!.. Зўр, дейишди!..

Үй бурчагидан боланинг ота-онаси, акаси, Фотима ва уста Аҳмад кўринди. Улар ҳам ойдай яйраб, офтобдай порлаб келишар эди.

– Зулхумор хола!.. Эшитинг!.. Зулхумор хола!..

Болакай Зулхуморнинг деразаси тагидаги асфалът йўлакчага кўлидаги ғилофни кўйди-да, шоша-пиша ичидан скрипка ва камонни олди. Пойида – чанг йўлакда очилиб қолган ғилофга парво ҳам килмай, скрипкани ияги тагига кўйди. Оёкларини кериб, кўкрагини кўтарди. Энди у Зулхумор лайлакка эмас, гўё дунёга концерт беришга шайланган маэстро эди! Мана, кўзлари ним юмилди, камонни торлар устига кўйди ва... мусика таралди! Армон каби ҳазин садо инсон билан юраги ўртасидаги чегараларни бир лахзада бузуб ташлади. Учинчи қаватдаги Зулхумор мусика садоси янграши билан келган жойида тўхтаб қолган Фотима бошчилигидаги “маэстро”нинг ишқибозлари, осмондан тушгандай пайдо бўлган Раҳимжонов домла, ховлидаги сим дорга кир осаётган аёл, белини кўлига тираганча, унга гап сотаётган кампир, уйлар орасида кун бўйи соғлигини кувиб изғийдиган нафақадор чол – Эркин ака, ҳар кун эски “Волга”сини ювишни канда килмайдиган Йигитали, кўлбода турникда осилаётган бўзболалар – икки иморат орасидаги барча сомеликда қотдилар. Мусика эса тобора авжланиб, ўзига сифмай мунгли нола этар, юракларнинг қат-қатларини аллақандай энтиқтирадиган, орзиктирадиган, беихтиёр кўзга ёш келтирадиган тушуниксиз дардлар билан нозик оғрикларда ўртар, ховлига тангадай жой қолдирмай соя ташлаган улкан чинорларга чулғанар, ўзини аямай тупрокка отар, латиф бир парвозда хаёллар ҳам етмайдиган баландларга ҳаволанар, дунёга сифмай, изиллаганча юксаклардаги кимгадир илтижо этар эди. У кимга илтижо этаяпти? Мусикани яратган инсоннинг юраги бу мусибатли дардларга қандай дош берган? Бу болакай бу оғрикларни каердан билади? Ё шу мурғак жонни Кодир Парвардигор одамларга чексиз-чегарасиз дардлар борлигини етказиши учун дунёга келтирганмикан? Бу дардларни бандаларига етказгани миллиардлаб одамлар орасидан шу норасидани танладимикан? Нега у дунёга сифмаяпти? Дунё шунча торми? Қайси кенгликларни истаяпти бу бола?.. Ё, Парвардигор!

Болакай эса мусика нолаларига дош беролмаётгандай эгилиб-букилиб, ажаб бир тўлғониша – скрипка торларини аямай, ҳамон кўзларини юмби, камон тортади. У ўзини тамом унутиб, оҳангта кўшилиб кетган, қайсидир – одамлар кўзидан пинҳон дунёларга бориб қайтаяпти...

Скрипка жони чикаётгандай, бўлинниб-бўлинниб фарёл кўтарди-да, тўхтади. Су-

кунат чўкди. Негадир кўлларини кўксига кўйиб, мусика тинглаган Рахимжонов домла ёқасини ушлади:

– Тавба! Тавба! – деди у. – Худойим! Мўъжизангни қара!

Сўнг болага қараб таъзим килди-да, бор куч билан, сидкидилдан қарсак чала бошлиди. Унга Фотима ҳам, уста Аҳмад ҳам, болакайнинг ота-онасию акаси ҳам, учинчи кават деразасида турган Зулхумор ҳам, ховлида ишини унутиб, антрайиб қолганлар ҳам жон-жаҳди билан унга жўр бўлдилар. Турник тагидаги ўспиринлардан бири ҳатто жўшганича, “браво” деб ҳам ҳайкирди. Ҳозиргина мусиқага ўрганиб жўр бўлаётган болакай эса, яна зумда кувончга айланди. У улкан концерт залини тўлдирган томошибинларнинг гулдурос олкишига миннатдорлик билдираётган маэстро киёфасида скрипка ва камон ушлаган кўлларини баланд тутди-да, аввал фалакка юз тутди, сўнг эса тўрт томонга қойилмаком таъзим бажо этди.

Дунё аллакандай мастона байрам кайфиятига бурканган эди.

Рахимжонов домла болакай тарафга алқаб гапирингандча, югуриб кела бошлиди.

– Э, болам-а!.. Э, болам-а! – у шоду ҳурамлиқда балкиб турган “маэстро”ни маҳкам бағрига босди. Юзларидан ўпди. – Ўзингни эҳтиёт кил-э! Бундай чалма-э! Сенга жонинг керак эмасми? Эҳтиёт бўл-э!..

У беихтиёр кўлларини дуога очди.

– Биру бор Парвардиғор-о! Қодир-о! Самад-о! Аҳад-о! Шу болани ушбу кўйга мубтало этибсан! Энди ўзинг асра! Йўлини ёруғ кил! Яхшиларга ҳамдам эт! Ёмонлардан асра! Шу мурғак жонни ҳамиша паноҳингда тут! Омин!..

– Омин!..

Барча ихлос билан юзларига дуо тортди.

Муяссар Қодировна уларга қараб тураркан, нафаси баттар кисилди. Улар кўп экан! Дунёни забт этишган экан! Буларнинг шаштини кайтарадиган одам, наҳотки, қолмаган бўлса! Ҳовли оталарининг уйими, концерт бергани! Қарсакка бало борми? Каттао кичиги аклдан озган...

У ортиқча тоқат қилолмаслигини сезиб, бекитгани деразага қўл чўзди. Аммо шу пайт Зулхуморнинг овози дунёни тутди:

– Зафар!.. Зафаржон!.. Зўр чалдинг!.. Қойил! Қойил!..

– Зулхумор хола! Ҳозир бораман! Ҳозир! Сизга яна чалиб бераман! Ҳозир!..

Болакай шошилиб, ерда ётган филофга скрипка ва камонни солди-да, дунёни унутиб, эшикхонага қараб юргуди.

Эшик зарб билан очилиб, карсиллаб ёпилди.

Бу нимаси? Булар бу кетишда дунёни бузади! Ҳозир бир таъзирини берсами!.. Аммо Муяссар Қодировна ташқарига чиқиб, бу беодобга танбех беришга журъат этолмади. Ҳаяжондан жўшиб, кувончнинг завқу шавқида бирлашган бу одамларга ҳозир ёлғиз ўзи қарши туролмаслигини англади. Аламу иложисизликдан деразани ёпишни ҳам унутиб, гангиб борди-да, каравотга бор бўйича ўзини ташлади.

Хуллас, тартиб бузилди! Шунча меҳнату заҳмат ҳавога учеб кетди! Келгинди-ларнинг икки боласи ҳам Муяссар Қодировна ўйлагандай, тарбия кўрмаган зумрашалар бўлиб чиқди. Улар бора эмас, дунёни бузадиган аллақандай тўфоннинг худди ўзи: эрталаб эшикни ғажирлатиб очиб, юргурганча эшикхонадан чикишади – ортаридан эшик тарақлаб ёпилганча қолаверади. Муяссар Қодировна ҳатто деразанинг ёнига бориб ҳам ултурмайди, факат каршидаги уйнинг муюлишидан шамолдай шовуллаб ўтиб кетганларини илғаб колади, холос. Ўтган йўлларида тартибсизлик сочиб кетадиган бу тўфон болалар туткич берармиди? Уларнинг ота-оналари ҳам

худи шарпадай – қачон кетиб, қачон келишларини ҳеч ким билмайди. Эшакдай ишлаб, үзларича, умрларини шу бетарбия, одобсиз болаларга бағишилаб юришганды! Күшнилар опанинг меҳнатига ҳамон хурмату иззат билан карашаётган – эшикни авайлаб ёпиб-очишни канда қилмаётган эрсалар-да, барибир уларнинг бу ҳаракатлари аввалгидай эмас – бу жиддий ишдан ихлослари кўтарилиган, шунчаки ўрганиб колганларидан – бепарво бажарар эдилар. Ихлосу эътибор энди шу икки шумтаканинг атрофида гиргиттон – иккала уйдаги кўшниларнинг тилида факат ака-уканинг оламшумул истеъодидан гап айланар: учрашиб колганларида, улар ҳакида завқу шавқ сухбат авж олар эди.

Хуллас, ҳеч кимнинг эшик билан иши йўқ, унинг қандай очиб-ёпилиши муаммосини барча унутган, энг ёмони, Муяссар Қодировнани ҳам эсларидан чиқарган – ҳар гал уйларига яқинлашгандаридан кўнгилларидан кечадиган хавотир аллақайларга чекиниб, кўшнилар енгил нафас ола бошлиган эдилар. Муяссар Қодировна биргина хонаю митти ошхона тўла изтиробга айланган – бир зум ҳаловати йўқ, ҳатто кино кўраётганда ҳам хаёли кетиб қолар – кўзи экранда-ю, нима ҳакида гап кетаётганини тушунмас – кўксидан ахён-ахёнда “уф-ф!” беихтиёр узилиб чиқар эди. Наҳотки бу дунёда шу зумрашаларни тартибга чакириб кўядиган, ундан бошка одам колмаган бўлса! Наҳотки бошбошдоклик кўнглига келганни килса! Наҳотки эшик тараклаб очилиб-ёпилаверса!

Энди катъият кўрсатмаса, барча саъи ҳаракатлари бекорга кетишини опа тушунди. Аввал разведка сифатида кўнгирок килиб, уйига Зулхумор лайлакни чакирди. Зулхумор Муяссар Қодировнанинг овозидан ниманидир пайкаган шекилли, одатига хилоф равишда, копконга тушишдан чўчиётган куёндай эҳтиётгина бўлиб кирди. Муяссар Қодировна кўли билан ошхонага ишора килди. Ўзи стулга омонатгина чўйкан аёлнинг қаршисига ўтириди ва унинг кўзларига курбонни авраётган илондай тикилди. Раҳматли устозлари ўргатган: бироннинг сирини билмокчи бўлсанг, гапирма, кулма, бор иродангни, кучу қудратингни нигохингга жамла! Нигохинг найзага айлансин! Сўнг сухбатдошингнинг кўзларига тик кара-да, тикилиб туравер, туравер, туравер... Найза жон жойига тақалиб, безовталаанди, тараддудга тушади. Аммо сен найзани баттарроқ ботир. Эту сугидан ўтиб кетгунча кўзингни узма! Ана шунда ютиб чиқасан!

Лайлак ярим дакика ҳам чидай олмади.

– Ҳа, опа... – деди у кўзларини олиб кочиб. – Нимага чакирдингиз?..

У негадир қизариб кетди – барча хавотирини енгиб, ҳақини талаб қилишга журъят этган, аммо хали муросадан умидвор одамдай зўриқкан алфозда опанинг кўзига туйкус қаради:

– Нима килдим?..

Муяссар Қодировна юзида расмий жиддият – яна анчагача Зулхуморга тикилиб турди.

– Нималар бўлаётганидан хабаринг борми?

– Нимани сўрайapsиз, опа?

– Эшикни тараклатиб очиб-ёпишаётганини эшитяпсанми?

Зулхумор опага истехзоли қаради. Умрида биринчи бор истехзо этишга журъят этди:

– Йўқ... Таракляйтими?

– Кулогинг битиб колганми? Эшитмайсанми, уй ларзага келяпти-ку!

Опанинг жеркибигина гапиришидан Зулхумор энди муросаю мадора йўклигини тушунди. Аммо Муяссар Қодировнани кўрганида пайдо бўладиган ҳадик негадир бирдан салкиди.

— Эшитмаяпман. Ким тараклатаяпти? — деди у ва кескинлик аралашган товушидан ўзи ҳам хайрон қолди.

— Ана у рўдаполарингнинг ўғиллари!

Зулхумор тушунмади. Рўдаполар ким? Аммо кўнгилни ғаш этувчи сухбатни тезрок тутатишни, бу жойдан тезроқ чикиб кетишни ўйлаб, беихтиёр ҳамишаги — таралла бедод оҳангта кўчишга уринди. Аммо лафзи барибир одатдагидай ҳавоий жарангламаётган эди:

— “Рўдапо”лар деганинг ким, опа? Гадоларни айтаяпсизми? Опа, менинг гадом йўк. Мен нима, гадоларнинг бошлиғиманми?..

Мусассар Кодировна бу сайроки күш чулдирашини бошласа, тўхтамаслигини англаб, унинг гапини бўлди.

— Фотиманинг уйидаги келгиндиларни айтаяпман! Кўчама-кўча кўрпа-тўшагини ортмоклаб юргандан кейин рўдапо бўлмай, ким?

Зулхумор гап кимлар ҳакида кетаётганини жуда оғриниб хис килди. Бирок қандайдир умид билан овози титрабгина сўради:

— Зафаржон ва Тохиржоннинг адаси билан ойисини суриштиряпсизми?

— Нимага довдираисан? Зафаржоннинг ким?

— Нака... искрипка чаладигани...

— Тохиржоннинг-чи?

— Тохиржон... Каттаси-де... Ҳалиги... Расм чизадигани... — Зулхумор болаларнинг боши устида булуллар куюклашаётганини, шу сабаб тадбиркорлик билан — ҳар сўзини ўйлаб гапириши лозимлигини фаҳмлади ва бирдан уларни макташга тушиб кетди:

— Жуда яхши болалар, опажон! Шундай яхши!.. Опа, бир Потини уйига чиқинг! Зафаржоннинг искрипка чалишини эшитинг! Тохиржоннинг расмларини кўрсангиз...

— Скрипкаси бошидан колсин! Рўдаполарнинг сирқиндилари-да! Нега уларинг эшикни карсиллатиб ёпади?

Зулхуморнинг боши зиркираб кетди.

— Улар рўдапо эмас... — деди у энтикиб.

— Бўлмаса, ким?

— Яхши одамлар...

— Топган яхшингни кара! Бу яхшиларинг фарзандларига тарбия беришса бўлмайдими?

— Зафаржон ҳам, Тохиржон ҳам жуда одобли...

— Бу одоблиларинг нега эшикни авайлаб ёпмайди? Нима, бирорга ўтказиб кўйганлари борми? Подшохнинг фарзанди эмаски, эркалик килса! Келгинди одам сал бўйинни кисиб туради! Бу болалар эса мамлакат ўзларига қолгандай, хоҳлаган ишларини қиляпти! Ахир бу уйда бошқа одамлар ҳам яшайди! Бу уйнинг эшиги бор!.. Ўзи эшикни қандай очиб-ёпишни айтганмисизлар? Ўргатганмисизлар?

Опа билан баҳслашмок хунук оқибатларга олиб келиши мумкинлигини Зулхумор аниқ сезиз турса ҳам, негадир кўркмади.

— Айтганмиз, опажон, айтганмиз... Ҳали улар бола-да! Болалигига боради... Ўзим ўргатганман. “Мана, бунда-а-ай килиб очасиз, кейин, мана, бунақа-а-а килиб ёпасиз”, деганман!

— Ўргатган бўлсанг, нега у багтоллар бажаришмайди! Менинг кулогим кар бўлишига оз қолди! Айтиб кўяй, оқибати ёмон бўлади!

Лайлак бироз тин олди. Ерга каради. Кўкси оғир кўтарилиб тушди ва бирдан босикқина гапира бошлади.

— Опа, шу болаларни тинч кўйинг! Улар ҳозир жуда... нақа... баҳтли! Иккаласи ҳам ўқишга кирди. Оёклари ерга тегмай, учиб юришибди! Уларнинг осмонини ер билан битта килманг!

Муяссар Қодировна гезариб кетди. Бу Лайлак нима деяпти? Кимнинг тарафини оляпти? Бу ҳам дунёнинг тартибини бузайтган ўша рўдаполарга тамом кўшилибди-да! Олма олмадан ранг олади, дейишиади-ку! Булар – келгинди! Ҳаммаси келгинди! Булар адашиб бу дунёга келиб қолишган! Аллақайси бетартиб оламдан бу дунёга бало-казони етаклаб келишашапти! Ер юзини тўфонгами, тошқингами бостирмагунча, булар тинчмайди. Булар туфайли хеч кимда ҳаловат қолмади. Ҳамма безовта... Муяссар Қодировна уларни ўз ихтиёрига кўймайди! Одамларни безовта этишга уларнинг нима ҳақлари бор?

— Огоҳлантириб қўй, яна эшикни тараклатиб ёпишса, кўлимдан келганини киламан! Ўша Фотиманга ҳам айт, дунёни кўзига коронги киламан.

Зулхумор ердан кўз узмай тинглади, ва дафъатан хайр-хўш ҳам демай, индамайгина ўринидан кўзгалди. Эшикни очаркан, беихтиёр ортидан эргашиб келаётган опанинг кўзига кутилмагандага дадил каради.

— Ёмон одам экансиз, опа, — деди у жуда сокин, аммо мардона овозда. — Жуда ёмон экансиз.

У эшикни опанинг юзига, карсиллатиб ёпди.

Муяссар Қодировна серрайиб колди.

Оting ўчгур Зулхумор нима деган, нима кўйган, ё хеч нарса демаганми, аммо хеч нарса ўзгармади.

Эшик тараклаб очилиб-ёпилаверди. Муяссар Қодировна канчалик хушёр бўлмасин, болалар туткич бермади. Опа ўринидан тургунча, коралари муюлишда бир кўриниади-да, ғойиб бўлади. Рўдаполарнинг бошқаларига айтай деса, мушукдай чикиб, мушукдай киришади, качон кетиб, качон келишларини билмайсан...

Уларга аталган аччик гаплар Муяссар Қодировнинг ичидаги йигилавериб, бутун вужудиу ўй-хаёлларини камраб олди. У бу аччик гапларни турли-туман кўринишларда ичидаги тақрорлар, рўдаполарни лолу караҳт этиб, бурдалаб ташлайдиган янги-янги ибораларни ўйлаб топар, рўпарасида ер билан битта бўлиб қолишиларини тасаввур этиб кувонар, аммо бунинг иложи топилмаётганидан узвос тортиб, ўзини деворларга ургиси келар эди. Энг аламлиси, Зулхумор лайлакнинг ўзгаргани! У ҳам эшикни намойишкорона карсиллатиб ёпадиган бўлди! Опанинг деразадан караб турганини сезиб турса ҳам, хеч кимни кўрмагандай, хеч нарса рўй бермагандай, кунгабокар пистасини карсиллатиб чакиб, пўчогини атрофга пуфлаганча, ликиллаб – бепарво юришда бозорга караб кетади. Опанинг ичи қайнаб қолаверади. Агар эски замон бўлгандами! Шу Лайлакнинг шахсий ишини умумий мажлисга қўйиб, бир муҳокама килинганидами! Пинхон хонага этиб, бирортаси ярим соатгина саволга тутгандами! Ўшанда кўрар эди у!

Факат Фотима ўзгармади. У ўша-ўша – опага зарра ҳам эътибор бермайди – ўзини ердан узмай, салом беради-да, ўтиб кетаверади! Унинг ўзгармаганидан Муяссар Қодировнанинг ғазаби негадир баттар ўт олади. Ҳаммасини шу жувонмарг ўлгур бошлияпти!

Муяссар Қодировнанинг кўнглини хотиржамлик – сериал кўраётганида тудиганироҳат-фароғат тамоман тарк этган, ўзини мажбурулаб томоша қылгани билан хеч вақони тушунмас, мудом ғазабда ўртаниб, фигони фалакка чикқани чикқан эди. Опа бир куни ўзини ётоқхонадан ошхонага, ошхонадан балконга ўтиб, рўдаполарга айтадиганини айтганча, гапириниб юрганини сезди.

Беҳаловатлик унинг бор-йўғини камраб олган эди.

Эшик яна тараклади.

Муяскар Қодировна югуриб дераза ёнига келди. Аммо ҳеч ким кўринмади. Ажабсиниб ховлига назар ташлади. Деразасидан йирокроқдаги чинор тагида уймалашиб турган одамларга кўзи тушиди. Улар нима киляпти? Кўнглига хавотир тушиб, шиппагини оёғига илди-да, шиддатли юришда ташкарига чиқди. Чинор тагидаги скамейкада Эркин нафакадор кўлларини кўксисда чалкаштириб ўтирибди, бир болакай тик турганча, унга дам-бадам караб-караб, катта альбомга ниманидир шиддат билан чизаяпти. Унинг атрофини эса бир тўда одам – Зулхумор лайлак, тўрт-беш ўспирин, мудом дорга кир ёядиган аёл, бир кўлини белига кўйиб гап сотадиган кампир, Йигитали, яна таниш-нотаниш кўшнилар ўраб олган – барчаси альбомда пайдо бўлаётган нафакадорнинг киёфасига берилиб, хайратга тушганча, караб туришибди.

– Ўҳшаяпманми? – деб сўрайди Эркин нафакадор.

– Ўҳшаяпти! Ўҳшаяпти!.. – дейди барча негадир хурсанд бўлиб.

– Шундай... Шундай... Қимиrlаманг... Худди шундай жилмайиб туринг!.. Жуда чиройли!.. – Нихоятда жиддий самимиятда пичирлайди бола. – Шундай... Қимиrlаманг!.. Чиройлисиз, амаки... Жуда чиройли!.. Ҳозир... Ажинларингиз ҳам чиройли!..

– Вой, ажинлари чиройли бўлмай кетсин амакингизни, Тохиржон!.. – дейди бир кўлини ҳеч қачон белидан олмайдиган кампир.

Ҳамма боланинг ишидан кўз олмай, кулади. Скамейкада бужмайиб ўтирган Эркин нафакадор ҳам жилмаяди. Муяскар Қодировна эса сесканиб кетади.

Тохиржон дегани шу экан-да!

– Воҳ! Жуда яхши!.. Чиройлисиз, амаки!..

Боланинг кўллари тинмай харакатланади.

– Менда кўрк колганми? – туйкус кўнглини очгиси келиб, гурунг бошлайди нафакадор. – Қирқ ўйл конда ишлаган бўлсан...

У бир кўзгалиб олади. Кўксисда чалкашган кўллари ёйлади.

– Кўзғалманг, амаки! Кўзғалманг деяпман!.. – дейди бола аллақандай тошқинланиб – Гапирмай туринг!.. Илтимос!.. Илтимос!.. Аввалги кўрсатганимдай туринг...

Эркин нафакадор боланинг гапидан негадир оғринмайди. Нега буйруқ беряпсан, демайди. Жилмайганича итоат билан кўлларини чалкаштиради-да, аввалги ҳолатига қайтади. Боланинг кўлидаги қалам эса бир зум харакатдан тўхтамайди. Томошибинлар ҳам яна жиддий тортиб, боланинг альбомида сурат тобора аниқлашиб, ёркинлашиб бораётганига маҳлиё бўлганча, тиниб қоладилар.

Муяскар Қодировнанинг жони ҳалкумига келади. О, бу бола сехргар! Рўдаполарнинг ҳам-м-маси сехргар! Ким кўринса, уларнинг сехру жодусига илинади! Мана шу бўйи жимжилоқдай мишиқи ҳам барчани авраб олган. Сиркаси сув кўтармайдиган Эркин чолни карап! Шу одамга “унакамас, бунака” деб бўладими? Дунёни сувга бостиради-ку! Юро-юр килиб, ўлимни ҳам ёнига яқинлаштирайдиган шундай одам, мана, энди шу жодугарбаччанинг бўйругини миқ этмай бажариб, айтганига кўниб, мўмин-кобилгина бўлиб ўтирибди... Ҳали бу рўдаполар дунёни остин-устун этишини бу тажанг кария қаердан билсин!

Унинг юраги тез-тез ура бошлайди. Назаридан, дунёнинг ҳамма эшиклари тараклаб очилиб-ёпилаётгандай туюлади. Тарак-турукдан боши гангиг, кулоги чингиллаб кетади. Энди шайтонга хай бериб, сабру токат этса, юраги ёрилиб, мияси портлаши аниқлигини ҳис қиласди!

— Тохир сенми? – дейди у овози титраб.

Опанинг ичида йигилиб қолган ғазаб ҳамлasi қўшилганиданми, бу савол ёз кунида қайдандир адашиб келган қишининг изғирини каби совук уфуради. Одамлар илкис жунжикиб, Муяссар Қодировнага карайдилар. Факат болакай савонни ҳам эшитмайди. Опадан тараляётган совукни ҳам пайқамайди. У бу саволдан жуда юксакда – Қодир Парвардигор мурғак руҳу жонига баҳшида этган Парвознинг қанотида сарсари учар, яратишнинг шавқу завқ иродаси жисмини тамоман қамраб олиб, ўзидан бошқа ҳеч ким сезмайдиган элас-элас пинҳонликлар чегарасига етган – у жойдан ҳамма нарсани, ҳатто Эркин чолнинг юзидағи ажинлар чироили эканлигини ҳам кўриш мумкин эди. Болани учирив, юрагини ранго-ранг мавжда тўлқинлантираётган бу кучнинг нималигини бола нари турсин, ҳатто даҳо деб тан олинган Устозлар ҳам тушунтириб беролмаган – Илоҳнинг қудрати ила “ижод” аталмиш бесарҳадлик сари бошлайдиган шиҷоатнинг номини – ноиложлиқдан – сўз топиб бўладими? – жайдаричасига “илхом” деб кўя қолишган! Бу Парвозга Муяссар Қодировнаю, унинг саволи каердан етсин!

Бола тинмай пи chirлайди:

– Яхши... Яхши!.. Гўзалсиз, амаки!.. Гўзал!.. Ҳозир!..

Муяссар Қодировна баттар тўлғонади. Нега бу бола уни писанд этмайди? Нега ўзини эшитмаганга олади?

– Тохиржон дегани сенмисан? Нега ўзингни карликка оласан?

Опанинг овози ниҳоятда ғазабли жаранглайди. Бу ғазабли ҳайкирикни эшитмаслик мумкин эмас эди. Ҳам-м-ма эшитади! Бола сехридан юккан ҳайрат ҳамм-манинг юзида сидирилиб, оёқ остига тушади. Бирдан фалакдаги Парвознинг қанотлари шалвираб, чангу тупрокка йикилади, боланинг яраклаган руҳининг шиддатидан барча дарвазаларини очиб бораётган сарҳадлар шу заҳотиёқ тақа-так бекилади. Сарҳадларнинг даҳшатли залвори эса олислардан лаҳзада етиб келиб, боланинг кўксига, бўғзига тиради. Эркин нафакадор ҳам бир калқади-да, боланинг илтимосини унтиб, кўлларини ёйиб юборади, Зулхумор лайлак “э-э...” деганча Муяссар Қодировнадан юз ўгиради, альбомга тикилиб, оғзи очилиб қолган кампирнинг беихтиёр белидан тушган кўли яна жойига қайтади, Йигитали машина ювадиган докани ўнг кўлидан чапига олади, доим кир ёядиган аёл негадир чўчиб, дорда куриётган чойшабларига бир караб кўяди...

– Ўзингни анқовлика солма? Сенга айтаяпман?

Бола бозор ўртасида уйқусидан уйғонган одам каби гарангсираб, нима бўлаётганини англамай жавдирайди. Бирор олиб кўядигандай альбомни бағрига босади.

– Сен, жувонмарг, нега эшикни тараклатиб очиб-ёпасан? Сенда ўзи тарбия борми, уйинг эшик кўрмагур!

Бола нимадир демоқчи бўлди-ю, аммо Муяссар Қодировнанинг важоҳатини кўриб, тили айланмайди. Сукунат чўқади.

– Нима-а? Нима деди-и?

Кўлини белидан олмайдиган кампир сукунатни писанд этмай, олдинга бир кадам ташлайди.

– Нима деди-и-инг?

– Бу бола эшикни тараклатиб ёпгани ёпган!

Эшикнинг тараклаб ёпилиши даҳшатини англашга уриниб, халойик яна жим колади.

– Нима-а?..

– Бу бола эшикни...

– Во-я! Во-я!.. – дейдиганни бўлади Зулхумор, юзини тахир мева егандай буришириб.

Томошибинлар енгил нафас оладилар.

Кампир эса яна бир кадам олга ташлайди:

– Шунга шунчами? – дейди у. – Шунга бир норасиданинг бошига дағдаға килиб келдингми? Уят-э! Бор, уйингга бор-э!

О, булар аллакачон бирлашиб бўлишган! Энди бир ёқадан бош чиқариб, уни таъкиб остига олишяпти!

– Ну болага ҳали кўрсатиб кўяман! Рўдаполарнинг ҳаммасига кўрсатиб кўяман!

Йигитали шахдам юриб, унинг қаршиисига боради.

– Опа, боринг!.. Ўзингизни ҳам, одамларни ҳам кайфиятини буздингиз... Боринг, Муяссар опа!..

– Мен Муяссар Кодировнаман! – опа дағ-дағ қалтирай бошлайди. – Билмасангиз, билиб кўйинг!.. – Сўнг болага қараб, жон-жаҳди билан бакиради: – Келгинди! Рўдапо!..

Бола альбомни бағрига босганча, жазаваси тутиб, бақираётган бу хотиндан кўз узмай турар, унинг жиддий тортган юзида бирор-бир ифода йўқ, факат иякчаси аҳён-аҳён титрагина кўяди.

– Оббо! – Эркин нафакадор скамейкадан йигитлардай шахт сакраб туради. – Муяссар! Сен, мана, менга гапир! Менга гапир!.. Мен билан гаплаш...

О, булар бунча кўп!

Муяссар Қодировна ичи ёниб кетаётган бўлса ҳам, ўзини мажбур этиб, ортига бурилади. Энди кўлидан келганини килади! Энди хеч кимни аямайди! Ҳали унинг совунига кир ювишмалти! Буларга эшикни қандай ёпишни кўрсатиб кўяди! Уруғини куритади! Искиртлар! Рўдаполар!

Ховлидагилар эса негадир хижолатли алфозда туриб қолишиди. Зулхумор ташаббусни кўлга олиб, вазиятни тикламоқчи бўлади.

– Кўйинглар! Ўзи опа сал нақа-да... Эркин дода! Искамейкага ўтиринг!.. Тоҳиржон айттандай, кўлларингизни нақа этиб...

Эркин нафакадор скамейкага ўтиради. Кўлларини “нақа” этади.

– Қани, Тоҳиржон! Дафтaringни оч! Чиз!..

Бола қимирамайди. У альбомни бирор олиб кўядигандай, кўксига маҳкам босганича, котиб туради.

– Тоҳиржон! Чиз, болам! – далда беради бир кўлини белидан олмайдиган кампир. – Чизавер!..

Аммо бола қилт этмайди.

– Парво килма, – дейди Йигитали унинг елкасига кўлини кўйиб. – Қани, ишинги ни бошла!

Бола жимгина турар, кўзларига эса тубсиз мунг чўккан, эҳтимол, хозир туттани нотаниш хўрликнинг беҳаёжуссасини қаршиисида кўриб тургандай, “сенга нима қилган эдим?”, деб сўраётгандай эди. Унинг иягидаги титроқ лабларига кўчгач, бошини эгади.

– Тоҳиржон, чиз!.. – дейди Зулхумор юрак-юрагидан ёлвориб.

Бола “йўқ” дегандай бош тебратади ва бурилиб жўнайди.

Худойим! Бу боланинг кетишини!..

Барча этлари увишиб, унинг отидан қараб колади.

– Яхши бола экан!.. – дейди мудом дорга кир ёядиган аёл.

Эркин нафакадор кўзларини бармоги орти билан артади:

– Ну Муяссар Худодан топади, – дейди у.

Мұяссар Қодировна кимлигини күрсатып ишига жиддий киришиб кетди.

Фотиманинг уйини текшир-текшир бошланди. Үйингдаги одамлар ким? Нима килишади? Ҳисобдан ўтганми, йўқ? Ҳар кун кимлардир – сумкали, портфели, кўлида дафтар-козг қўттарган кимлардир катнагани катнаган. Маҳалла бошлиғи ҳам шу ерда, турфа нозирлар ҳам икки куннинг бирида кўриниш беради, яна алла-кимлар... Мұяссар Қодировна балкондаги дераза ёнига стул кўйиб, “кузатув пункти” куриб олди. Опа кун бўйи бу келди-кеттими деразадан мамнуният билан кузатади. Сериал кўришлар тамом унтилди. Инсон ҳакиқат учун курашганда, мана шундай йўкотишларга ҳам жазм этар экан!

Эшик эса барибир онда-сонда қарсиллаб очилиб-ёпилаверди.

Зинадан бирорнинг қадам садоси эшитилмайди, ташкаридан бирор келмайди, аммо эшик қарсиллайди!

Албатта, бу – келгиндилар уни масхара этишапти! Бесас келиб, эшикни қарсиллатадилар-да, ғойиб бўладилар. Ё... Ҳа-а, тўғри!.. Тўғри! Улар жодугар! Шунча одамни авраганлару, бир эшикка сеҳру макрлари ўтмайдими? Булар дунёдаги барча эшикларни сеҳрлаб кўйиши, ахволимиз не кечади? Улар барча эшигу дарвозаларни ланг очади! Дунёда тартибсизлик бошланади!

Бир марта Мұяссар Қодировна кўнглидан кечган бу хаёлларни ҳатто Рахимжонов домлага айтди. “Хўш, айтинг-чи, кейин нима бўлади?” – деди. Домла беозоргина кулди:

– Энди... Нима десам экан?... – деди у опани оғринтирилмасликка ҳаракат килиб. – Кейин ҳаммаси яхши бўлади... Кўркманг!.. Ўзи булар тартибли одамлар...

Опанинг жон-пони чикиб кетди:

– Тартибли одам эшикни қарсиллатиб ёладими?

– Энди бу болалар... бошқача-да!..

– Нима, уларнинг ортиқча жойи борми?

– Ортиқча жойи йўқ... Йўқ... – домла беозоргина каршилик қилди. – Нима десам экан?... Уларнинг тартиби... – Рахимжонов кўли билан фалакка ишора этди. – У ёқда... Уларнинг тартиби факат Парвардигорга аён!..

Кейин у майингина илтимос қилди:

– Энди... Шу одамларни тинч кўйисак...

Мұяссар Қодировнанинг кони қайнаб, миисига урди. Бу ҳам ўшалардан! Ўшалардан! Айтган гапини карант! Нега тинч кўяр экан? Ҳеч качон! Ҳеч качон!

Эшикхона олдида билинар-билинмас чайкалиб, дард устига чипқондай турган уста Ахмадга дуч келди.

– Опа... Кечирасиз... Мұяссар... ...ровна!.. – деди уста мўъжизага дуч келган одамдай довдира. – Ёнингиздаги одам... қани?

Опанинг кайфи учиб кетди. Бу алкашнинг эси жойидами?

– Қанака одам?

– Ё... мен кўролмаяпманми?..

– Нималар деб алжираяпсан?

– Ким биландир баҳслашиб, жигибийрон бўлиб келяпсиз-ку? Ўша одам... қани?..

Мұяссар Қодировна ёнига бир караб олди. Сўнг бу ҳаракатидан ўзи изза бўлиб, уни жеркиб ташлади:

– Ҳе, ичмай ў!

Уста жеркишдан зарра чўчимади.

– Йўқ... Опа.. Кечирасиз... Мұяс... ...ровна! Сиз ёнингиздаги бирор билан... уришиб келяпсиз. Ўша одам... қани?

– Кўзингта кўринган! Озроқ ич!

Опа қарғаниб, уйига йўналди. Аммо эшикни рисоладагидай очиб-ёпишни унугтмади.

Муяссар Қодировна мақсадига етди.

Шахар кўчаларию ховлиларига куз оралаб қолган кунлардан бирида ниҳоят УЛАР эшикхонадан чикиши.

Олдинда икки катта бозор сумкани аранг кўтарган Фотима, ортидан аллақандай лаш-лушларни кўлтиқлаган уста Аҳмад, ёнида елкасига кўрпа-тӯшак ортмоклаган ўттиз беш-кирк ёшлардаги йигит, улардан сал кейинрок уч-тўрт қаппайган кўшбог тугуларни елкаларига илиб, кўлларига ҳам аллакандай халтачаларни ушлаган, бошини танғиб боғлаган ёшгина аёл, тўрт-беш қадам оркада эса катта-кичик иккита бола – Зафар ва Тоҳир. Зафар скрипка гилофини кучоклаб олган, Тоҳирнинг икки кўлида икки боғлам китоб... УЛАР теграларидаги ногаҳон қалинлашган куз ҳавосини аранг ёриб, оғир қадам ташлаб боришаётди.

Кетишиди! Ниҳоят, йўқ бўлишиди!

Деразадан караб турган Муяссар Қодировнанг кўнглида бекиёс шоду хуррамлик барқ урди. Томирларига баҳтиёрикнинг илик лаззати тараляётганини хис этди. УЛАР кўшни уйнинг бурчагидан фойиб бўлгунча бу лаззат оғушида роҳатланиб, караб турди-да, сўнг енгил бир юришда бориб, телечкичининг мурватини буради. Энди хоҳлаган киносини кўради! Хоҳлаган сериалини томоша қиласди!..

Аммо...

шу пайт

эшик яна

карсиллаб

ёпилди.

Унинг товуши Муяссар Қодировна вужудида хозиргина барқ уриб турган баҳтиёрикнинг анвойи гулларини килич кесгандай, бир сермаб, яксон килиб ўтди.

Опанинг ранги окариб, турган жойида ўтириб қолди.

Опа курашдан чекинмаслик кераклигини яхши билади. Энди шошилинч кўшимча чора-тадбирлар кераклигини, бу ярамаслик кимнинг кўли эканлигини фош этиш, зараркунандаликни томири билан юлиб ташлаш лозимлигини англади. Шу сабабдан, у “Кузатув пункт”ини ўзгартириди – уйидан чикиб, эшикхона олдидаги качонлардир уста Аҳмад ясаган бежирим скамейкага мустаҳкам жойлашиб олди.

Энди тартиббузар қочиб қутулолмайди! Энди сехру жоду ўтмайди! Унинг кўз олдида бирор эшикни тараклатиб кўрсинг-чи!

Ҳакикатдан ҳеч ким бу ишга ошкора журъят этолмади.

Кўшнилар эшикни авайлаб очиб, авайлаб ёпишар, бирок улар Муяссар Қодировнага салом беришни тамоман унугтган эдилар. Аввалига улар эшикхонадан чиқканда, опа алиқ олишга хозирланиб турди. Бир гал ҳатто элдан бурун “во...” деб алини бошлаб юборди, бирок хайрият, ўз пайтида тўхтатиб, масъулият залворидан хориган одамнинг “во-еї!..”ига айлантиришга улгурди!..

Салом беришмаса, садқаи сар! Энг муҳими, эшик таракламаянти.

Муяссар Қодировна билан ҳазиллашиб бўлмайди! Икки кун каллаи сахардан бир маҳалгача эшикхона олдидан жилмади. Учинчи кун энди музaffer дамлар етганини, бемалол телевизор кўриши мумкинлигини тушунди. Уйига кириб, энди телечкинча кўл узатганда, эшик карсиллаб ёпилди.

У ташкарига отилиб чиқди.

Ҳеч ким йўқ.

Муяссар Қодировнанинг сарсон-саргардонлиги бошланди. Душманлар ниҳоятда айёр эди. Улар энди кўринмай эшикни тараклатиб ёпишни хадисини олдилар. Опа эса дам уйга кирад, дам ташкарига отилиб чикар – ғазабдан кўкариб, атрофга синчикалаб карар, хеч кимнинг кораси кўринмагач, уйига кайтиб кирад, аммо яна эшик тараклаб қолар эди.

Муяссар Қодировна – иродали одам.

У энди эшик олдидан бир зум жилмай ўтиришга қарор қилди.

Беш-олти соатлик уйкуни айтмаса, опа ўз “пост”ини бир лаҳза тарк этмай, кузни ўтказди. Совук-кирон кунлар келди. У ҳаммани ҳайрон колдириб, ҳамон ўз “пост”ида эски пальтога ўралиб, титраб-қакшабгини ўтираверди. Охир кўшниларнинг сабр-токати тугади. Кутилмаганда Фотима билан Рахимжонов домла Муяссар Қодировнага рисоладагидай салом беришиб, унинг қарпосида тўхташди.

– Муяссар Қодировна, – деди ним табассум билан домла. – Муяссар Қодировна, совукка ўзингизни олдириб қўясиз, уйга кириң!

Опа каҳр билан унга каради. Индамади.

– Опажон... – деди Фотима.

Унинг овозидан меҳру муҳаббат ифори уфурди. У қандайдир чорасизлик кўйнида қолган опасини учратган-у, аммо уни қандай қилиб кутқазишни билмаётган эгачининг ачинишида Муяссар Қодировнага эгилди. – Ичкари кириң! Ўзингизни кийнаманг! Қора совук бўляпти, опажон! Қалтирашингизни каранг!

– Мени уйга киргазиб, эшикни тараклатмоқчимисизлар? – Бакирди опа. – Муродларингта етмайсизлар!

– Э, шу пружина ҳам!.. – деди домла файратланиб. – Ҳозир Ахмадни чакириб, олдиритириб ташлаймиз! Ҳаммамиз шу балодан кутуламиз!

Опа ўрнидан туриб кетди.

– Йўқ! – деди пружина олинса, жони чикиб кетадигандай. – Йўқ!..

Дўхтирлар келишди. Кўни-кўшнилар йигилишди. Врачлар у ёқ-бу ёқдан опа билан ажаб бир мулойимликда гаплашган бўлишди. Бир-бирларига маъноли қарадилар. Сўнг авраб-сулдаб, Муяссар Қодировнани “Тез ёрдам”га чикаришди. Фотима ҳам опанинг ортидан машинага кирди. Машина негадир текис асфалт йўлакчадан ортиқча силкина-силкина, катта йўлга чикиб кетди.

Бахор келди.

Нечанчи бор бозорга бориб-кайтан Зулхумор хиргойи қилганича, уйининг деразасини очиб юборди-да, телевизор карпосидаги креслога ўтиреди. Кресло ёнидаги чой-стол устига қоғозга ўралган кунгабокар пистасини тўқди-да, экранга кўз ташлади.

– Вой, – деди у туйкусдан кувониб. – Вой!

Экранда Фотима кўринди. У каттагина хонани тўлдириб ўтирган – ҳаммаси бир йўсина ийл-ийл кийим кийган эркак-аёлларга цеплофан халтачаларда совға улашяпти. Нимаси биландир болаларга менгзайдиган эркак-аёллар миннатдорлик билан тортикни қабул қилишяпти. Ҳаммасининг кўзида кувонч – арча байрамдаги болакайларнинг худди ўзи. “Боякишлар касал, – деб ўйлади Зулхумор. – Касал!.. Анака касал!.. Бечоралар! Потини ишини карант!.. Вой, Поти!..”

Ёши ўтган бемор аёл ўзиди йўқ кувониб, ўрнидан турди. У хаяжонланиб шодиёна кулишда Фотиманинг кўлидан совғани олди. Ним таъзим қилди. Фотима уни бағрига босди. Қайта-қайта босди. Юзларидан ўпди. Сочларини силади.

Зулхумор аёлни таниди. Муяссар Қодировна!

– Вой, Поти!..

Зулхумор йиглаб юборди.



Менга сўз бердингиз...

Тошпўлат АҲМАД

ҮЙФОҚ ВИЖДОНИМСАН, ВАТАН!

Бу ёруг оламда борлиғимдирсан,
Кўксимда тумордай ёрлиғимдирсан,
Минори Калондай ардоғимдирсан,
Гарди гиёҳимсан – Ватан,
Тийран нигоҳимсан – Ватан!

Чумоли зоти ҳам сендан розидур,
Нафасинг, соф сасинг беозордуур,
Сенда туғилмокнинг ўзи орзудур,
Гулу райҳонимсан – Ватан,
Тоза имонимсан – Ватан!

Ойбек айтганидай, агар бир куни:
“Куёш чикмай колса, согинар сени”.
Ахир, саждагохсан – нажот маскани,
Номусим, шонимсан – Ватан,
Үйфоқ виждонимсан – Ватан!

Ҳазрат ибн Сино сендан кетар чоғ,
Юрт меҳрин уққанман кўриб бағрин доғ,
Ҳар кимга буюрсин туғилган туфроғ,
Бехазон боғимсан – Ватан,
Таянчим, тоғимсан – Ватан!

Сен – Фитрат кўзида қотган ноласан,
Файзулла кўзида оккан жоласан,
Шаҳидлар қабрида унган лоласан,
Сўнмас хаётимсан – Ватан,
Кўшик баётимсан – Ватан!

Тошпўлат АҲМАД – Ўзбекистонда хизмат кўрсатган маданият ходими. 1943 йилда туғилган. Самарқанд давлат университетининг ўзбек тили ва адабиёти факультетини битирган. Ижодкорнинг “Ойдин хаёллар”, “Имон қатъаси”, “Шарқ тумори”, “Фигон”, “Чорбакр”, “Қутлуғ остона” номли шеърий ҳамда насрый тўпламлари нашр этилган.

Сени хор этганлар, ўзи хор бўлди,
Беному бенишон, зорма-зор бўлди,
Хурлиқдан оғушинг шуълавор бўлди,
Рухи равонимсан – Ватан,
Жону жаҳонимсан – Ватан!

Бугун сўзлаётир буюк боболар,
Бухорий, Термизий, канча Кубролар,
Амир Темур, Нақшбанддек сиймолар,
Эзгу карвонимсан – Ватан,
Қадим кўргонимсан – Ватан!

Муножот

Улфати чор бўлиб, сухбат
Куаркансан қилиб роҳат.

Кўнгил боғинг айлаб хуфтон,
Чирокнинг ўчгани ёмон.

Кўлиинг ошга етар чоғда,
Тақдир гуллар тутар чоғда...

Жисму жонинг ўртаб фифон,
Омаднинг қочгани ёмон.

Дарё кезсанг сузиб-сузиб,
Тўлкинларнинг авжин бузиб.

Сохилга етганинг замон,
Гирдобнинг кучгани ёмон.

Бегонани дўст фахмлаб,
Дарду дилинг қўйсанг гуллаб.

У бошинг хам бўлсин дебон,
Сирингни сочгани ёмон.

Номардга дуч келишдан қоч,
Үнга ҳамдард бўлишдан қоч.

У зўр келса, сотиб имон
Қасамлар ичгани ёмон.

Эй Аҳмадий, боғонлик қил,
Эл-юртингга посбонлик қил.

Йўқса, ғаним пайт пойлабон
Ярогин санчгани ёмон.

“Амири Маъсум”

...Манғитлардан Амир Шоҳмурод¹
Фақирликни хуш кўрган экан.
Карбос чопон, кавш-маҳси кийиб,
Эл-улусни сўраган экан.

Таомлари ҳам сал ғалати,
Эшигнинг туюлар ёлғон.
Лек, арпа нон, арпа атала,
Мош ўмочи гуручли ёвғон.

Ва, ҳафтада уч-тўрт бўлак гўшт
Унга буткул кифоя экан.
Бирор тортиқ этолмас пешкаш,
Ҳалолликка чин доя экан.

“Жаннат макон”, “Амири Маъсум”
Лакабларин олган шу амир.
Кимки золим: бойми ё хоким,
Жазоларкан аямай бир-бир.

Ўғриларнинг кестириб кўлин,
Соткинларни айлаб ҳукми дор.
Шариатнинг бор қонунларин
Авайларкан бамисли тумор.

Шу боисдан ахли раият
Яшаб ўтган экан осуда.
Шундан дерлар, амирнинг рухи
Шод кезаркан еру самода.

Йўқ, окламоқ эмас муродим,
Гарчи бул шоҳ бандай жанда.
Хатолари лак-лакдир балким,
Ахир, у ҳам осий бир банда.

Мени кийнар ўзга бир савол,
Йўқми хозир муноғиқ зотлар?
Амал отин суриб бемалол,
Айш жомига ботган бедодлар.

Шундок ўйлаб, дейман: Алҳазар!
Тўққа шўхдан Худо асрасин!
Ўзин доно билган кимсалар
Амир Шоҳмуродни эсласин.

¹ Амир Шоҳмурод – Бухорода 1785–1800 йиллари ҳукмронлик килган манғит амирларидан бири.

Не дейсиз?

Менга сүз бердингиз, не десам экан,
Күнгил bogингизга не эксан экан,
Айтишим не бўлгай, гулми ё тикан,
Мехрим бошингиздан сочсан, не дейсиз?

Майни кўя туринг, гулоб берингиз,
Бир чимдим катраи офтоб берингиз,
Тоза рух берингиз, шитоб берингиз,
Севгим пойингизга сочсан, не дейсиз?

Хар кимнинг белгили нону тузи бор,
Оллоҳ ўлчаб берган ризки рўзи бор,
Шоирнинг сизга деб, айтар сўзи бор,
Қалбимни сув килиб сепсан, не дейсиз?

Косани тўлдириинг, гар хикмат бўлса,
Сипкорай боз унда ҳамият бўлса,
Аммо, синдираман у миннат бўлса,
Сохта улфатлардан кочсан, не дейсиз?

Дунёда не азиз самимиятдан,
Бир-бирга тиланган улуғ ниятдан,
Соз сухбат ғанимат, миш-миш фийбатдан,
Гоҳ мавжли дарёдай шошсан, не дейсиз?

Айтинг, ширинмасми, болдан ҳам дийдор,
Мехр турганда қаҳр не даркор,
Дўстларим, тилагим этайн ошкор,
Чехрангиз шуъласин иссан, не дейсиз?

Мұхаббатим күрсатсын сөхр



Дилором ИСМОИЛОВА

Осмонингни кўргани келдим

Қашқадарё, ишки дарё, кўзингда викор,
Кундуз кўёш хумор сенга, тунда ой тумор.
Кўйдек майин, кордек тоза хаволарингда
Онам айтган илк сўзларнинг жаранглари бор.

Бу далалар менинг ота-бобомдан қолган,
Толларига момоларим ҳалинчак солган.
Шахрисабз кизларининг оқ юзларига
Кечалари ой термила-термила толган.

Тохир оккан дарёларни кўргим келади,
Зухрахоннинг соchlарини ўргим келади.
Мұхаббатим сингиб кетиб адирларингда
Авжи баҳор кизғалдоқдай тўлгим келади.

Сенда ўсган битта гулни суйғанлигим рост,
Ҳидларини ҳидлаётмай куйғанлигим рост.
Мен мұхаббат сирларига тўёлмадим ҳеч,
Азал унинг кўйларида сўлғанлигим рост.

Согинч – отига миндим, сен томонга елдим,
Сир яшириб бўлармиди бу доно элдин?
Қандай айтай ўшал гулни согиндим дея,
Қашқадарё, осмонингни кўргани келдим.

Дилором ИСМОИЛОВА – 1965 йилда туғилган. Самарқанд давлат университетининг филология факультетини тамомлаган. Шоиранинг “Юрагимда гуллар шивири”, “Райхон исли кунлар”, “Согиниб кетдим”, “Мехрибоним, қайдасиз?”, “Ватанин жонимдек аспрагин” номли шеърий тўпламлари нашир этилган.

Умр нима

Умр нима, умр бир карвон,
Үтаверар күнғироқ чалиб.
Оҳангидан кимдир паришон,
Кимдир эса мафтункор голиб.

Эҳ, менинг бу бир чимдим умрим
Ўтса эди сенга термилиб.
Сен ҳам ташлаб ўжарлигингни,
Кўзларимга қайтсайдинг кўниб.

Энди армон, муҳаббат армон,
Кўзларимга тўла олмадим.
Мен ҳам сенинг сочингга қўнган
Бир гардчалик бўла олмадим.

Нафакат ишқ, ҳатто инсон ҳам
Ҳаёт йўлин армонга тиккан.
Вақти келса, у сув четига
Чикиб қолар бир хасча экан.

Кўргим келаяпти

Юрак, нима керак сенга бу азоб,
Бунча кийнамасанг ўзинг-ўзингни?
Йиртгим келаяпти хозир негадир,
Йўлига термилиб турган кўзимни.

Қайтаяпман, кўнгил йўлидан ортга,
Кетаяпман, аклим йўриги сари.
Тезрок тугасайди бу мастоналик,
Қани унутсайдим бари-барини.

Нега кўрмаяпти кўзим ҳеч нени,
Ё коплаб олдими ёшим пардаси?
Мендан бошқа иши йўқми дунёнинг,
Бошимда айланар хижрон дастаси.

Икки ҳоҳиш аро оввора жоним,
Жуда гўзал эрур ҳар иккиси ҳам.
Кўргим келмаяпти сени негадир,
Кўргим келаяпти сени жудаям.

Пичирлайди күчада хазон

Пичирлайди күчада хазон,
Ниманидир сүзлаб юрибди.
Янги чикқан ой күк токида,
Сарик баргдек титраб турибди.

Күнгил bogim кезаман, ундан
Келиб турар сизнинг хидингиз.
Атиргулу райхонларини
Эркалайди, суюди бир киз.

Хижронлардан сўз очманг зинҳор,
Уни баланд дорга илингиз.
Кийиб висол кўйлагин, эй ёр,
Энди йўлга тушиб келингиз.

Кўзларимдан узатдим меҳр

Сокин окшом. Кўкнинг бағрини
Ёритарди юлдузлар шами.
Оқ юзини буриб бир четта,
Кўрдим ойнинг йиғлаётганин.

Юрагимдан узилди бир тор,
Етмай қолди ўпкамга хаво.
Шунча баланд жойда турса ҳам,
Нега йиғлар ой ўзи, момо.

Эртакларда, сўзда таърифи
Бўй кизларни киёслар унга.
Ё соғинчи ортдими бисёр,
Етмадими ошиғи – кунга?

Маъюсланма, ёшингни тўкма,
Ёлғизман деб ўйлама зинҳор.
Хар кеч кўкка бокиб сен ҳақда
Ўйлаётган битта кизча бор.

Кел, меҳримни узатайин, ол,
Мұхаббатим күрсатсын сеҳр.
Йиғлаётган ўша сулувга
Кўзларимдан узатдим меҳр.

Кетдинг

Кетдинг
Бошгинамга қулаб тушмади осмон,
Соат хам юришдан тұхтамади хеч.
Хәётимнинг сенсиз күнларида хам
Тонглар отаверди, тушаверди кеч.

Ари хабар олди кирмизи гулдан,
Дараҳтлар шохида синди кечки нур.
Нафас олаяпман, тирикмән, демак,
Осмонни түлдирған ҳаволар биллур.

Фақат нималардир рүй берди дилда,
Түрт томонга бокиб күзинг изладим.
Күксимдаги юрак – қип-кизил гулдан
Келиб турар эди сенинг исларинг.

Софинчлар

Софинчлар, соғинчлар, соғинчлар
Бүйнимга сиртмоклар солади.
Софинчлар омбурдек буралиб,
Жонимни суғуриб олади.

Бахорни соғинган дараҳтдай,
Күлларим сочингни соғинди.
Тұлинеб, сүқилиб, тұқилиб
Юрагим булатдек соғилди.

Вох, жоним куйикка айланди,
Хаммаси ўтади энди жим.
Дил куйик, күз куйик, сўз куйик,
Уларни дарёга оқиздим.

КЕЛИН

Хикоя



Мұхаммад САЛОМ

– Хуув отаси, туринг, тұрақолинг энди...

Олисдан таралғандай майин овозни отаси гүё эшитмас, күрпага бурканғанча кимирламай ётарди. Шунда овоз әгаси “қаср”га оёк томондан құл узатиб, күрпани силкитди:

– Туринг, отаси, келиніз чойга чакирыпти, келиннинг қўлидан чой ичмайсизми, отаси?

– А?.. Келин... – Отаси аввал кўзғалди, сўнг бошидан күрпани сураркан, кўзларини очолмасдан уйқусираган каби ғўнгиллади. – Келдими? Ка... каерда?

– Туш кўраялпизми? Қаерга келади? Келин уйда, – деди аёл эрига раҳми келганча бош тебратиб. – Кўзизни очинг.

Шундагина у кўзларини аранг очиб, тепага нигохи қадалди-ю, каерда ётганини англади: оппок дока – пашшахона, унинг устида шийпон шифти – яшилга бўялган, калта, сербар таҳталар хира ҳолда кўринади. Чап ёнида, пашшахона ортида сафсар рангли халат кийган хотини чўнқайғанча, ярим илжайғанча унга кўз тикиб турибди. У ўзини кувноқ тутишга уринса-да, анча хориганлиги, уйқуси чала кечганлиги яккол сезилади. Рўпарадаги тўрт қаватли уйнинг томидан тушаётган чироқ шульласи аёлнинг қийик кўзларида қандайдир мамнунлик, ички каноатланиш хисси балқиётганини ошкор этади.

– Тинчликми? Саҳардан товукка ўхшаб қоғоғлаб ўтирибсан? – эр ёлғондакам тўнгиллади. Аслида ҳам уйқуси бузилганидан, бевакт безовта килинганидан у хурсанд эмас эди. Тўй харакатлари, елиб-югуришлар уни бир мунча толдирган, бу толиқишилар бир кечалик уйку асносида бартараф этилиши маҳолдай туюларди.

– Саҳар колибдими, отаси, – деди хотин ярим шавқли товушда. – Келин тушириған одам кўчадай ётмайди-да, ахир. Бундай турииб, келинини саломини кабул килсайиз, кўрманайизни чўzsайиз... Бирга-бирга чой ичсак...

– Хўп, боравер, – деди-ю, отаси шундагина биринчи қаватда яшайдиган кўшнисининг боғчасида – иккита кўп қаватли уй оралиғида жойлашган шийпон-часида эканини, ҳадемай, йўлакдан ўтувчилар кўпайиши-ю, унинг талтайиб ётиши одамлар кўзига хунук кўринишини эслади ва устидаги күрпани оёқ сари сурди-

Мұхаммад САЛОМ – 1938 йилда туғилган. Самарқанд давлат университетини тамомланған. “Кечирим”, “Юракдаги излар”, “Тошлоқдаги ҳазина”, “Севги тори” каби китоблари нашир этилган.

да, энкайганча пашшахона “девори”ни күтариб, ўзини ташкарига олди. Хотини “үйча”ю түшакни йиғиширишга ёрдамлашаркан:

– Энди шу чайлада ётишният тұхтатсайиз бўлар, – деди эрига ичи ачишиб. – Кўчни хозир уйга олиб кираколайлик.

– Йўқ, хали шошмай тур, – бир нафас ўйлаб олгач, деди отаси. – Келинимиз уйга бироз ўрганишсин... Кўчиш қочмас...

– Шамоллаб-нетиб юрманг дейман-да. Кечалари анча салқин. Ахир хеч қачон кўчада бунча қолиб кетмагансиз-а.

“Кўчада” сўзи отага эриш туюлиб, энсаси котди: “Нега кўчада бўларкан? Буни қаср демайсанми?”

Бу фикрини у ўзича асослади: ётган жойининг таги ертўлага ўхшатиб курилган ихчамгина хона, унда эгасининг уйига симгаган ашкол-дашқоллар кўйилган. Унинг устига гирди ажиб гуллар билан нақшланган, каттагина темир каравот ўрнатилган. Бунинг хам ўз томи бор – калин қувур-устунлар воситасида икки газча кўтарилиб, тепаси чиройли тунука билан қопланган. Каравот атрофи кўздан пана – жонли тўсик-дарахтчалар или бурканган. Рўпараю бикиндаги ерга бир тупдан олма, ўрик ва гилосдан ташқари рангто-ранг атиргуллар экилган. Гуллар оловдай ёниб, куёшдай балқиб, кўзларни қувнатиб турибди. Фақат булар унга, ўзига карашли эмас-да! Аммо бунинг ахамияти йўқ. Эгаси ташқарида ётишдан чўчиди ёхуд уялади. Кайтага текин кўрикчи борлигидан кўнгли тўқ. “Кўрикчи” эса қаватли уйларнинг диккинафас ҳавосига тоқат килолмайди. Ҳар йили ёз чилласи бошланиши билан мана шу шийпончага тушиб олади, то август охирларига қадар пашшахона тагида хузурланиб ётади. Бу йил эса “дала ҳовли” гашти анча чўзилди – мўлжалдан нак бир ярим ой ошди. Шароит шуни такозо этди-да... Келин унаштирилганидан буён учинчи қаватдан меҳмон аримаса, нима килсинг?

– Бу йил куз бизга мослашди-да, онаси, – деди ниҳоят отаси аёлининг гапига жавобан. – Асосийси – тўйни ўтказдик, энди хеч нимадан чўчимаймиз.

– Раҳмдил Эгамнинг марҳамати бу, отаси, – деди аёли мамнун охантда. Сўнг кўшиб кўйди: – офтобада сув, артинишга сочик туширдим. Ҳаялламант. – Онаси шундай дея йиғиширилган пашшахонаю түшакни каравот панжараси сари сурди-ю зинадан пастга тушиб, учинчи қаватга йўлланди. Эри ўйчан караб колди: “Энди бу ёғи қандай кечаркин? Уйи торнинг кўнгли тор бўлиб қолмасмикан?”

У ўзини кўнгли тор ҳисобламас эди, барча якинлари уни эшиги хам, дастурхони хам очик, деб айтишарди. Лекин хоналари тор ва бир-бирига яқин қаватли уйлар кенг ҳовлига teng келолмаслиги сир эмас. Хусусан, оиласа янги, аввал бошқача мухитда вояга етган, ўзгачароқ аъзо кўшилганда вазият калтисрок тус олиши хам мумкин. Агар келинчак оиласа дарров кўшилиб-корилиб кетса-ку, хеч қандай муаммо туғилмайди.

– Бордио... йўқ, йўқ, унакасини Худо кўрсатмасин! – пичирлади у ювинаётган чоғида.

Шийпон зинасидан пастлар экан, йўлак топ-тоза, сув сепилганини кўриб, у лол колди: “Ажабо, қачон улгуршиди? Кимнинг иши бу? Ёнгинамда шунча иш килишибди, сезмабман. Демак, котибман-колибман-да...”

– Хмм... Келинимиз! – ногох унинг дили ёришиб, хамма чарчоклари зумда таркалди. Бу лахзада у учинчи қаватга кўтарилиб, ўз эшиги рўпарасида тўхтаган, пастдан юкорига қадар барча зиналар, ён туткичлар, ҳатто тўртингчи қаватга кўтариладиган пиллапоялар ҳам артилиб, ювилган – губорсиз ялтирас, салқин, намхуш ҳаво бурунни сийпалар эди. – Худога шукр, келиндан ёлчибмиз, чоғи... Лекин бечорагинам... қачон уйғондийкин, шунча майдонни қандай эплади экан?..

Эшик нимочик эса-да, отаси киска йўталганча остона ҳатлади. Йўтални эши-тиб, хотини катта хонадан шошилиб чиқди. Деярли ҳаммалари ўша хонада нонушта килишарди. Кизи, кичкингойи хам дастурхон атрофида. Факат келин-куёв кўринмаяпти.

— Киринг, отаси, — аёли уни тўрдаги кўрпачага чорлади. Фарзандлари ҳам салом берганча кимтиниб-сурилиб, оталарига йўл бўшатишди. — Келиниз чой дамлайпти.

— Акмалжон ҳалиям ухляйтими? — у ён-бу ён аланглаб, сўради отаси.

— Акам бозорга кетибдилар, — кулимсиради Дилрабо.

— Бозорга? — таажжубланди отаси. Чунки, унинг билишича, уйда ҳамма нарса бор, бозор қилишга эҳтиёж йўқ эди.

— Бирор нима керак бўлгандир-да, — деб аёли унга кўз кисиб кўйди.

Аслида ҳам ўғил нечундир отасига кўринмасликка уринаётган эди.

Оила бошлиги тўрдаги кўрпачага ўтиаркан, кўлларини кўтариб, дуо айтди-ю, юзига фотиҳа тортиди. Айни шу топда очик эшикда товусдай товланувчан атлас кўйлак кийган, бошига юпка, зарринли оқ шохи рўмол ўраган нозиккина хилқат намоён бўлди.

— Ас-саомм, дадажон... — деган шивир эшитилди. Сўзларни қайната аранг илғаб, қаддини ростлади.

— Валейкум ассалом. Баракалла, кўўп яшант, кизим... — деди нечундир ўнғайсизланиб. Охирги сўзи тилида у қадар қовушмагандай туолди. Бундан ўзи ажабланди. Нега? Ўз фарзандидан ўзгани биринчи маротаба “кизим” дегани учунми? Бу сўз ногоҳ ўзини кексайгандай кўрсатгани боисми? Бегона кизларга у асосан “синглим” деб мурожаат этар эди. Келинини қандай чакиришни хеч ўйлаб кўрмаган экан. Шу сабабдан тили яхши айланмадими? Энди мослашмаса, бўлмасов. — Ўтииринг, ки-кизим...

Келинчак нимадир деганча орти билан юриб, ошхона томон ўтди-ю тезда чой-нак кўтариб кайтди. Ошхонада чойни қайтарган чоги, ўтирган кўйи ундан пиёлага қуйиб, пиёлани учта бармоқчасида тутганча, хиёл эгилиб, қайнатаси томон чўзилди.

— Раҳмат, баҳтили бўлинг, — қайната шошиб кўл узатди. Пиёлани олгач, таклиф этди. — Ўтииринг, ўзингиз ҳам чой ичинг.

— Келинизга нима берасиз? Кўрманага? — оҳангода қувонч балқиган овозда сўради қайнана. — Атаганизни чикаринг, отаси.

— Хўўп, хўўп, онаси, ана, айвонда ўраб кўйилган ипак гиламни бердим.

— Раҳмат, — бошини хиёл эгиб, шивирлади келин ва ортига юрганча даҳлизга ўтди.

Ота чойдан хўпларкан, оиланинг янги аъзоси ўтирганидан, чой қувишда давом этмаганидан бироз таажжубланди. Сўнг буни қайнатаси рўпарасида ўтиришга ийманганликка йўйди. Хаёлида эса оппок рўмолда келиннинг сал энкайиб, майнингина “Ассалом” дегани нари кетмас, шундай кунга етказгани учун ичдан Оллоҳга шукроналик билдирап, унинг ҳам шу хонадонда палак ёйиб, ўз фарзандидай бўлиб қолишидан умидланар эди.

Шундай ўйлар оғушида у нонушта қандай кечганини сезмай ўрнидан кўзгалди-ю, ўз хонасига ўтиб, кийимларини алмаштириб, ишга жўнади. Кечкурун қўшниларию яқинларининг томок тақиллатишларига жавобан “супракоқди” ўтказди. Мехмонларни кузатгач, даҳлизда дуч келган хотининга:

— Ман ётогимга тушиб кетяпман, — деди кайфи борлигини сездирмаслик илин-жиди. — Бошка бирор гап йўкми?

— Вой, ётогизни кўчирувдик.

— Кўчирувдик? Нимага? Қаёқка?

— Шунчасигаям раҳмат, отаси! Ўғлиз кўймади, тўшакларизни ўзи олиб чиқди. Айвонга ўрин солиб кўйдим.

— Начора, — кулганча у туфлисини ечди-ю, шоша-пиша айвон-терасса сари юрди. Ўглиниң ишидан күнгли күтарили. Чунки, куз кечикиб, кундузлари хаво илик эса-да, тунда гоҳо шудринг тушиб, күрпа орасида ҳам совқотаёттанди.

* * *

— Тур, туракол, қизим, кеч бўляпти... — деган сўзлар, гарчи паст овозда тараплан эса-да, отасининг уйқусини кочирди.

— Пича ухлай... Ҳали эрта-ку... — Дирабонинг уйқусирагандай эринчоқ товуши отани ажаблантириди. Сўнг ўзича бундан маъно топди: “Ҳм, сут олиб келишни айтгандир-да... Ёш қизни саҳардан кўчага чиқаргунча бу ишни манга айтмайдими?”

— Туракол, асалим, кенномийнг кутиб колди...

— Ўзлари килаверсинла, нима ман уларга...

— Жим... уят бўлади-я. Бўмаса ўзим бораман... — Онасининг кўзғалган шарпаси эшилди-ю, Дирабонинг шошкин кад ростлагани сезилди. Буни тасдиклаб:

— Йўқ, ўзим, — деган катъиятли, зардага йўғрилган овоз кўтарили.

Товушлар, шарпалар тинди. Отаси ҳайрон бош қашиди, сўнг кўл силтаганча яна кўзларини юмди. Бирок энди уйқу уни батамом тарқ этган эди. Даҳлиз билан айвон оралиғида ошхона борлиги, боз устига, эшиклар ёпиклиги шарпаларни бўғиб кўйса-да, уйғоқ отасининг кулокларига айрим харакатлар саси барибир етиб келар эди. Бу саслар гоҳ кучайиб, гоҳ сўниб — жимиб қоларди. Ниҳоят, овозлар батамом йўқолиб, давомли сукунат чўқди-ю, отаси навбат ўзига текканини хис этди, охиста юриб ваннага ўтди. Шоша-пиша ювинганча йўлакка чиқди ва кеча тонгда кечганидай яна дили ёришиб кетди: озодалик кандай яхши!

Ҳар бир каватда ёғду сочаётган чироклар топ-тоза, намхуш зиналарни ялтиратиб кўрсатади. Йўлакда авваллардагидай ёқимсиз, оғир хаво эмас, аксинча, кўнгилга хуш ёқадиган, енгил нафас кезинаёттандай... Йўлаклар ҳам энди озода, саранжом-сариштали, супурилган, сув сепилган — сўлим.

“Келини бор уйнинг файзи бўлакча-да”, — дилидан кечди отасининг. Бу ўйдан кўнгли кўтарилиб, ўзича ғурурланди. Кеча оқшом чойхонада зиёфат берганида шу йўлаклик кўшиниси ҳам гўё уни мукофотлаган эди: “Бизни подъезд ҳам сонга кира-диган бўлибди-да. Раҳмат келинизга. Тарбияли экан...”

Отаси бошини адл кўтариб, атрофга разм солди. Бошқа уч йўлак эгасиз-каровсиз каби чириган япроқлару хас-губорларга тўлиб ётар, жуда файзсиз кўринар, охирги йўлакнинг биринчи каватида яшайдиган ўрта яшар аёлгина гулзорчасига ва ўз йўлагига шлангда сув сепар эди. Аслида, ўша йўлакда ҳам икки ойча аввал тўй бўлган — талаба келинчак яшайди. Лекин... Э, ана, рўпарадаги уйдан, ўрта йўлакдан бир келинчак супургию челак кўтариб, ховлига чиқди.

“Қандай яхши... Қанча вакт давом этаркин? Дарвоке, бу хонадонга тушганига бир йилдан ошди-ёв. Чакалоғиям бор... Баракалла...”

У айвонга кайтиб кирганида тўшаклари ўрнида ноз-неъматта бой хонтахтага дуч келди. Ҳадемай, хотини, кизи, ўғиллари ҳам унинг атрофидан жой олишди. Худди шу лаҳзада париллардай товланиб, бошию юзига шохи рўмолини ташлаганча оиласининг янги аъзоси пайдо бўлди. У кечагидай сал этилиб:

— Ас-сомалайкум, дадажон, — деди эшитилар-эшитилмас овозда.

— Валек... — дедио отасининг сўзлари бўғизида котди, юзи яллиғланди. У сўзини давом эттиришга кийналёттандай кўринарди. Миясидан эса: “Қизик, саломи маъносини ўзи билармикан? Балки кеча ҳам шундай салом бергандир, мен пайқамагандирман”, — деган фикрлар кечарди.

Унгача келин жажжи пиёладаги чойни уч бармоғида тутганча, ўрнидан туриб, ярим эгилган күйи қайнатасига чўзди.

— Раҳмат, — деди хўрсинники оҳангда отаси пиёлани оларкан ва ҳафсаласиз тарзда қўшиб қўйди: — Ўрнингиздан турмасдан узатаверинг чойни. Майли, мен розиман, киз... келин...

Онаси, Дилрабо, Акмалжон ҳанг-манг бўлиб, оила бошлиғига кўз кадашди. Негадир отасининг кўнгли чўқканга ўхшарди. Сабаб? Савол назари ила бир-бирларига нигоҳ ташлашди. Унгача келин ортига сурилиб, ошхонага кириб кетди. Онаси “Ўзи нима гап?” дегандай эрига кўз тикди. Эри гап чўзишни истамай:

— Нима кераги бор ортиқча тақаллуғининг, — деда тўнғиллади. Хаёлидан эса: “Буларга тушунтириш керакмикан? — деган ўй ўтди. — Ёки аввал келиндан суриштириш зарурми? Йўқ, орага совукчилик тушмасин. Кейин...”

Ҳадемай хонтахта атрофи бўшай деб колди: кимдир ўқишига, кимдир ишга шошилди. Аммо онаси нечундир ошикмас, эридан нимадир кутиб, унинг оғзини пойларди. Отаси эса аёлининг саволини кутмасданок:

— Келининг чой ичмайдими? — деда ажабсиниб сўради.

— Сизни ковогизга караб чой ичинми? — пайти келганини сезиб, онаси эрига нина санчди. Отаси ҳали рисоладан чикканини, алик олиши гўё қандайдир ахлатлар ичиди колиб кеттанини — саломга деярли алик олмаганини тушунди-ю, кизарганини кўрсатмаслик учун пиёлага ёпиши ва ундан бир қултум чой ичаркан, гапни бошқа ёкка бурди:

— Сахарда Рабони ўйғотаётудингми? Қаёқка юбординг?

Уйда хамма Дилрабони “Дили” деб чакиришса, отаси “Рабо” деб эркалар, гўё чала атамани тўлдирав эди.

— Кеннойисига ёрдамлашди... — жавоб қайтарди аёл. Сўнг нима қиларини билмаган каби дастурхондан у-буларни йигиштиришга тутинди. Отаси кечва бағун сахар чоғидаги озодалик боисини, иш кўламини эслаб, воқеанинг тагига етди. Аввал келининг ачинган бўлса, энди нозиккина кизалогига раҳми келди.

— Ўша пайтда ҳаво жуда салқин, коронгийди... — ўзини оклади аёл.

— Яхши килибсан, — деб юборди беихтиёр оила бошлиғи. Кейин ҳазиллашган бўлди: — келинимизни аябсан, баракалла, меҳрибон қайнана.

Эридан рағбат эшитган аёл ногоҳ дили ёришиб, кўнглидагини айтди:

— Шояд кизиз ҳам ўрганиб кўйса!

— Э, ўзи шартмикан сахардан шу ишларни қилиш. Супаю йўлакларни озода тутиш ахир ҳамманинг иши-ку! Келинларни кийнаш яхши эмас-да!

— Урф-одат шунакайкан, нима киласиз, отаси...

— Ўзинг бундай қилмагансан-ку, — кулганча у хотинидан гўё “ўч” олди.

— Бизда бунақа одат йўқ-да, отаси, бошимга тушса, караб турмасдим... — онаси очиқласига ўтди. — Борди-ю қизиз тошкентликка тушса...

— Рабони тошкентликка бермайман! — шарт кесди отаси.

— Үндай деманг, отаси, пешонасидаги бўлади. Шу учун ҳозирдан пишигани яхши эмасми?

Отаси Худодан, тақдирни азалга тил теккизишдан кўркадиган одам. Гарчи, ошкора эмаса-да, кўнглида тақдирни тақбир килиб бўлмайди, деб юрувчиларга эътиroz билдирамайди. Ҳозир аёлининг гапи маъқул тушди-ю, лекин очик тан олгиси келмай:

— Э, буларнинг одатлари курсин: ҳам келин томон күёвнинг уйини мебелу матолар билан тўлдириши керакмиш, ҳам келинни, бирорнинг дилбандини улар кулдай ишлатиши шартмиш, — деди тўнғиллаганнамо. — Ў, одам, уйингга янги одам, янги ишчи кучи кўшиляпти, шунинг ўзи зўр бойлик эмасми?

— Қизицманг, отаси, қизицманг, — шивирлади аёли ошхона тарафға күз ташлаб олгач. — Ҳай, айтинг, ёмон бўлдими? Ҳам ўғлимизни боши икки бўлди, ҳам уйимизга молу мебель келди.

Отаси енгилган каби бир нафас жим қолди: нафси замбрини айтганда, уй жиҳозларини кўриб, у ичдан суюнгани, мамнун илжайиб кўйгани рост эмасми? Буни хотини ҳам сезган-ку? Энди буни кандай изоҳлайди?

— Ўзинг яхши биласан, ман кудаларга бирор шарт кўйганим йўқ. Ҳатто уларга очик айтувдим: “Манга бойлик эмас, яхши келин керак”, деб. Айт, шундай демовдимми?

— Девдиз... Лекин урф-одат экан, кизларидан хеч нимани аямадилар. Қизимиз баҳтли яшасин, деганлари-да бу.

— Э, кўй-э, шу матоҳлар билан баҳтли бўларканми? Худо ҳар кимнинг ўзига берсин.

Салдан сўнг отаси ҳам ишга отланди. Кун бўйи уйдаги вазият, келиннинг юриштуриши, кизининг тақдиди хаёлидан нари кетмади. Кечкурун эса яна таъби тиррик бўлди. Эшик очган келин пастгина овозда:

— Ас-сомм, — деди-ю, дарҳол ортига бурилди. Қайната тутқични асабий тутганча бир лаҳза котиб қолди. Ўзича бош чайқади: “Нима мунча димоғ-фироғ? Сепларга илдаоми? Ё бошқа муддао ҳам борми? Сўрайми, а?”

— Нокулай-да, — деб кўйди ўзича у, эшикни ёпиб, ичкари киаркан. — Онаси орқали сўраган маъқулроқ. Ман қизишиб кетиб, кўполлик килишим мумкин.

Ошхонада, қозон атрофида куймаланиб юрган аёлини кўриб, у яна таажжубланди: “Наҳотки келинимиз овқат килишни билмайди? Ёки...”

— Ҳа, келинингга ишонмадингми? — кўнглидан кечганини дарҳол ошкор этди у.

— Нимага ишонмай, отаси? — деди аёл нимтабассуму очик чехра ила. — Бировнинг эрка фарзанди, дарров зуғум килмай дейман-да. Ўзимизга, уйимизга бироз ўргансин. Кейин кўлимдан ҳаммасини олади.

— Ҳа, шунаками? Майли, майли, — дея отаси одатдаги ўрнига ўтди-ю ойнаи жаҳон кулоғини буради. Кўзи экранда-ю, хаёлидан келини, ўғли нари кетмади: юлдизи юлдузига тўғри келдими? Булардан яхши оила чиқармикан? Бир-бирини унча ўрганишмаган. Аслида шунақа ёшлар тезроқ чикишиб кетишлари кўп кузатилган.

Отанинг билишича, ўғли жуда ювош, камсукум, ўйин-кулгига у қадар ишқибоз эмас, ўқиши давомида кизлар атрофида айланмаган. Лекин жаҳли чиқса, чақмок чакиши, кўрслик килиб кўйиши хеч гап эмас. Келин шундан эхтиёт бўлса... Келин эса бир мунча жумбокдай. Наҳотки у ўта мағрур? Уни онасининг танишлари роса мактаб тавсия этишган. Биринчи учрашувдаёқ кизгина Акмалжонга маъқул тушиб, тезда тўй бошланди.

“Қизик, — ўйларди қайната, — бирор кўнгли тўлмаган томони бормики, келинимиз очилиб-соҷилмаяпти. Кўпинча қовоги солиқ. Бегона жойдан кочган каби дарҳол ўз хонасига кириб кетади. Кўп ўтмай, эри ҳам унга эргашади. Ичкаридан кикир-кикирлар тараплишига караганда... Ишқилиб, охири баҳайр бўлсин...”

Отаси келинидан сўрамокчи бўлган гапни бугундан ҳам колдирди. Хотини орқали суриштиришдан эса бирор нима чикишига кўзи етмади. Бу орада ёқимсиз, ғашга тегувчи ҳолатлар давом этаверди-ю охири қайната тоқат килолмади. Навбатдаги нонушта чоғида келини ўша хомушлигича:

— Ас-сомайкум... — деганида қайната кўққисдан:

— Тўхтанг, келин, — деди босик овозда. Келин кўзларини катта очиб, қанақа айб иш қылганини ўзи ҳам билмаган каби довдираганча оила бошлиғига анқайиб каради. — Отангизгаям шунақа салом берасизми?

Ўғил бесаранжом тўлғаниб, отасининг кўзларидан маъно излади. Онаси чўғдай

кизарыб, лаблари кимтилди, бирок, нимадир дейишга журъат этмади. Дилрабо ота-сига аланг-жаланг қараб:

– Отая... – деганча индамай қолди.

Хамманинг эътирозини кўзгаган ўз харакати мавруддан ташқари юз берганини хис этган эса-да, оила бошлиғи энди чекинолмаслигини туйди-ю, келинидан кўз узмай жавоб кутди.

– Ҳм, шундай... – деди келин сал сукутдан сўнг. – Нима қилибди?

– Шунака салом бериш маъносини ўзингиз биласизми?

Келин елка кисиб, четга каради.

– Маъноси ўз-ўзидан тушунарли-ку, – тўнгиллади Акмалжон. – Салом – бу биз биргамиз, бирдаммиз, яқинмиз, дегани эмасми?

– Сандан сўрамадим, чоги, – отаси кесатди. – Салом бошка, ас-сомайкум бошка, ассалому алайкум умуман бошка – фарки ер билан осмонча.

– Фарки нима, отажон? – эрка овозда сўради Дилрабо.

– Ассалому алайкум, дегани ман сизга сихат тилайман, ассом, ас-сомайкум дегани эса сизга ўлим тилайман, дегани.

– Вой ўлай... Йўғ-э... – Онаси бош бармоги орқасини тишлади.

– Ха, шунака... келинимиз келганидан бўён билибми-билмайми, бизга ўлим ти-лаб ётибди. Билмадим, нега? – Отасининг сўнгти сўзи паастлаб, тушкин овозда эши-тилди. Дилрабо янгасига разабнок, юмдалашга шайдай ўқрайди. Онаси эса айб иш килиб кўйган-у уялиб, боши ерга теккудай эгилган. Келинчак бўлса, нима деярини билмай, изоҳ беришни истамай, каккайиб турди-ю сўнг кескин бурилиб, ўз хона-сига кириб кетди.

– Бу гапни қаёқдан олдингиз, ота? – ғазабу довдирашдан кутилгач, ўғил, ниҳоят сўрашга ўзиди куч топди. – Кўпчилик шунака салом беради, чоги.

Бундай шархни отаси бир маъракада киска амримаъруф килган домладан эшит-ганди. Кейинрок буни “Ҳадис”лардан хам ўқиган қайната келинига ўринли танбеҳ берганига кувонди, факат сал кўпопроқ тарзда бу ишни адо этганидан хижолат чекди. “Ҳадис”да ёзилишича, бундай саломлашиш Пайғамбаримиз Мухаммад саллаллоҳу алайҳи ва саллам ва бир яхудий ўргасида бўлиб ўтади. Расууллоҳ унга: “Валейкум... ўзингта хам”, деба юмшоқ ва гўзал жавоб қайтарадилар. Саҳобалар яхудийни оғир жазога тортишни талаб киладилар. Бирок, улуг зот олийжаноблик намунасини кўрсатадилар: “Менга нимани тилаган бўлса, ўзига хам ўшани тила-дим”, деба саҳобаларни ёмонликка яхшилил билан таъсир этишига даъват этадилар.

Бир куни ота маош олгач, бозорга ўтиб, хилма-хил мевалар харид килди. Одат-дагидай, уйда ёлғиз колган келин эшик очди ва тез изига кайтди. Қайнатанинг яна тарвузи кўлтиғидан тушди: “Ахир ман ким учун бозор килиб келдим? Нега кўлимдан олмайди? Уйда қанака тарбия кўрган экан-а, бу? Нима килсан, ўз болаларим сафига кўшилади? Қаерда хатога йўл кўйдик? Қайнанаси-ку, ел-патак, атрофида парвона – келинига дахлдор ишларни хам килади. Лекин... Шу топда кўп таниши-билишларининг келинлари, ўзаро муносабатлар хәёлида жонланиб, тағин таажжуби ортди. У билган келинчаклар қайнатаю қайнана билан ота-кизу она-боладай кўринишади. Балки бошқаларга шундай кўриниш бериб, аслида кўча хандону уй зинданми? Йўғ-э... Ўша келинчаклар очик чехра билан, чинакам эгилаб, таъзим киладилар-эй...

Қайната келини билан илк дуч келган дамни, унинг таъзимини хамда саломла-шиш онини эслади. Шунда ўзича нимадир кашф этди: хоҳлар-хоҳламай эгилди. Саломи эса ҳалигидай... Ҳм... “Ман сизларга бўйин эгмайман, билиб кўйинглар, сизларни кўргани кўзим йўқ”, деганими? Худо сакласин! Унда ахвол чигаллашади.

Буни эри сезармикан?.. Йўқ, сирайам сезмайды: унинг ёнида келин ўзини кувноқдай, елиб-юргандай тутади. Бунга эр буткул маҳлиё...

Отасининг қаттиқкўллиги боис фарзандлар севги саргузаштларини бошларидан кечиришмаган. Эҳтимол, ўшанинг таъсиридантир, Акмалжон кўз очиб кўргани – Мохира билан каттиқ bogланиб қолган. “Буниси – тузук, бирок, хотинга ўзни батамом топшириб кўйиш хам яхшилик келтирмайди-да, – деган холосага келди ота. – Акмалнинг бўшанглиги... Эҳ...”

– Буни бефарқ колдириб бўлмайди, – деди отаси нихоят ўзига-ўзи. – Келин билан чукурроқ гаплашиб кўриш зарур.

Аммо гаплашиш жуда пайсалга солинди. Бу орада келин оғироёқ бўлди-ю, иш янада чигаллашди. Бундай шароитда вазиятни чукурроқ кавлаштириш орқали сал очилган хандакни жарликка айлантириши хеч гап эмас. Бирок келиннинг янги қиликлари қайнатанинг уйкусини қочирди. Ажабки, келин энди қайнанасига гўё эълонсиз уруш очган эди.

– Нима, ораларингдан кора мушук ўтдими? – сўради бир кеч оила бошлиғи хотинидан. Яна ҳазиллашган каби кўшиб кўйди. – Арпасини хом ўриб кўйдингми?

– Билмадим, – онаси кифт учирди. – Ўз-ўзидан гаплашгиси келмаяпти.

– Ҳамма ишларини қил, ҳатто кириниям юв, – деди отаси келини эшитсин учун овозини кўтариб. – Бошингга кўтариб юрсанг, янаем яхши.

Онаси сукут сақлади. Ичкаридан ҳам садо чикмади. Оила бошлиғи эса аник жавоб кутар эди. Буни англаган аёли:

– Нима килай, отаси, ҳамма ёқ ивиришиб ётса, қандай караб турай ахир! – деди йиғламсираб. – Ўзидан билиб, кўлимдан ишни олмаса...

– Эҳ, мўмал! Чин қайнана ёки оналарга ўхшаб, сан ҳам бундай талаб қиласанг, бўлмайдими? Шуям керак экан-да... Қизимизга зуғум қиласан-ку!

– У – қизим, ўзимники. Келин – бирорнинг фарзанди... Гапим оғир ботса...

– Ҳаммаси ўзингдан! – деда отаси кўл силтаб, кўчагча чикиб кетди.

Эртасига тушлик килиш учун атайлаб уйга келди. Ишхонаси – билим юрти яқинлиги боис бу имкониятдан угоҳида фойдаланар эди. Кўнгироқ тугмасини босганидан сўнг анча кутиб колди. Эшик очганида келиннинг уйкудан ковоги шишиганилиги якъол кўзга ташланарди. Уйкуси ҳали ўчмаган, яrim карахт кўринарди. Хеч нима демай, у изига кайтди. Қайната ошхонага ўтиб, қозондаги овқатни газолов устига кўйди-да, келини хонасига яқин бориб, секин:

– Келин, бу ёкка қаранг, – деда овоз қилди-ю, хонтахта рўпарасига бориб ўтириди. Салдан сўнг келин айвонга келиб, қайнатасига саволчан каради.

– Овқатни иситишга кўйдим. Сузиб келинг, бирга овқатланамиз.

– Ман овқатланувдим...

– Унда ўтиринг, биир гаплашиб олайлик, – деди қайната ювошланиб.

Мохира ромга омонат суюнганча каравот кирғогига ўтиаркан, хомуза тортди. “Юзини ювиб олса бўларди, – ўйлади қайната. – Фаросатдан Худо кистган...”

– Айтинг-чи, Мохира, – деда биринчи маротаба у келини исмини тилга олди, – сиз бирор масалада биздан, шахсан мандан ё қайнанангиздан хафамисиз?

– Йўқ, нега ундей дейсиз? – кутилмаганда хушёр тортиб, келиннинг ковоги очилди.

– Унда нимага ҳамиша аразлаганга ўхшаб юрасиз? Нимадан хафасиз?

– Хеч нимадан... Ўзим шунакаман... – деди у паст овозда, ерга эгилиб.

– Шунакалигингиз ҳамманинг ғашига тегишини ўйлаб кўрганмисиз?

Келин индамай ер чизди.

– Ё бизга келин бўлганиздан афсусдамисиз?

— Йў-йўк, ундаи эмас, — илкис бошини кўтарди келинчак. Лекин сўзига изоҳ беришни, кўнглидаги дардни тўкиб солиши истамади. Ички ғуур бунга йўл очмади, шекилли.

— Сабабини айтмасангиз ёки яхши томонга ўзгариш килмасангиз, иш мушкуллашади. Биринчи навбатда, кудам билан, отангиз билан ўзим гаплашаман. Дам олиш куни уларни чакириб, маслаҳатлашайлик...

— Йў-йўк, адамни аралаштирунг... Жаҳллари ёмон, — деб юборди беихтиёр келинчак. — Нима гап бўлса, ўзимга айтинг.

“Хм, бунинг киликларидан отаси бехабар... Демак, қандайдир ўргатувчиси бор: хукмронлик килишни, бизни ўзи истаганча бошқаришни мўлжаллаган. Ёки...”

— Менга ҳам шуниси маъкул, — деди кайната бош силкиб. Сўнг миясига келган ўйни ошкор этди. — Балки алоҳида яшашни истаётгандирсиз...

Келин индамай яна ер чизди.

— Тўғри, хамма мустақил яшашига интилади. Аммо ҳар ишнинг мавриди, ўз вақти-соати бор. Ишхонага ариза беруб кўйганман. Уй беришса...

Келин жонланиб, кўзлари чакнаганини пайқаган кайната:

— Лекин унгача бир-биримизнинг ғашимизга тегмайлик, дилимизни оғримайлик, — дея алоҳида таъқидлашни лозим топди. — Шу хонадонда кўкариб, палак ёзишингизни, қизимиз каторидан ўрин олишингизни жуда хоҳлаймиз... Шу фикрга кўшиласизми?

— Ҳа... — келин бош силкитиб ҳам ўз сўзини тасдиклиди.

— Майли, тўхтатиб кўйганинг йўлакни ювишни мен талаб килмайман. Лекин озодалик, саранжом-саришталик, очик чехралик – вазифангиз, – хукмнамо деди ўй соҳиби. — Борди-ю бирор муаммо чиқса, ўзимга очик айтинг. Маъқулми?

— Ҳа.

— Энди овқатни сузуб келтиринг, — кўтариинки рухда деди кайната.

Дарҳақиқат, кайната-келин муносабатлари гўёки изга тушди. Бирок, келин бир оғидаги оғирликни худди иккинчи оғигига ташлаган каби энди қайнанаси билан аразлашган кўринарди. Бундан қайнанаға ғам-гуссага кўмилган, бирок бирор ким-сага дардини ёришни истамас эди. Ўғли нари турсин, ҳатто эрига ҳам бу ҳақда гапиришни ўзига эп кўрмасди...

Кутилмагандага маддалаган шиши ёрилиб, ўзини ошкор этди. Ўша куни онаси нашриётнинг ёш бир муҳарриридан дакки эшитиб, изза бўлган, “кап-кatta хотин тайёр матнни машинкада кўчиришида шунчалар кўп хатога йўл кўядими, а?” деган сўрокка лом-мим дейлмаган, индамай матнни кайта кўчирган ва яна ўзи сезмай бавзи сўзларни тушириб колдирган эди. Кўнглидан эса: “Зулмат ичиди кўчирганимни каёқдан ҳам биласан, болам”, деган ўй кечиб, негадир йиғлагиси келганди... Ишдан кайтса, келин ухлаб ётибди. Ошхонада овкат юки идишлар пашшаларга талаш, устолда сувараклар гужгон ўйнайди.

— Э, Худойим, гул деб тиканга йўлиқтирган экансан-да, — деб юборди у курсига оғир чўкаркан. — Буни отаси кўрсалар, нима дейдилар? Таёқ яна мани бошимда синадими?

Аяган кўзга хас тушди. Айни шу топда отаси ҳам ишдан қайтди-ю ошхона ийғиштираётган аёлнини, хамма ёкни ёкимсиз ислар босганини кўриб, заҳрини сочди:

— Баттар бўл!

— Бу кунимдан ўлганим яхши эмасми? — у йиғлаб юборди. Эри шошиб колди: “Келин кўрслик килганмикан? Наҳотки шунга ҳам аралашаман?”

Худди шу чоғ хонасидан чиккан келининга:

— Сизда ўзи заррача инсоф борми? — деб бўғик қичкирганини ўзи ҳам пайкамай колди кайнана.

— Нима бўлибди? — рангти оқаринкираб сўради келинчак.

— Нима бўлибди эмиш! — ҳаётида биринчи маротаба келининг тик қараб, йиги аралаш “портлади” кайнана. — Уялинг-э! Андишани отини бунча қўрқок қўймайдиларда. Ўйни аҳволини қаранг — одам яшайдими бу ерда? Отаси, — у эрига юзланди, — токатим тугади: бирор квартира топинг — ё биз чикиб кетайлик, ё булар...

— Биза кетамиз, — келин дарҳол ортига бурилди. Айни шунинг устига эри кириб келди-ю унинг рўпарасида тўхтади:

— Ҳа, нима гап? — дея у онасидан сўради. — Қаёққа кетасизлар?

— Бизани ҳайдаятила, — деди Мохира йиғламсираб. — Бўлинг, кетамиз, Акмал ака.

Акмалжон аввал нигохи қаҳрли ёнган, лаблари гезарган отасига, кейин кўзлари ёшга тўлган онасига бир қараб олди-да, хотинидан сўради:

— Ўзларидан сўрасак? Йўл бўлсин?..

— Опамнинг кўшнисида бир хонали бўш уй бор экан. Гаплашайлик. Майли, булар бемалол, тинч яшасинлар...

— Ҳм, гап нимадайкан, — ўзича гудранди отаси. Сўнг келин-куёвга жиддий тикилиб, фикрини дангал айтди: — Алоҳида яшашни ният қилган бўлсаларинг, майли, эътирозим йўқ. Аммо ҳеч качон онангни малайликка қўймайман.

— Онамни ким малай қилмокчи? — ҳеч нимадан хабари йўқ Акмалжон гуноҳкор каби боши эгик турган волидасига тикилди. — Ҳеч кимга малай-палай бўлмайдилар. Энди қўлизни совук сувга урганизни кўрмай, онажон, — дедиую у хотинига шиддатли юзланди: — Биласан, кўчиш ҳакида ҳеч вакт майл билдирганим йўқ. Мен ҳеч ёкка бормайман. Агар кўчгинг келса, ўзинг кўчавер. Харажатингниам бераман.

Мохиранинг рангти оппок оқарди, лаблари титраб, кимирлади, бирок, нима деганини англаб бўлмади. Орага бир нафаслик сукунат ҳокимлик килди.

— Иш қилган билан ўлиб қолмайман, болам, — деди ниҳоят ўзини тутиб олган онаси. Бу можароларга у ҳамон ўзини айборд санаётган эди. — Тинчингта кара. Каерда бўлсанг ҳам бахтли бўл, болам. Ман розиман.

— Тинчим — ана шу уйим, ота-онам билан бир ҳаводан нафас олиш! — Акмалжон тахта-полга оёқ нуқиди. — Бепарволик килибман, онажон, мени кечиринг!..

* * *

Эртаси куни тонгда кўчага чикаётган отаси ялтираган зиналарни, озода йўлакни кўриб, елка кисди, жилмайди. Айланиб қайтгач эса эшикда уни очиқ ҷеҳра билан келини қарши олди:

— Ассалому алайкум, дадажон!

— Тилингта шакар, кизим, — деганини ва киприкларига нам чикканини ўзи ҳам сезмай колди отаси. Ўзини сал ўнглаб олгач, кўшиб кўйди: — йўлак ҳамманики. Ўзим жадвал тузиб бераман.

— Йў-йўқ, ўзим...

Орадан бир неча ҳафта ўтгач, тўхтовсиз келаётган совчилардан бирига жавоб берилди: Дијлрабо тошкентлик йигитга унаштирилди.

— Зиёли оила экан, майли. Рабо ҳам анча пишган, чидамли, — деб кулиб қўйди отаси.

Кўзим гавҳарида сайр қилар дунё



Халима АХМЕДОВА

Катта танаффуслар

Кузак деразаси осмонга якин,
Навраста қиз каби нозланар ёмғир.
Ва хазон ҳидидан айланиб боши
Согинчнинг уйида йикилар кимдир.

Шаҳарнинг олифта боғларида жим
Дараҳтлар хаёлини чўккайди карға.
Мискин туйғуларни тўзғитиб шамол
Бир маҳрам излайди дардин айтарга.

...Мен ҳам шамол каби туғёнли бу дам
Кетаман болалик юртига томон.
Тўхтата олади мени на замин
Ва на кузак билан топишган осмон.

Хўрлигим келади қандай юпатай,
(Кўнгилга чирмашган бу ҳадигимни.)
Кўсак чувиб катта танаффусларда
Кўллари ёрилган болалигимни...

Мактаб ҳовлисида тикилган чодир
Остида чувардик тинмасдан кўсак.
Тўққизми, ўн ёшда эдик ўшанда –
Ярмида синганди афсона, эртак.

Халима АХМЕДОВА – 1960 йилда туғилган. Тошкент давлат университетининг филология факультетини (ҳозирги ЎзТвАУ) ҳамда Москвадаги Олий адабиёт курсини битирган. Ижодкорнинг “Кўзимнинг тили”, “Тунги марваридгуллар”, “Тийрамоҳ”, “Афсун”, “Умид сояси”, “Нигоҳ қибласи”, “Шафак ибодати”, “Ёсуман ғулининг сояси”, “Янинг”, “Ташибек” номли китоблари нацир этилган.

Ёмғирми, шамолми бўлиб гоҳида
Кочгим келар эди,
катта танаффусларда.
Олов ахтарардим ғўр аклим билан
Кеч кузни безаган киров, музлардан.
(Безгандим мен катта танаффуслардан.)

Кеч куз, мени кечир, сендан гинам йўқ,
Шунчаки бир лаҳза хотирга қайтдим.
Қайси фаслдансан, сўрашди мендан
Уларга мен сендан эканим айтдим?

Сенинг нигоҳингда бокиб оламга,
Англадим, пушаймон на афсусдамиз.
Кўнгил сабогидан аллақачонлар
Кетиб, ҳануз катта танаффусдамиз.

Қўшни киз қўлимга тутқазиб дафтар,
Ийманиб дер: қолсин орамизда сир.
Ўқийман, бир мисра куйдирар кўзим:
“Мехр бу – кўнгилнинг бошпанасидир!”

Шу иқорор зарбига яшайман узок,
Кўрганда алкайман шаффоғдил кизни.
Ва дейман: сен катта шоир бўласан,
Алангадан топсанг ҳар битта сўзни.

Онасига десам, асрант бу кизни,
У дер: шеър – жиннилар машғулоти-ку!
Ва Нуҳ тўфонидан сачраган томчи –
Киртайган кўзимда айланади сув.

Кўнглим мактабида катта танаффус,
Дунё – роботларнинг тантанасидир.
Пичирлаб қўяман гоҳи-гоҳида:
“Мехр бу – кўнгилнинг бошпанасидир!”

“Янги дунё топдик, ерлар сотилар”,
Эълонлар тарқатилар устма-уст.
Мехр боғларига кирмайди ҳеч ким,
Кўнгил мактабида катта танаффус.

Илма-тешик бўлган фазога бокиб,
Тижкоратчи олим дер: “Фаразим рост.
Куёшни парчалай олсак эдик биз,
Тоғдек уюларди энг тоза олмос.”

Кўрқаман, одамзот бир олма янглиг
Сени ҳам емасми, эй она замин?
Билмаймиз, кўнгилсиз пучдан-пучдирмиз,
Нимадан олисмиз, нимага якин?

...Ночорни жеркійди бозорчи хотин
Гүё узіб олар юрак парчасин.
– Бемеҳр экансиз, – десам у кулар –
– Қайда у сен айттан меҳр күчаси?

Кеч куз. Ҳануз қўнгил мактаби очик,
Аммо ўқийдиган бирор толиб йўқ.
Бу дунёning жангут жадалларида
Ҳакиқий ғолиб йўқ, битта ғолиб йўқ.

Вақт бўлди, қўнгилнинг дарси бошланди,
Муаззам мактабга қайтайлик, эй дўст.
Меҳр манзилини бешафқатларга
Кўрсатайлик ёки айтайлик, эй дўст.

Айтайлик, ҳакиқат чорраҳасидан
Ўтганда айланаби бир дарё каби.
Нурнинг булоги бор ризвондайин пок,
Шу булоқ бўйида қўнгил мактаби.

Хар фасл биздадир, биз фаслдамиз,
Кўксимизда урсин тонгнинг юраги.
Токи, огох этсин борлигимиздан
Шаффоф шудрингларнинг тоза жарангиги.

Дунё дарвозасин такиллатайлик,
Үйғотайлик кўча, хар бир хонани.
Меҳр мактабида тасдиклатинг деб,
Кўнгил деган буюк гувоҳномани.

Аммо орзуладим янчиди беомон
Барча шошилади бозор томонга.
Ва нағс қони тепган, кизарган кўзлар
Ёвуз нигохини қадайди жонга.

Осмон томирини ушлаб кўраман.
Юраги суст урап, жуда-жуда суст.
Кичкираман, қачон тугайди ахир,
Кўнгил мактабида катта танаффус?

Болалар уйида ғамгин қизалокқа
Үйинчоклар ясаётган шамолни
Ва кимсасиз чолнинг ёстикларини
Ювгувчи меҳрибон, ойдин хаёлни

Ва фалаж боланинг бармокчасини
Силаётган ўйчан чумолини ҳам.
Бир тунда аклдан озган телбани –
Дегувчи: малҳам беринг, менга малҳам!

Дарахт тушларини хар тун кўриклаб,
Тонг пардасин очаётган аёлни
Ва дадаси ташлаб кетган мурғакнинг
Бўғзидаги аччиқ, бетоб саволни

Куёш хузурига бошлаб бораман.
Ва дейман: Наҳотки, хеч йўқ хабаринг,
Кўнгил мактабига боргувчи йўлни
Очиб бермайдими нури заргаринг?

Куёш дер: бир лаҳза қолибман мудраб,
Кара-я, келибди Исо нафас куз.
Ишон, менга ишон, бўлмайди энди
Кўнгил мактабида катта танаффус.

Дунёнинг йўлинни, хаёт йўлини
Шиддат-ла бураман шу мактаб томон.
Токи, ер оналик хукуки билан
Айлансин ва ишқда кўз очсин осмон.

Якинда ҳамманинг қалбин эгнида
Толиблик либоси меҳр бўлади
Ва борлиқнинг кўкси ҳарорат билан
Хайригулнинг шивирига тўлади...

Куёш хузуридан қайтарканман шод,
Ўйлайман: “якинда...”
Бу қанча фурсат?
Замин ва осмоннинг оралигига,
Дунё кўринади жуда баҳайбат.
Ва телба ёлвориб сўрайди яна:
Менга малҳам беринг, илтимос, малҳам!
Рухимда қакшаган фасллар билан
Шу телбага ўхшаб колгандай мен ҳам.

Кетаман якинда умид томонга,
Йилт этган умидга асирман-асир.
Худди калимамдай қайтараман боз:
“Меҳр бу – кўнгилнинг бошпанасидир!
Меҳр бу – кўнгилнинг бошпанасидир!”

Нега мен шодмонман бугун бунчалар,
Шамолга якинман, оловга якин.
Унутган кунларим, кутган кунларим,
Рухимга бостириб келмоқда тағин.

Осмон юрагини түйиб хидласам,
Кипригимга күнди абрау найсонлар.
Гулга айланишиң ўргандим, бугун,
Гарчи, сүлгән эдим аллакачонлар.

Умиднинг қақраган биёбонини
Мажнун ашхи билан яна сүғординг.
О, Тангри, пойингда бехушман, ахир,
“Қайта тирил!” деган пайғом юбординг.

Авжландим, авжимда ёввойи тўлкин,
Қалбим дарёларга бошлайди улар.
Бу шодлик шунча зўр, учкуним тегиб,
Куйлаб юбордилар настарин гуллар.

Уфқ танглайнини кўтартган тонгнинг
Шаффоф соясида чайқалади сув.
Шамолдай девона, оловдай жўшкин,
Жонимга чирмашди мастана ғулув.

Қарайман, боғларнинг эски калбида
Олма гули суар янгича хаёл.
Ва ўтган кунини ювиб, тозалаб,
Дорга илаётир бир ғамгин аёл...

Мен эса қувончдан телба бўлгудай
Ичаман ненидир хаёт жомидан,
Парвозни унутган мусичаларга
Тинмай гапираман ишкнинг номидан.

Шу кенглик менманми, шу кенглик меними?
Кўзим гавҳарида сайд қилас дунё.
Менга нигохини тўлдириб олар
Рухимнинг рухида кўкарсан само.

Шодлигим жуда кўп, кўтаролмасдан
Майишшиб кетади хаёт кураги.
Қанчалар шодмонман,
Менда йиғлаётган кимнинг юраги?!

Нега мен шодмонман бугун бунчалар,
Шамолга яқинман, оловга яқин.
Унутган кунларим, кутган кунларим,
Рухимга бостириб келмоқда тагин.



ДИЛБАНД

Ҳикоя



Гулчехра АСРОНОВА

Ғалати бир ҳис билан уйғониб, нимёргү хонада ётганимни күрдим. Оппок пардалар, китоб терилган токчалар, сандык устига текис йигилган қавима күрпапалар... Ыз уйымдаман! Қайтганимга икки ой бўлиди ҳамки, ҳар сафар уйғонганимда яна ўша манзарани кўришдан кўркиб, кўзимни очгим келмайди: тор хонада саккиз киши катор ётибмиз, бурчакдаги стол устида идиш-товок, остига сумкалар қалаштириб тикиб кўйилган, чала бўялган эшик туткичининг қасмоги чикиб кетган. Мусофиричилик!.. Кўзимни чирт юмиб, кенг ховлим, айвонли уйим, кейин мана шу деразаси кунчикарга караган ётгимни тасаввур қилас ва шу ўйларга сингиб кетгим келарди. Бироқ, ғала-ғовур, туртиниш, асабий хитоблар, боз устига, йўқ ердан бинога келган қарз ташвиши тезроқ туришга, эгнимга топганимни кийиб яна баҳайбат тўқайнинг совуқ бағрига киришга мажбур қиласарди. Бир йил чидадим ўшандай машаккатга. Қора терга ботиб, олтин тоғларни вაъда кила-кила ёт юртларга олиб келган “валламат”лар йўлкира хисобидан бўйнимга илган ҳакни тўлаб, уйга бешикаст кайтдим. Аммо, ич-ичимда нимадир ўзгарган, вайрон бўлган эди. Энди эса... йўклигимда кекса ота-онам олган қарзларини узиш учун яна ўша бенаво ҳаётга қайтишга мажбур бўляпман. Ҳа, қайтишим, қасдма-қасдига қайтишим керак. Пишик-пухта бўлиб... Куруқ кўл билан келмайдиган бўлиб...

Ҳозир эса уйдаман. Бу ернинг тонглари ўзгача. Аёлим аллакачон ховлини чиннидек тозалаб, нонушта тайёрлаб кўйгандир. Бугун чипта олгани борардим, эртарок уйғотишмабди-да. Аяшган мени. Келганимдан бери аяшади... Кеча ошналарим билан ярим тунгача отамлашиб ўтирганмиз. Тошдек қотиб ухлабман ўзиям. Лекин, оёғимга нима бўлди? Ие, бу не ҳол?! Кимнинг иши бу?

...Мен уни ҳаммадан кўп соғингандим. Йўл бўйи ўйлаб келдим: бир йилда анча улғайгандир, бўйи чўзилган, тили бурродир. Мени танимаса-я, деган кўркинчли ўй ҳар замон миямга яшинидек урилар, шунда унинг меҳрини козониш учун боримни пойига тўшашга тайёр эканлигимни ҳис киласардим. Ҳозирча эса биттагина машина ўйинчок сотиб олишга қурбим етди. Ўғлим, дилбандим Шоҳжоҳон учун! Каттагина машина, бунақаси бизнинг пайтларда бўлмаган.

Болам деярли ётсирамади. Уч-тўрт кунда соядек эргашиб юрадиган, ўтирсам

Гулчехра АСРОНОВА – 1968 йилда тугилган. Тошкент давлат аграр университетини таомолаган. “Ота уйим оқшомлари”, “Осмонини топган қуш” номли ҳикоялар тўпламлари наширдан чиқкан. Фарғона вилоятида чоп этиладиган “Водий оқшами” газетаси бош муҳаррири.

тиззамдан тушмайдиган бўлди. Каерданdir улок-сулок ингичка арқон топиб, тумшуғидан боғлаб олганча, бутун кишлек болаларига машинасини кўз-кўзлаб, судраб юргани-юрган. “Сен келиб, боланг яшиаб кетди, ишқилиб, ортингдан ичикиб қолмасин-да”, дейди онам. Кечаги килиғидан кейин, ўзим ҳам шундай хавотирга тушиб колдим.

Сўрида бу сафар кимлар билан кетиш, нима иш қилишим ҳакида маслаҳатлашиб ўтиргандик. Пастида Шохжаҳоннинг гапларимизни укиб ўтирганига эътибор бермабис. Қарсиллаган товушдан чўчиб карасак, машинаси ағдарилиб ётиби.

– Йўқ, кетмайсиз, кетмайсиз!!!

Ўғлим шундай деб йиғлаганча кўчага отилди. Ортидан аёлим югуриб кетди. Ота-онам жим, менинг эса ичимга муз тушди гўё. Шу бўйи қайтиб ёнимга келмади. Бу орада дўстларим келиб колди. Уларни кузатиб кирсам, ўрнида йўқ. Аразлаб, бувисининг ёнида ухлабди...

...Оёғим... боғланган эди. Сапчиб туриб, кўрпани устимдан отиб юбордим. Улок-сулок, эски арқоннинг бир учи билан оёғим, иккинчиси эса токча тагидан ўтган кувурга боғланибди. Ҳа, бу ўша, Шохжаҳоним мен олиб келган арзимасгина, аммо ўғлимнинг назарида дунёда ягона ўйинчок машинанинг тумшуғидаги или. Болажоним... Отасини ёнида олиб қолиш учун акли етганича чора кўрибди. Иссиқ дийдори билан ўзига боғлаб ололмаган норасидам мана шу эски арқон билан тушовлаб кўймоқчи бўлибди бекарор отасини... Укувсиз тугилган арқонни сийпалаб, счишга журъатим етмай узок ўтиредим. Кўз олдимга дилбандимнинг кўзмунчоқли жажжи кўлчалари, кулча юзига салга қалқиб чиқадиган кулгичлари, тиниқ нигоҳлари келди. Юзимдан иссиқ томчилар оқиб ўтди.

Мен ўзга юргда хор-зорлик кўрдим, калтакландим, кадрим топталди. Лекин бирон марта йиғламагандим. Эр бошим бунчалар эгилемаганди...

Аёлимнинг кириб келганини сезмабман ҳам. У хавотир билан каршимга чўккалаб ўтири:

– Дадаси? Вой ўлмасам, сизга нима бўлди?

– Буни қара.

У бир муддат боғлик оёғимга тикилиб, котиб қолди.

– Шохжаҳон... – дедим мен, овозим дарз кетиб.

– Эрта тонгда машинасини кўтариб кираётганини кўргандим. Гилдираги чанг, ташқарига кўй десам, азза-базза оёқ тираб туриб олди. Кейин анча колиб кетганди. Сиз билан ётиби дебман...

Унинг қарогида ҳам ёш йилтиллади.

Арқон осонгина ечили.

– Ҳозир каерда экан?

Ташқарига чиқибок, мени кўриб ховли ўртасида котиб турган Шохжаҳонга кўзим тушди. У кўркибми, ё шунча уринишлари бехуда кетганидан ўқинибми, жавдирабгина караб турарди. Ёнига бориб тиззалиб ўтиредим-да, боламни бағримга маҳкам босдим. Юзимга ширин нафас тафти урилди. Миттигина вужуддаги юракча кўксимга бош ураётганини хис кильдим. У бағримга сингиб кетгудай кичкина эди. Аммо шу муштдеккина жуссадан тараалган меҳр куввати рухимда улкан эврилиш содир этаётганди.

– Кетмайман, болам, сени ташлаб ҳеч қаёққа кетмайман!

Бу менинг катъий карорим эди.



Наргиза ТҮХТАЕВА

ИЗЛАНИШЛАР САРҲИСОБИ

Сүнгти пайтларда хаётимиизда рўй бераётган ижобий янгиланишлар маънавияти мизда ҳам бўй кўрсатмоқда. Президентимизнинг республикамиизда китобхонликни ривожлантириш ҳакидаги карор ва кўрсатмалари, жумладан, болалар адабиётини тарғиб килиш, айниска, мактабгача ўшдаги болалар учун ҳам маҳсус бадиий асарлар яратиш борасидаги кўрсатмалари адабиётизм равнаки учун муҳим омил бўлиб хизмат қилмоқда.

Хусусан, сўнгти йилларда ўзбек ва жаҳон болалар адилларининг энг сара асарлари замонавий дизайннаги муковаларда қайта-қайта сифатли нашр этилмоқда. Масалан, Худойберди Тўхтабоевнинг деярли барча асарлари, жаҳон адабиётидан Ханс Кристиан Андерсен, Шарл Перро, Жонатан Свифт, Жанни Родари асарлари сўнгти икки йилда кўпгина нашриётларда қайта чоп этилди.

Ўтган йилги болалар насрини кўздан кечирганимизда ҳам анча ўқишили асарлар яратилганига гувоҳ бўламиз. Яратилаётган асарлар шаклий-услубий жиҳатдан ҳам, жанр нуктаи назаридан ҳам ранг-баранглик касб этмоқда. Атоқли адаби Худойберди Тўхтабоевнинг “Тагоб кишлок эртаклари”, Эркин Маликнинг “Набирамга мактублар”, Отабек Кувватовнинг “Олимжоннинг саргузашлари”, Мъяруфжон Йўлдошевнинг “Зарчодир остида”, Зиёдулла Латиповнинг “Мўъжизакор ҳаёт” каби кисса ва ҳикоялар тўплами шулар жумласидан.

Чунончи, Ўзбекистон халқ ёзувчиси Худойберди Тўхтабоевнинг “Тагоб кишлок эртаклари” китобида адабининг болалик хотиралари бадиий ифодаланган. Биографик характерга эга бўлган ушбу асар болалар ўшига хос ҳаётий воеаларга бойлиги, юмористик рухнинг етакчилик килиши билан алоҳида аҳамият касб этади. Асар қаҳрамонлари оддий кишлок болалари бўлиб, улар ижтимоий воееликка, катталар ҳаётидаги муаммоларга бола нигоҳи ва бегубор қалби билан қарайдилар, ўзларича очим ҳам топадилар. Ёзувчининг маҳорати шунда намоён бўладики, адаб энг фожей кисматларни ҳам эртак шаклида ҳикоя килиб беради. Бу эса асарнинг ҳам ўқишилигини, ҳам ибраторомуз тарбиявий аҳамиятини янада оширади. Бутунги ўзбек болалар адабиётининг атоқли намояндаси қаламига мансуб “Тагоб кишлок эртаклари” номли ушбу асар ҳам адабининг кўплаб роман ва киссалари сингари, нафакат, ўзбек болалар китобхонлари, балки жаҳон болалар адабиёти ихлосманлари қалбидан муносиб ўрин олади деб ўйлаймиз.

Таникли ёзувчи Эркин Маликнинг ҳам лотин, ҳам кирилл ёзувида чоп этилган “На-

Наргиза ТЎХТАЕВА – 1977 йилда туғилган. Низомий номидаги Тошкент давлат педагогика университетида таҳсил олган. Ўттизга яқин илмий мақолалари чоп этилган.

бирамга мактублар” китоби хам жанрий-услубий ўзига хослиги билан ажралиб туради. Китобдан “Хавас ва ҳасад”, “Омонат”, “Дўст ва душман”, “Шукур”, “Сўзамоллик”, “Ихтиро”, “Одамни англаш”, “Кўл телефони”, “Хушёрлик”, “Тил сехри”, “Чирок бу илмдир”, “Ишонч” каби саксонга якин мактуб шаклида битилган кичик-кичик бадиий-публицистик ҳикоялар, пандномалар ўрин олган. Уларда болаларни кизиктирган, улар тарбияси ва камолида муҳим ўрин тутадиган жуда кўп саволларга оддий, содда ва лўнда жавоб берилган. Ҳикоялар ўзига хос ҳаётини ўхшатишлар, мисоллар билан зийнатланган. Масалан, “Хурлик ва куллик” мавзусидаги мактуб шундай жумлалар билан бошланади: “Бир бургут бўлган экан. Ошёни баланд қоялардан ҳам баландда экан. Гоҳ қўён, гоҳ тустовуқ овлаб кун кечираркан. Унинг ҳаётига ҳеч бир ганим таҳдид сола олмас экан. Бошқа қўшларга қарагандо озод ва ҳур, бир сўз билан айтганда қўшлар подиоҳи экан.

Бир куни қўшлар ўртасида миши-миши тарқалибди. Нима эмиши, овчи бургутни оёғига ип боғлаб ўғлига ўйинчоқ қилиб берганини. Ана холос...” Болалар эшишиб одатланган мажозий эртаклардаги каби бошлама уларни кизиктириши ва воқеанинг давомига чорлаши аник. Хуллас, заҳмат чекиб ов килишга эринган бургут яйловга ташлаб кўйилган лаҳм гўшт – тайёр лукмага эришаман деб, овчининг тузогига тушади.

Ёзувчи шу тариқа болаларга нафс балоси ҳакида поэтиклишган сабоқ беради. Ҳикоянинг бош ғояси “Қаноат қылган кул хурдир, қаноат қылмаган хур кулдир”, деган мақол билан ифодаланади.

“Набирамга мактублар” китобидаги ҳикоялар нафакат болалар учун, балки болалар тарбиясида масъул бўлган ота-она, бобо-бувилар учун ҳам тарбиявий аҳамиятга молик кўлланма сифатида кимматлидир.

Навбатдаги ҳикоялар тўплами “Яхшилик излаган бола” деб номланади. “Буви ва набиранлар” туркумидаги ўттизга якин ҳикоялар жамланган ушбу китобчада ҳам болалик олами ўзига хос тарзда тасвир этилади. Тўпламдаги “Ахиллик”, “Чирок ҳакида сабоқ”, “Ақлли ака”, “Жумбокли музкаймок”, “Зина”, “Корхат”, “Тўрт тилак” сингари ҳикояларда ҳам реалистик, ҳам мажозий-рамзий образлар тасвири орқали болалик оламига сайр қилинади.

Чунончи, “Чирокнинг уйи қаерда?” деб номланган ҳикояда буви неварасига чирокни кундуз куни ёкиб исроф қилмасликни, йўқ-са у хафа бўлиб уйига кетиб колиб, коронғида чироксиз қолиш мумкинлигини уқтиради. Қизикувчан бола, табиийки, “Чирокнинг уйи қаерда?” деб сўрайди. Буви соддароқ қилиб сув омборларида, тўғонларда деб тушунтиради. Бундан ўзича хулоса чикарган болакай крандан оқаётган сувни бурай туриб бувисига, яна чироқ оқиб кетмасин, дейди... Ҳикоянинг жонли ва ҳаётийлигини таъминлаб турган асосий жихат бола тасаввuri ва унинг нутқидаги ифодасидир. Болалар эшифтган, кўрган нарсаларини тўғридан-тўғри кабул киладилар ва соддадиллик билан муносабат билдирадилар. Ҳикоя қаҳрамони Нодирбек ҳам чирок билан сув бир жойда яшашини эшифтгач, чирокнинг сув билан бирга окиб кетишини болалик тасаввuri билан англайди.

Шуни алоҳида таъкидлаш лозимки, болалар адабиётида воқелик шунчаки кичик китобхон руҳиятига мос қизикарлилик талаби билан каламга олинмайди. Балки ўша қизикарли сюжет замирида тарбия ётади. Узоқ йиллар очик дидактикадан зериккан болаларга, образли қилиб айтганда, энди турли матодан турли бичимдаги либослар яратилмоқда.

Болалар адабиётидаги жанрий-услубий изланишлар ёш ижодкор Отабек Кувватов ижодида ўзига хос бўй кўрсатмоқда. Ёш китобхонлар уни кичик ҳажмли эртаклари, қизикарли ҳажвий шеърлари оркали яхши танишиади. Якинда унинг “Олимжоннинг саргузашлари” номли икки саргузашт-фантастик киссадан иборат китоби минг нусхада нашрдан чиқди. Китобдан ўрин олган ilk кисса “Олимжоннинг саргузашлари замон ва макон оралиғида” деб номланади. Асар ўзбек халқ эртаклари асосида фантастик жанрда яратилган.

Китобга сўзбоши ёзган Ўзбекистон халқ ёзувчиси Худойберди Тўхтабоев асар-

га юкори баҳо бериб, бугунги кунда жаҳон адабиётидан киланаётган таржималар кўпайиб бориши борабарида “болалар калби, онги, руҳига ўз она тилида ва миллий характерда ёзилган асарлар кўпроқ таъсири этиши”ни айтиб, “ёш ёзувчи Отабек Кувватовнинг ушбу асари ўз вактида ёзилган асарлардан бири” эканини таъкидлайди.

Дарҳакикат, китобдан ўрин олган киссалар атокли ёзувчимиз таъкидлаганлариdek, болалар оламини миллий заминда ифодалашпи билан эътиборга молик. Биринчи кисса қаҳрамони Олимжон исмли олтинчи синф ўкувчиси. Асарда қаҳрамон саргузаштлари воситасида эзгуликнинг ёзувлики устидан ғалаба козониши ҳикоя килинади. Олимжон ота-боболар тажрибаси битилган “Эзгулик” китоби борлигига ишонади ва уни бутун дунё бўйлаб излайди. Вокеалар эртакнамо сюжет ва фантастика асосида курилган. Ўсмир йигит орзусига эришиш максадида изланавериб замон ва макон оралиғида адашиб колади. Шу тугун ёш китобхонни янада қизикарли воқеалар сари бошлайди ва киссанинг давомини ўқиб ечимга этишга ундейди. Болалар адабиётининг етакчи хусусиятларидан бири ҳам сюжетнинг ранг-баранг бўлишидир. Кисса қаҳрамони Мехрибонлар мамлакати подшосидан олган сеҳрли узук ёрдамида гоҳ қадимги Рим империясига, гоҳ замонавий дунёга тушиб қолади. Ёзувчи ёш китобхонни Эзгулик китоби яширилган ҳазина калитини излашга чорлаб, турли тоифадаги инсонлар, жумладан, подшоҳлар, донишмандлар, илм кишилари, ихтирочилар, оддий одамлар билан учрашитиради, турли саргузаштлар билан ошно киласди. Асарда интерпол, маҳсус хизмат, изқуварлик каби янги тушунчаларга ҳам болаларча муносабат билдирилади. Асарнинг қизикарлилиги ва ўқишилигини таъминлаб турган асосий жиҳат муаллифнинг кисса воқеаларига даҳлислизлигидир. Ёзувчининг дастлабки ижодий машқларида баъзан бўй кўрсатиб қоладиган панд-насихат беришга мойиллик, тарбиявий аҳамиятта молик ечимга ошикни каби ҳолатлар бу асарда бартараф этилганини кўришимиз мумкин.

Жаҳон болалар адабиётининг буюк намояндлари Ханс Кристиан Андерсен, Жонатен Свифт, Жанни Родари, Корней Чуковский асарларида муаллиф “мен”и асар воқелиги ва қаҳрамон руҳига сингиб кетиши билан ажralиб туради. Адибнинг маърифий-эстетик нуқтаи назари бутун асар моҳиятидан англанишидади. Шу маънода, энг яҳши асарлар, назаримда, керагича ишлов ва безак бериб иткитиб юборилган ғилдиракка ўхшайди. Агар ғилдирак ўз ҳаракат траекториясини ўзгартириб адиб истамаган томонга бурилса-ю, муаллиф уни тўғри йўлга бошлашга уринса, табиийликка путур етади. Аксинча бўлгандга эса ҳаётий, ишонарли, табиий пухта-пишик асар дунёга келади. Отабек Кувватовнинг “Олимжоннинг саргузаштлари” китобидан ўрин олган икки киссаси ҳам муаллифнинг ана шу йўлдаги илк уринишлари сифатида кимматлидир. Биринчи кисса якунида Олимжон буюк аллома Ал-Хоразмий билан кўришади ва ундан Эзгулик китобининг калити илм-фанда, ота-боболар ўгитидаги эканлигини билиб олади. Бу эса фарзандларимизнинг аждодларга муносаби фарзандлар бўлиб камол топиши, китобхонликка меҳр кўйишига ёрдам беради. Асарда келтирилган хикматлар ҳам ўрга ёшли китобхоннинг ғашига тегмайдиган тарзда – қизикарли сухбатлар кўринишида берилган ва киссанинг бадиий кимматини оширишга хизмат қилган. Қиссада модерн адабиётга хос ифода унсурлари ҳам кўзга ташланади. Бу ҳол болалар адабиётида ҳам янгича тасвир усусларини кўллашгаха ҳаракатлар бўлаётганидан далолат беради.

“Сеҳрли мамлакат” деб аталгувчи навбатдаги кисса ҳам саргузашт-фантастик жанрда ёзилган. Асарда Эзгулик шаҳрида содир бўлган ноҳақликлар, ёзувликнинг вактинчалик ғалабаси ва бу билан боғлиқ ранг-баранг қизикарли воқеалар ҳикоя килинади. Манман номли китобнинг кора дев кўлига ўтиб қолиши, Маston муаллимнинг ёвуз кутубхоначиага айланиши каби қизикарли сюжет воқеалари вайрон этилган шаҳар ўрнига ҳалкнинг бирлашиб янги шаҳар барпо этиши, Маston муаллимнинг аввалги меҳрибон устозига айланиши каби ечимлар билан якунланади. Эзгуликнинг азалий тантанаси яна ўз исботини топади, бу эса ёш китобхонда юксак инсоний фа-

зилатларни шакллантиришда, ватанга, халқига, илм-у маърифатга, эртанди кунга бўлган ишонч ва меҳр-муҳаббат туйғуларини сингдиришда катта аҳамиятга эга.

Кўп йиллик ҳәтий тажриба ва педагогик маҳоратга эга бўлган ҳаваскор қаламкаш Зиёдула Латиповнинг “Мўъжизакор ҳаёт” деб номланган ҳикоялар тўплами китобхонлар эътиборига ҳавола этилди. Кичик ҳажмли китобчадан ўрин олган ўндан ортик ҳикоядаги муаллифнинг методист-ўқитувчи сифатидаги узоқ йиллик ҳәтий тажрибаси, кузатишлари, хulosалари бадиий ифода этилади. “Тарбия”, “Ўқинч”, “Танбех”, “Изтироб”, “Мухим карор” каби ҳикоячаларда инсон ҳәтида учрайдиган айрим кундалик муаммолар, ўқитувчи-ўқувчи ўргасидаги зиддиятлар, ўсмир ёшдаги болалар психологиясидаги мураккабликлар ўзига хос ечим ва тарбиявий хulosалар ҳамда ибратомуз насиҳатлар билан бадиий ифодаланади.

Филология фанлари доктори, Маъруфjon Йўлдошевнинг “Зарчодир остида” номли ҳикоя ва эртаклар тўплами олимнинг бадиий ижодда ҳам ўзига хос маҳорат эгаси эканлигини намойиш этди. Ушбу китобдан ўрин олган ҳикоялар реалистик йўналишининг модерн кўринишида ёзилган, десак адашмаймиз. Адид кўп йиллар ўзбек ҳамда хориж олий ўкув юртларида талabalарга сабоқ берди. Тилшуносликнинг турли соҳаларига оид китоб ва юзлаб маколалар ёди. Муаллифнинг кент дунёкараши, ўзгача тасаввур олами, ҳәтий тажрибалари ёзган ҳикоялари қаҳрамонлари киёфасида намоён бўлади. Турли мамлакатлар, турли хил инсонлар, ранг-баранг ҳайвонот ва ўсимликлар олами тасвирида инсон руҳиятига, унинг ички “Мен”ига муносабат мутлако янгича, бетакрор талкинда ифодаланади. Инсон ҳаётнинг илк кунидан бошлаб турли ҳикоялар ичida яшашини, ўзи ҳам ҳикояларнинг бир кисмига айланниб боришини кузатасиз. Жаҳон болалар адабиётининг сара намуналари сингари кенг мушоҳадага ундовчи турли-туман воеалар талкини китобхонни бефарқ колдирмайди. Китобни кўп нусхада чоп этиш ва ўзбек китобхонларига тавсия этиш жоиз.

Болалар публицистикасига ҳам, одатдагидек, эътибор юкори. Тоҳир Малик, Эркин Малик каби адиларимизнинг ватанпарварлик пафоси билан сугорилган туркум бадиий-публицистик асарлари ёш китобхон маънавиятини ўстиришга, уларнинг жамиятимизга муносиб шахс бўлиб тарбияланишига муҳим хисса кўшмоқда.

Албатта, 2017 йил ўзбек болалар адабиётидаги энг катта воеа икки томлик “Ўзбек болалар адабиёти антологияси”нинг тўлдирилган шаклда учинчи бор нашрдан чиққанлиги бўлди. Бу икки китоб ўзбек болалар адабиётининг сўнгти йиллардаги мазмун мундарижасини ўзида жамлаганлиги билан кимматли. Ёш китобхон антология орқали XX аср ўзбек болалар адабиёти атокли намояндлари ва уларнинг энг сара ижод намуналари билан танишади. Антологиянинг биринчи жилди назмга бағишлиланган бўлиб, XIX аср охири XX аср бошларида ўзбек болалар адабиётининг пойдеворига асос соглан Абдулла Авлоний, Ҳамза Ҳакимзода Ниёзий, Файратий каби адилар ижодидан сараланган намуналар билан бошланади. XX асрнинг 60–80-йилларида ўзбек болалар шеъриятининг ҳақконий об-ҳавосини яратган Зафар Дчёр, Пўлат Мўмин, Кудрат Ҳикматнинг ҳамда бутунги кунда ҳам самарали ижод килаётган Анвар Обиджон, Кўзи Исмоил, Кавсар Турдиева, Ориф Тўхташ каби ижодкорларнинг болалик олами акс этган бадиий пишик юмористик шеърларидан намуналар билан якунлана-ди. Антология болалар адабиётининг фидойилари Турсунбой Адашбоев, Абдураҳмон Ақбар, Дилшод Ражабов томонидан тузилиб, болалар адабиётининг заҳматкаш олими, адабиётшунос Раҳматулла Баракаев сўзбошиси билан нашрга тайёрланган.

Антологиянинг иккинчи китоби XX аср ўзбек болалар насрининг энг сара намуналарини ўзида жамлаган бўлиб, атокли адид Fafur Fуломнинг “Шум бола” асаридан бошлаб то Илҳом Зойирнинг “Холва емаган бола” киссасидан олинган парчагача жами етмишдан ортик кисса, фантастик-ҳикоя, эртак-кисса ва кичик ҳикояларни ўз ичига олади. Китоб Носир Фозилов, Худойберди Тўхтабоев, Эркин Малик, Шодмон Отабек, Абусаид Кўчимов, Нормурод Норкобилов, Ашурали Жўраев син-

гари ўзбек болалар адабиётининг киркка якин жонкуяр, фидойи адиллари каламига мансуб асарлар оркали бир асрдан ортикрок давр рухини теран акс эттирганлиги, ўзбек болалар адабиёти ҳакида яхлит тасаввур бера олганлиги билан кимматлидир.

Мазкур жилд Сафо Матжон, Турсунбой Адашбоев, Орзиқул Эргаш томонидан тушиб нашрға тайёрланган. “Ўзбек болалар насрининг бир асрлик тарихий тараққиёти ҳар бир давр ўз адабиётини яратшишига мисол бўла олади. Шакл ва мазмун мутаносиблигига доир изланишилар, ижодий анъана ва янгиланишилар хусусан, устоз сўз санъаткорлари анъаналарининг қай бирлари амалда ўз тасдигини топаётганлиги, бадиий-эстетик тафаккур борасидаги эврилишилар қардош халиqlар ва жаҳон болалар адабиёти билан ички алоқадорлик жасамият тараққиётида инсонга муносабат болалар насринда қай даражасада ўз ифодасини топаётганига эътибор қаратилишига кичкин-тойлар адабиётининг етакчи тенденцияларини аниқлашда муҳим мезон вазифасини ўтайди, дейди антологияга ёзган сўзбошисида адабиётшунос олим Сафо Матжон.

Мухтасар килиб айтганда, иккижилдлик “Ўзбек болалар адабиёти антологияси”нинг кайта нашри Наримон Орифжонов, Саригул Баходирова, Шодмон Отабоев, Абдузаттор Хотамов, Абдураҳмон Иброҳимов, Абдусаид Кўчимов, Орзиқул Эргаш, Мухаббат Ҳамирова, Жуманиёз Ўтаниёзов, Илҳом Зойир каби адиллар ижоди билан бойитилди. Ушбу адилларнинг антологияга киритилиши тасодифий ҳодиса эмас, албатта. Улар ўз асарлари билан ўзбек болалар адабиёти ривожига етарлича ҳисса кўшишган. Масалан, Илҳом Зойир ижодини кўпчилик яхши билади. Ёзувчининг “Тарсаки”, “Елпатак”, “Табассум бекати”, “Коидаси шунака”, “Тўғри сўзнинг тўкмоғи”, “Сехрли калам”, “Сичқонча Табунинг саргузашлари”, “Учовлон”, “Холва емаган бола”, “Кувнок куёнча”, “Қуёш болалари” каби ҳикоя ва киссалар тўплами, “Юз тилло мажароси”, “Ажал пирамидаси”, “Тўртбурчакли ёстик”, “Қисмат ўчи” романлари аллакачон ўз китобхонларига эга. Ундан ташкари Илҳом Зойир таржимонлик билан ҳам шуғулланади. У норвег адебаси Синкен Хоппнинг “Сехрли бўр”, швед адеби Ян Экхольмнинг “Софдил маллавой” эртак-киссаларини маҳорат билан ўзбек тилига ўтирган. Хизматлари “Дўстлик” ордени билан тақдирланган. Илҳом Зойир каби ижодкорлар ижодининг антологияидан ўрин олиши мутахассисларга, ўзбек болалар адабиёти билан шуғулланаётган тадқикотчиларга, филология факультети талабаларига ўзбек болалар насрининг шаклшамойили, моҳиятини бир бутунлиқда ўрганишга имкон беради.

Шуни алоҳида таъкидлаш жоизки, антологиянинг ҳар икки жилдини тузиш ва нашрға тайёрлашда болалар адабиётининг ҳакиқий жонкуярларидан бири, болалар шоири Турсунбой Адашбоевнинг (охиратлари обод бўлсин) хизматлари бекиёс бўлди. Афсус, уларга китоб нашрини кўриш насиб этмади. Аммо порлок хотиралари ҳар доим адабиёт ихлосманлари ва ёш китобхонлар билан бирга эканига шубҳа йўқ.

Шу ўринда айрим китобларда услубий ва имловий хатоларнинг кўп учраши ҳали ҳам кузатилмоқда. Масалан, “Яхшилик излаган бола” номи билан уч минг нусхада чоп этилган кирк саккиз бетлик кичик ҳикоялар тўпламида айрим жузъий ва жиддий услубий камчиликлардан ташкари элликка якин имловий хатоликлар учрайди. Бу ҳолнинг китобча муковасида ҳам кузатилиши ачинарли. Китобча лотин ёзуvida босилган. Е ва Э ҳарфларининг фарқланмаслиги, кўшиб ёзиш ва ажратиб ёзиш коидаларига амал килмаслик саводхонлик кўнкимларини китоблардан шакллантираётган фарзандларимизга салбий таъсир кўрсатиши шубҳасиз. Ҳаттот ва ноширларимиз, айникса, болалар учун китоб чоп этаётганда шу жihatига эътибор каратиш ўта муҳим.

Хулоса килиб айтганда, ўтган йил болалар адабиёти учун ҳам ўзига хос изланишилар йили бўлди. Адилларимиз яратган кисса ва ҳикоялар, публицистик маколалар, тўпламлар болалар кўнгил оламини бойиши, эстетик дидининг шаклланниши, одоб-аҳлоқли, маънавий баркамол бўлиб voyaga этишиларида ўзига хос маърифий аҳамиятта эгадир.

БОЛА БҮЛӨЛМАСАК – БАРЧАСИ БЕКОР!



ОРИФ ТҮХТАШ

Болаларбоп асар ёзишнинг ўзи бўлмайди, бунинг залвори бошкача. Бир карашда, болаларга бағишлаб ёзилган асарларни, айниқса киска ва ўйноки шеърларни ўкиркансиз, улардаги ўта оддий сўзларни кўриб, “шуям иш бўлдими?” дегувчилар ҳам топилади. Аммо, барчамизни мана шундай азamat адабиёт бағрига бошлаган, сўзга бўлган меҳримизни оширган айнан болалар адабиёти эмасми?!

Мендан кўпинча “нега болалар ижодкорлари кам?” деб сўрашади. Мен бўлса, “кайси замонда болалар адаб-у шоирлари кўп бўлган?” деган саволни жавоб тариқасида бераман. Аслини олганда, мана шу савол-жавобнинг ўзи ҳам болаларга бағишлаб ижод қилиш жуда енгил вазифа эмаслигини тасдиқлайди, назаримда. Колаверса, бунинг учун ижодкор дегани аввало, болалик тасаввурларини йўқотиб кўймаслиги керак.

Хуллас, ўтган 2017 йилда чоп қилинган болалар нашрларини бир курсиздан ўтказадиган бўлсак, мен устоз ижодкор, Ўзбекистон халқ шоири Анвар Обиджоннинг болалар тили билан айтганда сермагиз шеърларини ўкиб, аксариятни ёд олиб, шундай хуносага келганман. Ҳар бир шеър – аслида бир топилма бўлиши керак. “Фунча” журналида чоп қилинган туркум шеърларидан мисол келтираман. Тасаввур килингки, карам тилга кириб, шундай демоқда:

Менга совуқ қилмас кор,
Қават-қават тўнум бор.
Фақат тўнни мен қари –
Кийволибман тескари!

“Чумолининг маколи” деган шеърни кўринг:

Ёз бўйи ишилаб,
Кииш бўйи мудра.
Нимани топсанг – ов “Бот либо – Қарнег” дессан
Уйингга судра!

Ориф ТҮХТАШ – 1976 йилда тугилган. Самарқанд давлат университетида таҳсил олган. Унинг “Ғунчалар табассуми”, “Қуёш йўли”, “Кўнгилга ташириф”, “Ватан атри” номли шеърий тўпламлари нашр этилган.

Сизда қандай билмадим, аммо мен ҳозир мана шу шеърларни ўқяпман-у айни шу кезда ёдимга муҳрланиб бўлганини ҳам хис килиб турибман. Мана, асл ижод маҳсулни қандай бўлиши керак.

Чинакам шеър барибирик ажралиб тураверади. Мисол тариқасида шоир Нельмат Душаевнинг “Тонг юлдузи” газетасида чоп килинган “Кетмон” номли шеърини олайлик:

Экинларни юмишатиб,
Ҳаттотки лой қораман.
Бекор турмай овулга –
Ҳашарга ҳам бораман.

Мен дехқонга мададкор,
Меҳнат қилиб толмангиз.
Юзимга оёқ қўйиб –
Пешонангиз ёрмангиз!

Бу шеърда кетмоннинг вазифалари оддий сўзлар билан санаб ўтилиш баробарида ўзига хос ҳажв билан тугалланган, ажойиб парадокс ҳосил килинган! Топилмага койил қолмасдан илож йўқ!

Шу ўринда болалар нашрларида чоп килинган болаларнинг севимли шоири бўлган Абдурахмон Акбарнинг туркум шеърларини ўзга бир марок билан ўкиш мумкин. Шоирнинг биргина “Сўзловчи ёмғир” шеърининг ўзиёқ ўкувчи тасаввурларини жонлантириб юборади. Шеърда ёмғир тилидан айтилган шундай сўзларга дуч келамиз:

Ишим ўзи шунақа,
Ҳамма жойга ёгаман.
Қариндошман қор билан,
Шудрингвойга тогаман.

Яйловдаги сурувдек
Кўкда кезиб юрсак ҳам.
“Бизлар асли Ерликмиз” –
Дейдилар Булут онам...

Ҳазиллашиб – тортқираб,
Майсалар қулогидан.
Ғубор-чангни юваман,
Гулларнинг ярологидан.

Шу ўринда Ўзбекистон халк шоири Иқбол Мирзонинг газета ва журнallар сахифаларида чоп килинган туюқларга ҳамоҳанг бўлган болаларбоп туркум иккиликларини айтиб ўтмоқчиман. Улар топилмаларга бойлиги ҳамда мурғак тасаввурда туриб битилганлиги билан эътиборингизни тортади. Қолаверса, бу жажжи иккиликлар “Эркатой – эрка той” номи остида китоб ҳолида ҳам чоп қилинди. Мисол тариқасида “Чувалчангнинг ҳайрати” шеърини келтираман:

Ота-онам тинмай ер,
Тугаб қолмасмикан Ер?!

Ё бўлмаса “Тулкихоннинг укасига дашноми”ни эшитамиз:

Қанақа бетартибсиз?!
Думимга бет артибсиз!

Шунингдек, газета ва журналлар саҳифаларида Дилшод Ражаб, Содикжон Иноятов, Хуррам Раимов, Қамбар Ота, Одил Абдураҳмон, Кавсар Турдиева, Худойберди Комилов, Қўзи Исмоил, Туроб Юсуф, Олкор Дамин, Эрназар Рўзиматов, Яхё Тоға, Нурилла Остон, Туроб Ниёз, Раим Фарҳодий каби шоирларнинг туркум шеърларини ҳам завқ билан мутолаа килиш мумкин. Бундан ташқари, “Гулхан” журналида жаҳон болалар шеъриятидан таржималар берилади. “Фунча” журналида “Шеърмунҷоч” ҳамда “Гулхан”даги “Нишона” рукни остида бериладиган бир канча ёш каламкашлар ижодида ҳам янгича ёндашувлар сезилиб турибди.

Яна бир гап: “Фунча” журналининг аксарият сонларида ўз ижодидан намуналар бериладиган ДилфузА Камолжонова ҳамда Азамат Худойбергановларнинг кўпгина шеърларида самимий мисраларга дуч келдим.

Ўзимнинг ёзганларим қай даражада, билмадим-у, лекин мен бир шеърхон сифатида бирор ташбехсиз, ногаҳоний топилмаларсиз ва шу билан бирга, куруқ панднасиҳатта йўғрилган битикларни шеър хисобига киритолмайман. Афсуски, нашрларимизда бу турдаги ёзишмаларни қоплаб учратиш мумкин.

Шу ўринда яна бир мушоҳада: “буғунги кунга келиб, яъни болаларга бағишилаган асарлар сийраклашиб кетяпти” деган сўзларни эшигтан бир канча шоир-ёзувчилаrimiz бу майдонга “от солишидди”. Бир томондан караганда, бу ҳолатдан хурсанд бўласан, киши. Бирок, “ёзаётган сўзларимни яна бирор соддалаштирасам бўлди – мана, сизга болалар шеърияти” қабилида ёндашиш асло ярамайди. Чунки бу ўринда жондан азиз ука-сингилларимиз-у фарзандларимизнинг бутун адабиётга бўлган нурли тасаввурлари туриби ва уларнинг хирадашувига сабаб бўладиган асарлар битишга ҳеч кимнинг ҳақи йўқ.

2017 йил мобайнида турли нашриётларда чоп қилинган болалар шеърияти йўналишидаги бир канча китоб қўлимга тушди. Ҳусусан, шоира Гуландом Тоғаеванинг “Мен излаган кема”, Очил Тоҳирнинг “Ҳарфлар жамланмаси”, Милтиқбой Хонназаровнинг “Булбул бўлиб сайрайман”, Зухро Бегимнинг “Юртимиз нихоллари” ҳамда Набижон Эрматнинг “Фаройиб қўшиқлар” номли рисолалари. Мазкур китобларга киритилган шеърларда ҳам болалар ҳаётидан олинган шингил лавҳаларга дуч келасиз.

Бирок бир сўзни такрор ва такрор айтишга тўғри келмоқда: болалар учун бирор асар ёзишга киришидикми, бу жараёнда бола бўлолмасак, болаларча фикрлай олмасак, уларнинг нигоҳи билан дунёни кўра олмас эканмиз бу йўлда қилган барча ҳаракатларимиз бекор! Айни шу максадда мақола сарлавҳасини ҳам ушбу сўзлардан изладим.

Ҳа, айтгандай, бутун умрини мана шу нурли йўлга бахш эта олган устоз ижодкор Турсунбой Адашбоевнинг айнан болаларга шеър ёзиш машакқатини тўлиқ акс эттирган бир туркум шеърлари ҳам бор.

“Кигиздан қозиқ ясаб,
Харсанг узра қоқкандай”.
Болалардай завқланниб –
Оlamга илк боққандай.
Кутимаган қофия
Кўкда чақмоқ чаққандай!..

Яхши китоб учраса
Қайси бола суюнмас,
Суратлардан завқланиб,
Такрор ўқиб, тўйинмас?!.
Кичкинтойга шеър ёзиш
Ўйинчоқмас, ўйинмас!

Бу албатта, шоирнинг катта шеъридан бир парча, холос. Аммо шугина парчадан ҳам болалар шоири бўлишининг бор мастьулияти бўй кўрсатиб турибди. Устоз ижодкор билан ҳаётлик пайтларида шеърий айтишмалар килиб турардик. Устознинг юқорида ўқилган шеърига шогирдлик эркалиги билан, назира йўсинида давом ёзган эдим. Макола сўнггида хулоса ўрнида ҳам қабул этиш мумкин бўлган ушбу шеърни келтирмокчиман.

“Кичкинтойга шеър ёзиш,
Ўйинчоқ, ўйин эмас”.
Лек Турсунбой оғага
Бу иши кўп қийин эмас.

Таажжуб, бир қарасанг,
Ёш болага дўнади.
Яна бир боқсанг соч-у
Қошига оқ қўнади.

Кичкинтойлар тилини
Ўзлашибирган боладай.
Сал кам саксон баҳорни –
Қарши олган “болакай”.
Неваралар туришиса –
Бироз гапга бўйсунмай,
Дейди, – келинг, ўйнаймиз,
Менинг отим – Туйсунбой!

Болалайга багишлаб,
Шеъй ёзаман, биласиз.
Уладини ўқигандада
Қиқий-қиқий куласиз.

Сиз хайҳаша қўлманг кўп,
Жаҳлим чиқса койийман.
Дўстингизман ва яна –
Туйсун деган шоийман!

Бир умр болажонларга қувнок шеърлар ҳадя этиб, ўзи ҳам беғубор ва самимий болага айланиб кетган севимли шоиримиз, устоз Турсунбой Адашбоевнинг ижод йўли ҳаммамиз учун сабоқ бўлгулиқдир.

Түйгүлар сүзлайди сирли ривоят



Лайлө ҲАСАНОВА

Оклика бурканди бугун ҳаяжон,
Бир-бир түкілмокда ишқ деган ҳавас.
Содда тилларимда сизади маржон,
Билмасдим, барчаси абаску абас.

Киприклар пирпирап, түйгүлар түзон,
Юракда дупурлар бебош бу нафас.
Сенга атаганман мингдан ортиқ жон
Ва яна қалбимда асрабман оташ.

Умр шамолларда соврулар, ҳайхот,
Кечанинг бугундан қолади ҳаки.
Сароб хаёлларга берилма, эй зот,
Сония кийматин ўлчайман хали.

Кутаман...

Кутасан...

Кутади...

Бирок...

Айт, дүстим, борми бу ҳолга бир чора,
Қадрини киймалаб бир неча бора?
Боргайсан юзингни солиб ўтларга,
Кел, күнглим, ўзингни қилма минг пора.

Дейман...

Дейсан...

Дейди...

У, бирок...

* * *

Рұхларим адашди, адашди ажаб.
Минг йиллик сирларим қўйдим, вож, гуллаб!
Ўзим ёнган эдим ўшал ўтларда,
Шунда ҳам эдима, мухаббат талааб.

Зиёлар зар сочди бугун бўйимдан,
Осмонлар ер чизар орзу, ўйимдан.
Ҳар не бўлса, бўлар, Худойим,
Ўздан кечиб севмоқ, келмас кўлимдан.

* * *

Совутмоқда бугун кўнглимини
Кечагина ёндириган олов.
Бахт йўлига яна бошлайди
Туйғуларни ёндириб лов-лов.

Муҳаббатнинг дарвозаси кенг,
Қабул килар шоҳу гадони.
Азобдир висоли, бўлиш унда тенг,
Бошлаб келади у турли садони.

* * *

Соҳиллар сўзлайди сенинг созингни,
Қалбларни чертади шодон шалола.
Тунлари эркалаб сирли нозингни,
Тонгларга бирма-бир этар ҳавола.

Шаксиз, сен эдинг қалбимга беркиниб,
Туйғуларим торин завқли сайраттан.
Энди, мен бораман сенга юкиниб,
Бир бор кўрганимда ипсиз боғлатган.

* * *

Бекинмачоқ ўйнайман ёлғизлик билан,
Синамачоқ санар хотира – разил.
Гаплашмай қўйгандим юрагим билан,
Ичидан идрайди энди у зил-зил.

Маконлар – бегона,
замонлар – адаш,
Туйғулар сўйлайди сирли ривоят.
Ҳаммага осонда, соддани алдаш...
О, рух,
сен буюксан,
айла иноят!

* * *

Мен менсизликтан сүрадим мени,
Аммо, чир атрофин излайди халак.
Неларни истадим, югурдим, ана
Мангу ғафлатлардан бездири фалак.

Хар ёқда кезмокда йиллар, хотира –
Бир ипда тизилган барчаси мана.
Бахт учун умид бор, бор умид яна,
Сени кутмокдадир қутлуғ шодиёна.

* * *

Ловиллайди оташ.

Бу оташ –
зарралардан йигилган
заррин.
Завқта түлар,
юраги ёнар,
олисларни күзлаб
бу гунаш.
Недир,
кимдир
кезар фалакни,
хаяжон
ва
хайратта
тикиб палакни.
Тонг бўзарар
лабин
ботириб тоғта.
(Ҳаёт лаззат,
хаё лаззат.)
Ҳаловатдан,
хароратдан
чишиб тилакни.

* * *

Лайло Ҳасанова шеър ёзаман деб, шеър ёзмайды. Лайло Ҳасанова ичидагини тўкиб солади. Англайсизки, булар шунчаки қалаштирилган сўзлар тизмаси эмас. Уларда қандайдир ўзига хослик, гайриодатийлик бор.

Тўғри, Лайло Ҳасанованинг ёзувларида нуқсонлар бор. Аммо, унинг битикларида: “Сабот берган онингдан, Бошланажсан ҳаётим”; “Буроқ берган руҳимга, Айюб қани танимга” каби мисралар, кўзга яқин ўшишилар учрайдики, улар Лайло Ҳасановадан ҳали янада дилбар, муҳими, бус-бутун шеълар куттишимизга далил бўла олади.

Бахтиёр АБДУҒАФУР

**СУЛТОН
ЖАЛОЛИДДИН
МАНГУБЕРДИ**

Роман¹

23-боб. Хиёнат

Бир кечаю-бир кундуз тўхтовсиз юрганларидан отларнинг силласи куриди. Бирор жойда тўхтаб уларга дам берилмаса бўлмасди. Бироқ амирлар бу ҳақда султонга айтгани журъат кила олишмас, ҳатто Содирхон ҳам жим эди. Ҳайтовур, султоннинг ўзи нафас ростлашга карор килди ва карвонни тўхтатди. Ходимлар дарров унга чодир тикишди. Ювиниб, бирмунча ўзига келиб олган султон негадир Кутлугхоннинг ўзини хузурига чорлади. Чодир ёнида турган Содирхон бу илтифотга аввало ўзи ноил бўлишини кутганди. Султоннинг қароридан кўнглига хавотир оралади. Ортиқ ваҳимага берилишини истамай, ўлгудек чарчаган бўлса-да, чодир ташқарисида кутиб туришни лозим топди.

Кутлугхон чодирга кирганида султон калин тўшалган кўрпачалар устида бошлишга ёнбошлаб ётарди. Чодирга одам киргач кўзгалиб, чордана куриб ўтириди.

– Ўлтиринг, Кутлугхон жаноблари! – деди у.

Кутлугхон шошиб қолди. Султон хузурида одатда ўтирилмас, тик турилганича унинг сўзларига кулоқ тутиларди. Кутиммаган таклиф ортида мухим масала мухокамаси борлигини Кутлугхон сезди. Киличини тўғрилаб, султондан анча пастроқда шундок гиламга ўтироқчи бўлганида султон:

– Юқорига ўтинг, Кутлугхон жаноблари! Ёнимиздан жой олинг! – деб қолди.

Хали ўтиришга ултурмаган Кутлугхон тиззалағанича султон қархисига борди ва тиз чўкканича омонат ўтириди. Султон ёнидаги кичикрок пўлат сандикчани очиб ўрам килинган мактубни олиб, Кутлугхонга узатди:

– Кутлугхон жаноблари, мана шуни бир ўқинг!

Кутлугхон ўрамни кўшкўллаб олди. Факат султоннинг назари тушиши лозим бўлган мактубни журъати етиб-етмай очди. Султоннинг таъкиб этаётган нигохи остида ўқишига киришди. Сатрлар ичига шўнгий бошлагач эса қархисида салтанат хукмдори ўтирганини унутиб, “астагфируллох!” деб юборди. Охиргача ўқимай султонга юзланди.

– Шундай мактублардан икки-учтаси илкимизга келиб тушмиш! – гап бошлади султон. – Булар амирларимизга юборилмиш.

– Хабарим йўқ экан, султон ҳазратлари...

Султон унинг жавобида икки маънони ўқиди: биринчиси, чиндан ҳам хабарим йўқ; иккинчиси, бундай мактубни олмадим... У бир муддат Кутлугхоннинг кўзларига тикилиб қолди. Ҳудди маҳкумни тергов килаётгандек. Буни туйкус кўнглидан ўтказган Кутлугхон кўзларини ерга кадади, ўнгайсизланди.

¹ Давоми. Бошланиши ўтган сонларда.

– Сизга ишонамиз, Кутлуғхон жаноблари, – давом этди султон. – Сабаби, сиз йигитлик чөғингиздан хонадонимиз хизматидасиз, аввалги юришларимизда доим черик илфорида бўлиб, садокатингизни қиличингиз ила исботлаб келгансиз. Бу борада сиздан кўнглимиз тўй.

Султоннинг эътирофидан Кутлуғхоннинг кўзларига ёш келди.

– Менга ҳамроҳ бўлган бу одамлар орасида мен уч кишига ишонаман, Кутлуғхон жаноблари. Бири сиз. Қолганлари Тожиддин Ҳасан ва шахсий фаррошим Мукарробиддин.

Кутлуғхон унинг сўзларидан ҳайратга тушди. Султон нега бундай деяпти? Ёки уни синаяптими? Ахир атрофида шунча саркардалар бўлса! Қолаверса, бари якин кариндошлари. Султонни ҳимоя қилаётган ҳарас ҳам Содирхоннинг измида. Йўқ, бу сўзлар синов учун айтилмаяпти. Бу мактубнинг ошкор этилиши ҳам бежиз эмас.

– Мактубдан мурод нима эканини билмаймен, – султоннинг овози унинг ўйларини тўзгитди. – Буларни ким ёзгани ҳам менга коронги. Лекин кўп яқинларимдан, амирлардан гумоним бор.

Кутлуғхоннинг кўнглидан турли хаёллар ўтарди. Султоннинг бекорга шаҳардан-шаҳарга кўчиб юрмагани, бир ерда муким турмагани балки шу мактублар сабаблиди? У яқинларининг фитнасидан кўрқдими? Бироқ бу ўйлари унга эриш туолди.

– Мактубни ким ёки кимлар ёзган бўлиши мумкин, Кутлуғхон жаноблари? – туйкус сўраб колди султон.

Кутлуғхон нима дейишини билмасди. Мактубда султон амирлари Чингизхонни интиқ кутишаштагани, хоқондан биргина ишора етса унинг хизматига киришлари баён қилинарди. Ким Чингизхонга бундай маънода мактуб юбориши мумкин? У ўйлаб ўйига етолмасди.

– Султон ҳазратлари... содик кулингиз ожиз...

Султон кўлини мактубга чўзди. Кутлуғхон шоша-пиша уни султонга тутди.

– Кутлуғхон жаноблари, сиздан бир илтимосим бор.

– Қулоғим сизда, султон ҳазратлари, – Кутлуғхон кўзғалиб олди.

– Сиз кўп савашларни кўрдингиз. Жалолиддиннинг ёнида туринг! Жалолиддин ҳали ёш... сиздек кишиларга муҳтожлиги бор! – султоннинг сўнгти сўзлари титраб чиқди. Бўғзига нимадир тикилгандек бўлиб давом этолмай колди. Кўзларида ёш кўринди.

Кутлуғхоннинг кўнгли бузилиб кўзларини ерга қадади. Анчагача султоннинг кўзларига карашга журъат эта олмади. Миясида энди султоннинг сўзлари айланарди: "...Жалолиддиннинг ёнида туринг!" Нега бундай деди? Кўнгли бирор нарсани сездими? Нега Кутбиддин ёки Фиёсиддин эмас, айнан Жалолиддин? Демак, демак... султон ҳам бутун умид Жалолиддиндан эканига ишонибида-да!

Чодир ташкарисида Мукарробиддиннинг аста томок кириб олгани ва овози эшилди:

– Султон ҳазратлари, таом тайёр, ижозат берсалар ҳозирлик кўрсак.

– Ижозат!

Шошиб қолган Кутлуғхон ниҳоят кўзларини ердан узиб султонга қаради.

– Султон ҳазратлари, рухсат берсалар сизни ҳоли колдирсанам.

Султон бош иргаб кўйди. Кутлуғхон ўрнидан туриб чодирдан чиқди.

Султон билан сұхбат Кутлуғхоннинг ўй-хаёлларини остин-устун килиб юборганди. У ўз ўйлари билан ҳоли колиши умидида султон амирлари ва ҳараси тўхтаган жойдан нарирокқа кетмокчи бўлди. Тун кирган, самода юлдузлар живир-живир килади. Кутлуғхон хаёллар билан қанча юрганини билмади. Кутимаганда нарирокда учтўрт кишининг гўнгир-гўнгир гаплашаштагани қулоғига чалинди-ю ўйлари узилди. Гоҳ овозлар пасаяр, гоҳ кимдир асабийлашиб баланд овозда гапириб қоларди. Улардан бирининг овозини Кутлуғхон таниди – Содирхон! У куйиб-пишиб гапиради:

– Султоннинг ўзи ҳам қаёққа кетаётганини билмайди! Бу кетишда ҳаммамизни абгор қиласди! Ишончли кишилар Чингизхон тез кунларда салтанатни эгаллашидан сўзламоқдалар!

– Тўғри, лекин бу иш хатарли! – дерди бошқаси. – Султон чериги ҳали кучли. Жалолиддин бугун-эрта доруссалтанага келади, дейдилар...

– Бўлмаган гап! – кизишибди Содирхон. – Самарқанд ҳам бугун-эрта Чингизхон илкига ўтур! Чингизхон бир зарб или Ғазнини ҳам, Гурганчини ҳам олур!..

– Нима қилишни маслаҳат берурсиз? – учинчиси ўртага кўшилди.

– Султонни ўргадан кўтартмок лозим! – деди Содирхон. – Кейин Чингизхонни олдига борсак бизни қуруқ кўймас!..

Кутлугхон титраётганини сезиб қолди. Ҳам кулокларига ишонмасди. Наҳотки бу сўзни султоннинг энг якин мусохиби, ҳам кўриқчиси айтаётган бўлса?! Назарида қандайдир кўркинчли, алок-чалок туш кўяпти-ю, Содирхон унда олабўжига айланган. Содирхоннинг сўзлари унинг хаёлларини узди:

– Шу кечи ишни битирамиз! Бу ишни ўзим бажарумен, ёнимда турсанглар бўлди!

– Маъкул!

– Маъкул!..

Кутлугхон эҳтиёткорлик билан ортига кайтди. Тожиддин Ҳасанни топди. Тутила-тутила ҳозиргина гувоҳи бўлган фитнадан уни огоҳ этди. Тожиддин Ҳасан дарров хос навкарларни белгилаб, уларни султон чодири атрофига кўйди. Кутлугхон ва Тожиддин Ҳасан ҳозирча буни султонга айтмасликни маъкул топишибди ва чодирдан нарироқда, кўздан холи жойда турадиган бўлишиди. Орадан бир муддат ўтгач Содирхон кўриниб, Кутлугхон сергак тортди. Содирхон бемалол чодирга кирди, сокчилар унинг йўлини тўсишга ҳаддилари сигмади. Кутлугхон унинг ортидан юрди ва ҳар эҳтимолга қарши киличининг дастасидан ушлаб олди.

Содирхон чодирга кириши билан киличини яланғочлаб, тўшакда ётган султонга зарба бермокчи бўлди. У киличини баланд кўтарганида кутилмаганда ғалати калкиб “хик” деди-ю ортига аста ўгирилди. Ундан икки-уч қадам нарида Кутлугхон туар, унинг ортида кўлида машъала кўтарган Тожиддин Ҳасан бор эди. Баланд овозлардан чўчиб уйғонган султон бир Кутлугхонга, бир Тожиддин Ҳасанга, бир жон таслим этаётган Содирхонга қаради. Ниҳоят, нима бўлганини тушуниб:

– Майдонда мардлардек кўксингдан эмас, номарддек ортингдан тиф единг! – деди тиззалақ колган Содирхонга.

Содирхон сўнгги кучини тўплаб яна қиличини кўтаришга уринди. Бу сафар Тожиддин Ҳасан унинг елкасига тепиб қулатди. Содирхон бир-икки хириллади-ю узилди. Султон нигоҳини ундан кўчириб Кутлугхонга қаради.

– Кутлугхон жаноблари, – деди у титрок овозда. – Сизни бизга Оллоҳ ҳамроҳ килиб юборди! Тангри таолога беадад шукрлар бўлсин.

– Оллоҳга беадад шукрлар бўлсин, султон ҳазратлари! – деди Кутлугхон. – Сизни ўз паноҳида асрэдии!..

Тонг ёришар-ёришмас Султон Аловуддин йўлга тайёрланишини буюрди. Яна ўша васваса уни оромини ўғирлаган, ҳамма кўзига ёв бўлиб кўринар, тезроқ бу ердан кетишини хоҳларди. Жўнаш арафасида Кутлугхонга сўнгти сипоришларни берди:

– Жалолиддин иншоплоҳ Гурганчга кайтмиш! Сиз унинг хизматига боринг, Кутлугхон жаноблари! Сизга энди ўзимга ишонгандек ишонамен!

– Маъкул, султон ҳазратлари! – кўлини кўксига кўйиб деди Кутлугхон.

Султон уни бағрига босди, юзини юзига кўйди. Кутлугхон унинг юзидаги кўзёшларни сезиб ғалати бўлиб кетди. Султон ва Кутлугхон шу ерда ажрашдилар.

Султон ўзига содик навкарлари билан тун қўйнига сингиб кетди. Кутлугхон ўзига қолдирилган бир даста навкар билан Гургандча юзланди...

24-боб. Мақбарасиз ҳукмдор

Чағалайларнинг кўнгилни эзадиган, ҳазин кўшиғи соҳилга келиб урилаётган кучли, улуғвор тўлкинларнинг шовуллаши орасида эшитилиб қолади. Кулзумнинг¹ шаркий уфки булулгардан тамом қора торғтан, корамтири тус олган денгиз нотинч мавжланади.

Фақат ятакда қолган султон Аловуддин соҳилдаги тошларни аста босиб келиб, йиллар давомида асов тўлкинларда ювилаверганидан силликлишиб кетган харсангтошлардан бирига ўтириди. Ёмғир унинг юз-кўзларини ювиб, унда-бунда оқ оралаган қуюқ қора сокол-мўйловини ҳўл килса-да бунга эътибор бермасди. Кўзлари соҳилдаги чўнг қоятошларга урилиб, ювош тортганича ортига қайтаётган тўлкинларни кузатса-да, фикри хаёлини бу тонг кўрган туши эгаллаб олганди. Тушига отаси султон Такаш кирибди. У ўзига курдирган мақбарадаги сагана тоши устида ковоғини солиб ўтирганиши. Бир вакт имлаб ўғлини ёнига чорлабди. Султон Аловуддин мураббаъ тархли, гумбази кулоҳий, пешток равоғи сопол мукарнаслар билан пардозланган мақбарага кирибди. Тобадонлардаги машъалалар пойгумбаз ва гумбаздаги мунаққаш кошинларни ёритиб, хилхонага ажиб сирлилик берармиши.

– Сен ўзингга нима қолдиридинг? – сўрабди отаси.

Султон Аловуддин жавоб беролмай қаловланиб колиби.

– Ҳеч нима килмабсан-ку!

Султон Аловуддин кўзларини яширишга уринибди.

– Сенинг ҳатто... мақбаранг ҳам йўқ!..

Султон Аловуддин сесканиб кетди. Тобора кутириб бораётган тўлкинлар шовқинида чағалайларнинг овози ҳам эшитилмайди. Кулоклари остида отасининг сўнгти гапи янграй бошлади: “Сенинг ҳатто... мақбаранг ҳам йўқ!..” У беихтиёр инграб юборди. Шунда туйқусдан ёдига Асадобод довонида халифа устига тортилган кўшинни кор остида қолиб, пароканда бўлгани, чор-ночор ортига қайтаётган кўшинни йўлда турли қабилалар талаганлари, Гургандча етиб келмасдан эшигтан дарвешларнинг жаҳрларидаги: “Халифадир Оллоҳнинг ердаги сояси, кимки унга килич кўтарса етгусидир Унинг лаънати!” деган сўзлар тушди. У бу сафар алам ва чорасизликдан яна инграб юборди.

“Наҳотки... лаънатта учраган бўлсам!” – аламли ўй унинг юрагини куйдириб ўтди. Йўтал тутиб, унинг зўридан буқчайиб қолди.

– Онҳазрат!

Султон овоз келган томонга қаради. Малик Тожиддин Ҳасан кўл ковушгириб турарди.

– Онҳазрат, сизга арзимас муждам бор эди.

– Мужда?! Қандай мужда экан?

Тожиддин Ҳасан бир муддатли иккиланиши ва тараддудан сўнг гап бошлади:

– Кечачайтган гапингиз кулогимга чалинмиш эрди. Шунга содик хизматкорингиз сизга бир тулпор келтириб эдим.

Султоннинг тунд юзи ёришиб, уолган қошлари аввалги жойларига қайтидилар.

– Тулпор! Не улуғ мужда! Қани у?

Султоннинг хурсанд бўлиб кетганидан журъати иккиси ортиган Тожиддин Ҳасан:

– Онҳазрат, чодирингиз ёнида турибди. Истасангиз хозироқ келтирамен, – деди.

– Хожати йўқ. Ўзим бориб кўрамен.

Султон ўрнидан туриб, чодирни томон юрди. Унинг ортидан эргашаркан, Тожиддин

¹ Каспий денгизи.

Ҳасаннинг ёдига унинг Жайхун бўйларидағи шикор чоғида, майин шаробдан сархушлигига айтган гаглари тушди: “Агар хоҳласам амири-охурумиз Ихтиёридин кўл остидаги ўттиз минг отни бир динор ҳам сарфламай икки баробар кўпайтиришим мумкин. Давлатим яйловларидағи чўпонларга биттадан от келтиришни буюрсан бас, отларим олтмиш мингдан ортади”. Тожиддин Ҳасан билинар-билинмас хўрсиниб кўйди.

Жалолиддин отасини Нишопургача кузатиб келди; Куттуғонга сўнгти сипоришларни бергач, Хурсон мулклари химояси учун ортга кайтди. Султон эса Нишопурда кўп қололмади – хуфиялар мўғул кўшини ортларидан тушганини сезиб қолишиди. Чингизхон султон Аловуддинни тутиш учун мохир ва кўркмас жангчилари, ашаддий каллакесарларини юборган, улар бир зум бўлсин султонни нафас ростлашига кўйишмасди. Ташкибчилар алков, мулк ва амал таъмасида тўхтамас, султонга етай-етай деганида ҳараснинг жонбозлиги сабаб, ниятларига ета олишмасди. Ҳарас курбонлар бериб бўлсада ҳукмдорни куткариб қоларди. Султон Исфизарга келганида мўғуллар яна унга етиб олишиди. Унинг кўлга тушиши аник бўлиб қолди. Бироқ, ҳарас яна унинг жонига оро кирди. Ҳатто султоннинг айрим аъёнлари ҳам килич олиб савашга кирди. Икки ўргада жанг оғир, шиддатли бўлди. Ҳарас ҳам, мўғуллар ҳам кўп курбонлар беришиди. Мўғулларнинг шиддати заиф тортганда султон яна кочишга ултурди ва Давлатободга етиб олди. Шу тарика, у коча-коча Кулзум сохилидаги бандаргоҳга етди. Энди кочадиган йўл йўқ – каршисида чексиз кўринадиган денгиз, ортида эса мўр малаҳдек ёпирилган мўғуллар. Ёгий отликлари бандаргоҳда кўриниши берганларида султон бир амаллаб марқобга² олинди ва денгиз ичига сузиб кутулди. Орадан бир ой ўтди. Ирок мулкларидан Боласоғунгана салтанат тузган султон Аловуддин Мухаммад бир гуруҳ аъёнлари билан кимсасиз оролда ёлғиз қолган. Ҳадик ичра кун санайди, катта ердан хушхабарларни интиқ кутади. Аксига олиб, оролга ҳеч ким келмайди...

Тожиддин Ҳасан кечакунда марқобда навкарлари билан оролдан куруклика яширинча ўтган, озиқ-овқат, сув олганди. Бу нарсаларни келтирган кишининг оти азбаройи ёкиб колганидан уни икки баробар нархига сотиб олиб, султонга тортиқ этишини кўнглига туғиб кўйганди.

Султон ер тепиниб турган, коп-кора саман отнинг тизгинидан тутиб, чодири атрофида етаклаб юрди. Совғадан азбаройи хурсанд бўлиб кетганидан Тожиддин Ҳасанга юзланиб:

– Муждангиз маъқул, – деди.

Тожиддин Ҳасан астойдил куллук килди. Султон содик аъёнига ёлғиз миннатдорчилик билдириш билан каноатланмади:

– Қоғоз ва давот келтиринг!

Уларнинг ортида кўл қовуштириб турган даватдор³ шошиб қолди. Анчадан бери унинг хизматларига муҳтожлик сезилмаганидан қоғоз ва давот келтириш хийла кечикди. Даватдор асбобларни кимга беришни билолмай, иккиланиб қолди. Султон муншийси хозир оролда эмас. Унинг ўзи эса нома ва ёрликларни ёзган эмас. Даватдорни бу ўнгайсиз ахволдан Тожиддин Ҳасан куткари – у қоғоз, давот ва сиёҳдонни олди. Бу вақтда ўй суриб қолган Султон Аловуддин хаёлларидан бош кўтариб, энди муншийликка бел боғлаган Тожиддин Ҳасанга юзланди.

– “Мен ким Искандари Соний Султон Кутбиддин Мухаммад ибн Такаш ибн Эларслон ибн Ануштегин садоқатли ва ҳожатбарор ходимимиз Тожиддин Ҳасанга ўз мулкларимиздан иктоъ белгиладим...”

У анчагача давом этолмай қолди. Аъёнлар кўл қовуштирганларича унинг оғзига

² Кема.

³ Султонликда ётуб қуролларини ташувчи одам.

термилиб турардилар. Султон ёнида турган силохоридан кинига дуру гавҳарлар кадалган ханжарларидан бирини олиб, Тожиддин Ҳасанга узатди. Аввалига иккىланиб қолган Тожиддин Ҳасан ханжарнинг нега узатилаётганини англагач, дарров уни кўшкуллаб олди. Бундайин “орол фармон ёки ёрликлари” Султоннинг дабдабали муҳрисиз ёзилиб, ҳукмдор уларни ўзининг буюмлари: кимматбаҳо узуклар, нафис рўмолчалар ёки Тожиддин Ҳасанга берилгани каби бебаҳо ханжарлар билан тасдикларди. Чунки султоннинг муҳрларини олиб юрувчи мулозими Исфизардан Давлатободга қочаётгандарида мўгулнинг ўқига учганди.

— Ўғлимиз Жалолиддинга элтинг!

Жалолиддин исмини эшитиб, аъёнлар дарров кўз уришириб олишиди. Авваллари тўнгич шаҳзоданинг исми кўп ҳам тилга олинавермасди. Айниқса, малика Турконнинг иродаси ортидан иккинчи шахзода Кутбиддин валиъаҳд дея эълон килинганида аркони давлат Жалолиддиннинг оддий амирлар каторидан жой олишига ишонди ҳам. Аммо Яратганинг ёзуғи бошкacha экан – замона алғов-далғов бўлди-ю, Кутбиддиннинг бирор эсламай кўйди, энди қувғингдаги Султон илкидан омад кетган, ягона умид Жалолиддин эди. Кейинги кунларда у тўнгичига тез-тез мактублар ёздирап, чопар ортидан чопар юборарди. Мактубларни ўзи айтиб, ёздирап, ўрам килиниб, муҳр урилгандан кейин эса Жалолиддин ҳакида сўзларди. Ҳатто, кеча оқшом таом учун ўтирган баҳтсиз ҳукмдор шарбат тўла идишни кўлига олиб, ўз-ўзидан Иргиз савашидаги Жалолиддиннинг жасоратидан сўзлаб кетди. Унинг майдонда қандай от чоптириб, килич сермашини кўрган шоҳидларнинг хикоятларини айтиб, кутилмаганда хўнг-хўнг йиғлаб юборди. Тожиддин Ҳасан ўз кўзёшларига фарқ бўлаёзган ҳукмдорининг сўзларидан сўнгсиз афсус-надоматларни ўқиди.

— Амрингиз бош устига, онҳазрат, — Тожиддин Ҳасан астойидил юкиниб, куллук килди.

Султон Аловуддин кўли билан ишора бериб, ёлғиз кўйишларини буюрди. Унинг биргина сўзи ва ишорасига илҳақ бўлиб, кўл қовуштириб турган аъёнлар дарров ортларига чекинишиди. Султон холи қолиб, яна денгизга юзланди. Бу сафар унинг сувлари янада улуғвор бир куч билан мавжланар, еру кўкни сувига чўқтирадиган важоҳатда эди. Кулзумдан Иргиз соҳилларигача кудратли салтанат тузган ҳукмдор эса тобора кучга тўлаётган тўлкинлар қаршисида ожиз қолганди.

Чагалайларнинг мунгли кўшиклари энди анча кучайган эди...

25-боб. Шайхул-валитарош башорати

Иктидор соҳиби бўлганида Искандарнинг навбасини эслади-ю, унинг очик кетган кўллари хотирига келмади. Тўшакда ётиб, туйкус шуни эслади. Худди табибининг аччик эзиз ичгисини ичгандай Султон Аловуддиннинг юзлари буришди.

“Навбани эсладим, очик кетган кўлларни-чи!” Султонни йўтал тутди. Ходимлар йўтал зўридан қийналаётган султоннинг елкасидан олишиди. Кундан-кунга кучайиб, давоси кўринмаётган йўтал бирпасда султоннинг вужудида қолган сўнгти кучини ҳам сўриб олди. Йўтал кетиб, хийла ўзига келгач хиркирок овозда сўради:

— Ж-жалолиддин... келдими?

Ходимлар ортида турган Тожиддин Ҳасан олдинга сугурилиб ўтди.

— Онҳазрат, шаҳзоданинг чопари келган! Ўғлингиз ҳозир маркобда эканлар, иншоллоҳ, етиб келадилар, — деди у.

Султон тин олиб, ўрнига чўзилди, вужуди яна бўшашди. Тожиддин Ҳасан бир муддатли тараддулдан сўнг кўлини дастрўмолгага ҳафсала билан артиб, султоннинг пешонасига кўйди. Унинг иссиги баланд эди.

— Жалолиддин... — алаҳисиди султон.

Тожиддин Ҳасаннинг кўнгли бузилиб, кўзларига ёш келди. Анчагача ўзини кўлга ололмай, кўзёшлари юзини ювишига кўйиб берди.

— Жалолиддин... — бу сафар овоз анча заиф чиқди. Бу овоз илгари таҳтда савлат тўкиб, виқор ўтирадиган, сўзлари кишиларнинг ваҳмини келтирадиган хукмдорнинг овозига сира ўхшамасди.

“Онҳазрат... фикрларини ўзгартирган кўринадилар, — хаёлга борди Тожиддин Ҳасан. — На валиаҳд Кутбиддинни ва на Гиёсiddини Рукниддинни ёдга олдилар. Фақат Жалолиддин”.

Тожиддин Ҳасан бу уч ака-уқадан ҳам, Жалолиддинни аллақандай илҳақланиб кутарди. Гўё Жалолиддин билан аввалги қудрат, шукух кайтадигандек, умидсизлик олган юраклар яна шодликка, масрурликка тўладигандек. Қани энди ўша масъуд дамлар? Аввалги хукмфармо кунлар... Тожиддин Ҳасаннинг кўнгли яна увишиди.

— Жалолиддин... келдими? — яна сўради султон.

— Йўк... — деди журъати етиб-етмай Тожиддин Ҳасан.

Султон бошини ёстикка кўйиб кўзларини юмди. Кўз олдида... саройни тарк этаётган шайхул-валитарош Нажмиддин Кубро ҳазратлари гавдаланди. Бундан йигирма йил аввал у туйкус мажлисни тарк этган, ўзига аён бўлган башпоратни айтишини лозим топмаганди. “Демак... демак, ҳазрат буни билган!” — аламли ўй юрагини кўйдирив ўтди. У дарҳол ўрнидан туриб олди, ёдига йигирма йил аввал Аламут сафаридан кайтганларидан кейинги воқеалар тушди...

Коҳира кальаси фатҳ этилганига ҳали кўп бўлмаган. Энди султон Такаш кўшини исмоилийлар пойтахти Аламутни камал қилган. Бу ердан ҳатто күш ҳам учеби чиқа олмайди. Хоразмшохнинг моҳир мерғанлари кальъадан учирилаётган алоқачи кабутарларни уриб туширишади. Уларнинг оёкларига боғланган хатлар султонга пешма-пеш етказилиб турилади. Улардан англашиладики, Аламутнинг ахволи оғир, фукаронинг силласи куриган. Эрта-индин унинг ҳам фатҳ этилишига шубҳа йўқ. Аммо Гурганчдан келган мактуб Аламутнинг жонига оро кирди. Шаҳзода Аловуддин ўғиллик, султон Такаш эса неваралик бўлиби! Султон энди бобо! Қамал чўзилиб кеттанидан сўнгти кунларда анча тунд, серзарда бўлиб колган султоннинг чехраси бирдан ёришиб кетди. Хижолатданми ёки ота риоясиданми, ипак чодирнинг бир четида кимтиниб турган шаҳзода Аловуддиннинг ёнига бориб пешонасидан ўпди.

— Ота бўлдингиз, ўғлим, Тангри таоло муборак қилсан! — деди у.

Шаҳзоданинг юзларига қизиллик югуруди, кўзларини ерга тикканича деди:

— Куллук, ота...

Султон Такаш бироз ўйланиб тургач аввал ўғлига, сўнг лашкарбоши ва амирларига қаради:

— Гурганчдан келмиш бу кувончли хабардан кўнглимиз тоғдек кўтарилимиш, алҳамдулиллоҳ, — деди у. — Бундок кунларда Аламутта омонлик берайлик. Жарчиларга айтинг, шаҳар ахлини қароримиздин огоҳ этишсин!

— Маъқул, онҳазрат! — амирлар бирдек таъзим қилишди.

— Сиз доруссалтанага эртароқ қайтасиз, — шаҳзодага бақамти бўлиб деди султон Такаш. — Насиб қилса юртга тўй-томушо берурмиз, ўғлим.

Шаҳзода яна қизаринди. Кўзларини ердан узмай “маъқул”, дея олди, холос.

* * *

Гурганчда тўй.

Карнай-сурнайлар, ногоралар овози доруссалтанани тутган. Шаҳар майдонида катта дор тикланган. Машхур дорбоз Сайфиддин Хевақий шогирдлари билан дор устида

аклни шошириб кўядиган ўйинлар кўрсатади. Дор атрофини чирмовукдек зич ўраган оломондан ўтилса хинд юргида яшаб, ҳар хил ёввойи ҳайвонларни ўргатиш илми-ни эгаллаб қайтган, ҳалқ орасида “хинду морбоз” лақаби билан машҳур Тангрикули йўғонлиги паҳлавонларнинг билагидек-билагидек келадиган кўлвор илонларни раксга туширади. Дорбозлар ва морбозни ортда колдириб, тахминан эллик-олтмиш қадамлар юрилса бозор майдонига чиқилади. Бу ерда ҳам ҳалқ тўплланган. Майдонга тикланган кенг супада раккосалар шўх, ёкимли куйларга ажиб, гўзал раксларни ижро эта-дилар. Гурганчнинг мохир раккосаларидан ташкари румо ва хинд элларидан келти-рилган раккосалар ҳам санъатларини кўрсагадилар. Махсус тайнинланган кассоблар, султон отарларидан ажратилган бўрдоки кўйларни бўғизлаб, кўли-кўлига тегмай иш-лаётган ошпазларга етказадилар. Қатор кўйилган дошкозонларда эт қайнайди. Тўй-томоша майдондан кенг тошйўлак билан юриб, султон Аркига кирилса ташкаридагига караганда анча жонли, завқли томошаларга дуч келинади. Бир катор тизилишиб ўтиришган хонандо машишоқлар шўх-шўх куйларни чаладилар. Аввал “Сурнай лаз-гиси”, сўнг “Аликамбар” куйлари одамларни сел килади. Кейин эса ҳофизлар дилтор-тар кўшикларни куйлайдилар. Саройдаги аъёнлар ва атроф-жавонибдаги вилоятлардан келган хокимлар, элчилар кураш мусобакасининг бошланишини интиклик билан кута-дилар. Султоннинг ўзи полвонлар баҳсига рухсат берган, девон амалдорлари ғолибга килинажак пешкашларни тайёрлашган. Доруссалтанага ташриф буюрган меҳмон – но-иблар, элчилар, вазирлар ва Олий Devon амалдорлари ўз юртларидан алпкомат, тогни урса талқон киладиган полвонларини келтиришган. Кимdir халифанинг девқомат хабаш паҳлавонини мактайди, алоҳида сифатларини таърифлайди. Яна кимdir исфа-хонлик полвоннинг ғолиб бўлишини тахмин киласди, ўтган йилги Наврўз байрамида шерозлик ўғлонни кандай енганини сўзлайди. Хуллас, кураш бошлангунча баҳслар, тортишувлар тугамайди. Ниҳоят кураш бошлангани эълон килинди. Ҳожиблар, ва-зирлар, амирлар, ноиб ва элчилар “дув” этиб ўрниларидан кўтарилишди. Кимdir Арк айвонидан, яна кимdir эса майдондан туриб курашни кузатмоқчи. Дастлаб жарчи султон Такашнинг ғолибга олий мукофот – икки ёшли қорабайир ҳамда бирмунча тилло динорларни белгилаганини эълон килиб юборди. Курашни интиклик билан кутаётган одамлар “ув”лаб юборишиди. Кураш бошланди. Газнилик полвон бомиёнлик полвон-ни, исфаҳонлик полвон эса жандлик ракибини енгади. Ҳамма гурганчлик Шамсуддин полвоннинг гиламга чикишини кутарди. У майдонда кўринганида оломон жонланди, у ер-бу ердан овозлар эшитилди: “Бардам бўл, Шамсуддин!”, “Бўш келма, Шамсуддин!” Гурганч ахли орасида бир гап бор: “Паҳлавон Махмуднинг кандай бўлганини билмоқчи бўлсанг Шамсуддинни кўр!” Баҳайбат, алпкомат Шамсуддин ўттизга ҳам бормаган, елкаларида биттадан навкарни ўтқизиб, калья девори устида югуриб айланаб чикса ҳам чарчамайдиган йигит. Унинг биринчи ракиби хиндистонлик полвон бўлди. Ку-раш бир дакика ҳам давом этмади – Шамсуддин ракибини ердан даст кўтариб, “усули пурёйивали”ни кўллаб, курагини ерга теккизди. Ҳалқ гувуллади, бир овозда ғолибни олкишлай бошлади. Шамсуддин кўлинини кўксига кўйиб, ҳалққа таъзим килди...

Шу пайт доруссалтанага шайх ҳазратлари Нажмиддин Кубронинг ташриф бу-юргани хабари келди-ю султон курашни ҳам эсидан чиқариб, унинг истиқболига ошиқди. Шайхни Арк дарвазасида каршилаган султон уни саройга бошлади.

Ҳарамдан чакалокни олиб чиқишиб аввал султонга туткизиши. Султон набирасига меҳр билан тикилиб, сўнг шайхга узатди. У эса нафис оппок матога йўргакланган, пи-шиллаб ухлаётган чакалокни авайлаб, озор етказишдан кўрккандек кўлига олди. Муридлар аввалдан тайёрлаб кўйилган беланчакни келтириши, шайх унга чакалокни охиста ёткизди. “Бисмиллахир роҳманир роҳим” деди-да, кўлларини кўтариб, кулоқларига

теккизді. Күзларини ярим юмганича аzon айтіб, такбір туширди. Сүнг чакалокнинг кулоғига үч марта пичирлади: “Жалолиддин! Жалолиддин! Жалолиддин!”

Шайхни кузатиб турган сұлтон Такашнинг бўғзига нимадир тикилиб, кўзлари ёшланди. Ўғли Маликшоҳ ўлганида “ишимнинг муносиб давомчисидан айрилдим” дея роса ўқинганди. У билан шукухли, шавкатли кунлари тугагандек эди. Бирок ҳозиргина кулокларига аzon айтилган гўдак Маликшоҳданда улуғ ишларга кодир эканлигига, хоразмшоҳлар довругини дунёга танитишига ишонарди.

— Ҳазратим, — титрок овозда шайхга мурожаат килди у. — Набирамнинг келажағидан сўзланг!

Шайх ҳазратлари жилмайди. Беланчакдаги чақалокни — Жалолиддинни яна аста кўлига олди, унинг юзларига тикилди. Ҳазратнинг кўзлари ғалати кенгайди, корачиги тортиб кетгандек туғолди. Лаблари титраб, тиши-тишига тегмай қалтирай бошлиди. Гавдаси хиёл олдинга эгилди, елкалари учайдан сезилди. Уни кузатиб турганлар бунинг сабабини дарҳол англашди — ҳазрат таважжұх ҳолатига кираётган эди. Рухоний куввати олами сағирдан ошиб, олами кабирга сайр килаётган эди. У ғалати чайқалди, юзида тушункисиз ифода кўринди. Кўп ўтмай ўзига келгандек бўлди, кўзларини юмганича чукур-чукур нафас олди. Девоннинг улуғвор ва кенг золига анчага чўзилган жимлик чўқди. Шайхнинг узок сукутга толгани кўпларни, айниқса сұлтонни ўйга, ташвишга солганди.

— Ҳазратим, қандай битикларни ўқидингиз?

Шайх уйқудан чўчиб уйғонгандек унга каради. Бир муддат тили сўзга айланиб-айланмай турди. Аён бўлган нарсаларни қандай баён этишни билмай кийналди. Кўз олдидан ҳануз олов, кон ва оху нолалар ичра килич сермаётган, корабайирида магрур ўтирган суворий йигит кетмасди. Унинг атрофида китоблар, мадрасалар, шахарлар ёнади, одамларнинг фарёди эшитилади. Ана шу қонли ва оловли издиҳом ичра Жалолиддин кўздан гойиб бўлди. Унда шайх ўзини ҳам кўрди — у олов ичидан байроқ кўтариб олган...

Шайх салтанат олов ичра қолишини ҳис қилди. Чакалок — Жалолиддин эса ана шу оловни ўчириш учун кўлида килич билан майдонга чиқади. Китоблар, мадрасалар ва шаҳарларнинг ёниши салтанат жиддий хавф остида қолишидан дарак, Жалолиддин билан эса... Хоразмшоҳларнинг шавкати сўнади. Албатта, бу ҳақда сұлтонга очик айтиб бўлмайди, қолаверса, бугун доруссалтанада тўй, хурсандчилик.

Узок вақт сукутда колгани тўйкус хаёлидан ўтган шайх деди:

— Сұлтон ҳазратлари, Оллоҳ насиб қиласа набирангизнинг довруғи бутун дунёга таралажак! Жалолиддин номи салтанатингиз душманлари дилига ғулу солажак!..

Шайхнинг бу жавобидан сұлтон каноатланмади, ҳам унинг ниманидир яшираётганини кўнгли сезди.

“...Демак, Жалолиддиннинг довруғи... мўғулга қарши курашда чиқажак!” — йиғирма йил аввалги ҳазратнинг тилига очик-ошкора чиқара олмаган башоратини янада яққолрек англади сұлтон.

26-боб. Умархон Сабурхон қатл этилади

Кўкда юлдузлар милтиллайди. Атрофдаги навкарлар, чодирлар ёнида ёнган гулханлар демаганди жимжитлик, зимистон. Кичикрек чодирлар ўртасида малика Турконнинг баланд ипак чодири. Атрофга юборилган хуфиялар қайтишмаганидан малика Туркон икки кундан бери шу ерда чодир тикирган.

Қош корая бошлаганда ҳарам оғаси чодиридан чиқди-да, энг сўнгти чодир ёнида сокчиликда турган Салоҳиддиннинг ёнига келди. Ҳарам оғаси атрофга караб олиб, хеч ким йўклигига ишонч хосил қилгач:

– Хизматингиздан Султон хоним мамнунлар! – деди у Салохиддинга.
Салохиддин күллук килди.
– Зимманинг яна бир юмуш юкланди, – Бадриддин Хилол яна атрофга караб олди.
– Мъякул, – Салохиддин кўлини кўксига кўйди.
– Умархонни кўздан кочирманг! – овозини хийла пастлатиб деди Бадриддин
Хилол. – Ёзир сарҳадларига етиб колдик.

Салохиддин “хўп бўлади”, дея кўлини кўксига кўйганича унга бошини эгиб кўйди.
– Умархонни кўздан кочирманг! – тақрорлади харам оғаси ва бошқа сўз айтмай
чодири томон юриб кетди.

Салохиддин хайрон бўлди.

– Мумкинми? – Салохиддиннинг ортидан мадрасаларда муттасил илм билан
машғул толиби илмларникidek мулойим овоз эшитилди.

У ортига ўтирилди. Умархон чодиридан манқал олиб чикиб, ерга кўйди.
Салохиддин унинг мақсадини англаб, тайёрлаб кўйилган саксовулларни олди-да,
манқалга сола бошлади. Кўп ўтмай, манқалда олов гуриллади.

Умархоннинг ёқимли чехрасида мунгли бир ифодани ҳам сезиш мумкин эди. У
оловга тикилганича ўйга берилди.

– Жанобларидан бир нарса сўрасам, мумкинми? – сўз очди Салохиддин.

Умархон уйкудан уйғонган кишидек унга каради. Жилмайди.

– Сўранг.

– Кишилардан билдимки, сизга “Сабурхон” лақабини берган эканлар. Бунинг
маъниси нима, билсан бўлурму?

Умархон бир сесканиб олди. Сабурхон – умр дафтариининг энг кора сахифаларига
берилган сарлавҳа! Буни айтиш унга осонми? Лабини тишлаганича ўй суриб қолган
Умархонни кўриб, Салохиддин оғир, ёқимсиз савол берганини англади.

– Сабурхон – сабр-токатли дегани, – жилмайишга уринди Умархон.

Салохиддин унга саволомуз караб қолди. Сабр-токатли?

– Мен Ёзир хукмдорининг иккинчи ўғли эдим, – ниҳоят хикоясини бошлади Умархон.
– Отам омонатни топширгач, акам Ҳиндухон вилоят хукмдори бўлди-ю... – Умархоннинг овози титгради.
– Мендан хавфсираб, кўзимга мил тортишга буйруқ берди.

Салохиддиннинг вужуди жимиirlab кетди. Тирик одамнинг кўзига мил тортиш...
бундан-да кабих иш борми дунёда!

– Акамнинг хос кишиси навкарлар билан келиб, кўл-оёғимни боғлади. Отга
ўнгариб, шаҳардан ташкарига олиб чиқдилар. Овлоқ ерда кўзим оллida пўлат симни
чўгдек киздиришди. Кейин, навкарлар кўл-оёғимдан босишиб, ерга ётқиздилар.
Акамнинг хос кишиси кизиган пўлат симни кўлига олиб, кўзимга келтирганида дунёни
бошимга кўтариб, нолаи фарёд килдим. Ҳалигана кулоқларим остида овозимни
эшиштаман. Тушларимга кириб чиқади. Оллоҳга шукр, буйруқни бажарувчи оҳу но-
ламдан кўнгли бузилдими, симни улоқтириб, мени ердан турғизди. “Энди ўзингизни
кўрликка солиб юрасиз. Шундок килсангиз, ҳам ўзингизни, ҳам менинг ҳаётимни
саклаб коласиз”, деди. Акам ўлгунига кадар ўзимни кўрликка солиб юрдим. Ўн бир
йил. Охир-окибат, “Сабурхон”, яъни “сабр-токатли” деган лакабга эга бўлдим...

Умархоннинг хикоясидан Салохиддиннинг юраги эзилди. Дунё моли таъмасида
ўз укасини кўр килишдан ҳам қайтмайдиганлар бор...

– Акам ўлгач, Султон хоним Ёзирни ўз мулкларига кўшиб олдилар. Сабаби,
акам уйланган аёл Султон хонимга кариндош эди. Акам ўтгач, Султон хонимдан
умид килиб, Гурганчга бордим. Аммо... – негадир Умархон давом этолмади.

Салохиддин унинг нима демокчилигини тушунди. Умархон Ёзирни кайтарар, деган

умидда малика Туркон хузурига юкиниб борган-у, унинг саройида туткун бўлиб қолган.

Манқалда саксовул ёниб битиб, унинг ўрнида бир ҳовуч ланғиллаган чўф қолди. Умархон чўкка тикилганича яна ўйта чўмди.

– Бу ердан бир кунлик йўл нарида отамнинг кальаси бор, – бирдан кувнок овозда гапириб қолди Умархон. – Жуда мустаҳкам қалъя. Баҳорда атрофида шунақа яйловлар кўкаради, кўзингизни узолмайсиз. Агар Султон хоним ижозат берсалар отамнинг кальасида колиб, кичикроқ ҳўжалик юритаман.

Салоҳиддиннинг лабига табассум юргуди. Жилмайтанича бош ирғаб қўйди.

– Энди чўғни олиб кирай! – Умархон манқал устига бесўнақай этилди.

Кутилмагандаги ёш боланинг кўкирлаб кулгани эшитилди-ю, Салоҳиддин ва Умархон овоз келган томонга қарашибди. Бошида ихчам саллача, этнида шохона кийим, оёғига эса учи кайрилма этикча кийган бола ёғоч киличини ҳавода сермаганича югуриб келарди. Унинг шошқалок ҳаракатидан кимдандир кочиб келаётгани сезилиб турарди.

Умархон манқалдан кўйларини олиб, болага қаради. Ҳарамдаги аёллардан бири нинг боласи эканини Салоҳиддин дарров фахмлади. У бола томон қадам ташлашга ултурмади. Боланинг ортидан Нури биби шошганича келарди. У хам эркакларни кўриб таққа тўхтаб қолди, кўйларини ерга қадаганича узр сўради.

– Кутлуг хонимлардан бирининг болалари чодиримиздан кочмиш, – кўйларини ердан узмай гап бошлади у. – Унинг қаерга яшириганини билмайсизларми?

– Кўлида киличи ҳам борми? – сўради Салоҳиддин жилмайиб.

Унинг жилмайиши кизга дадиллик берди. У билинар-билинмас бошини ирғаб, кулимисираган бўлди. Салоҳиддин чодир томон намойишкорона караб олди.

– Черик шу ерда кўнган! Қуроли пухта! – деди у кизга, бола тушунолмайдиган сўзларни ишлатиб.

Киз жилмайди. Шунда унинг садафдек йирик тишлари, юзларидаги кулгичлари кўриниб кетди. Салоҳиддин ўзини йўқотаёди. Унинг кархисида чин малак бўй бермиш... Бир муддат у ўзига келолмади.

– Черикни олинг-да бизни ундан ҳалос этинг! – Умархоннинг сўзлари уни ўзига кайтарган бўлди. Салоҳиддиннинг фикри тиник тортиди. Жилмайишга уринди. Лаблари эса ўзига бўйсунмасди.

Киз чодир томон аста қадам ташлади. Лекин чодир ёнига келиб, тўхтаб қолди. Салоҳиддин уни тушуниб, ўзи ёрдамга ошиқди. Чодир ёнига бориб, ичкарига овоз берди:

– Жаноблари чиксинлар! Сизни йўқлашмоқда!

Ичкаридан бола чиқиб келди. Унинг ковокчалари солинган, “сотиб кўйган”лардан жуда хафа эди. Киз боланинг кўлидан оҳиста ушлаб, етаклади. Бир неча қадамлар ташлагач, киз ортига ўтирилди-да, миннатдорчилик маъносида Салоҳиддин ва Умархонга бош ирғаб қўйди.

– Бу кизни танийисизми? – сўради Салоҳиддин кўйларини киздан узиб.

– Ҳарамдаги жориялардан, – жавоб берди Умархон. – Нури биби дейдилар уни. Айтишларича, сulton саройида гаровда сакланган ҳукмдорлардан бирининг кизи эмиши.

Салоҳиддиннинг кўнгли эзилди. Туткун ҳукмдор ва шахзодаларнинг Амуга гарк этилганликларини киз билармикин? Салоҳиддин яна киз томон қаради. Юриши се-кинлашиб колган киз кутилмагандаги ортига ўтирилди-ю, бу сафар... Салоҳиддинга қаради. У кизнинг кўйларида ўзига таниш бир нарсани ўқиди. Худди Нури бибини кўпдан бери билади-ю, киз ва унинг ўртасида сир йўқ... Киз унга бир муддат тикилиб турди шартта ўтирилиб, шошганича юриб кетди. Ундан кўйларини узолмай турган Салоҳиддиннинг тилида кизнинг исми қолди: Нури биби!

– Навкар!

Гулдурак овоздан Салоҳиддиннинг хаёллари тўзғиб кетди. У овоз келган томонга қаради. Улардан беш-олти кадамлар нарида малика Турконнинг ўша юзи тиртик навкарбошиси қаҳрли нигоҳини тикиб турарди.

– Султон хонимдан фармони олий етмиш! – навкарбоши негадир Умархонга караб кўйди.

– Султон хонимнинг фармонлари бошимиз устига! – деди Салоҳиддин.

Навкарбоши яна Умархонга қаради. Унинг қарашларига уччалик тушунолмаган Умархон узрини айтиб, чодири томон юриб кетди.

– Умархон Ёзирга етиб бормаслиги керак, фармони олийнинг мазмуни шу! – дагал оҳангда деди навкарбоши.

Негадир Салоҳиддиннинг ёдига Амуга чўқтирилаётган ҳукмдорлару шахзодалар келди. Навкарбошини кўрса негадир амир Аёз Пахлавон эсига тушади. Султон Аловуддин Мухаммаднинг маҳфий буйрукларини бажаргувчи Аёз Пахлавон қайси ҳукмдор ёки аъённикида қўнса, ўша бечоранинг тилидан калимаи тавҳид тушмай қоларди. Айтишларича, Аёзнинг ўн минг кишилик қўшини бўлган экан. Унинг қиличидан неча-неча бошлар кесилмаган, қанча-қанча жонлар дорулбакога риҳлат килмаган. Навкарбоши ҳам малика Турконнинг Аёз Пахлавони эди. Салоҳиддиннинг вужудини титроқ олса-да, ўзини босиб сўради:

– Умархоннинг конини тўкиш не учун?

Навкарбоши унга ўқрайиб қаради. Унинг нигоҳидан “фармони олий мухокама қилинмас!” деган маънони ўқиш мумкин эди.

– Умархонни Ёзирда колдирилса ҳеч ким уни Султон хонимни мўғулга сотмас, дея кафил бўлолмайди!

Шунча йил ёруғ кундан умид килиб, сабр билан яшаган кишининг етдим деганида ҳаёт жомининг синдирилишида Салоҳиддин улкан ноҳакликни кўрарди. Ёдига Умархоннинг бир неча дақиқалар аввал айтган сўzlари тушди-ю, кўнгли бузилди.

– Умархон бадният эмас, Султон хонимга асло хиёнат килмас! – иложи борича ўзини идора килишга уринди Салоҳиддин.

– Навкар! – газабланди навкарбоши. – Буйрукка итоат эт! Бўлмаса, Умархоннинг конига қўшилиб, сенинг ҳам қонинг оқажак!

Салоҳиддиннинг каттиқ қимтилган лаблари титраб кетди. Малика Туркон учун шунча қон камми?

– Менинг қонимни унча-мунча шамшир оқизишга ожизлик қилади! – Салоҳиддиннинг кўзлари газаб ва нафратдан ёнди.

Навкарбоши оддий навкардан бундайин жавобни кутмаганидан титраб кетиб, дарров қиличини суғурди. Салоҳиддин ҳам қиличини кўлига олди. Гарчи биринчи зарбани навкарбоши берган бўлса-да, ҳарбу зарб илмидан беназир Салоҳиддин бир-икки ҳамладаёк уни бир четга сикиб кўйди. Ахволи танглашган навкарбоши тақдирга тан бериб, қиличини кумга ташлади.

– Енгдин! – ҳансираф нафас олаётган навкарбоши еб қўйгудек унга тикилди. – Таъриф этгандарича бор экансен!

– Умархонни нега ўлдирмокчисизлар? – сўради Салоҳиддин.

– У... ишончсиз!

– Навкар! – Салоҳиддиннинг ортидан малика Турконнинг овози эшитилди. Салоҳиддин қиличини ортига яшириб, у томон юзланди-ю, кўзларини кумга қадади.

Малика Туркон, гарчи саҳрода бўлсалар-да, улуғвор ва дабдабали кийимларда, ҳарам аёллари ва жориялари куршовида чодиридан чикиб келганди. Унинг ўтқир ва синовчан нигоҳига дош беролмаган навкарбоши ҳам кўзларини яширишга уринди.

— Сизга фармони олий етмаганмиди? — малика Туркон навкарбошига қайтадан кўз ташлади.

— Каршингизда айборман, Султон хоним! — навкарбоши бошини эгиб, беихтиёр кўлларини қовуштириди.

— Ярим соатлардан сўнг карвон йўлга чиқажак! — қаҳрли овозда давом этди малика Туркон. — Фармони олий ижро этилмасдан карвон кўзгалмас!

— Маякул, султон хоним!

Малика Туркон навкарбошига бошка гапирмасдан ортига бурилди-да, юриб кетди. Навкарбоши эса аёллар кетиб бўлгунча бошини эгиб турди. Сўнгра кумдан киличини олди-да, ўз чодири томон югуриб кетди. Кўп ўтмай, узоқдаги чодирлар томонда шовқин эшитилди. Навкарлар Умархонни чодиридан судраб чикишиди. Унинг салласи очилиб кетган, факт яктақда қолган, бечоранинг кўзлари жавдирап, юлкиниб, навкарлар кўлидан кутулишга уринарди. Охири унинг кўлларини кайириб, аркон билан боғлашди. Бунга Салоҳиддиннинг асаблари дош бермади, юргуланича бориб, Умархонни арқонлардан бўшатишга киришиди. Аммо навкарбошининг ишораси билан бир гурух навкарлар уни кумга босиб, кўл-оёкларини боғлаб ташлашди.

Навкарлар еру кўкни бошига кўтариб додлаётган Умархонни судраганларича чодирлардан анча нарига олиб кетишиди. Анчагача унинг ёлворишилари, илтижолари эшитилиб турди. Кўп ўтмай, овози чиқмай қолди.

Салоҳиддиннинг юзларини алам кўзёшлари юва кетди. Малика Туркон ўз жони кайғусида яна қанча бошларга етади?

27-боб. Янги валиаҳд – султон Жалолиддин!

Соҳил томонда одамларнинг ғовури, от туёклари дупури эшитилди.

Тожиддин Ҳасан султон чодиридан чикиб, соҳилда турган катта марқобни кўрди. “Жалолиддин!” Ҳаёлига оралаган ўйдан унинг юраги ҳапқириб кетди. У марқоб томон тез-тез юриб кетди.

Ўртадан хийла баланд, буғдорянг чехра, қора кош-кўзлари чиройли, калта тарапланган сокол-мўйлови ўзига ярашиб тушган йигит нарвон кўйишларини кутмай марқобдан сакраб тушди. Қилич осилган энлик тери камарини ишонч билан тортиб ўзига тартиб бергач, ўзи томон келаётган кишиларга юзланди. Ҳарбий анжом ва яроғида қудрат, нигоҳида қатъийлик, совет тўла-тўқис яшиrolмаган вужудда ёшлик гайрати кўриниб турган йигирма-йигирма икки ёшлардаги йигит Султон Аловуддиннинг тўнгич ўғли Жалолиддин эди. У марқобга нарвон кўйишларини кутаётган укалари Кутбиддин, Фиёсиддин ва Рукнiddинга эътибор бермай қадамини тезлаштириди. Жалолиддиннинг ортидан Кузбор Малик сакраб тушиб, унга эргашди.

Султоннинг ипак чодири шамолда енгил титради. Жалолиддин чодирга киришдан олдин нафасини ростлади. Анчадан бери кўрмаган отаси билан учрашувдан ҳаяжонланарди. Ичкаридан хиркирок овоз, йўтал эшитилди. Жалолиддиннинг кўнгли бузилиб, томогига нимадир тиқилиб қолгандек бўлди. “Отам...”

Ичкаридан хиркирок овозда Султон Аловуддиннинг овози эшитилди:

— Ж-жалолиддин...

Жалолиддиннинг кўзлари намланди, зўр бир куч билан бостириб келаётган йигини зўрга тутиб турарди. У киши билмас кўзларини енги билан артиб, пардани кўтарди-да, чодирга кирди.

Ипак тўшакда рангини олдириб кўйган Султон Аловуддин ётарди. У кириб келгувчиларни таниш учун бошини зўрга кўтарди. Қаршисида бўй берган сиймо-

ни кўриб, вужудига куч қайтгандек, томирларида котиб қолаёзган қон жўшиб ока бошлагандек бўлди. Бошини кўтариб:

– Ўғлим! Жалолиддин! – деди. У гўё тўнгич ўғли ортида турган бошка ўғилларини кўрмаётгандек эди. Бундан Кутбиддиннинг ғаши келди. Сир бой бермасликка уриниб, юзидағи хамдардлик, қайгуни қуюклостиришга уринди.

– Ўғилларим! – Султон Аловуддин Жалолиддиннинг ортида турган ўғилларини энди кўрди. – Кутбиддин! Фиёсiddин! Рукниddин! Бу ёкка ўтинглар, белиминг куввати, кўзимнинг нури, фарзандларим!

Султон Аловуддин беморлигини хам унуби, тўшагида ўтириб олди. Жалолиддин отаси кархисида тиз чўкди. Унинг ортидан укалари хам эргашдилар. Шахзодаларнинг ортидан Жалолиддиннинг вазири Шамсулмулк Шихобиддин Алп хам кириб, кўлларини ковуштириди.

– Вазир жаноблари, сиз хам якинрок келинг; – сўнинк овозда деди султон.

Кекса вазир торгиниб, олдинга ўтди.

Султон болиши устидан китоб олиб, уни тавоғ қилди. Ҳамма бу китобни таниди. Бу шахзода Рукниddин кўчирган Куръони Карим эди.

Султоннинг куруқшаган лаблари, ранг кочган юзига караб, вазирнинг хаёлидан Самарқанддаги машҳур зиёфат ўтди. Дилтортар куй-кўшиклар авжиди, ракқосаларнинг санъатига лол аркони давлат пешкаш тарқатишдан чарчамасди. Турфа ноз-неъматлар, анвойи шаробу шарбатлар тортилган. Ҳаммадан хам султоннинг очилиб сўзлашиши, бу мажлисдан ошкора завкланиб ўтиришидан одамлар ўзларини хийла бўш кўйиб юборгандилар. Вазир Шамсулмулк Шихобиддин жуда яхши эслайди, мажлис ўргасида Рукниddин отаси ёнига бир китоб кўтариб келди.

– Бу қандай китоб? – сўради султон.

– Куръони Карим, падари бузрукворим. Мен уни сиз учун кўчирдим!

Султон зўр кизикиш билан китобни кўлига олиб, ихлос билан тавоғ қилиб, факаттина биринчи сахифани очди. Машиюклар куй чалишни тўхтатишган, ракқосалар четта чикишган, мажлис аҳли нафасини юткудек ўтиради. Факаттина ўртадаги мармар ҳовуздаги кичкина фавворачанинг нозик шилдираши эшитилиб турарди, холос.

– Хуснинатингиз бенихоя беназир, шахзода! – мамнун деди султон.

– Куллук, онҳазрат! – Рукниddиннинг келишган, чиройли юзига қизиллик югорди.

Султон мажлис аҳлига бир караб олди.

– Ўғлимиз Рукниddин туғилгани хабари етганида мен шарқий сарҳадларимизда ғурларни енгандим! Шунга, ўғлимизни Фурсанжтий исмени кўшиб айтамиз⁴!

Рукниddин отасига бош эгиб, таъзим қилди.

– Шахзода Рукниddин Фурсанжтийга Ирокни топширдик! – давом этганди султон. – Имомулмулк Мухаммадин⁵ эса унга вазир этиб белгиладик.

– Ҳакли карор!

– Шахзода бунга муносиблар!

Мажлис аҳли султон карорини олкишлади.

Ўша зиёфатдаги икки юзи кип-қизил, қуюқ кора сокол-мўйлови ўзига ярашган, кўзлари сархуш султонни икки-уч йилдан сўнг кувғинда юришига бирор ишонармиди? Тақдири илоҳийнинг чархпалаги қачон ва қандай айланишини одам билмайди.

⁴ “Санж” сўзи санчиш маъносини билдиради. Бу сўз шу холида Маҳмуд Кошгарида учрайди. Фурсанжтий – ғурларга санчилган ўқ маъносини билдиради.

⁵ Имомулмулк Мухаммад ибн ап-Шадид ас-Савий. У кўп йиллар давомида Хоразмда вазир Низомулмулкининг ноиби бўлиб хизмат килган.

Авзори бузилганда вахимали түлкинлар ясаб, юкорига иргитиб-ирғитиб ўйнайдиган Қулзум сувининг кора тус олиши янгилик эмасди. Лекин бугун денгиз галати, ажаб кўркинч кепатага кирган, сув эмас, хамма ёқда тим кора ермой⁶ кўпириб окаётгандек, оғирлашган кора булат ҳозир денгизга кулаг тушадигандек.

Сўнгти сўзларини айтишдан олдин султон кўзларини юмди. Фикрларини тартибга солмокчи, бир фурсат нафас ростламоқчи бўлди. Шунда... шунда кўзларига отаси кўриниб кетди. Унинг ортида макбара. Лаблари қимирамаса-да унинг айтмоқчи бўлганларини тушунди: “Сенинг ҳатто мақбаранг ҳам йўқ!..” Султон чўчиб кўзларини очди. Қархисида отаси эмас, ўғиллари турарди.

— Ўғилларим... — деди у хиркироқ ва титроқ овозда. — Ёйининг панжаси салтанат бўйнида, у на нафас олиши билади, ва кутулишни. Ёйининг тиши салтанат баданига ботмиш, у гоҳ инграб, гоҳ дунёни бошига кўтариб фарёд чекмиш!.. Мен учун қасосни, — унинг кўзлари Жалолиддинда тўхтади. — Жалолиддин ола билмиш! Кутбиддин, Рукниддин, сизлар Жалолиддиннинг сўзига киринг, амрига бўйсунинг!.. Агар... агар ундан айрилсангиз, ҳалок бўласиз! Сўнгти фармонимни эшитинг! Шу кундан эътиборан Жалолиддин тахтимиз вориси! Хоразмнинг янги хукмдори — Султон Жалолиддин!

Жалолиддин отасининг кўзларига каради. Аламдан титраб кетган Кутбиддин эса кўзларини ердан узмай ўтиради. Султон титроқ кўллари билан оғир, кини турфа кимматбаҳо тошлар, Бадаҳшоннинг асл ақиқ ва ёқутлари билан зийнатланган қилични олиб, Жалолиддиннинг белига тақди. Ҳали билагида кучи борлигига бундай киличларни ёғоч тахтадек ўйнатарди. Энди-чи? Қилични ўғлининг белига тақкунича жикка терга ботиб, ҳолсизланиб колди. Буни ўзи ҳам сезди. “Умрим туғагани рост экан!” — деган ўй миясига яшиндек урилди-ю, вужудини товонигача кўйдириб ўтди.

— Ўғлим, отангиздан сизга шу қилич қолмоқда. Оллоҳ пешонангизни ёрлақасин, мендан ололмаганингизни илкингиз билан ўзингизга қайтаринг!

Жалолиддин:

— Хўп, ота! — дея олди зўрга. Томогига бир нарса тикилиб колгандек эди.

— Гурганчга қайтинглар!.. — султонни яна йўтал тутди. Ўзига келгач, давом этди. — Содик амирлар ва пароканда қўшинни бир килиб, мўғулга қарши чиқинг! Салтанатни химоя килинг!

Султон вужудида ҳолсизликни сезиб, Куръони Каримни аста болишга кўйди. Сўнг аста ёнбошлади-ю, кўзларини бир муддатга юмди. Шаҳзодалар, амирлар ва бошка ходимлар унинг кархисида кўл ковуштириб, нафасларини ютиб турардилар...

...Сўнгти васиятидан бирмунча вакт ўтиб Султон Аловуддин Мухаммад омонатини топшириди. Куни кеча улкан салтанат тузган хукмдорга кафанликка ярайдиган мато топилмади. Султон фаррошларидан бири ўз чойшабини кафанликка ишлатди. Мўқоррибиддин султонни чойшабга кафанлади. Ахли хос султон жасадини оролда казилган лаҳадга кўйди.

Ўша оқшом Қулзум жуда нотинчланган, кора булатлардан атроф-жавониб зулматта бурканиб олгандек эди. Кўп ўтмай момакалдирок гумбурлаб, чакмоклар чака кетди. Ашур Ада оролини шаррос ёмғир ювади.

Олти юз ўн еттинчи йилнинг шавволи ўтиб борарди⁷.

⁶ Нефть.

⁷ 1220 йил ноябрь-декабрь.

28-боб. Илол қалъаси

Сори дарёсининг юкори кисмиди, улуғвор төглар бағрида Мозандароннинг энг мустаҳкам қальяларидан Илол қалъаси қад ростлаган. Эрталблари, айникса баҳорда, куйидан карапланда қалъа оппок булуллар орасида колгандек кўринади. Унинг кунгай томонидаги тош деворларда, муттасил намлик ва заҳдан моҳлар ўсиб, яшил, оч бинафша рангта бўяган.

Қальядагилар бир неча кундан бери жонсарак. Айникса, қалъа кутволи. Туркон хотуннинг Султон Аловуддин Мухаммад Хоразмшохнинг харами билан Илолга келаётганини чопарлар бир неча кун аввал етказишган. Бунинг устига Мовароуннаҳрдаги катта-кичик шаҳарларни олиб, Хурросон остоналаригача келган, “танасидан тиф ўтмайдиган” мўгуллар хақидаги бир-биридан даҳшатли овозалар қальядагиларнинг тинчини бузган.

Бугун эрталаб Султон хонимнинг сўнгги чопари келди: Туркон хотун Илолдан бир фарсан нарида! Қалъа кутволи ихтиёридаги бир даста навкарларини эргаштириб, Туркон хотуннинг истиқболига ошиқди.

Қалъадан куйида, анча пастан оқиб ўтадиган сой устидаги тош кўприк ёнида катта карвон тўхтаб турарди. Илол қалъаси кутволи, ёшлигидан килич тутиб, неча-неча муҳосараларда сочи оқарган Нусратиддин Али отидан сакраб тушиб, ерга кўйилган тахтиравонга ошиқди. Етгач, астойдил юкиниб, куллук қиларкан, пардаси туширилган тахтиравонга қараб гапира бошлади:

– Илол қалъасига келаётганингизни эшитиб, камина кулингизнинг боши осмонга етди, Султон хоним! Бизларга химмат кўрсатдингиз...

Тахтиравон енгил кимирлади. Парда ярим сурилиб, Нусратиддин Алиниңг кўзларини ўйнатган турфа тошли узуклар такилган кўл кўринди.

– Қалъага оз қолдими? – сўради Туркон хотун юзини парда ортида саклаганича. Нусратиддин Али шошиб қолди.

– Якин, жуда якин қолди, Султон хоним...

– Яхши. Карвонни бошланг!

– Куллук, Султон хоним. Буйруғингиз бош устига.

Нусратиддин Али дарров ўрнидан туриб, нарироқда кўл ковуштириб турган Бадриддин Ҳилол ва Низомулмулкка якилашди.

– Ярим фарсандан мўлроқ йўл, мен ўзим бошлаб борамен...

Чорак соат ўтиб, карвон ланг очиб кўйилган дарвозадан қалъага кирди. Пардасини хийла кўтариб, дарвозани, унинг ортидаги сокчилар ва қалъа саҳнини кўздан кечирган Туркон хотун... ичидан хўрсинди. Шундок диккинафас, факат кушлар эмин-эркин бора оладиган тошқалъада умринг ўтади, деганларида ишонармиди? Асло, йўқ! Бундай дея башорат килганларнинг ҳатто тилини кестиарди.

Нусратиддин Али аввалдан ҳозирланган хоналарга Туркон хотун ва Султон Аловуддиннинг харамини жойлаштириди. Ҳарамдаги айрим болалар узок ва тинкани куригадиган йўлдан кутулганларини тушунибми, дарров қалъа ҳовлисида ўйинларини бошлаб юбордилар.

Гурганчдан чиққанларидан бери тузи ўзгаришсиз қолган Туркон хотуннинг лабига беихтиёр табассум югурди...

29-боб. ЖАЛОЛИДДИНГА МАКТУБ ЮБОРМОҚ ЛОЗИМ...

- Күренишингдан анча абжир, ёвқур экансан. Исминг нима? – Нусратиддин Али аравага юк ортаётган Салохиддиндан сўради. У жавоб берди.
- Кулмисан? – собиқ мамлук истиҳола килиб ўтирамай сўради.
- Амир Кутлугхоннинг мамлугиман.
- Шундок дегин? Сен каби мен ҳам кул ўтганман. Умрим жанг-жадалларда ўтди. Ёшинг нечада, йигит?
- Йигирма бирда.
- Ёш экансан. Савашларга кирганимисан ўзи? – Нусратиддин Али истехзо билан кулди. Салохиддин жилмайди.
- Умрим сиздек савашларда ўтмади, оға. Иргиз бўйида Султон Аловуддин Мухаммад кўшинида мўғул билан савашдим. Мўғуллар Бухорни олганларида хожам Кутлугхоннинг черигида эдим. Мўғул черикни тўзғиттагач, хожам мени Гурганчга юбордилар...
- Иргиздаги савашда бўлганман, де? – Нусратиддин Алиниңг кўзлари янги янги воеалар эшитиш илинжида ёнди. – Шахзода Жалолиддин сабаб Султон мухорабада голиб келган дейишади, шу ростми?
- Сўнгти қопни аравага жойлаган Салохиддин кутволга қаради.
- Шундок, оға. Шахзода отасининг жонига оро кирганди. Кўп амирлар савашни бой бердик, деб чекинмоққа ўтганларида Жалолиддин бош бўлган кўшин мўғулни тарқатиб кўйганди.
- Баракалла! Яна бир гап эшигтанман – Жалолиддиннинг ўзи савашга киравмиш.
- Бу рост! Ўзим кўрганман. Шахзоданинг одати шу – қилич яланғочлаб, ғаним устига дадил от солади!
- Box!
- Оға, сиздан бир нарса сўрасам.
- Сўра!
- Айтишларича, мўғул Илолгача келармиш. Бунинг дафъига чора кўрмок лозим. Нусратиддин Алиниңг юрагига ҳадик оралади. У буни ўйлаб кўрмаганди. У чўнг коялар устида миқтидек турган кальяга хавотир билан кўз ташлади.
- Дарвозалар тамбаланса... кальани олиш имконсиз! – мужмал деди у.
- Мўғулнинг одатини билмайсиз, – деди Салохиддин. – Тошқалъаларни олиш учун кояларни девор билан ўраб, керак бўлса йиллаб кутади. Ҳозирдагинга ўхшаб, кальяга озуқа ва емиш олиб киришнинг йўли тўсилади.
- Калья захирасидан хавотирдамисен?
- Асло! Мен бошқа ўйдаман, оға.
- Гапир!
- Шахзодага киши юбормоқ даркор! Жалолиддин бувиларини шундок ташлаб кўймайдилар.
- Ха-я! Олдинроқ ҳаёлимга келмаганини кара! Мен амир Бадриддинга маслаҳат соламан.
- Маъкул иш, оға. Амир Бадриддин Султон хонимга буни етказадилар.
- Араваларга озик-овқат ва мешларда сув ортилгач, кутволнинг ижозати билан юқорига кўтарила бошлидилар. Қальяга еттак, Нусратиддин Али навкарларни юклар билан колдириб, Салохиддинни ўзи билан олди-да, Бадриддиннинг хонасига келишибди. Кутвол ташрифдан муддаони англаттагач, ҳарам оғаси соколини тутамлаганича ўйга чўмди. Бир муддат ўй сурғач аввал кутволга, сўнг Салохиддинга қаради.

– Султон хонимнинг ортидан мўғул қўшинининг келиши аник. Қолаверса, хоразмшоҳлар салтанатидаги энг улуғ ҳукмфармони қўлга олиш учун ёйи сара кўшин юборади.

Умрида мўғули кўрмаган қутволнинг кўзларига тасаввуридаги хеч нарсадан тап тортмайдиган, маҳлуксифат ёввойилар кўриниб кетди.

– Султон хонимдан Жалолиддинга киши юборишни маслаҳат берасизларми?

Кутвол хавотирили кўзлари билан Салохиддинга караб олгач, деди:

– Шундок.

– Ну... анчайин мушкул! – яна соқолини тутамлаб олди ҳарам оғаси. – Султон хоним шахзодани хушламайдилар. Боз устига, айнан Султон хонимнинг хошиш иродалари ортидан Жалолиддин эмас, билъакс Кутбиддинни валиаҳд дедилар.

– Айтишларича, Жалолиддин бувисига кек сакламас экан! – қизишиди кутвол.

– Тўғри, – бўшашибди ҳарам оғаси. – Чикмаган жондан умид, таваккал килмок лозимдур! Ўзга чора кўринмайдир.

– Энди ўзингизга келдингиз! – кутволнинг хийла кўнгли ёришди.

– Унда мен фурсатни ўтказмай, – Бадриддин Ҳилол кафтларини юзига тортиди.

Салохиддин ва кутвол уни бири илинж, иккинчиси эса ҳадик билан кузатиб колди.

Орада кўп ўтмади. Ранги кув ўчган ҳарам оғаси кайтиб кириб, уларнинг каршисида енгилгина чўқкалади. У энтикиб нафас олар, худди ит қувган кишига ўхшарди.

– Тинчликми? – ўнгайсиз жимликни юрак ютиб бузди кутвол.

– Бу бўладиган иш эмас! – сўнник овозда жавоб кайтарди ҳарам оғаси.

Ўзининг мақоми истихоласида Салохиддин уни сўрокка тутишдан ўзини тииди. Унинг кўнглидан ўтган ўйни кутвол ўқиб олгандек, мамлук тилига кўчмаган саволни берди:

– Нима бўлди? Очик сўзланг!

– Султон хоним тутакиб кетдилар. Жуда дарғазаб бўлдилар. “Қаёқдаги чўри Ойчечаннинг ўғлига юкиниб бораманми?” деба факирнинг кўнглини роса дилгир килдилар.

Ўртага яна жимлик чўқди.

– Менга рухсат берсангиз, – Салохиддин узоқ чўзилган жимликни бузди. – Зиммамдаги ишларни бажарсан.

Ҳарам оғаси ва кутволнинг кўзларидан ризолик ишорасини олгач, Салохиддин кўзғалди.

30-боб. Султон Жалолиддин

Навбатдаги кумтепадан ошилганида адл миноралари кўкка бўй чўзган, ложувард кошинли гумбазли жомеълар, саройлар ҳам викорли, ҳам таҳдидли қад ростлаган, кунгурадор баланд деворлар билан ўралган шаҳар кўринди. Жалолиддиннинг юраги тез-тез ура кетди: Гурганч! Шунча кунлик сафардан холдан тойган вужудига яна куч қайтди. Карвондагилар ҳам манзилга этиб колганларини кўришиб, ўзгача ҳаракатга, иштиёққа тушиб қолдилар.

Шаҳар дарвозасида Хумор тегин, Кутбиддиннинг тоғаси, султон Аловуддин Мухаммаднинг Жанд ва Ёркентдаги ноиби Амир Бужи Пахлавон Кутлугхон, Шайххон, Эр Буго, Хўжанднинг собиқ ҳокими Темур Малик ва Кутлугхон Жалолиддин истиқболига чикишганди.

Тилла суви билан нафис накшлар туширилган эгар кошига чап қўлини тираб, отни пишиқ туттган, шердек вожоҳатли, ҳарб анжомиу яроғида гуур ва савлат ила ўлтирган Жалолиддин султон хонадони хеш-акраболари, тавобиъ⁸ ва лавохиқини⁹ эргаштириб дарвазадан кириб келарди. Унинг ортидаги мавкиби хоссаси¹⁰ хам хараси ўзгача викор, лабдаба ва улугворлик билан хожаси риоясида от кўйиб келадилар. Улардан кўз узмайтган Хумор тегин бошлиқ кипчок амирларининг нафаслари ичларида; от түёклари дарвозахона тош йўлагига урилиб жаранглаган овоз чикармаганида, оғир жимжитлик чўкиши аниқ эди. Хумор тегин буни туйкус сезди-ю, ботирона бир тусда гердайишга, викорли кўринишга тиришди. Бирок ичи-даги тушуниксиз титрок, хаяжон бунга монелик килди.

Жалолиддин Кутбиддин ва Фиёсiddинни ортидан эргаштириб, Аркка кириб кетди. Акобиру ашроф, уламою фузало ва қора ҳалк уларнинг ортидан сарой дарвазаси остига кадар эргашиб борди.

Жалолиддин Аркка келиб тушгач, барча амирларга сарой қабулхонасида ийғилишни буюрди. Илгарилари Султон Аловуддин элчиларни кабул киладиган, хукумат ва ҳарб ишлари машварати ўтказиладиган қабулхона дарров гавжумлашди.

Шоҳиларга, кимхобларга ўралиб, нафис ишланган, олтин қуббачалар, олмос, лаъл, забаржад ва бошқа қимматбаҳо тошлар қадалган камарлар, киличлар таққан мажлис ахлини кўздан кечириб Жалолиддиннинг кўнгли ноҳушланди, ғашланди. “Бу оломон салтанат ташвишидан кўра ўзининг безаги, уст-бошини бозорга солиши орзусида юрган кўриниадир!” – ўй ўтди унинг нотинч кўнглидан. У калин кимхоб тўшакка ўтириди ва машваратга хам ўтиришга ижозат берди.

– Худо раҳмати Султон отамиз Оллоҳнинг омонатини топширилар, – Жалолиддин нарирокда кўл қовуштириб турган Жондор Маликка қаради. Унинг карашидаги маънени англаган Жондор Малик Султон Аловуддиннинг ўрам килинган сўнгти фармонини узатди. Кутбиддиндан кўз узмай ўтирган Хумор тегиннинг нафаси ичи-га тушиб кетди. Қани энди малика доруссалтганада бўлганида! Қошларини чимириб, ғазабнок овозда бундай мажлисни дарров бекор киларди. Анави кўл қовуштириб турган амирлар хам кочгани жой тополмай колардилар.

– Ҳазрати отамизнинг сўнгти хоҳишлиари, – Жалолиддин ўрамни очди. – Салтанат таҳти менга, яъниким Жалолиддин ибн Аловуддин Мухаммад ибн Такаш ибн Эл Арслон ибн Отсиз ибн Ануштегинга наасб килинди. Фармон султон отамизнинг муборак тамғалари билан мустаҳкам килинган.

Жалолиддин чукур сукутда колган амирларни назаридан ўтказиб, давом этди:

– Остонамизда мўғул турибди. Ўтрор, Ҳўжанд, Самарқанд ва Бухоро илкимиздан кетди. Чингизхоннинг сўнгти умиди салтанатимиз юраги – Гурганч! Ёгийни карши олиб, мамлакатдан нопок қадамини узишимиз даркор. Шул сабаб, султон отамизнинг пароканда бўлиб, кумга чекинган кўшинларини йиғишимиз лозим. Бул ишга масъулларни тайин ҳам этамиз. Аввало, пойтаҳт мудофаасига амир Хумор тегин жанобларни тайинладик, – Жалолиддин юзи тунд амирга қаради. У эса куллук килиб, бош иргади.

– Музофотларда турган султон отамизнинг кўшин бошликларига чопарлар юбориб, уларни Гурганчга йиғишишларига Шайххон жаноблари масъул бўладилар.

Амирлар орасида кўл қовуштириб турган Шайххон бош иргаб, куллук килди.

– Курол-яроғ, озука захираси ҳозирлашга укамиз Кутбиддинни тайин этамиз! Кутбиддиннинг боши зўрға эгилди. У негадир акасининг кўзларига қарамасликка

⁸ Тобеъ аъёнлар, маъносида.

⁹ Тегишли, эргашгинлар.

¹⁰ Султон ёнидаги ҳарбий аъёнлари, ходимлари. Шунингдек, ҳамроҳлик килган аслзодалар хам бўлиши мумкин.

уринарди. У ўзини хўрлангандек хис киларди. Агар бувиси бўлганида бунчалар хакоратланмасди.

– Онҳазрат! – Хумор тегиннинг тили сўзга зўрга айланди. – Доруссалтана мудофааси учун фуқарога солик солмоқ лозимдур! От пули, ем пули...

– Йўк! – деди Жалолиддин кескин. – Сиёсатимизни солик йигишдан бошламайлик.

Сўзи синган Хумор тегиннинг юзидан кон кочди, хийла бўртган ёнонинг юкориси асабий учди. Туркон хотуннинг укаси, нуфузли ва сўзи кескир бу амирнинг шу кунгача сўзи ерда қолмаган, ҳарбу зарб, сарфу харажат масалаларида аввало унга кулоқ тутиларди. Малика Туркон ҳам ҳукumat ишларида кўпроқ унга сужнарди. Фикри пароканда бўлиб, мулзам тортганидан одамлар орасидан Кутбиддинни излаб топди. Бу сафар унинг нигохидан ўзига хайриҳоҳликни сезмагач, таъзим килиш барабарида кўзларини ерга қадади... Негадир девонга жимлик чўкди, бир муддат ўтиб ўнгайсиз сукутта айланди. Ҳатто одамларнинг нафас олаётгани ҳам сезилмасди.

– Эр Буғо жаноблари! – Жалолиддиннинг гулдурак овози анчага чўзилган сукунатни бузди.

– Онҳазрат! – юзидаги итоат тусини янада қуюклаштирган Эр Буғо ҳожати бўлмаса-да, олдинга бир қадам ташлаб, бўйинни елкаларига олгудек бўлиб Жалолиддинга термилди.

– Султон отамизнинг салтанат яйловларида уюрлари бор, мудофаа эҳтиёжлари учун амир охурларга хабар бермок лозим! – деди Жалолиддин.

– Буйруғингиз бош устига, онҳазрат! – астайдил юкинди Эр Буғо.

– Темур Малик жаноблари!

– Онҳазрат! – кўлинини кўксига қўйди Темур Малик.

– Фуқаро орасидан кўшинга сафарбарлик эълон қилинг! Доруссалтана мудофаасига яна черик тўпламоқ даркор!

– Бош устига, онҳазрат! – Темур Малик яна кўлинини кўксига қўйиб, таъзим килди.

Жалолиддин амирларга яна айрим сипоришиларни бергач, деди:

– Мўғул бошка ёғийларга ўхшамайдур! У шундай бир кучга айланадики, йўлида учраган ҳар нарсани қўпориб, ёндириб пароканда қиласди. Бирлашмаган бошини киличи билан узишга-да кодир. Бас, шундай экан, ҳаммамизнинг фикри-ёдимиз ёлғиз ёғий дафъига қаратилмоғи шарт! Ёғий салтанат сарҳадларидан қувиб чиқарилмагунича бизда ҳаловат бўлмайди! Гар фуқарони мўғул таласа, салтанатни нопок оёклари билан булғаса бизнинг эрлик шаънимиз, ғуруrimизга дод тушгуси, киёмат қадар номимиз шармандалик, хорлик билан тилга олингусидир!

Жалолиддиннинг сўзлари кўп амирларни чукур ўйга толдириб қўйди. Ҳатто хали ҳам кибр ва тўпори ғуруридан чекинмай турган Хумор тегин унинг мантиқида оқил ҳамда кўпни кўрган кишининг сиёсатини, эрйигитнинг куйинишиларини ўқиди. Лекин ундан тушуниксиз саркаш бир куч Жалолиддинга чин кўнгил ва ихлос билан бўйин сунишга ўйл қўймасди. Кўнглининг туб-тубларидан Кутбиддинни таҳтга келтириш истаги милтиллаб турар, сония сайин кучайиб, улғайиб бораради. Қолган амирлар эса, айникса Кутлугхон ва Темур Малик унга тан беришган, Жалолиддиннинг сўнгти сўзлари: "...бизнинг эрлик шаънимиз, ғуруrimизга дод тушгуси, киёмат қадар номимиз шармандалик, хорлик билан тилга олингусидир" ҳар иккисининг кўзларидан ёшларни оқизганди.

Жалолиддин амирларга рухсат берди. Кутбиддиннинг ортидан кетаётган Хумор тегиннинг хаёлида энди бошка нарсалар айланарди. Жалолиддин ҳукumatда экан, унинг илки боғланиши, мулкларни эмин-эркин тасарруф килолмаслигига кўзи етди. Унинг ягона нажот йўли – Кутбиддинни таҳтга келтириш эди.

31-боб. Қутлұғхон Гурганды

Күтлұғхон султон билан ажралишгач, ўзи билан бир даста навкарларни олиб Гургандың көзланды. Йүллар хавфли, хар қадамда мүғул хуфиялари изгийди. Ҳатто айрим қишлоқларда бутун бошли мүғул отлиқ түдәләри күриниб колар, фукарони талар, султонға содик қишиларни изләрди. Бундай вактларда Күтлұғхон яширинишга мажбур бўлар, уларнинг ўзбошимчалигини жимгина кузатишдан бошқа чораси йўқ эди. Бирок Гурганды Жалолиддинни учратиши ва ҳаддидан ошаётган бу келгинди-ларни жазосини бериши умиди унга куч берар, нафрат ва алам оловига сув сепарди. Кечаш-ю кундуз йўл босиб, ниҳоят доруссалтанага кириб келди. Энди салтанат тизги-нини кўлга олган Хумор Тегиннинг ҳузурига юкиниб кирди. Бухорони сўнгти кучи қолганича химоя килгани, султон билан Нишопурга көзлангани-ю, йўлда Содирхон-нинг фитнаси ҳакида сўзлади. Унинг сўзларини ковок уйғанча тинглаган Хумор Тегин ҳеч нарса демади; унинг ўқрайган кўзларидаги совук нигоҳдан Бухоронинг мүғулга фатҳ бўлганига на ачиниш, на афсусни сезмаган Күтлұғхон ажабланганча қолаверди. Анчагача кисиқ кўзларини юмганича хаёлга чўмган Хумор Тегин мужмал килиб: “кабатимизда бўлинг... саваш кўрган кишисиз”, дея гапни киска килди. Талмовси-раб колган Күтлұғхон нима дейишини билмай турди, сўнг кўлини кўксига кўйиб, куллук килди. Гурганды уни кутиб туришни буорган Шамсуддин Тегинтош билан учрашишни пайсалга солиб, саройда колди. Ҳар қадамда Хумор Тегиннинг унга ишончсиз караётганини сезар, ўзини чакирилмаган меҳмондек хис этарди. Кўнгли ғашланиб, якка моховга ўхшаб юрганида Жалолиддиннинг Гурганды қайтгани ха-бари келди. Неча кундан бери зулмат оралаган кўнглига ёруғлик инди, ўзида йўқ кувонди. Жалолиддин ҳам уни куюқ каршилади, отасига хизматларини унутмай, чин дилдан амирлари категорига ўтишни сўради. Күтлұғхоннинг боши осмонга етди.

Жалолиддиннинг девонда амирлар билан машваратидан сўнг Шамсуддин Тегинтошни йўқлашни ўйлади. Жалолиддиндан рухсат олиб, уста Жамолнинг уйига жўнади. Энди унинг хаёлида ҳарами эмас, Салохиддиннинг кўлидаги ўша мактуб эди. Уни Жа-лолиддинга бердими ёки йўқми, шуну билишни истарди. Эгарга пишик ўтириб, устанинг маҳалласига жўнаркан, ёдига корахитойлар салтанатига юришини эслади...

...Султон Аловуддиннинг голиб кўшинининг мұқаддамгари қорахитойларнинг бош шаҳри Боласогунга кириб келган. Корахитой хони Кебекхоннинг кўшини тўзғиган, авом таҳлиқада. Кўплар кўч-кўронини аравалар, ҳачирларга юклаб, ўлжа илинжирадаги Хоразмшоҳ навкарларидан кочишига тушган. Султон Аловуддин мұқаддамгарига амир Бадриддин сардор. У вактда ҳали Күтлұғхон лакабини ол-маган, султоннинг хос ҳожиби. Кебекхон хос навкарлари билан Боласогунни тарк этиб улгурган. Амир Бадриддин – Күтлұғхон навкарлари билан хон саройига кирди, хар бир хонасини кўздан кечириб чиқди. Бирор тирик жон йўқ. Эшиклар, дер-залар лант очик, пардалар шамоллар каршисида ожиз тўлғонади... Факат биргина хонада – хоннинг хос котибига ажратилған девонхонада ёши улуғ, сийрак соколли, кўринишидан хитойга ўхшайдиган бир кария ўтирас, атрофида ҳар хил коғозлар, ўрамлар бетартиб уйилганди. Хонага биринчи бўлиб Күтлұғхон кирганди.

– Сиз ким бўласиз? – сўради у қариядан.

– Хоннинг хос котиби бўламан.

– Нега кетмадингиз?

– Мен султон черикига қарши килич кўтариб чикмаган бўлсан, – ишонч билан деди кария. – Қолаверса, султоннинг кексаларга қарши кўл кўтартганини ҳеч эшишт-маганман.

Кекса котибнинг сўзларидан Кутлугхон анча хижолат бўлди.

– Булар кандай хужжатлар? – сочилиб ётган когозу ўрамларга ишора килиб сўради Кутлугхон.

– Хон казинаси, хукумат, кўшин сарф-харажат хисоблари... Солик, хирож дафтарлари...

Кутлугхон оёги остидаги қоз ўрамини олиб ундаги битикларга кўз ташлади. Аллакандай хисоблар, ракамлар... Коғозни котибга узатаркан, ғалати бир нарсанни сезиб қолди: котиб кўринишидан кўпроқ ўйма нақшлар ишланган курсига ўҳшайдиган... сандикча устида ўтиради. Факат синчилаб разм солингандагина унинг курси эмас, сандикчалигини илгаш мумкин.

– Бу нима? – сандикчага имо килиб сўради Кутлугхон.

Котибнинг нигоҳидаги ишонч ва совукконлик ўрнини саросима эгаллади. Ҳадеганда жавоб беролмай кўзлари жавдиради.

– Нима деяпман? – овозини баландлатиб, таҳдидли сўради Кутлугхон.

– Сандикча...

– Ичиди нима бор?

– Мактублар...

– Қандай мактублар?

– Хоннинг мактублари...

– Яна-чи?

– Халифа ҳазратларининг мактублари...

– Ўрнингиздан туринг!

Капалаги учеб, ранги кумдек ўчиб кетган котиб кўрқа-писа ўрнидан турди.

Кутлугхоннинг ишораси билан навкарлардан бири сандикчанинг қулфини шамшир билан уриб синдириди. Сандикчанинг қопқоғи очилгач, унда бир неча ўрам килинган мактублар борлиги кўринди. Кутлугхон улардан бирини олиб, ипини ечди-да, ўрамни очди. Нафис ипак қоғоздан мушку анбар, яна аллақандай ёқимли, хушбўй ифор тарапди. Мактуб арабийда битилганди. Кутлугхон арабчадан яхшигина хабардор, Қуръондан ташкари кўплаб ҳадисларни арабийда ёд олганди. Шунинг учун мактубни тушуниш унга кийинчилик түғдирмади. Уни охиригача ўқиди-ю, ҳайратдан тили сўзга айланмай қолди. Мусулмонлар раиси ва амири, Олий Девон раҳбари халифа Носир хонни сulton Аловуддин салтанатига юриш килишга чакириб мактуб битганди! Ўзини мусулмон, дин ва шариат хизматчи-си хисоблайдиган Кутлугхон кўплар каторида халифани фойибона хурмат килар, унинг сўзларига оғишмай бўйсуниш керак, дея хисобларди. Лекин мактубни ўқигач, бу ишончга дарз кетди, халифадан кўнгли қолди. Кўнглида мактубни сultonга кўрсатиш керак, деган ўйга ҳам борди. Лекин кўп ўйлар истиҳоласида бу аҳдидан кайтди. Хон саройига киргандардан факат у халифанинг мактубини ўқиди, колганларга эса унинг мазмуни маҳфийлигича колаверди.

Аммо Кутлугхон яширган мактубдан ташкари, халифанинг Ғурлар сultonи Ихтиёридин Ҳурпуштга ёзган бошқа мактублари ҳам бўлиб, уларда халифа ғурларни ҳам хоразмшохлар салтанатига юриш килишга ундарди. Уларнинг айримлари сulton кўлига тушган, бундан эса Кутлугхон бехабар эди. Чингизхонга ҳам халифа шундай мактублар жўннатганига Кутлугхон шубҳа килмас, корахитойларга ёзилган мактубни Жалолиддиннинг кўлига туткизишни дилига туғиб кўйганди. Салоҳиддиннинг кўлига туткизилган мактуб ўша маҳфий мукотаба эди. Мўғул тигига учеб ўлсам Жалолиддин бехабар колмасин, деган ниятда уни Гурганчга ошиғич юборганди...

Коронги тушиб қолганидан уста Жамолнинг маҳалласида одам кўринмайди. Олис-олис кумлардан совук шамол эсади. Махалла бошидаги яккам-дуккем тут дараҳтлари ой ёргуга кўзга хунук, кўркинчли кўринади. Лекин Кутлуғхон на шамолни, на ваҳшат солаётган дараҳтларни сезади. Унинг бутун фикри-ёди Салоҳиддиндаги мактубда. Устанинг уйига етиб келганида эгардан тушмай қамчисининг дастаси билан эшикни такиллатди. Ичкаридан: “Ким-у?! Ҳозир...” деган овоз эшишилди. Овоз эгасини таниб ғалати бўлиб кетди. Шундагина ҳали ҳам от устида эканини туйкус англаб шоша-пиша ерга сакради. Чопонини тартибга солишига улгурмаганида шам кўтарган уста кўринди. Коронғида келгувчини танимаганидан шамни баландрок кўтарди. Ўзига таниш чехра, катта ва кўпол сувсар теппакни кўргач беихтиёр тилидан сўз учди:

– Водариг, Бадриддин жаноблари! Ассалому алайкум!

– Ваалайкум ассалом, уста жаноблари!

– Ҳудога шукр, саломат экансиз!

Бемахалда бирор келишидан хавотирга тушган Шамсуддин Тегинтош ҳар эҳтимолга қарши устанинг ортидан чикқанди. У кархисидаги отликнинг хожаси эканини билди-ю, юраги қалқиб кетгандек бўлди. Ўзига келишига улгурмай, Кутлуғхон отидан сакраб тушиб, содик мамлугини бағрига босди. Шундагина Шамсуддин Тегинтошнинг тилига сўз келди.

– Ҳожам!..

Шамсуддин Тегинтош кўпдан бери дом-дараксиз кетган ҳожасини энди кўрмасам керак, деган ўйга борганди.

– Салоҳиддин кўринмайди? – сўради Кутлуғхон Шамсуддин Тегинтошни кучоғидан бўшатиб.

Аввалига Шамсуддин Тегинтош анча ажабланиб қолди. Ҳарамидан олдин Салоҳиддинни йўқлаш... Буни қандоқ англамоқ лозим?

– Ҳожам, Султон хоним Салоҳиддинни ўзларига хос навкар килиб олгандилар.

Кутлуғхон бир муддат унга анграйғанича қараб қолди. Салоҳиддин малика Туркон билан Гурганчни тарқ этдими? Салоҳиддин шаҳарда эканлигига Жалолиддин бу ерда эмасди. Демак, мактуб ҳали шаҳзоданинг кўлига етиб бормаган.

– Айтганингиздек, ҳарам уста Жамолнинг уйида, ҳожам!

– Маъқул! – бош иргаб кўйди Кутлуғхон.

Ҳожасининг кўнглидан ўтаётган ўйлардан бехабар Шамсуддин Тегинтош таажжубда эди. Кутлуғхон отига минди.

– Мен саройга бораман, Жалолиддиннинг хузурига! – деди Кутлуғхон отининг бошини ортга буаркан.

– Маъқул, ҳожам! – ҳеч нарсага тушунмаган Шамсуддин Тегинтош унинг ортидан ажабланганича қараб қолди.

Доруссалтана томон от чоптириб кетаркан, Кутлуғхоннинг хаёлида яккаш бир ўй бор эди: мактубнинг мазмунидан Жалолиддинни огоҳ этиш керакми ёки йўқми? Балки Салоҳиддин мактубни шаҳзодага бермай, малика Туркон билан кетганида бирор яхшилик аломати бордир?.. Ҳозирча мактубни Жалолиддиндан маҳфий саклаб турганлари маъқулмикин? Энди Жалолиддин отасининг таҳтини эгаллади, у – султон! Агар маҳфий мукотабадан огоҳ бўлса, қархисидаги мўғул қолиб, мактуб биттганлар билан муҳорабани бошлаб юбориши мумкин... Кутлуғхонга бу ўи мантикли кўринди. Ҳозир Жалолиддиннинг фикрини бўлмаслик оқил ҳаракат бўлади. Кутлуғхон шу ўйидан дадилланиб, отини никгади. От доруссалтана томон чопиб кетди.

Шаҳзодалар Гурганчга қайтганидан, қалья дарвозалари ланг очик, кираверишда

икки қатор бўлиб, отлик навкарлар соқчиликда турадилар. Улар Кутлугхонни таниб, дарров йўл беришди. У тўппа-тўғри Аркка бориб тушиб, отини соқчи навкарга қолдирди. Саройга кирганида Жалолиддиннинг хордик олаётганини эшигат, уни девонхонада кутиб туришни маъқул топди. Шу ўйи билан ўтиб кетаётганида кулоғига хос хоналардан биридан чиқаётган гўнғир-гўнғир овозлар чалинди. У беихтиёр кадамини сустлаштириди. Овозларда тахлика ва таҳдид сезиларди. Унинг таажжуби ортиб, беихтиёр ўша хоналар томон юрди. Хийла очик, ўймакор нақшлар туширилган ёғоч эшик ортида амирлар тўпланишганди. У ажабланди. Машваратми бу?! Хумор тегин, Амир Бужи Паҳлавон, Шайххон ва Эр Буғо... Хумор тегиндан бошқалари овозларини пастлатиб сўзлайдилар.

– Султон шаҳзода Кутбиддинни таҳтдан маҳрум этибдур! – газабнок деди Хумор тегин. – Унинг ўрнига Жалолиддин белгиланиби!

– Салтанат тожи Кутбиддиннинг бошида бўлмоғи лозим! – деди Амир Бужи Паҳлавон.

– Улуг маликанинг иродаси ҳам шундай эди, Кутбиддин султон! – қизишиди амир Эр Буғо.

– Биз ҳам шу ўйдамиз! – деди Хумор тегин. – Агар Жалолиддин таҳтга ўтиrsa, Кутбиддиннинг аҳволи не бўлади? Қолаверса, хукумат таянчи биз – Кутбиддинга содик амирлар!

– Тўғри! Тўғри! – бир овоздан уни кўллашди бошқа амирлар.

Эшик ортидаги Кутлугхоннинг таажжуби ҳадди аълосига етди. Бу қандай машварат бўлди?! Остонада мўғул турибди. Доруссалтана хавф остидау булар не ташвишда?

– Кўп ўйламок ва ортиқ кенгашмокликка фурсат йўқ! – деди Хумор тегин амирларга бирма-бир қараб. – Ягона йўли шулки, Жалолиддиннинг ўртадан кўтартмок лозимдир! Адолат карор топмоғи ва Кутбиддин таҳтга қайтмоғи шарт! Буни нафақат биз, балки малика Туркон ҳам истаган.

– Маъқул! Маъқул! – амирлар уни кувватлашди.

– Гурганчдаги султон кўшинини тўплаб, Жалолиддинга қарши оёклантирамиз, – давом этди Хумор тегин. – Ҳозир Жалолиддиннинг навкари ҳам, амирлари ҳам Гурганчда эмас. Жалолиддин Кутбиддинга ён беради.

– Ҳўп маъқул гап! – деди Амир Бужи Паҳлавон.

– Шу тунда Жалолиддинни ётоғида... – Хумор тегин бир муддат сукут саклади. – Шу тунда уни орадан кўтарамиз!

– Маъқул режа!

– Ҳозирча тарқалишиб турамиз. Шомдан кейин тўпланамиз, – машваратга якун ясаган бўлди Хумор тегин.

Кутлугхон Хумор тегиннинг сўнгти гапини эшишиб дарров ўзини панага олди. Амирлар бирин-кетин хонадан чиқишиб тарқалишди. Кутлугхон яширинган жойидан чиқди-да девонга шошди. Унинг юраги асабий ураг, нафас олиши тезлашган, кўллари калтиради. Девонда уни Хўжанддинг собиқ ҳокими Темур Малик қарши олди...

32-боб. Фитна

Жайхун томонидан этни жунжиктирувчи шабада эсади. Шаҳар тун оғушида. Хос хонаси даричаси ёнида узок туриб колган Жалолиддин пахта кийими устидан калин пўстин ташлаб, манкалда ланғиллаб турган саксовул чўғига кўлларини тутди. Шифтдаги улкан қандилда ёнган ўнлаб шамлар деворларнинг ганчли нақшлари устида кўлкалар югуртириб, ётокка ажабтовур сирлилик берган. Шабада минг

мукомга солаётган, күшк томондаги хитойи шохи дарпардаларнинг нозик гуллари шамларнинг заиф нурларида кўзга элас-элас ташланиб қолади.

Жалолиддин бир хафтадан ошган сафар машаккатларидан чарчаган бўлса-да, кўзларига уйқу келмасди. Ким ҳам ўйлабди, шундок улуғ салтанат сарҳадидан ёғий ўтиб, унинг бош кентига кадар келишини? Яқин-яқингача Султон Аловуддиннинг юртига бирор кўшин тортади, деса киши ишонармиди? Бу чархи дуннинг турфа ишлари каршисида одам ожиз. Ана шуларни ёдидан ўтказган Жалолиддиннинг кўз олдидан Хумор Тегин ва Амир Бужи Паҳлавонлар ўтди. Отаси Султон Аловуддин Самарқандга келиб, кўп амирлар каторида Амир Бужи Паҳлавонни ҳам тақдирлаб, унга мулклар иктоъ қилган эди. Негадир бу иккисининг сиёҳи ва кадам олишлари ғалати. Кутбиддиндан умидланиб юрганларида кутилмаганда бошка шахзода таҳтга келиши уларни жуда шошириб кўйганини Жалолиддин сезарди. Саройдаги кўп амирлар бувисининг қариндошлари. Улар отасининг бўйруғидан кўра, бувисининг сўзларини тан оладилар. Жалолиддин шуниси билан чиқиша олмасди. Аммо, кўлида салкам салтанат тизгини тутган бувисига карши чиқиша кундага бошини кўйиш билан баробар эди. Қипчок амирлар Кутбиддинни таҳтга кайтаришга уринишлари табиий. Энг ёмони, бу амирларнинг ихтиёрида Гурганчда камида эллик-олтмиш минг кишилил кўшин бор. Агар амирлар Кутбиддини ёклаб чиксалар, унга жуда кийин бўлади. Ҳозир тожу таҳт талашиб фурсати эмас. Нима қилиб бўлса ҳам муроса йўлини топиб, пароканда кўшинларни тўплаш, пойтахт мудофаасини пухталаш лозим... Ўйлардан унинг боши оғрий бошлади. У ипак мато копланган болишга бошини кўйиб, оёкларини узатди. Роҳат инганидан вужуди бўшашди... кўзлари илинди.

...Отаси оппоқ отида ўтирганиши. Олдинги дабдабали кийимлар, курол-яроғларда эмас, қордек оппоқ кийимда, яланг оёқ эмиш.

– Ўғлим, ёнингизда хатар!

– Ёнимда!?

– Ҳа, каршингизда!

Кутилмаганда отаси отидан шошиб сакраб тушибди. Жалолиддиннинг қиличини суғуриб, ҳавода асабий сермаб, аллакимларга ўдагайлаганича таҳдид солибди. Отасининг телбавор қиликларидан унинг таажҷуби хадди аълосига етиби.

Кимдир уни туртди. Жалолиддин чўчиб уйгониб кетди. Тўшаги ёнида икки кишининг қораси кўриниб турарди. Кўзларидан уйқу ўчмаганидан бу гавдаларни танимади.

– Онҳазрат!.. – бу Кузбор Малик эди. Унинг овозида ҳадик сезилди.

– Ташвишли хабар келтирдик, – бу сафар Кутлуғхоннинг овози эшитилди.

Ҳали Жалолиддиннинг хаёли ўзида эмасди. Унинг кўз олдидан тушидаги отаси ўтди. “Ёнингизда... каршингизда хатар!”

– Қандай хабар?! – у дастлаб Кутлуғхонга, сўнгра Кузбор Маликка қаради.

– Фитна, онҳазрат! Фитна! – деди Кутлуғхон.

“Каршингизда хатар!”

– Фитна, дейсизми??

– Ҳа, онҳазрат. Айрим амирлар сизга сунқасд қилишини режа туздилар. Уларнинг бошида Амир Бужи Паҳлавон ва Хумор тегинлар туришибди. Амирлар сизнинг ўрнингизга Кутбиддинни таҳтга чикармоқчилар!

– Буни каердан билдингиз? – сўради Жалолиддин.

– Онҳазрат, Оллоҳнинг марҳамати, уларнинг маҳфий мажлисларидан викиф бўлиб қолдим.

– Кутбиддин ҳам мажлисда эдими?

– Шахзода йўқ эдилар, онҳазрат.

Жалолиддиннинг фикри тиник тортди.

– Темур Малик қаерда? – сўради у.

– Навкарлари билан шаҳарнинг бош дарвозасида, – бу сафар Кузбор Малик жавоб берди.

Жалолиддин дарров кийиниб, худди муҳорабага кирабтандек жибасини устига ташлади. Дуру гавхарлар, лаълу ақиқлар билан зийнатланган энли камарга отаси хадя килган килични тақди. Отасининг фармони сақланаётган тери жуздонни олиб, кўйнинг солди. Дубулгасини кўлида ушлаб, нагал қоқилган этиги билан турс-турс қадам ташлаганича ётоғини тарқ этди. Кузбор Малик ва Кутлугхон унинг ортидан эргашишди. Девонга элтувчи узун хонадан турс-турс қадам ташлаб кетаркан, ортидан қадам ташлаб келаётган амирларидан сўради:

– Кутбиддин ва Фиёсiddин қаерда? Рукниддин-чи?

– Олампаноҳ, уларнинг қаерда эканликларини билолмадик, – ортидан Кузбор Маликнинг овози эшитилди.

Сарой ҳовлисида кимларидир бақиргани, от туёкларининг тошга урилиб берган шошкин товушлари эшитилди. Жалолиддин юришидан тўхтади, девордаги машъалалардан бирини олди. Девонга ҳам кирмай сарой ҳовлисига олиб чиқадиган айвонга чиқди. Саройнинг кенг ҳовлиси отлиқ ва навкарларга тўлиб кетганди. Улар орасида дарғазаб амирларнинг қипчок лаҳжасида буйруқ бериб, сўқинишлари эшитилди. Жалолиддин фитнанинг бошида чиндан ҳам бувисининг қипчок уруғлари турганига ишонди.

– Олампаноҳ, ўзингизни панага олганингиз маъкул! – Кутлугхоннинг хавотирили овози Жалолиддиннинг ҳушини ўзига қайтарди.

Отлиқ амирлар тахминан беш-олти газ юқоридаги айвонда Жалолиддиннинг ўзи турганини хаёлларига ҳам келтирмай саройга олиб кирадиган эшикларга соқчилар тақсимлардилар.

– Саройдан ҳатто куш ҳам учиб чикмасин! – хириллади амирлардан бири.

Жалолиддин овоздан бу амирнинг ким эканлигини таниб, газабдан баданига титроқ кирди.

– Олампаноҳ, бу ердан кетиб, Аркни тарқ этмоғимиз лозим, – деди Кузбор Малик Жалолиддиннинг кўлидаги машъалага хавотир билан қараб.

Гарчи коронги бўлса-да, Кузбор Маликнинг машъалага караб қўйгани Жалолиддиннинг зийрак нигоҳидан маҳфий қолмади. У машъалани ерга ташлаб, этиги билан ээғилаб ўчирди.

Улар саройнинг киши назаридан ҳоли шимолий томонига юриб кетишли. Аркнинг шимолий дарвозасида Жалолиддиннинг хос навкарлари бор. Аммо шимолий дарвоза атрофларида ҳам машъала кўтарган отликлар тўпланиб туришарди. Уларни кузатаркан, Жалолиддин бу дарвозадан ҳам чиқиб кета олмаслигига кўзи етди. Девор остида тураркан, Жалолиддин нима қилиб бўлса-да, Темур Маликни топиш кераклигини ўйларди. Иложи топиб, шаҳарнинг бош дарвозасига етиб олиши лозим.

Жалолиддин минг азобда исёнчиларни четлаб ўтиб, шаҳарнинг бош дарвозасига етиб келди. Кутганидек, бу ерда Темур Малик отликлари билан жангга шай турар, каршисидаги амирлар унга ҳамла килишга ботинолмай турардилар.

– Онҳазрат! – Жалолиддин Темур Маликнинг овозини таниди. У отликларидан ажралиб, Жалолиддиннинг қаршисига чиқди.

– Гургандчни тарқ этамиз. Навкарларнингиз хозирми?

– Ҳа, онҳазрат!

– Қанча навкарнингиз бор?

– Уч юз отлиқ, онҳазрат.

– Яхши, ҳозирок йўлга тушамиз!

Темур Маликнинг қаёққа борамиз, дея сўрашга тили бормади. У ҳам фитнадан огох бўлганди.

Тун яримлаганда Жалолиддин ўзининг ишончли амирлари ва уч юз отликлари билан қалъадан чиқди. Тун бағрида ором олаётган шаҳар тошкўчаларининг тинчи-ни отлар туёклари дупури бузди. Жалолиддиннинг ортидан Хумор тегин отликлари таъкибга ўтишди. Жалолиддин уларнинг таъкибидан кутулиб, Гургандч тарк этди-да, Хоразм ва Хурросон ўртасидаги бепоён кумликларда кўздан ғойиб бўлди...

33-боб. Канизакнинг бетакрор ифори

Водий томондан эсаётган шабода анча кучайган.

Қатъа ҳовлисида ёш болалар кийкиришиб ўйнашади. Уларга караб Салоҳиддиннинг кўнгли анча ёришди. Катталарни қийнаган ғам-ташвишлар бу гўдакларнинг хаёлига қаёқдан ҳам келсин! Улар бошлари узра куюқлашаётган фалокат булутларини билмай вужудлари билан ўйинга берилиб кетишган... Мўғуллар ҳеч кимга шафқат килишмайди. Ҳатто, норасидаларга ҳам. Салоҳиддиннинг кўнглига яна ғашлик инди. Агар Ҳолики құдрат асрамаса бу тошдеворлар мурғак қалбларга паноҳ бўла олмайди. Наҳот шулар Султон хонимнинг хаёлига келмаса?! Ёки унинг ғуурури ақл кўзига парда тортдими? Салоҳиддин ҳаммадан ҳам кувалашиб ўйнаётган болаларга юраги ачирди. Не килсинки, у күл, хожалар каршисида тилига эрк бермасликка ўрганганди.

Салоҳиддинга кимdir уни таъкиб этаётгандек туюлаверди. Ҳам галати, ҳам таажубли. Негадир у ўзини ўнғайсиз сезиб, бу ахволига ҳайрон ҳам бўлди. У бир кўли қиличининг дастасидан ушлаганича юришга чоғланган ҳам эдики эсиб турган шамол бирдан кучайдио каршисидаги айвоннинг пардасини кўтариб, туширди. Унинг ортида эса... Нури биби турарди! Ажаб! Жон ўртагувчи бу малак кўз ўнгида бир сонияга бўй берди, холос. Аммо, бу фурсат кизнинг йирик кора кўзлари, сутга чаийлгандек тўлиқ юзини, фунчадек очилишга маҳтал лабини йигитнинг тасаввурига муҳранишига монеълик килмади. Унинг юраги тез-тез уриб кеттанидан нафас олиши оғирлашиб, томоғи курукшади. Ҳовли ўртасида туриб колган Салоҳиддин нима килишини билмасди. Шамол иккинчи марта куч олиб, пардани кўтариб-туширганда киз йўқ эди. У кетиб колганди. Салоҳиддин энди енгил нафас олиб, юриб кетди. У калъа омборига бориб, мешларга сув тўлдира кетди. Шу пайт, Бадриддин Ҳилол ва Ҳусомиддин Али омборга келишиб, уни кузаттандарича сухбатларида давом этишди.

– Мўғул қальъани камаса захирангиз қанчага етади? – сўради ҳарам оғаси.

– Дон-дун, гўшт олти ойга етади, – деди кутвол. – Аммо, негадир сув бизни ташна кильмоқда. Олдинлари бундай бўлмасди...

Бадриддин Ҳилол унга саволомуз каради. Салоҳиддин ҳам ишини тўхтатиб, кутволга юзланди.

– Сизни тушунолмадим?! – ажабланди ҳарам оғаси.

– Жанобларига тушунтиrolмадим. Бирор кун йўқ эдики, Илолда куёшли кунни тўлиқ кўрган бўлсак. Бошимиздан булутлар аrimасди, Худонинг битмиш куни ёмғир-жала...

– Анчадан бери шундайми? – сўради ҳарам оғаси.

Кутвол аник жавоб беришга истиҳола килди. Туркон хотуннинг “қальъага етибди!” деган хабари келган куни эрталабдан қуёш киздирганди. “Салтанат офтоби энди бошимизга қўнди!”, дея кўпчилик буни яхшиликка йўйди. Маликай олам калъадан паноҳ топгач, одамларни роса ажаблантириб, булутлар Илолдан чеки-

ниб, қалъанинг ягона сув манбаи жалаю ёмғирлар ҳам тинди. Султон Аловуддин Мұхаммаднинг онаси келганига анча бўлди, аммо бир томчи ёмғир ёкканий йўқ. Энди кальага ҳар куни водийдан мешлардан сув ташиб келтирилади.

— Бунга эътибор бермабман, — ростиши айтишни лозим топмади кутвол.

Ҳарам оғаси ҳам унинг кўнглидан ўтган ўйлардан тахминлади. Ичидан зил кетсада буни кутволга сездирмаслик учун Салоҳиддин томон юзланди.

— Султон хоним сув сўраганлар. Ҳарамни ҳам сувсиз колдирманг! — деди у шошиб.

— Маъкул, — деди Салоҳиддин.

Ҳарам оғаси ва кутвол қалья дарвазаси томон юриб кетиши. Уларнинг ортидан кузашиб тураркан, Салоҳиддиннинг хаёлидан кутволнинг айтганлари кетмасди: "...Бошимиздан булувлар аримасди". Унинг ёдига Амуга чўқтирилган ҳукмдорлар-у шахзодалар тушди. Қулоклари остида эса жулдур кийимли аёлнинг маликани қарғагани эшитилди. "Оллоҳнинг ўзи жазоласин! Оллоҳнинг лаънати бўлсин!" Худди ўзини лаънатлаганларидек Салоҳиддин сесканиб кетиб, "астағфируллоҳ", деб кўйди.

— Жожам, бизга сув берасизми?

Кўнгироқдек овоздан Салоҳиддиннинг юраги уришдан тўхтаб колаёди. Унинг нафас олиши тезлашиб, бир лаҳзада томоги қурукшаб кетди. У вужудида қолган сўнгти кучни тўплаб, катта журъат билан овоз келган томон каради. Унинг қаршисида кўза кўтарган Нури биби жилмайиб турарди. Салоҳиддин кўзлари сошиб кўймаслиги учун ўзини қўлга олишга харакат қилди.

— Маъкул, кўзангизни беринг, — деди у иложи борича ҳаяжонланмасликка харакат килиб.

Нури биби чиройли кўллари билан кўшқўллаб кўзани унга узатди. Салоҳиддин синдириб кўшишдан кўрқандек кўзани кўшқўллаб олди. У мешни очиб, ундан кўзага сув қуяркан вужудида кизнинг куйдиргувчи нигохини ҳис қиласарди. Ўргадаги ўнгайсиз жимлини йўқотиш учун кизни гапга соглиси келар, аммо тилига тайинли сўз келмасди. Хайтовур, кизнинг ўзи сўраб колди:

— Ҳарам аёлларининг айтишларича, мўғуллар маликамиз ортидан тушишган эмиш!

Унинг саволидан Салоҳиддин анча дадилланди. Нури бибининг кўнглини кўтаргиси келди.

— Мўғул аввал Султон хонимнинг каерга келганларини топиши лозим! Кейин эса, бу қалъани факат бургутлар забт этиши мумкин.

Кизнинг оппок юзида кулги жилва қилди.

— Алҳамдулиллоҳ! Ҳарам аёллари эртаю кеч шунинг ғамида кун корайтирадилар, — деди у.

— Уларнинг кўнгилларини кўтаринг, Тангри таоло хохласа омон қоламиз! — деди Салоҳиддин нихоят унинг чиройли кўзларига бокиб.

Нури биби йигитнинг кўзларидан уялиб, кўзасини олиш учун уринди. Салоҳиддин унга кўмакка шошди. Шунда у димогида кизнинг бетакрор ва ўхшаши йўқ ифорини туйдию боши айланади.

Тез орада улуғвор тоғларнинг чўнг қоялари устидаги Илол кальаси тун кўйнида кўздан фойиб бўлди...

Давоми бор



Барот ИСРОИЛ

ШОИРЛИКНИНГ МАКТАБИ ЙЎҚ

(кечинмалар)

Адабиётда ҳар бир ижодкорнинг ўз ўрни бор. У ҳакиқий ижодкор бўлса, албатта.

* * *

Турфа хил мева дарахтларидан ташкил топган боғ шуниси билан гўзалки, унга кирган одам, ўзига ёккан мевани тановул килади. Адабиёт ҳам худди шундай бокка ўхшайди. Бу бўстонга ташриф буюрган шинавандада ўзига маъкул бўлган асарни ўқиб, ширин мева тотгандек роҳат олади.

* * *

Бўш вақтингизни телевидениенинг айрим беъмани, бехаё кўрсатувларини кўришга сарфламай, кўпроқ яхши китоб ўқисангиз, албатта рухий озиқ олиб, чандон лаззатланасиз. Фикр доирангиз ҳам кенгаяди.

* * *

Баъзан киши тушкунликка тушиб колади. Шундай пайтларда бадиий асар ўқиши фойда беради. Рухингиз кўтарилиб, фикрингиз тиниклашади. Энг асосийси, хаётга бўлган муҳаббатингиз жўшиб, кўнглингиз кўтарилиб, рухий мадад олиб, губорланган табиатингиз ойдинлашади.

* * *

Айрим ижодкорларнинг бир ёмон одати бор. Ўз замондошлиарининг асарлари ни ўқимайди. Буниси ҳам майли-я, баъзан бир-бирини кўролмай ҳар хил гийбат гаплар тўкиб юришади. Устоз Миртемир ундейлардан зада бўлганидан: “Бирорларнинг гийбатини килиб юргандан кўра, дурустрок асар ёзиш устида бош котирса, ўзига ҳам, ҳалқка ҳам фойдали иш килган бўларди”, дейа куйинган эди.

* * *

Китоб ўқимайдиган ва уни кадрламайдиган одам, кўп нарсадан маҳрум бўлиб, охир-оқибат ўзининг ҳам кадрини йўқотиб кўйганини сезмай қолади.

Барот ИСРОИЛ – 1938 йилда тугилган. Низомий номидаги Тошкент давлат педагогика институтини (ҳозирги ТДПУ) тамомлаган. “Бойчечак”, “Най навеси”, “Субҳидам”, “Она ер атари” китоблари, “Онаизор” роман-эссеси нашр этилган.

* * *

Айрим ижодкорлар ичкиликни илхомлантирувчи дея талкин қилишади. Аслида, бунинг акси эканлигини била туриб, ўзининг нафсини кондириш учун шундай нотўғри фикрни химоя қилган бўлади. Бу билан баъзи ёшларни ичишга рағбатлантиради. Ўзи эса ўзи тўкиган ёлғон фалсафанинг курбонига айланади.

* * *

Асар ёзиш мушкул. Уни бирорга маъқул бўлиши ундан ҳам мушкул.

* * *

Хозирги кунда одамлар телевизорга тикилиб ўтириб чарчаб қолади. Сўнгра каракт бўлиб, китоб ўкишни хаёлига ҳам келтирмай уйқуга кетади.

* * *

Ҳар бир асрнинг ўз даҳолари бўлади. Уни давр муҳити вояга етказади.

* * *

Адибни дурадгорга ўхшатиш мумкин. Дурадгор оддий ёғочга дид билан ишлов беруб, санъат асари яратади. Адиг эса сўзлар орқали ўз завқу шавкини асарга сингдирали.

* * *

Яхши шеърнинг узун-кискаси бўлмайди, яъни ўқувчи уни бирдай севиб ўқийди. Чунки ўқигани сайин ўқигиси келаверади. Ҳар сафар янги хикматлар топиб маънавий роҳатланади. Масалан, Пушкиннинг “Царское село”, Чўлпоннинг “Халқ дентизидир”,Faур Ғуломнинг “Сен етим эмассан”, “Мен яхудийман”, Ҳамид Олимжоннинг “Ўзбекистон” каби шеърларини канча ўқисан, шунча завқ оласан. Узунлигини сезмайсан ҳам.

* * *

Ҳар сафар бирор янги нарса ёзганимдан кейин ўзимни қушдек енгил сезаман. Рухим кўтарилиб, баҳтиёрик хиссидан кўнглим таскин топади.

Маълум муддатдан кейин қайта ўқиганимда, қандай асар ёзилгани маълум бўлади. Сўнг унинг камчиликларини тузатиб, сайкал бериш баъзан бир кунлик, баъзан ойлаб давом этади. Шундан кейингина ўқувчилар хукмига ҳавола қилишга жазм этаман.

* * *

Адабиётимизнинг етакчи адиллари бор. Улар Ойбек, Чўлпон, Абдулла Қодирий, Фитрат, Абдулла Қаххор, Ҳамид Олимжон, Faур Ғулом, Эркин Воҳидов, Абдулла Орипов ва бошқалар. Улар мунаккидлар томонидан етарлича баҳосини олган. Лекин адабиётимизда ҳали ижоди ўрганилмаган адиллар кўп. Улар Миртемир, Соғир Абдулла, Ҳабибий, Ҳамид Ғулом, Мирмуҳсин, Восит Саъдулла, Тогай Мурод, Ўлмас Умарбеков, Мирзакалон Исмоилий, Максуд Шайхзода, Тўра Сулаймон ва бошқалар. Уларнинг ижоди қачон ўрганилади?

Мунаккидларимизнинг бир ёмон қусури борки, кимдир бирор ижодкорнинг асарларини яхшилаб таҳлил қиласа, бошқаси ҳам ўша ижодкор асарларини сал бошқачароқ қилиб мақола ёзади. Ундан кўра ҳали ўрганилмаган ижодкор асарларини шархлаб берса, нур устига нур бўларди.

* * *

Билимли ва малакали адиг ҳеч қачон ойлаб, ийллаб илҳом парисини кутиб умр ўтказмайди. Уни илҳом парисининг ўзи асар қаҳрамони томон етаклайди.

* * *

Шоирликнинг мактаби йўқ. Инсон ўнта дорулғунунни битирганда ҳам шоир бўлолмаслиги мумкин. Шоирлик Оллоҳ томонидан берилган истеъдод бўлиб, уни рўёбга чиқариш эса иктидорли шахснинг саъй-харакати, меҳнати ва ҳаётий тажрибаси асосида намоён бўлади.

* * *

Ижод эрмак эмас. Бу юракда содир бўлган ҳис-туйғуларни ижодкорона шархлаб беришdir. Буни ким, кандай эплайди – унинг истеъдодига боғлик.

* * *

Мен нима иш килган бўлсан, унинг замирида, ўз асарларимни рўёбга чиқариш максади бўлган. Гоҳ иктисадий, гоҳ ижтимоий йўналишдаги хизматларим шунга асосланган.

* * *

Бахт ғаройиб бир куш – қулай пайти келганда тутиб ололмасанг, кўз очиб юмгунча учиб кетади.

УМР ҲИҚМАТЛАРИ

Атоқли шоирларимиздан бирни Барот Истроил 80 дан сакраб ўтиб, 90 манзилини қоралаб кетаяпти. Давлатимиз томонидан адабиёт оламида қилган машақватли ижодий меҳнати учун "Шуҳрат" медали билан тақдирланган шоир 80 ёш чаманида ҳали-ҳануз тиник дунёкараши, тетик руҳияти билан шоир ва носир сифатида дадид қалам тебратмоқда. Айниқса, муҳтарам Президентимиз Шавкат Мирзиёев атоқли ва ардоқли шоирларимиз қаторида Барот Истроилнинг ҳам номини зикр этганинни кашта эҳтиром ва шараф деб билди.

Ўтган асрининг 60-йиларида Миртемирнинг шеърият мактаби бир қатор етук шоирларимизнинг шаклланишида кашта роль ўйнаганлиги адабиётимиз тарихидан маълум. Миртемир домла нафақат Ўзбекистон Ёзувчilar уюшмасида, балки уйлари ва Дўрмон ижод боғида ҳам ёшиларга сабоқ берини кандай қулмаган эдишлар. Жаҳониумул шоирларимиз Зулфиқароним, Қаҳрамон шоирларимиз Эркин Воҳидов ва Абдулла Оротов, Ўзбекистон халқ шоирни Тўра Сулаймонлар билан бир қаторда Барот Истроил ҳам ана шу мактабининг суюкли толиби бўлган. У устозининг меҳрли нафаси ижобати билан ўсди-улгайди, қаттор-қатор китоблар чоп эттироғди. Унинг юзлаб шеърлари бастикор ва хонандалар эътиборига тушиб, ҳалқимизнинг севимли қўшиқларига айланаб кетди. "Настарин гули майдо", "Оқ олтин", "Тулпор", "Оҳангарон" каби халқ севган қўшиқлари бир неча ўн йиллардан бери жаранглаб ҳалқимиз маънавиятини бойиштиб келмоқда.

Барот Истроил тошкентлик Ҳастимом ҳазратлари, Исмоил Қаффол Шоийи, Ҳожа Аҳрор Валий, Занги ота, шунингдек, Ҳўёса Аҳмад Яссавий каби азиз-авлиёларимиз тарихини ўрганди. 63 ёшида Ҳажж қилиши саодатига мушарраф бўлди. "Умрим ҳикматлари" деган 324 мисрали достон ёзди. Муаллиф умр ийлидаги воқеа ва ҳолатлар орқали даврлар силсиласи, азобу уқубатлари, қувончу шодликларини образли тимсоллар билан тасвирлаган.

Эллик бешида Ҳумо қуши қўнди элим бошига,
Мустақиллик эълон қилди, ташаккур Юртбошига.
Таҳсин айтди аҳли жаҳон, журъатига, ишига,
Парвардигор назарига тушибдири ҳалқим мано.

80 ёш адаблар учун айни ижод қаймоқланган палла. Барот Истроилга Лутфий ёшини тилаб қоламан!

Ҳайдар МУҲАММАД,
шоир ва драматург,
“Дўстлик” ордени соҳиби

Ҳаёт – уммонда сузуб кетаётган кема. Сен уни ўзинг хоҳлаган томонга юргиз, акс ҳолда бошқаруви ўзгалар қўлига ўтиб, кунинг уларга колади.

Ҳамиша ишонч рухи билан яша! Ҳеч качон руҳингни туширма, энг мушкул пайтда ҳам, ўзингни ожиз сезма! Ҳар доим олға интилиб, ўз олдингта қўйган максадларингни амалга ошириб!

Умрингни бехуда ишларга сарфлагандан кўра, манфаат кўрмасанг ҳам ўзгаларнинг ҳожатини чиқарган афзали.

Баъзи бирорларга бирор эзгу ишни кил дессанг, ёшлигини ёки вакти йўклигини важ қилиб, фалон ёшга борганимда киламан, дейди. У билмайдики, Оллоҳ берган умри унга етадими, йўкми. Шунинг учун эзгу ишни бажаришга шошилиш керак. Акс ҳолда улгуролмай колишинг мумкин.

Ҳақиқатни ҳар бир инсон ўзидан талаб килиши лозим. Агар ўзи ҳақиқат билан иш юритиб, унга амал килса, ўзгалар ундан ўрнак олади.

Бобокалонларимиз илмни қадрлашга кўпроқ эътибор килиб, унга илохий тус берганлар. Шунинг учун бўлса керак, улар колдирган асарлар бизнинг давримизда ҳам қимматини йўқотмай ҳалқка хизмат килиб келмоқда. Ҳадиси шарифда айтилади: “Кимки илм истаб қадам кўйса, Оллоҳ таоло унга жанинат йўлини осон килғайдур”.

Бобокалонларимиз Юсуф Хос Ҳожиб, Аҳмад Яссавий, Абу Наср Фаробий, Мусо Хоразмий, Аҳмад Фарғоний, Абу Райхон Беруний, Имом Бухорий, Ибн Сино, Мотуродий, Маҳмуд Замахшарий, Абу Исо Термизий, Мирзо Улугбек, Мирзо Бобур, Ҳожа Аҳрор Валий сингари улугларимиз яратган асарларни ҳар канча ўқисанг яна ўқигинг келаверади. Асло зерикмайсан, бу асарлар ўз оламига олиб кириб, руҳингни ёшартириб, ҳакконий ҳаёт сари етаклайди. Уларни табаррук нонга киёслаш мумкин. Бир умр нон истеъмол килиб, ундан кўнглинг колмаганидек, мазкур асарларни умрбод ўқиб-ўргансанг ҳам, ҳар сафар кайта мутолаа қилганингда ўзининг янги маъноларини тақдим этаверади.

Менинг асосий бойлигим – китобларим. Шахсий кутубхонамда ўн мингта якин, деярли барча мавзуларга оид китоблар мавжуд. Уларни авлодларимга мерос килиб колдираётганимдан баҳтиёрман.

Инсон ҳаётда ўз кучига ва иктидорига ишониб яшashi керак. Акс ҳолда доимо ўзини боши берк кўчага кириб колгандек хис этади. Кариндош ва дўстлар ўғити ва ёрдами кишига илҳом беради. Бу уларнинг билиб-бильмай берган кўмаги ҳисобланади.



УЛУФ АДИБНИНГ УЛУФ НИЯТИ

Аҳмаджон МЕЛИБОЕВ

Бадиий адабиёт хазинасини ўзининг дурдона асарлари билан бойитган Чингиз Айтматовнинг ижоди билан таниш бўлмаган фаол китобхонни топиш кийин бўлса керак. Адиб асарлари дунёнинг барча китъаларида севиб ўқилади. Ҳар бир миллат вакили уларни мутолаа килар экан, ўзи, миллати ва ватанига дахлдор нарсаларни топа олади.

Айтматовнинг ижоди Ўзбекистонда кенг таркалган ва ўрганилган десак, муболага бўлмайди. Бунда Асил Рашидов, Иброҳим Гафуров, Суюн Қораев, Маҳкам Маҳмудов, Абдураим Отаметов каби маҳоратли таржимонлар, Файбулла Саломов, Акмал Саидов, Сайди Умиров, Париза Муҳаммаджонова каби таникли олимларнинг хизмати катта. Адибнинг тоғ ва дашт мавзусидаги кисса ва романлари бизни йигирманчи асрнинг буюк истеъодд эгаларидан бири – ёзувчи, публицист ва жамоат арбоби Чингиз Айтматовнинг бадиий ҳамда мъянавий олами билан ошно этди, ижтимоий-сиёсий, фалсафий-эстетик карашлари билан таништириди. Устоз Файбулла Саломовнинг адиб ижодининг сермаъно кирралари тўғрисидаги тадқикотлари Чингиз оғага муҳаббатимизни янада ошириди. Икки ёндош, кондош мамлакат халклари орасидаги азалий дўстлик ришталари, адабий, маданий алоқалар адибнинг маҳоратли қалами, журъиятли сўзи, бегубор қалби боис янада ривож топди.

“Айтматов ижоди бизга кўп жихатдан сабок бергулик мактабдир, – деб ёзган эди Ўзбекистон халқ шоири Абдулла Орипов. – Менинг учун Айтматов сабокларидан бири куйидагича: Чингиз оға ўзининг бенихоя жасур истеъодди билан ҳар кандай маҳдуд, қийин шароитда ҳам ҳақиқатни киёмига етказиб, ўринлатиб айта билишини исботлади. Адибнинг “Алвидо, Гулсари” асарини эсланг. Асар қаҳрамони Танабойнинг ҳам, унинг sodik йўлдоши Гулсари лақабли отнинг ҳам навқирон чоғлари жамият хизматига сарф бўлди. Бирок, улар картайгач назардан, эътибордан кола бошладилар. Ёзувчи мана шу фикрни мураккаб шароитда катта маҳорат билан бадиий асарга айлантириди. Бу гап бугунги кунда ҳам ўз актуаллигини, хаётий кимматини йўқотган эмас. Албатта, ҳар кандай буюк адибнинг ҳам ўз услуги, оҳанги бўлади. Толстойни Достоевскийдан фарқлашда дохиёна белгиларни илғаш мумкин бўлганидек, Айтматов ижодини кузатганда ҳам фақат унга хос бўлган

Аҳмаджон МЕЛИБОЕВ – 1946 йилда туғилган. Тошкент давлат университетининг (ҳозирги ЎзМУ) журналистика факультетини битирган. “Бир заминда яшаймиз”, “Умидли дунё”, “Ёллиз яшаб бўлмайди”, “Умр – учар юлдуз”, “Торнинг чўмичдан фарқи”, “Сувора согинчи”, “Кирқ бешинчي бекат” каби китоблар муаллифи.

фазилатларни дарҳол топа оламиз. Булар – чукур инсоний фалсафа ҳамда ғоят гўзал поэтик руҳдир”.

Ёзувчи халқимиз тарихи ва маданиятини, бой маънавий меросимизни яхши билади, чукур ҳис этади, буюк алломаларимиз билан ўзбек халқи каби фаҳрланади. Унинг кисса ва романлари, публицистик мақолалари, долзарб маърузаларида халқимизнинг шонли тарихи, буюк аждодларимиз мероси, Самарканд, Бухоро каби ўтмишга шоҳид шаҳарларимиз билан фаҳрланиш, Орол кўлининг тақдирига куяниш каби ҳолатлар кўплаб учрайди.

“Асрни қаритган кун” романи қаҳрамонларидан бири Қазангап тақдир тақозоси билан олти йил Мирзачўлга келиб яшайди. Шу ерда хивалик Бўкей исмли коракалпок кизга уйланади. Умри нийоясига етаётганида Орол денгизига бориб, бу баҳри уммон билан видолашади. Куриб-қақшаб бораётган денгизнинг кум босган соҳилларига тикилар экан: “Орол дунё тургунча турар эди, мана энди, шу денгиз ҳам курияпти, одам умрини гапирмаса ҳам бўлади” дейди ва Эдигейдан вафот этганида Она Байитга дағн этишини илтимос қиласди. “Жамила”даги Дониёр ҳам бизга ёт эмас. “Турмуш бу муштдек болани не кўйларга солмаган, тириклик дардида у қаерларга бош урмаган. Дониёр кўп вақт Чакмок даштида кўй бокиб юриб, вояга етгач, жазирама чўлларда канал қазиган, янги тузилган хўжаликларда пахта экиб, экин сугориб, охири Тошкент яқинидаги Оҳангарон шахталарида ишлаб, ўша ердан армияга кетган эди”. “Чўккида колган овчининг охи-зори”да Чингиз Айтматов Соҳибқирон Амир Темурнинг Шероз шаҳрида ҳофиз Шерозий билан бўлган учрашувини ёдга олиб, улуғ ҳукмдорнинг куйидаги сўзларини келтиради: “Ўз шоирини излаб юрган подшонинг кўл остидаги халқ баҳтли бўлади. Бирок, ўз ҳукмдорини излаб юрган шоирнинг халқи баҳтсиздир”.

Зарафшон дарёси ошиб, атрофга хавф солганида собиқ иттифок матбуотида Айтматовнинг “Инсонга таъзим эт, Зарафшон” сарлавҳали мақоласи эълон қилинади. Устоз Миртемир домла “Манас” эпосининг дастлабки кисмларини ўзбек тилига ўтириб, муҳокама килиш учун Қирғизистонга юборганида, Чингиз оға “Ҳеч қандай эътирозим йўқ, жуда яхши таржима қилинган. Чўнг шоир Миртемир шундай иш килдики, биз энди ундан карздор бўлиб колдик”, дейа таржимага юкори баҳо беради. “Миртемирни Ўзбекистонда қандай севсалар, хурмат килсалар, кадрласалар, бизда, Қирғизистонда ҳам шеърият муҳлислари ва, умуман, “Манас”ни миллий тарихий бойлигимиз сифатида, аклий эпик ижоднинг чўккиси сифатида севиб, эъзозлайдиган, қадрлайдиган ҳар бир киши, “Манас” ҳакида кайфуриб, уни республикамизга кўшни бошқа вилоятлардаги одамлар ҳам иложи борича кўпроқ ўқишини ўйлаган ҳар бир киши, у ким бўлишидан қатъи назар, Миртемирни ёдга олмаслиги мумкин эмас, уни миннатдорлик билан эсламаслиги мумкин эмас, бинобарин, биз зўр эътибор билан ўрганаётган ва ўрганишимиз лозим бўлган жуда қадимий ва бой анъаналарга эга бўлган ўзбек халқи адабиётини, маданиятини эхтиром билан ёдга олмаслиги мумкин эмас ва мен ўйлайманки, биз ҳам ўз навбатида, ўзбек адабиёти ва маданияти бойликларини ўз ижодий истеъмолимизга қўшиш учун харакат қилишимиз керак, албатта шундай киламиз”, дейди адиб мамнуният билан.

Чингиз Айтматов ўзбеклар диёрини ўз юртидай, одамларини туғишган оғаниниларида қадрлайди. Миртемир, Зулфия, Одил Ёкубов, Пиримкул Қодиров, Шукрулло, Эркин Воҳидов, Абдулла Орипов, Максуд Кориев, Зиёд Есенбоев, Ботир Зокиров, Асил Рашидов, Анвар Жўрабоев, Суюн Қораев, Париза Мухаммаджонова ва бошқа кўплаб ижодкорларни якин дўст билиб, улар билан умрининг охиригача самимий мулокотда бўлди. Чингиз оға Ўзбекистонда унинг ижодига зўр кизиқиши

билин каралаётгани, бაзни асарлари кирғиз тилица чоп этилаётган асарларидан күра хам күп нұсхада босилаётгани, ўкувчилар уларни севиб мутолаа килишаётгани, “Сарвкомат дилбарим”, “Момо Ер”, “Оқ кема”, “Алвидо, Гулсари”, “Сохил бўйлаб чопаётган олапар” ўзбек саҳналарида намойиш этилаётгани, таржимонлар, режиссёр ва актёrlар бор маҳоратларини ишга солиб, унинг ўй-фикрини китобхонга, томошибинга тўғри етказишаётгани, республика олий ўкув юртларида ижодига бағишиланган анжуманлар доимий равища ўтказилаётганидан хурсанд эди. “Менга ихлос қилиб, китобларимни ўзбек тилига таржима килган дўстларимга, айниқса, адабиётшунос, таржимон Асил Рашидовга ташаккур айтмоқчиман, – деган эди Чингиз оға. – Чунки менинг “Оқ кема”, “Жамила”, “Алвидо, Гулсари” каби бир қанча повестларимни Асиликон ўзбекчага худди мен кирғиз тилица ёзгандай жарапндор килиб таржима кила олган”.

Чингиз Айтматов ижодини ўрганиш ва тарғиб килишда алоҳида фаоллик кўрсатаётган олимларимиздан бири – филология фанлари номзоди, география фанлари доктори, ҳалқаро Чингиз Айтматов Академияси аъзоси Суюн Қораев бўлади. Адид Суюн оға ижодига шундай баҳо беради: “Умримда касб-кори бошқа-бошқа эса-да, мен билан ҳамфикр, росттгўй, ҳақиқатгўй кўп одамлар билан мулоқотда бўлганимдан фахрланаман, уларни хурмат қиласман, кадрлайман, кўлга кирилган ютукларини кўриб хурсанд бўласман. Ана шундай инсонлардан бири – ўзбек-киргиз ҳалкларининг фарзанди, захматкаш олим Суюн Қораевдир. У менинг бир катор асарларимни ўзбек тилига таржима килган, матбуотда кўп маколалар эълон қиласан. Мехнаткаш олимнинг илмий фаолияти менинг ижодим билан чекланиб қолган эмас. Суюн Қораев ўзбек-киргиз ҳалклари ўртасидаги кардошлик алокаларини янада мустаҳкамлаш, икки элнинг чин маънавий кадрияtlарини тарғиб қилиш, уларни янада юксак погоналарга кўтаришга ўз хиссасини кўшиб келаётir. Илмий-публицистик маколаларида “Манас” ва “Алномиш” эпосларига, ўзбек ва кирғиз тилларининг айрим муаммоларига бағишиланган эътиборга молик фикрлари ўкувчиларни бефарқ колдирмайди. Ҳар кандай ижодкор икки элга Суюн Қораевдай жон-дили билан хизмат киласа, жамиятимиз учун ўта кадрли бўлар эди”.

Айтматовшунос олим А. Акматалиев куйидагиларни таъкидлайди: “Бир вактлар кирғиз шоири Жўмарт Бўканбоев шеърларининг бирида: “Шундай вакт келадики, кирғиз адабиёти юрт худудидан чиқиб, Европа бўйлаб, дунё бўйлаб кадам ташлайди, дунё адабиётининг кичик бўлса ҳам муносиб бир таркибий кисми бўлиб қолади”, деб башорат килган эди, шунга ишонган эди. Кўриб турибизки, у ҳақ бўлиб чиқди. Лекин ўша пайтлари бу шеър муаллифининг орзу-умидларини китобхонлар шоирнинг шунчаки ширин хаёли деб ўйлаганлари аник. Орадан бор-йўғи бир неча йил ўтди, бу орзу-умидлар Айтматов мисолида рўёбга чиқди. Кирғиз адабиёти адабий олимп сари шиддат билан кўтарилимоқда. Ҳаққоний, аччик ва, айни пайтда, некбин бадиий сўз турли мамлакатлар ва китъалар оша китобхонлар юрагида акс садо топмоқда. Айтматовдек истеъоддод эгасини тарбиялаб вояга етказган ҳалқ баҳтиёрdir”.

“Чингиз Айтматов публицистикаси ҳаётий ва ижодий тажрибаси катта, билим савиаси жуда кенг, иттифок, ҳатто жаҳон адабиёти дурданаларини кўп ва хўб ўқиб, мағзини чаққан, гражданлик туйғуси кучли, мамлакат тақдирига чукур даҳлдор, дунё воқеаларидан яхши хабардор, олам зарбини юраги қаъридан ўтказувчи, далил, ходиса ва жараёнларга замонавий онг, самовий тафаккур (“планетарное мышление”) юксаклиги ҳамда теранлигидан караб хукм чикарувчи, баҳо берувчи дониш, етук, истеъоддли ёзувчининг публицистикасидир, – деб ёзади адабиётшунос олим

Сайди Умиров. – Унинг очерк ва эсселари, макола ва хатлари, сухбат ва нутклари қамровининг кенглиги, маъносининг теранлиги, охори тўкилмаган, кутилмаган далил ва мисоллар, босик ва эхтиросли, чўнг ва тифдор фикрларга, санъаткорона мушоҳада, фалсафий муҳокама, публицистик мулоҳазаларга бойлиги, тилининг соддалиги, ширадорлиги, образлилиги, рангдорлиги, сўз ва ибораларнинг аниклиги... ва яна кўп фазилатлари билан ажralиб туради...”¹

Чингиз Айтматов ижоди хусусидаги тадқиқотларда бир савол кўп бор тақорланади: адид феномени қандай пайдо бўлди, қандай шаклланди? Бу саволга жавоблар турлича бўлса-да, уларда бир умумийлик ҳам бор. Айтматов ижодин тахлил килган адабиётшунос Георгий Гачев буни қуйидагича изоҳлади: “Чингиз Айтматов жиддий кескинлик авж олган тарихий майдонда – XX асрнинг 30-йилларидағи Кирғизистонда вояга етди. Бир томондан – кишилар қадимиудумлар билан яшётган, ҳали тарих тилга кирмаган, оқинлар достон айтиб, афсоналардан сўз очадиган патриархал кўчманчи ҳалқ турмуши, иккинчи томондан – шимолдан, Россиядан, Москвадан ҳозирги жаҳон цивилизацияси илғор тўлкинларининг кириб келиши: социализм гоялари, индустрIALIZация, шаҳар турмуши, хотин-қизларнинг тенг ҳуқуқлилиги, рус классик адабиёти вакиллари Пушкин, Толстой, Достоевский асарларининг кириб келиши, шахс ва маънавий ҳаётнинг нафис моҳияти. Бошқача айтганда, жаҳон тарихи ибтидоси билан интихосининг юз қўришиши: ибтидоий жамоа кишисининг қалби, унинг руҳияти ва турмуш тарзи, авто ва авиаада сайр киладиган, нисбийлик назариясидан ҳабардор, тоталитаризм ва демократиянинг, Осиё ва Европа анъаналарининг муаммоларидан татиб кўрган замонавий, ҳатто ўта замонавий модерн шахс билан оғиз-бурун ўпишиб кетиши. Шундай килиб, мингларча йиллар – бир киши ҳаётicha умр кўрадиган хомсуг эмган банда Чингизнинг жони ва акл-идроқи ана шу узок даврни камраб олиши керак эди. У шундай килди ҳам: унинг асарлари кирғизларга ҳам, русларга ҳам, мексикаликларга ҳам – савияси турлича бўлган ҳалкларга маънавий кўмак бермоқда”.

Георгий Гачевнинг фикрига қўшилиш мумкин. Бирок, бу сатрлар собиқ тузум пайтида ёзилгани боис, унда оддий бир ҳақиқат етишмаётганини сезиш кийин эмас. Ҳа, шимолдан Ўрта Осиёга замонавий цивилизация, катта бадиий адабиёт, замонавий маданият, янгича урф-одатлар кириб келди, шу билан бирга, бу ўлкаларга кизил мафкура қаноти остида ялпли даҳрийлик, миллий ва диний қадриятларни оёқости килиш, ўтмиш тарихни соҳталаштириш, мислсиз қатағон ҳам келганини эътибордан сокит кильмаслик керак. Қатағоннинг қонли панжаси Айтматовлар хонадонига ҳам азоб-укубат олиб келди. Отасиз ўсган ёзувчининг ижоди, дунёкараши ана шундай мураккаб, акл-идрок билан ҳам англаб бўлмайдиган замон ва шароитда шаклланди, десак тўғри бўлади.

Шу ўринда Айтматовнинг 1964 йил 12 февралда Тошкентда ўтказилган Осиё ва Африка мамлакатлари ёзувчилари билан алоқа ўрнатиш комитетининг мажлисидан сўнг “Ўзбекистон маданияти” (ҳозирги “Ўзбекистон адабиёти ва санъати”) газетаси мухбири билан сұхбатида айтган қуйидаги фикрларини ёдга олиш жоиз: “Шарқ ҳалклари адабиётидаги прогрессив қанотнинг кучайиб боришига, илғор тенденцияларнинг мустаҳкам илдиз отишига ёрдамлашишимиз, адабиётнинг ҳаётбахш таъсирини кенг авж олдириш жараённида Шарқ ҳалклари адабиётини, жумладан, Ўрта Осиё ва Қозогистон адабиётини чинакам ҳалкчил, прогрессив

¹ Сайди Умиров, “Ер ҳам сув-ла ҳамкор, яккалам. Адид публицистикаси ҳакида ўйлар”, “Кишилек ҳақиқати”, 1988 йил 10 декабрь.

адабиёт даражасига кўтаришимиз керак”. Айтматов ўз ижоди билан бу ваъдасининг устидан чиқди.

Устоз олим Нажмиддин Комиловнинг қўйидаги фикрларига эътибор берайлик: “Оқ кема” каби “Соҳил бўйлаб чопаётган олапар” қиссасида ҳам афсона ва реал хаёт тасвири қўшилиб, аралашиб кетади. Асотир ва туш, табиат кучлари ҳақидаги ибтидоий тасаввурлар патриархал жамоа кишиларининг характерларини яратиш, ўзларини табиатнинг бир бўлраги деб билиб, унга сифинган, ундан мадад олган ва табиат билан доимо курашиб келган одамларнинг турмуш тарзини акс эттиришга кўмаклашишдан ташкари, табиат ва инсон орасидаги муносабатларни ҳам янгича талқин қилишга олиб келган. Шундай усул туфайли қисса-истиора даражасига кўтарилиган бу асар айни вактда қисса-достон ҳамдир. Достон бўлгандан ҳам драматик достон, насрой тилда ёзилган муентазам ва мустахкам ички ритмга бўйсунадиган, ботиний лирик-публицистик интонацияга эга достон. Бу ритм қиссага алоҳида рух бағишлигар. Серэхтирос мусика аввалига вазмин, салобат билан янграйди, кейин бора-бора кучайиб, шиддат касб этади, руҳий кийноқ ва изтироблар пўртганасини аланголатадиган авжли, куюқ оҳанглар босиб кела бошлайди, сўнгра охирида яна ёруғлик, нурни қалбга индирадиган фараҳли куй янграгандек бўлади². Дарҳақиқат, эътиборли ўкувчи Айтматов асарларини мутолаа қилас экан, кўз ўнгида ҳаётнинг кутилган-кутилмаган изтиробли пўртналари, вокеа-ҳодисалар, кескин бурилишлар, айрилик ва йўқотишлар, фидойилик ва соткинлик, соддалик ва маккорлик, вафо ва садоқат, исён ва кўниши фикр-манзара, фикр-хулоса, фикр-ибрат янглиғ намоён бўлади.

“Айрим асарларни китобхон ва танқидчи сифатида идрок этганимизда, фавқулодда ҳодисаларнинг гувоҳи бўламиз, – деб ёзди драматург Мар Бойжиев. – Айтматовни ҳаммамиз севамиз, унинг истеъоди ва маҳоратига койилмиз. У барчага якин ва тушунарли. Таъкидлаб айтаман: барчага. Вахоланки, бошка кирғиз ёзувчиларининг ҳам кизиқ, ҳатто маҳорат билан ёзилган асарлари бор, улар бизнинг ўзимизда муносиб бир тарзда эътибор топади-ю, Республикадан ташкарига чиқса, жарангламай қолади... Шу боисдан, кўлумгга қalam олганимда, вужудимни турли шубҳалар коплаб, ўйланиб қоламан: ёзаётганим керакли бир нарсами? Шундай ёзсан бўлармикин? Ёзганларим юртдошларим билан бирга Қирғизистондан ташкаридаги китобхонларга ҳам маъқул бўлармикин?.. Айтматовга келганда, очик айтишим керак: бу тажриба менга халал беради. Халал беришининг маъноси шуки, Айтматовдан кейин миллий мавзуда унинг даражасида ёзиш кийин. У юксалиб бораётган прозамиз тараккиётидан ўн йиллар олдинга сакраб ўтиб кетди. Эндиликда бизнинг олдимизда нима ҳакида ёзиш кераклигидан кўра, қандай ёзиш керак, деган муаммо кўндаланг туриб қолди”.

Мар Бойжиевнинг фикрича, драматургиянинг миллийлиги асар қаҳрамонларининг одатлари, феъл-атвори, қalamга олинган вокеликнинг вақти ва ўрни, муайян миллатга мансублиги билан ўлчамнайди. Вокеа кишлоп ёки шаҳарда кечадими, бундай ўлчам тор миллий, маҳаллий мазмуннигина белгилайди. Соф миллий драматургиянинг олий намунаси ўзининг бирмунча лўнда, аниқ бўлган миллий киёфаси ва, асосан, руҳиятидан ўсиб бориб, нафакат битта миллат ёки минтака, балки дунёвий муаммолар сари боради. Бу ўринда вокеа ҳатто кичик бир оролчада ҳам юз бериши мумкин, лекин у шу жода ривожланиб, бутун китъанинг муаммосини ўргага ташлай олиши керак. Бу ҳолат ҳозирча факат Чингиз Айтматов ижодида яшаб турибди. Айтматов қаҳрамонлари гўё оддий кирғиз ҳалки, бирок

² “Ўзбекистон адабиёти ва санъати”. 1984 йил 27 июль.

улар ўргага ташлаган муаммолар ер шари барча ахолиси учун бирдек тааллукли. Дунёнинг бир чеккасида олис күмлар бағридаги икки-уч хонадондан иборат кичик кишлек кишилари бутун замин, колаверса, коинот масалаларини ўргага кўяётган эканлар, бу энди кирғиз халқинингнина муаммоси бўлиб қолмайди...³

Чингиз Айтматов “Правда” газетасининг Ўрта Осиё бўйича мухбири бўлиб ишлар экан, минтака кенгликларини кезиб юриб, юртимизда турли касб эгалари – академиклар Faфур Ғулом, Кори Ниёзий, ўша йилларнинг машҳур пахтакорлари Манин Жалолов, Турсуной Охунова, Жўрабой Фойипов, Ўсканбой Саримсоқов ва бошқа кўплаб донгдор кишилар билан сұхбатлашади, Мирзачўл ва Андижондаги илғор пахтчилик хўжаликларида бўлиб, пахтакорларнинг ҳаёти билан бевосита танишади. Тошкентдаги кинохроника студиясида Тошкент, Самарқанд ва Бухоро тарихига оид ноёб ленталарни томоша килади, кўрик ва бўз ерларнинг ўзлаштирилишига оид тарихий хужжатларни ўрганади. Мирзачўлда янги ер очаётган чўлқуварлар билан сұхбат куради, яйдоқ дашт изгириналарини, тупрокни эндингина ёриб чиккан нимжон пахта кўчатлари гармсеп шамолида қандай нобуд бўлаётганини, одамлар қайта-қайта ерга уруғ қадаётгандарини ўз кўзи билан кўради. Ва, шундан кейингина кўлига калам олади. Натижада машҳур “Пахтанинг ойдин йўли” сарлавҳали публицистик тадқиқот мақола юзага келади.

Публицист мақола учун кўпдан-кўп ракамлар, фактлар тўплаган, пахта толасини қайта ишлаш жараёнини ўрганган, бу ноёб экин туридан ишлаб чикиладиган газламаю ёғ, совун, кунжарагача кизиккан бўлса-да, мақолада уларни қалаштириб ташламайди. Пахта – ўзбек халқининг миллий ифтихори, деган баландпарвоз сўзларни тақорламайди. Аксинча, ўкувчи эътиборини гоҳ ўтмишга, гоҳ фазода учиб бораётган космик кемага, пахта далаларига қаратади, мулоҳаза юритишига чорлайди. Дастрлабки “юқ”ли сатрларда ёк музаллифнинг мақсади ойдинлашади: “Қадимий ўзбек маданияти ўзининг ажойиб ютуклари билан азалдан ҳам машҳур, – деб ёзди у. – Ўзбеклар Ўрта Осиёда тенги йўқ ирригатор, дехқон сифатида танилган. Ўзбек меъморлари фусункор Самарқанд ва Бухорони бунёд этдилар. Ўзбек халқи орасидан ўрта асрнинг машҳур астроном олимни Улугбек, абадий барҳаёт Алишер Навоий етишиб чиқди. Кейинчалик демократ шоир ва ёзувчиларнинг бутун бир авлоди етишиб чиқди, улар орасида Мукимий, Фуркат каби улкан адиллар бор. Буларнинг ҳаммаси ўзбекларнинг маданияти, фани, санъатига тааллуклидир, буларнинг ҳаммаси ўзбек халқининг миллий ҳазинасидаги дурдоналардир”.

Публицист улкан пахта хирмони юксалаётган кузги йигим-терим палласини маҳорат билан, таъсирчан бадиий воситалар оркали тасвиirlайди: “Кўз ўнгингизга Ўрта Осиё куз тунини келтиринг. Юлдузли тунда корли тоғлар, улкан чўллар бағрида ям-яшил водийлар, кишлеклар, йўл ва дарёлар ястаниб ётибди. Сиз факат самодагина эмас, балки бу ерда, йўлларда, далаларда харакат килиб юрган чароғон юлдузларни кўрасиз. Бу – пахтакор тунининг чирокларидир. Энди космосга караб йўналган, Ой томон турна катор тизилган “оқ олтин” ортилган шафакранг эшелонларни тасаввур килинг. Шунда сиз пахта ортилган бу космик эшелоннинг узунлиги Ой билан Ер ўртасига тўрт марта бориб келишга етади деб ҳаёлан киёс киласиз. Бу ерда хеч қандай муболага йўқ. Буни академик Кори Ниёзий хисоблаб чиқкан. Бу – старт майдони ўзбек пахтакорлари даласидан Ойга томон учирилган улкан оқ ракета арифметикасидир... Ҳа, азиз газетхон, хозир сиз газетани кўлингизга олаётган бир пайтда Ўзбекистонда навбатдаги тонна-тонна пахта териляпти. Бу ерда кечаю кундуз пахта теришади, куну тун пахта теришади. Бутун халқ шу иш

³“Марказий осиё маданияти” хафталиги, 2002 йил, № 12.

билин банд, одамларнинг кучи, ақл-заковати шу “оқ олтин” билан боғлиқ. Океан сувларида ҳайбатли айсберглар пайдо бўлганидек, ўзбек ерининг сахий бағрида ўстирилган “оқ олтин”дан пахта пунктларида кун сайн эмас, балки соат сайн, дакика сайн тог-тог хирмонлар кад кўтаради...”⁴

Айтматов Мирзачўл изғиринларини Устюрг бўронларига қиёслайди. Бу ерда ҳам, у ерда ҳам одамлар табиат билан олишиб ётишибди. Ҳар қарич ер, ҳар қултум сув, ҳар ҳовуч дон учун чинакамига кураш бораётганини айтади. “Сув эса йўқ эди. Сирдарё узокдан окиб ўтади. Кишилар ўз меҳнатларини куёш билан боғлайдиган сув ҳакида орзу килардилар. Кудратли ирригатор Фарҳод ҳакидаги мунгли афсона ана шундан тўқилган. Лекин у, ҳатто афсонада ҳам ўз мақсадига етолмай ҳалок бўлади. Агар Фарҳоднинг нурли руҳи ҳозир Мирзачўлда кезиб юрган бўлса, у эҳтимол кувончдан кўзларидан юм-юм ёш тўқаётгандир ёки каналлардаги табаррук сувга тўймай бокиб, юраги орзикаётгандир...”

Шўро тузумининг пахта борасидаги гайрихалкчилик сиёсати бора-бора шу ҳосилни етиширувчи олтин кўлларни итоаткор, кадди дол кулларга айлантириди. Ҳаводан туриб пахта далаларига, сув ва бошқа экинзорларга сепилган заҳри қотил ўз ишини қилмай кўймади. Бу ҳам етмаганидек, ўзбек ҳалки шаъни ерга урилди, “пахта иши” деган айблов билан минглаб пахтакор дехконларнинг кўлига кишиан солинди. Ҳалқимиз ёппасига пораҳўрликда, кўзбўямачилиқда айбланди. Бутун умри далада ўтган асл фарзандлар кийинкка олинди. Ўтган аср саксонинчи йилларининг ўрталарида собик иттифокнинг марказий нашрлари деярли ҳар куни ўзбек ҳалқини қораловчи, миллий, диний қадриятларини таҳкирловчи мақолаларни пешма-пеш босиб чикара бошлади. Биргина Ахмаджон Одиловга бағишлиланган, унинг аслида йўқ “тогдек уйилган” тиллалари, еростига кўмиб кўйилган бошқа ҳазиналари тўғрисидаги бўхтон чиқишилар кулокни батанг килди. Қашқадарёлик, сурхондарёлик, воҳа ва водийлик кўплаб айбисиз пахтакорлар камоқхоналарга ташланди. Ўша йиллари жиддий мақолалари билан ўкувчилар эътиборига тушган “Огонёк” журнали ҳам Москвадан туриб, миллий республикалар шаънини булгашдек номатлуб ишдан ўзини тия олмади. Ушбу журналда А. Головков деган кимса асоссиз, уйдирма фактлардан иборат бўхтон мақола ёзиб, бутун ўзбек ҳалқини дунё ҳамжамияти олдиди ёмонотликка чиқармокчи бўлди. Шунда Чингиз Айтматов иттифок минбаридан туриб, яна ўз сўзини айтди, ҳалқимиз шаънини, қадр-қимматини ҳимоя килди, умри далада ўтаётган, очиккўнгил, меҳмондўст, бағрикенглиги билан дунёга танилган ҳалқ, миллат ёппасига ўғри, муттаҳам бўлиши мумкин эмаслигини баланд овозда эътироф этди. Ўзбекистон ҳакида, ҳалқимизнинг юксак ақл-заковати, тарихи, буюк аждодлардан колган бой мероси, жаҳон тамаддуни ривожига кўшган хиссаси тўғрисида кўплаб мақолалар ёзди, ўзбек маданиятининг Ўрта Осиёга кўрсатган таъсирини кўхна Византиянинг қадим Русга кўрсатган таъсири билан қиёслади. 1990 йили Ўш ва Ўзганда фожиали воеалар содир бўлганида айрим адиллар сингари ўзини четта олмади. Можародан жафо чеккан ҳар икки томоннинг дардига дардлош бўлиб, улар ёнида турди. Икки туркий қавмни тўқнаштириш аслида кимларга керак бўлиб қолганини куяниб, ички бир изтироб билан тушунтириди.

Собик тузум инкирозга юз тутгач, иттифоқдош республикаларда миллий ўзликни англаш, миллий ва диний қадриятларни тиклаш, соҳталаштирилган тарихни тозалаш ҳаракатлари бошланди. Маънавий жабҳада юзага келган бўшлиқни эгаллаш учун четдан турли оқимлар биз томонга мўралаб кела бошлаган пайт эди

⁴ “Правда”, 1964, 9–10 ноябрь, “Совет Ўзбекистони”, 1964, 11 ноябрь.

ўшанда. Бу ҳаракатларни миллатчилик деб баҳолаб, бир мамлакатда, бир жойда муким яшаётган турли миллат ва элат вакиллари орасига низо солишга уринишлар авж олди. Бу жуда хатарли эди. “Миллий низолар шуниси билан кўркинчлики, хар бир тараф одамлар бошдан кечираётган азоб-укубатларни факат миллий белгига кўра, ўз йўқотишлари ва даъволарига кўра қилади ва шу боис, кўр-кўроня уч олиш истаги ўз-ўзидан жўш уради, – деб ёзи Чингиз Айтматов Ўш воқеаларининг бир йиллиги муносабати билан ёзган “Жаханнам узра карғалар фарёди” эссесида. – Бу истак даҳшатли юкумли касаллик – нафрат вабосини урчитади. Нафрат вабо каби урчиганидан сўнг, худди тоғдан тушиб келаётган сел оқими каби бир зумда асрлар давомида шаклланган акл-идрокни босиб-янчиб, суриб кетади. Халкнинг фожиаси шунда. Бундай ҳолатда касос олишга интилган тарафлар ўртасига тушган ҳар ким, улар учун ҳам, булар учун ҳам душманга чикади. Яраширувчининг фожиаси шунда”.

Инсон бу ёруғ оламда умргузаронлик килар экан, ҳаёти давомида кутилмаган ҳодиса-ю ҳолатларга дуч келиши, мураккаб муаммолар гирдобига тушиб қолиши мумкин. Бундай пайтда тил нажоткор кучга айланади, хиссиётта берилиб, ғазаб отига мингандишина эса ожизлик килиб, бир оғиз ноўрин сўзи билан уни баттар мураккаблаштиради. Ҳаётда ўйламай-нетмай айтилган биргина сўз, бехаё бир ибора оилани барбод қилгани, ака-ука, опа-сингил, қариндош-урурги бир-бирига тескари қилиб қўйганига мисоллар кўп. Миллат шаънига ботадиган, ғуурига тегадиган асоссиз айблов ёки таҳкир боис халклар, мамлакатлар ўртасига раҳна солингани, жангу жадалларга сабабчи бўлгани ҳам сир эмас. Чингиз Айтматовнинг кўплаб маколаларида бу фикрлар ўзининг қўйма ифодасини топган.

Кайковуснинг машҳур “Қобуснома” асарида дейиладики, “Ҳар кишига сўз айтар бўлсанг, қарагил, у сенинг сўзингга харидорму ёки харидор эмасму? Агарда уни сўзингта харидор топсанг, унга сўзингни сотғил. Йўқ эрса, ул сўзни кўйиб, шундок сўз дегилким, унга хуш келсин ва сенинг сўзингта харидор бўлсин”. Ўш фожиаларидан сўнг бу воқеаларни ўз кўзи билан кўрган ёзувчиларнинг сўзига муҳтожлик бор эди. Жуда ҳам зарур эди уларнинг сўзи. Биринчи бўлиб Чингиз оға дилини ёзи: “Ёзувчи сифатида бу сафар ахволимиз одатдагидан бошқача. Иложимиз битта. Одамларга сўз айтишимиз керак. Ҳа, сўз айтгани борамиз. Албатта, эндики кескин ва каттик-курук тушунчаларга кўра, бу – ўта соддалик эди. Бунинг устига, ёшимиз ҳам бир жойга бориб қолган: гуруллаб ёниб турган жаҳолат ёнига сўз билан бориб бўладими? Оломон тупурмайдими, тошбўрон килмайдими? – дейди адиб. – Ўш воқеалари туфайли биз Москва ва Тошкентда телефонда туриб, бир-биримизни тушунишимиз кийин бўлмади. Пиримқўл Қодиров, Одил Ёкубов оғиздан сўз чиқмай мени тушуниши, мен ҳам уларни худди шундай тушундим: тақдир халкларимизга ва, демак, бизга ҳам янги оғир синовлар юбормоқда эди. Ҳар бир давр ўз халокатлари билан келади. Ҳа, бу халокат бизники эди. Биз ёзувчилар қўлимиздан келганча, китобларимиз сахифаларида одамийлик уруғларини экишга карор килдик, аммо ҳаёт бизни конли ўримга дучор қилди... Бу “ўрим”га бизни бирлаштирган ғоя – уч ягона сўз билан бормок керак эди. Инсон умидсизликка тушган ва дилида умид учкунлари пайдо бўлган кезлари шу уч сўзга мурожаат қилади. Бу сўзлар Худо, Ўлим ва Нурдир”.

Чингиз Айтматов ўкувчини аста-секин қонли воқеалар майдонига олиб киради: “Ана осмон, ана тоғлар – устувор, кудратли табиат, пастда, хов қайдадир водийларда одамларнинг эҳтирослари кайнарди. Ўш аэропортига келсак, у бўзарган ой каби бўм-бўши эди, атрофни танклар ўраб олган, нигоҳимиз дастлаб уларга тушиб,

юрагимиз орқага тортиб кетди. Юртдошларимизга айтмокчи бўлган фикрларимиз, далилларимиз, ундовларимиз бир зумда кераксиздай бўлиб қолди. Фақат кўчаларга чикиб, жунбушга келган оломонга дуч келгандагина, сўзларимиз бу каҳр-ғазабга тўла издиҳом суронига кўшилиб жонлангандай бўлди. Томонлар факат ўз хақини талаб килиб, факат ўзини ҳак деб айоҳаннос соларди. Бошка тарафни жазолаш, таг-томири билан қуритиб, йўқ килиб юборишни талаб киласарди. Бизни буларга Худонинг ўзи еткизган экан. Низонинг даҳшатли кора кучи яшинқайтаргич каби, бизга келиб ҷарсиллаб урилди, зарбани биз ўзимизга қабул қилдик. Уларни акл-идрокка чакирдик. Газабдан кўзи кўр, қулоғи кар оломонга замонларнинг буюк маънавий чакириғини тақрорладик: Ўлдирма! Худди йўлда бўронга учраган йўловчилардек шу гапларимизни Ўш телевидениеси оркали айтдик, таъна ҳам қилдик, уришдик ҳам. Тарихдан сабоқ келтирдик... Яна шуни ҳам қаттиқ огохлантириб айтдикки, эртага эс-хуш жойига келганда, бу ваҳший қилғиликларни тан олиш янада оғир бўлади..."

Айтматов шу жумлаларни когозга туширап экан, ўз сўзларига ўзи изоҳ бергандай бўлади: "Сўзи инсон руҳига қаратилган адабиёт ва санъат ахли ўз халқининг маданияти, ўз халқининг хатти-харакати учун алоҳида жавобгардир. Миллий маданият осмондан тушмайди, у тафакур ва руҳнинг тинимсиз харакатидир. Шу маънода адиб тўда жарчиси ортидан эмас, ўзи эргаштириб йўл бошлаб боргувчидир".

Айтматов ушбу конли можаронинг ижтимоий илдизлари хусусида фикр юритади: "Асримизнинг энг оғир ҳодисаси бўлмиш тоталитар-яккаҳоқимлик тузуми асосида алоҳида бир мамлакатда юзага келган социализм чок-чокидан сўклилиб кетди (Пол Потнинг фуқароларни оммавий равиша маҳв этган тузуми шунинг бир нусхаси эди). Унинг ҳалокатига жамиятнинг ҳакиқий ахволи яширилгани, ҳомхაёлларга берилиб кетилгани учун оғир, шафқатсиз жазо кўшилиб бормоқда. Кўп замонлар биз сиёсатни юқоридан тушган ҳомхा�ёлларга ўрадик, ахлоқ ва маънавийликни тепадан келадиган кўрсатма асосида белгиладик, иктисадни партия мафкураси оталари тўкиб чиқарган шиор ва чакирикларга ўрадик. Улар куткуси билан синфийлик назарияси ва социалистик тажрибага нимаики тўғри, мос келмаса, барини кораладик, уларга нафрят ёғидирдик ва бу бемаъниликтин муқаддас бир нарса деб билдик. Ҳалқка эса мавҳум ҳаёлий сифатлар бердик. Ҳолбуки, ижтимоий-миллий ишқалликлар ва шу сабаб мамлакатда кучайиб бораётган норозиликларни, айтайлик, Ўш ахолиси ўртасидаги тарангликларни кузатиб бориши, хеч бўлмагандан, оддийгина хисоблаб чиқиши қўйин эмасди... Айтайлик, кирғиз ёки ўзбек чўпони мана бундай хисобкитобни кўрганда қандай туйғуларни бошидан кечираркин: бир килограмм майнин жун олиш учун қишин-ёзин иссик демай, совуқ демай чопиши керак. Шунча жундан битта эркаклар костюмига етадиган мато тайёрланади. Нарх-наво ошмасдан аввал шундай матодан тикилган костюм ўртача 250 сўм турарди. Уни тайёрлаш учун етарли хомашёни етказиб берган чўпонга бўлса З сўмгина тегарди. У тақдиринга лаънат ўқириди. Болаларимни бошка тилли интернатга бермай, рисоладагидек ўқитиб, одам киламан, уй қураман, енгил машина оламан, фарзандларим шахарга кочиб кетмайди, уларни шу ерда, кишлокнинг ўзида яхши уй-жойли килиб қўйман, дейиши ҳатто ҳаёлига ҳам келтира олмасди. Ароққа бўкиб ётган чўпоннинг мана шу ғам-қайғусида ҳалокатли бир тарзда рўёбга чикиши мумкин бўлган жиддий норозилик яшириниб ётарди. Ўш вилоятидаги ўзбек ва кирғиз пахтакор дехқонлари ҳам, агар баттар бўлмаса, мана шундай ахволда эдилар. Бутун Ўрта Осиёда ахвол мана шундай эди. Ок олтин деб аталағиган пахта етиштирадиган туманлар ахолисининг асосий зич бўлагини ташкил этувчи ана шу меҳнаткашларни аёвсиз

эзиш, гайриинсоний бир тарзда ишлатиш ҳакида қанчадан-қанча сүзлар айтилган. Ҳакикатан ҳам, оқ олтин, факат марказий идоралар учун, марказий монополиялар учун. Кимга эса тонг коронисидан тун зимиистонигача машаккатли меңнат эвазига бериладиган арзимас сарик чака. Бепоён пахта далалари. Арzon ишчи кучи, арzon меңнат. Четта катта фойда ҳисобига сотиладиган пахта. Ҳаммаёк пахта. Ҳаммаёк да пахта хукмрон. Ҳозир ҳам шундай. Бу бепоён далаларда дөхкон товук катагича ерга ёлчиласди. Биз ғоялар кишанида, ғоялар кули бўлиб яшардик. Биз узок вакт бу тўғридаги ҳакикатни айта олмадик. Тоталитаризмнинг асири эдик. Маълумки, қашшоқлик ва йўқчилик ўзида доимо ижтимоий ғазаб ва ғалаён уруғларини яширган бўлади...”

Айтиш жоизки, Ўзбекистонни бу ерда ахолининг зичлигидан фойдаланиб, кимматбаҳо пахта етказиб берадиган меңнаткаш ўлкага айлантириш собиқ тузум сиёсатдонларининг пухта ўйланган режаси эди. Шундай пайтлар бўлдики, умри пахта даласида ўтган, уйидаги боласидан кўра, саратон куёшидан нур эмиб ўсаётган ёзга ниҳолини ортикроқ кўрган дехқон бобо оламдан ўтганида, кафанликка оқ мато ҳам топилмай қолди.

“Жаҳаннам узра каргалар фарёди” эссеси: “Шамоллар эсган жойда ҳамон эсмоқда, кунларимиз эса ўша асрий бир иштибоҳ – нега яшяпмиз, тўғри яшяпмизми, деган саволлар ичра ўтмоқда, тақдир бизни тинимсиз имтиҳон килмоқда, бошимизга катта-кичик синовлар йўлламоқда, зилзила юз бериб, ер кўчармикин, каргалар фарёди бу дунё дунни бошдан-оёқ босиб кетармикин ё биз маданий дунёда ўзимизнинг янги ўрнимизга эга бўлармикинмиз, инсонлигимизни сақлаб қолармиканмиз”, деган изтиробли, аммо умидбахш саволлар билан тугайди. Таассуфки, орадан қанча йиллар ўтмасин, инсоният ҳали-хануз бу саволларга жавоб изламоқда. Ҳали-хануз ғазаб ва ғалаён уруғлари чорасиз оғат янглиғ ер куррасининг турли жойларида шафқатсизларча униб чиқмоқда. Тинч аҳоли бошига мислсиз бало-казолар ёғилмокда. Уруш харакатлари, боскинчилик, талончилик, зўравонлик, ўзгаларнинг ҳаётига аралашиш, мол-мулкига кўз олайтириш давом этаётир. Йигирманчи асрнинг жамики иллатлари шу мингийилликда қолиб кетади. Эзгулик ва жаҳолат ўртасидаги кураш янги кўринишларда, янги катлиомларда давом этаётир. Демак, хотиржам бўлишга ҳали эрта.

Чингиз Айтматов ўз асарлари ва бадий-публицистик мақолаларида дунё сиёсатидаги бу тушункисиз зиддиятларни бутун бўй-басти билан ифодалади, бор гапни борлигича айтиш учун ўзида журъат топа олди. Айни пайтда бундай сиёсатнинг ҳатарли, айни пайтда истиқболсизлигини, одамзод бир-биридан узоклашмаслиги, бир-бирини тушуниши ва бир-бирига ишонч кўзи билан бокиши лозимлигини тақрор-тақрор уқдиришдан чарчамади. Бугун мамлакатимизда давлатимиз раҳбари Шавкат Мирзиёев ҳалқ билан, узок-якин кўши nilар, кондошу жондошлар, самимий, дили пок, нияти холис ҳамкору ҳамфирлар билан дўст-қадрдонлик алоқаларини янгилаш, кайта йўлга кўйиш сиёсатини олиб бораётган экан ва бу ёруғ сиёсат ўйли одамларнинг турмуш тарзидан, кундалик ҳаёти ва самимий шукроналигига ўз аксини топаётган экан, Чингиз Айтматовнинг улуғ ниятлари рўёбга чиқаётганидан барчамиз мамнун бўлмогимиз ва шу янги йўлга содик қолмогимиз зарур.

Абдурахим ЭРКАЕВ

АБДУЛЛА ОРИПОВ ФЕНОМЕНИ

Эссе¹



ТИРИКЛИК – ҲИКМАТ, ЯШАШ – ЖАСОРАТ

Абдулла Ориповнинг муҳлислари, ҳавасмандлари каторида унинг ижодига ҳасад қилувчилар ҳам бор эди. Жумладан, турли ёшдаги касбдошлари орасидаги ҳасадгўйлар мафкура ва сиёсат билан шуғулланадиган ташкилотларни чалғитишга ҳаракат килдилар. Абдулла Орипов совет тузумига ғоявий ёт шахс, у тушкунлик руҳида ёзди, порлок коммунистик келажакка ишонмайди деган гапга уларни ишонтиришга зўр бериб уриндилар. Турли идораларга сиёсий-мафкуравий чакимчилик мазмунидаги хатларни жўнатиб турдилар. Бироқ ҳалқ ўз шоирини севарди. Унинг оташнафас шеърлари чоп этилмасданоқ, ёшлар ўртасида тарқалиб кетарди. Шеърият кечаларида, агар Абдулла Орипов учрашувда қатнашаётган бўлса, талабалар катта авлод шоирлари чикишини хушламай, “Абдулла Орипов, Абдулла Орипов” дея талаб қилганлари бор гап. Шундай учрашувларда катта ёшли шоирлардан бири ҳатто “Буни Озод (Озод Шарафиддинов) маҳсус уюштирган. Талабаларига Абдуллани олкишлашни тайинлаган” дея очиқча гапиришдан уялмаган.

Маҳаллийчилик кўзини кўр, кулогини кар килиб қўйган айрим кишилар “Чекка вилоятдан келиб қолган бир қишлоғи чорвадор боласига намунча хурмат. Мен ундан улуғман, мен аслзодалар, сайдлар авлодиман” деган иddaолар қилган. Абдулла Орипов бундай кўролмовчи кимсаларга шеъри орқали жавоб берди. Аслида шоирнинг ҳакикий таржимаи ҳоли унинг сатрларида, асарларида яширин.

Дунёда ҳар ишининг бордир ўз гали,
Олис хотиралар ҳамроҳ ишимга.
Шоирлик ёдимдан чиққан маҳали,
Чўпонлик ийларим тушар эсимга.
Кўйлар сурувини ҳайдайман борҳо,
Сибизга чаламан баъзида бегам.
Сурувим ичиди кўраман гоҳо
Мени чўпон деган кимсаларни ҳам.

Бошқа бир шеърида у ҳасадгўй ношуд ҳамкасбини сўзлатади:

Эй, сиз, студентлар, инсоғ борми ҳеч,
Бунчалар шаккоксиз, бунчалар нодон?!
Сиз қарсак чаляпсиз кимга эрта-кеч,

¹ Давоми. Бошланиши ўтган сонда.

Мен-чи, қолавердим бир четда нолон.

Гарчанд, баъзи жойда топдим эътибор,

Кўксимда нелардир таратур зиё...

Кўксини орден, медаллар, лауреатлик нишонлари безаб тузумини мактаб чарчамаган, шеъриятни мафкуравий тарғибот даражасига туширган, бадиийликка хиёнат килган ношуднинг ноласи бу. Ҳатто бир шоир ўзининг уруш катнашчиси бўлганини, Ватан учун кон тўkkанини пеш килиб, Абдулла Ориповнинг танобини тортиб кўйишини сўраб, тегиши марказий идораларга хат ёзган.

60-йиллар охири ва бутун 70-йиллар шоир хаётининг энг оғир палласи бўлди. Ҳар хил тухмат ва игволар, ҳар хил “жонкуяр муҳлислар” томонидан маҳсус ташкил килинадиган ичкилиқбозликлар Абдулла Ориповни ижоддан анча ҷалғитди, соғлиғини, асабларини ишдан чиқарди, бирок истеъдолини, бадиий тафаккурини пасайтира олмади. Унга муҳолифлари бошқа томондан – фарзандларини заҳарлаш орқали зарба беришга интилганини кўпчилик билмайди. Вокеа бундай бўлган. Кечаси ярим тунда қайсиdir малъун Абдулла Орипов яшайдиган иккинчи қаватдаги квартира балконига бир сиким заҳарланган думалоқ шаклдаги “холвачаларни” ташлаган. Шоир ижод билан машғул бўлиб, ҳали уйғоқ экан. Балконига нимадир шатир-шутур тушганини эшишиб, қизикиб чиқкан. Қараса, гултувакка тушган ҳуккачалардан бири намдан бижгий бошлаган. Бошқалари сочилиб ётибди. У оиласини уйғотиб, гултувакдаги ҳуккачани кўрсатади. уни олган янганинг икки бармоғи бироз куйган. Учтўрт ёшга кирган қизларидан бирортаси эртаси қуни сочилиб ётган холвачадан бирор донасини топиб олиб, оғзига солганда, оғзи куйиб, бўғилиб, ҳалок бўлиши мукаррар эди. Эр-хотин ҳуккачаларни териб олиб, эртаси тегишили идораларга берган. Ким бу қабиҳликни килгани шоирга маълум килинмаган. Факат эшик олдида турадиган вахтёр – кампирни “қарамагани” учун ишдан бўшатиб юборишиган.

Яна бир усул ҳар хил ваҳимали миш-мишлар тарқатиш эди. Балки уларнинг қандайдир асоси бўлгандир. Ҳатто шоир мана-мана қамоққа олинади деган гаплар юради. Ўшанда Озод Шарафиддинов: “Абдуллажон, агар сизни олиб кетишиса, изингиздан бориб, мен ҳам ёнингизда ётиб оламан, чикмайман”, деб шоирга далда берган. Озод домланинг сўзлари вазият анча қалтис бўлганини кўрсатиш баробарида ҳакиқий ҳалқпарвар зиёлиларимиз 30–40-йиллар охирдагидек энди катагонларга четда лоқайд караб турмаслигидан далолат беради. Тегишили идораларга Озод домланинг сўзлари етиб борганми, йўқми, бизга қоронғи. Аммо шоирга бу сўзлар катта таянч бўлганди, уни ўз муаммолари билан ёлгиз колиб кетганлик, иложисизлик туйғусидан ҳолос этганди.

Шоирни қамашнинг иложи бўлмаган. Чунки у жиноятчи-киссовур, йўлтўсар, ўғри, қаллоб ва хоказо эмасди. Сиёсий ва мафкуравий қарашлари учун катағон килишини партия расмий коралаб, бундай сиёсат энди қайтарилмаслигини КПСС МК карорида (1956 й) кафолатлаб кўйганди. Лекин бадарға килиши, мамлакатдан чиқариб юбориши, агар Ёзувчилар союзи аъзоси бўлмай, З ойдан ортиқ ишламаса, текинхўрликда айблаб, жавобгарликка тортиши мумкин эди. Совет тузумининг баҳтига қарши Абдулла Орипов союз аъзоси эди. Ўша йиллари шоирга нисбатан ишлатилган қабиҳликлардан яна бири – шоир хузурига маҳсус жўнатиб турилган “турли муҳлислар”нинг тинимсиз қатнаши, “танишиб” ичкилиқбозлик уюштиришлари эди. Ҳакиқий самимий муҳлислардан уларни ажратиш кийин бўлган. Ташкилотчилар ўртада танаффус бўлиб қолмаслигини, шоир доимо маст-аласт холда юриб, ижод килолмаслигини, соғлиғини йўқотишини мўлжаллаган. Лекин, инсоғ юзаси-

дан тан олиш керакки, республика раҳбарлари орасида шоирни зимдан қўллаб-кувватлайдиганлар йўқ эмасди. Шу сабабдан, унга ўша оғир 70-йилларда Республика комсомоли мукофоти лауреати унвони берилди. Ҳар холда бу шоирни очикча қўпол иғволардан, айнинса маҳфий хизмат иғволаридан, кисман бўлса-да, саклаб турди. 1980 йилда Ўзбекистон давлат мукофоти берилиши шоир макомини яна бир бор тасдиклади, химоясини кучайтириди.

Уни хукумат шифохонасига расман биритириб қўйдилар. Шароф Рашидов шахсан шоир соғлиги ва ижоди билан кизиқди. “Советский писатель” нашриёти директорига ва шоирнинг ўзига мактуб ёзди. Аммо ҳасадгўйлар сони янада кўпайди. 1981 йилда СССР Ёзувчилар союзи томонидан ёзувчилар қурутойига таклиф килинган (делегат этиб Ўзбекистон Ёзувчилар союзи уни сайламаган эди) шоир Москвада инфарктни ўтказди. Кейинчалик шоирнинг хукумат шифохонасида даволаниши кимларгайдир ҳасад ва гийбат учун мавзу бўлди. Алам билан шундай шеър туғилади:

Сен менинг дардимга қилибсан ҳавас,
Ҳавасинг келибди шифохонамга.
Дермишсан: “Ёр унга омаð ҳар нафас,
Айрича илтифот бор бу одамга...”
Сен-ку, ёвқур инсон, сог ва саломат,
Тоғларни ийқади турккан нафасинг.
Билмадим, юз бермии қандай адоват,
Закқум дориларга келмии ҳавасинг.

Абдулла Ориповга табиат улкан маънавий куч ва ирода ато этса-да, соғлиқдан қисган эди. Бунинг устига унинг соғайиб кетишига йўл қўймасликка уринувчи “улфатлар” ва гийбатчилар, иғвогарлар сони камаймади. Москвада инфаркт бўлиб колиши ўз-ўзидан юз берган эмас. “Қирқ ёш” деган шеърида ёзади:

Қирқ йилнинг нақ ярми йўлларда ўтди,
Ярми эса ўтди беморхонада...
Ким алам чекмабди умрида бир бор –
У мени англамас, англамас асло!
Ким ҳаққа ташнайдир, ким меҳрға зор,
Мен унга умримни этгумдир фидо.

Шоирнинг ҳар қадамини пойлаб юриш мустақиллик йилларигача давом этди. Изидан қўйилган пойлокчилар, табиийки, тегишли ваколатли идораларга ёзма ва оғзаки хисоб бериб, ҳар қадамини, ҳар айтган сўзини билдириб борганлар. “Умр” (хориждаги шеър) асарида ўқиймиз:

Умр-ку ўтади гулдурос солиб,
Унинг қайтганини ким ҳам кўрибди?
Во ажаб, қай бир зот, ўз умри қолиб,
Менинг қадамимни ўлчаб юрибди...

Абдулла Орипов шоирлик захматини Оллоҳ унинг зиммасига юклаган бурч деб билди. Ушбу бурчга содиклик унинг учун имон-эътиқод масаласига айланди, унга куч ва ирода бағишлади. 1974 йилдаёк “Ирода” шеърида шундай хulosага келади:

Сен борсан – топталиб кетмас заковат,

Сен борсан – одамзод етгай шарафга.

Йўқ эса қалбида тогдай матонат

Яшишдан не маъно эди Машрабга.

Ижоддан у иродаси ва имон-эътиқодини мустаҳкамлаш учун, иродадан ва имон-эътиқоддан ижодий бурчини бажариш учун куч олди. Ушбу муносабат билан “Жаннатга йўл”ни эслаш жоиз. Драматик достон дея аталган ушбу асарида бир қизчани куткарай деб ҳалок бўлган шоир йигитнинг гуноҳ-савоби хисоб-китоб қилинганда, жаннатга икки пайса етмайди. Йигит – ҳайрон. Ахир, у ҳаётида ёмон ишларга кўл урмаган, бирорни хафа килмаган. Тириклиқда ҳасадгўйлардан, разил, пасткашлардан кўп азоб чеккан йигит, охиратда дўзах азобига маҳкум бўлаётганидан афусланади ва тарозибондан гунохи нимада эканини сўрайди. Тарозибон жавоб беради:

Сен шоирсан, сенга Оллоҳ ёргу нур берди,

Оташ берди, забон берди, ҳам улуг юрак.

Тимсолингда бечоралар ўз дардин кўрди,

Бахтин кўрди, шодликларин кўрганлар бешак...

...Илоҳий дил берган эди сенга Худойим,

Кулоқ сол деб шўрликларнинг оҳи-воҳига.

Сен-чи само шуъласини куйладинг доим,

Шеърлар битдинг юлдузларга, гулга, оҳуга.

Оллоҳ зимманнга юклаган бурчни адо этмаслик, керак бўлса, ўзингни курбон килмаслик – гунохи азим, оғингдан дўзахга тортади, савоб ишларингни йўкка чикаради. Асар давомида қаҳрамон ҳакикатан ижодкорлик бурчини бажармагани, шеърлари билан одамларни ёвузликдан, ҳудбинликдан қайтаришга уринмагани, одамлар дардига бефарқ қолгани учун дўзахга лойик деб жазо тўғри белгиланганига амин бўлади. Тавба-тазарру туйғусини кўнглидан ўтказади, ўзига хос тарзда покланади. Тарозибон билан гуноҳсизлиги тўғрисида баҳс килган қаҳрамон охирги саҳнада дўсти билан учрашувда шоирлик бурчини бажармагани учун гуноҳкорлигини тўла бўйнига олади.

Абдулла Орипов “Жаннатга йўл”ни навбатдаги бир дурдона асар ўлароқ дўстликни, самимийликни кариндошликтан устун кўйиш гоясини тарғиб этиш учун ёзган эмас. “Жаннатга йўл” Абдулла Ориповнинг ўз шахсий шоирлик бурчи тўғрисидаги манифести, доктринаси. Шунинг учун барча қабоҳат ва ёвузликлар уни синдира олмади. Тўғри, у соғлиғидан айрилди, инфаркт ўтказди, оғир жигар ҳасталигига йўлиқди. Ёзиши лозим ва мумкин бўлган асарларнинг кўпи ёзилмай колиб кетди. Бундан факат шоирнинг ўзи эмас, бутун ўзбек ҳалки, ўзбек адабиёти зарар кўрди.

Шоир умри давомида ҳасадгўйлардан қутула олмади. Улар орасида шеър ёзувчи қаламкашлардан ташкари оддийгина шуҳратпарастлар, турли турқдаги маҳаллийчилар, ёки совет тузумига “фидойи”, “ватанпарвар” мафкурачилар бор эди. Бирок 80-йилларда уларга юқори ташкилотлар кам эътибор бера бошлади. Чунки уни Шароф Рашидов химоясига олади. Аммо Рашидов вафотидан кейин шоир яна моддий ва маънавий жиҳатдан қийинчиликка дучор бўлди.

Қашқадарёга биринчи раҳбар бўлиб келган Ислом Каримов 1987 йилда уни ҳар жиҳатдан кўллаб-кувватлай бошлади. Раҳбариёт билан келишиб, муаллифлик хукуки Республика бўлимига раҳбар этиб сайланишига ёрдам берди. Ўзбекистон ҳалқ шоири унвонига тавсия этди. Мустакилликдан кейин у Ўзбекистон Ёзувчилар

уюшмаси раиси бўлди, шоирга 1998 йилда Ўзбекистон Қаҳрамони унвони берилди. Ўзбекистон Олий Мажлиси депутатларигига, сенаторларигига сайланди. Унинг ижтимоий мавқеи ва маргабаси ўсади.

Табиийки, ҳасад мавзуси, бачкана ҳасадгўйлар куршови, улардан кутулиш имконисизлиги Абдулла Орипов асарларида кўп учрайди. Замондош дўсти, соф, тиник туйғулар соҳиби – буюк шоир Эркин Воҳидовга бағишланган “Арслон чорлаганд” шеърида ўқиймиз:

*Биз ҳам юксакларга тиккандик кўзни,
Бизда ҳам бор эди матонат, бардош.
Арслон чорлаганди қошига бизни,
Лекин қумурсқалар бўлди сафардош.
Жамъи тирикликка таниши бу хатар,
Қумурсқа яралган ётта таларга.
Дўстим, алам қиласар, арслон бехабар,
Ем бўлиб кетсан шу қумурсқаларга.*

Таникли файласуф олим, профессор Кўчкор Хоназаров менга бир воеани айтиб берган эди. 70-йилларда у киши Москвада марксизм-ленинизм институтида хизмат килган; 70-йиллар охирида уни КПСС Марказий Комитетининг маданият, мафкура, миллый сиёсат билан шугулланадиган бўлимларидан бирига чакириб, Абдулла Орипов шеърларини тутказишган ва уларда миллатчилик, аксилсоветизм бор-йўклиги тўғрисида холис баҳо беришни талаф килишган. Домла шеърларни ба-тафсил таҳлил қилган, сатрма-сатр рус тилига таржима қилиб, миллатчилик ва ак-силсоветизм йўклигини, факат ўзбек ва шарқ шеъриятига хос анъанавий образлар, мақтоз ва шукроналик руҳидаги фикрлар, мажозий ишқ ва хоказо ўрнига, баъзан кутилмаган парадоксал образлар кўлланилганини, инсон руҳиятидаги зиддиятлар очиб берилганини айтган. Кескинлик, жўшқинлик, ўз аҳволидан ва жамиятдаги турмуш даражасидан кониқмаслиги эскича фикрлайдиган, шеърдан шукроналик, тавба, ёрга илтижо, ёки гўзал ишкий туйғуларини талаф киладиган кишиларга ту-зумдан норозилик бўлиб туюлган, дея хулоса берган. Шоир ижодини нозик уста-лик ва босиқлик билан катъий химоя килган. Шубҳасиз, Кўчкор Хоназаровнинг хо-лислиги, ҳалоллиги, ватанпарварлиги, Абдулла Ориповни химоя қилиб, Москвани тинчлантиргани, 1980 йилда шоирга Ўзбекистон давлат мукофоти лауреати унвони берилишига, юкоридан босим бироз пасайишига таъсир кўрсатган.

Ҳар бир шоирнинг ўзи учун, ўзига далда бериш, овутиш, қийин ахволга туш-ганди, психологияк мослашиб, курашиш учун, ҳатто яшаш учун ўзида куч топиши мақсадида ёзган шеърлари бўлади. Абдулла Ориповда бундай шеърлар битта-иккита эмас, сон жихатдан салмоқли. “Паҳлавон Махмуд кабри кошида”, “Чорлаш”, “Булбул ўгай эрур зоғлар орасида”, “Шукрон” шеърлари шулар жумласидан:

*Шукрони айт, аввал парча нон учун,
Сўнг қултум сув учун шукрони тақороп.
Чунки бу оламда, яширмоқ нечун,
Сенга шуларни ҳам кўп кўрганлар бор.
Буюклар баҳтига ҳавас қил, аммо,
Инсонлигинг учун шукр айтгил зинҳор.
Чунки бу оламда сен учун ҳатто,
Оддий инсонликни кўп кўрганлар бор.*

Шоир энг аввало юкорида саналган шеърларда ва келтирилган парчада ўзига тасалли бермоқда. Оллох берган ризкка, умрга шукроналик килиб, жўнатган синовини мардона қабул қилишга ўзини руҳий рағбатлантирмоқда. “Омад ҳакида” шеърида ушбу мавзу башқача кўринишда давом эттирилади:

Омад деган нарса дунёда бор гап,
Бу ерда ҳар қандай хурофот бекор.
Хозир сен шеъримни турибсан тинглаб,
Демак, сен – ҳаётсан, омад сенга ёр.
Бошқача қисмат ҳам мавжуд-ку ахир,
Балойи қазодан асрасин зинҳор,
Мен сенга шеър ўқиб турибман ҳозир,
Демак мен – ҳаётман, омад менга ёр.

Бу сатрларни шоир ҳаётининг энг оғир, унга нисбатан ҳар қандай иғво – жумладан жисмоний ўч олиш истисно қилинмаган йилларида ёзган эди. “Дунёни қизғанма” шеъри ҳам ўзи учун ёзилган. Унда ўз-ўзига далда энди рақибини тинчлантириш билан кўшилади:

...Дунёни қизғанма мендан, азизим,
Қалбингни ёқмасин шубҳа ва сўроқ.
Мен ўзга манзилга тикканман кўзим,
У сенинг кулбангдан жсуда ҳам йироқ.

“Ишонч” шеъри худди шундай ўзини юпатиши ва ҳаётга рағбат топиш мақсадида ёзилган. Совет даврида Худо тушунчasi кўпинча “табиат” сўзи билан алмаштирилар, бирор ниятни амалга оширишда табиатдан мадад сўралар эди:

Табиат, ишончдан айрма сира,
Айрма, ўчмасин дилдан шукуҳинг.
Бенишон йўқолиб кетгандан кўра,
Яхши-ку тентираб юрса гар руҳинг.

Бадий адабиёт инсонга турли кийинчиликларни, шубҳа, иккиланишларни, айниқса, табиат таҳдидлари ва жамият зулм-жафоларини енгишда ёрдам беради. Эртаклардаги ялмоғиз, алвастилар, девлар, жинлар, жодугарлар образи болаларда кураша олиш, кўркмаслик руҳини тарбиялашга қаратилган. Фридрих Ницше ўзининг “Трагедиянинг мусика руҳидан тугилиши” рисоласида трагик асарлар ёрдамида инсон реал ҳаёт даҳшатларини ўз онгода енгиб ўтади ва яшаш унчалик кўркинчли бўлмай колади, деганида, адабиётнинг ўта нозик руҳий таянч, руҳий компенсаторлигини таъкидлаган эди. Тасалли шеърлар муаллифга ўз иккиланишларини, қалбни безовта киладиган, руҳингта кўркувни сингдирадиган шубҳаларни енгишда ёрдам берган бўлса, ажабмас.

Шоир учун таҳликали йилларда вахимага, тушкунликка берилмасдан яшаб, шоирлик бурчига хиёнат килмасдан ижод қилиши ундан қанчалик ироди, куч, асаб талаоб килгани ёлғиз Оллохга аён. Шу боис уни балки Оллохнинг ўзи асрарандир, умрининг охиригача истеъоди ва ижодий шижиоатини пасайтирганандир.

УЛУФ АНЬАНАЛАР ДАВОМЧИСИ

1963–1964 йилларда ёш Абдулла Ориповнинг дунёкарашида юз берган кескин ўзгариш, архетипнинг юзага чиқиши албаттга, биринчи галда ундаги ватанпарварлик туйгуси ва тафаккур салоҳияти юкори бўлгани, билими, ҳаётий тажрибаси бойиб, ок-корани ажратса бошлагани билан боғлиқ. Устозлари – Озод Шарафиддинов, Матёкуб Кўшжонов, кейинроқ айникса Абдулла Қаҳхорнинг шоирга баракали таъсирини унутмаслик керак. Шунингдек, 50-йиллар иккинчи ярмида шахсга сигиниш танқид килиниб, бегуноҳ курбонлар номи тиклана бошлади. Василий Твардовский, Евгений Евтушенко, Андрей Вознесенский, Роберт Рождественский, Белла Ахмадулина ва бошқа илғор ёзувчи, шоирлар туфайли рус адабиётида содир бўлаётган жараёнлар, “Новый мир” журналида чоп этилаётган асарлар, гарб адабиёти юксак намуналарининг таржима килиниши совет адабиётига эркинлик, адолат руҳини олиб кирди ва бу хол ўзбек адабиётида ҳам ўз ифодасини топди. Бу ўзгариш уларни сезмаслик, совет мағкурасига танқидий кўз билан қарамаслик энди мумкин бўлмай колди. Устозлари таъсирида шоир янги вокеликнинг кучли томонларини ва зиддиятларини, ўзгаришларнинг чалалигини тез англади.

Абдулла Орипов онгига таъсир қилган яна бир омил бор. Бу Чўлпон ижодидир. Усмон Носир шеърларидан фарқли, Чўлпон шеърлари сталинизм, шахсга сигиниш танқид килингандан кейин ҳам “окланмади”, нашр килинмади. Аммо шоир юкори курсларда ўқиб юрган йилларида Чўлпон шеърлари билан яқиндан танишади. Бунда Қарши шаҳрида яшайдиган адабиёт ўқитувчиси марҳум Чори Ҳамроевнинг хизмати бор. Чори Ҳамроев Чўлпоннинг 30-йилларда чоп этилган икки китобини сандиги тубида эски журналлар орасида саклаб юаркан. Унинг ўзи шеър машқ килиб турарди. Халқ оғзаки ижоди намуналарини, айникса кашқадарёлик бахшилар ижро этган достонларни магнит тасмасига тушириб, йигиб юарарди. Унинг хонадонида адабиёт ихлосмандлари, ёш қаламкашлар тўпланиб, сұхбатлар, мушоиралар уюштиради. Чори Ҳамроев таътилга келган Абдулла Ориповга Чўлпоннинг китобларини ўқишига беради. “Шундан кейин Абдуллада коммунистик мағкурага қарши кескин норозилик пайдо бўлди. Бугун унинг бошига тушган кийинчиликларни кўриб, баъзан қилган ишимдан норози бўлмамон”, – деган эди раҳматли Чори Ҳамроев ўзаро бир сұхбатда. Хотираси кучли, зехни тез шоир Чўлпон шеърларини ёдлаб олади. Озод домла баъзан “Абдуллажон, Пушкиндан Чўлпоннинг ғазал услубида қилган таржимасини айтиб беринг” деб илтимос киларди.

Чўлпон ижоди Абдулла Ориповга ғоявий-маънавий жиҳатдан таъсир кўрсатган бўлса,Faфур Ғулом шеърлари услуг жиҳатдан таъсир кўрсатди. У мактабданок Faфур Ғулом ижодини яхши биларди, кўплаб шеърларини ёддан ўқириди, маҳоратига тан берарди. Унинг вафотига бағишилаб марсия ва вафотининг бир йиллигига бағишилаб шеър ёзгани бежиз эмас. Faфур Ғулом вафотидан кейин, қайсиdir маъракасида унинг оила аъзолари Абдулла Ориповга шоирнинг марғилонча дўпписини совға қилишади. Бунда улкан рамзийлик бор эди. У дўппи совға қилинганидан беҳад хурсанд бўлиб, уни авайлаб-асраб саклаб юрди. Уйига келган дўстлари ва қариндошлирига фахрланиб дўппини кўрсатар эди. Дўппи унга қандайdir маънавий бурч юклаганини хис килиб, “тафурона” услугда катор шеърлар битди. Аҳён-аҳёнда бу услугга мурожаат этиб турди, айникса маълум бир байрам саналари ва мавзуларига бағишиланган шеърларда. Мана шулардан бир намуна:

Эллигинчи йилларнинг тонглари ёдимдадур,
 Эриган новвот каби субҳидам иширин уйку.
 Фақатгина эзгулик, ишонч бисотимдадур,
 Хаёлларим бегубор, яғир бўлмаган туйгу...
 Ганг чаққандай гарансиб, нохуш бир туйгу билан,
 Турган ёдим, лол, ҳайрон катта йўл ёқасида.
 Ўтиб қолди бир гуруҳ оташин қутқу билан,
 Йироқ келажсак учун айтганича қасида.
 Етмиишинчи йилларда қари бир ўсмир бўлиб,
 Қўлтиқда “Данте” билан унинг ортидан чопдим.
 Китмир йўлдошлиаримнинг феълидан роса тўйиб,
 Укам қаторилардан самимиятни топдим...

Абдулла Орипов ижодида ўзбек шеъриятининг Рабғузийдан, Навоий, Бобур ва Машрабдан, ЧўлпонуFaфур Fуломгача кўпасрлик анъаналари, бадиий ютуклари мужассамлашган. Унинг баҳор, Наврӯз, табиат ҳакидаги шеърлари Рабғузийнинг “Кун хамалга кирди эрса, келди олам Наврӯзи” ғазали анъаналарини давом эттиради. Ҳатто шаклан ва мазмунан ўзаро якин мисралар бор. Рабғузийда:

Тонг отарда тўрт саридин эснаор боди сабо,
 Кик юрур, киндик йипортек исланур ёбон – ёзи.
 (Кик – кийик; йипортек – ёввойи шивит)

Абдулла Ориповда:

Тўрт тараф қисиб келиб, ногаҳон жала қўйса,
 Оламга анқиб кетар, минг хил кўкат, минг хил ўт.

Рабғузийда:

Лола сагроқин ичарда сайраб эсрур сандувоч,
 Турна ун тортуб ўтарда сакрашур боқлон қўзи.

Абдулла Ориповда:

Ўнгирларда сакрайди оҳу,
 Наъматакда саъва миттижон.

Бир неча чизиклар оркали ҳар икки шоир баҳорнинг харакатчан манзарасини яратадилар.

Абдулла Орипов шеърларидаги фалсафий теранлик, маъноларнинг кўпкатламлилиги, инсонга ва ҳалкка ўзлигини англатиш, она тилини ҳимоя килиш унинг ижодида Навоий анъаналарининг жонланишидир. Абдулла Орипов ижодида Навоий анъаналари – алоҳида ўрганиладиган мавзу. Турли ғоялар, образлар, бадиий ёндашувлар, баҳолар ўхшашлиги, давомийлиги, Алишер Навоийнинг ғазалларига ёзилган айрим мухаммаслар, арбаъин анъаналарини давом эттирган “Ҳикмат садолари” туркуми ва бошка кўплаб мисоллар шоир ўзининг даҳо салафи анъаналарига жиддий ёндашганини, аммо унга таклид килмаганини кўрсатади. Оташинлик, ҳиссиятнинг тизгин билмас қудратини жиловлаб, кутилмаган фикрни ифодаловчи саркаш сатрлар битиши Машрабни эслатади.

– Чиқма, Каис, оҳим билан ёнмоқда бу саҳро буқун.

Ёки:

– Сен шеърга қўлинг чўзмагил, эй жоҳили нокас,
Бўлсанг-да “Худо” номингни шайтон ёзажакман.

мисралари машрабона ташбеҳлардир. Абдулла Орипов халқини Чўлпондек, Усмон Носирдек севарди, жонини фидо килишга тайёр эди. Халқини уйғотиш, ўзлигини, миллий манфаатларини англашиб истаги Чўлпон анъанасининг янги тарихий даврда кайта тирилтирилиши ва ривожлантирилиши эди. Айни дамда, унинг халкка нисбатан муҳаббати кўр-кўронга эмасди. Шоир халқининг заиф жиҳатларини, камчиликларини яхши биларди. Гоҳ маҳзун, гоҳ оташин шеърлари ёрдамида камчиликлардан кутилишга чорлади. “Бобо ва набира” шеърида куюнчаклик билан илтижо қиласди:

Уни қадамингга ташлама бойлаб,
Кўйвор набирангни отажсоним, Шарқ.

Турмуш тарзи ва миллий менталитетдаги колоқ анъанавийликка карши ёзилган бу шеър. Шоир анъаналар авторитаризмидан кутилишга, тафаккур эркинлигига, янги эпкин ва ташаббусларни бўғмасликка, миллий таракқиётта чорламоқда. Чол – асрлар давомидан неча-неча авлодлар алмашса-да, ёпик халка бўйлаб харакатланувчи, таракқиётни унугиб кўйган анъанавий турмуш тарзи, котиб қолган менталитет метафораси. Бола – ташаббусга тўла, курашчан, юксакликка интилувчи авлод, келажак рамзи. Чукур фалсафий рамзлар, икки-уч реалистик чизги орқали халқимизга ва бутун Шарқка хос камчиликлар очиб ташланмоқда.

“Оломонга” деган шеъри ҳам аслида халқдаги айrim локайдликни, ўз манфатини яхши англамагани туфайли турли балоларни даф этолмагани, тараккийпарвар фарзандларидан айрилгани тўғрисида:

Ҳукмлар ўқилур сенинг номингдан,
Тарихлар тўқилур сенинг номингдан...

Совет тузуми дастлаб инқилоб номидан, кейин халқ номидан, давлат номидан ҳукм чиқарган. Шоир афсус ила ўзлигини яхши anglay олмайдиган, ўз ҳақ-хукуки, манфаатлари, келажаги учун кураша олмайдиган халқни оломонга ўҳшатмоқда. Аслида у бонг уриб халқни уйғотмоқда. Уни халқ (миллат) бўлишига даъват этмоқда. Анъаналарга новаторларча ёндашув уларнинг янгиланиши негизида янги анъаналар шаклланишига олиб келади. Абдулла Орипов амалда шеъриятда анъаналар янгиланишига, янги анъаналар шаклланишига йўл очди.

“Шарқ хикояси” шеъри ҳазил-мутойиба услубида ёзилган. Шеърда ғоят тутув яшовчи ота-ўғил сафарга чикиб, одамларнинг ноҳқ маломати, гап-сўзи туфайли ажралишиб кетади. Улови – ёлғиз бир эшак. Навбатма-навбат миниб, қайси манзилдан ўтсалар, одамлар уларнинг устидан кулишади. Чол эшакда бўлса, отасини, йигит эшакда бўлса, уни ахмокликда, отасига (ёки ўғлига) хурматсизликда айблашади. Иккаласи биргаликда мингашиб олсалар, ҳар иккаласи ҳайвонга нисбатан шафқатсизликда, иккаласи ҳам яёв юрса, улов туриб, яёв бораётганлари учун ахмокликда айбланади:

Қондошиликнинг миллион ииллик
Ришиналари узилди.
Ўртага бир эшак тушиб
Оралари бузилди.

Фийбат, мазахбозлик, бироннинг устидан кулиб, завқланиш, бу билан гўёки ундан баландроқ эканини тасдиклаш каби иллатлар шоир асарларида кўп танкид

килингган. “Илгор ишчи ва чаккон мухбир киссаси”да шүролар жамиятидаги тарғибот ва Оммавий ахборот воситаларининг хар қандай воеа ва ҳодисаларга сиёсий-мафкуравий тус бериши танқид килинади. “Ҳангома” киссачасида эса ўкувчига завқ-шавқ ва яхши кайфият бағишлийдиган юмористик воеа хикоя килинади. Воеани шоирга отаси сўзлаб берган. 4–5 чакирим наридаги кишлокка қиши куни тўйга бориши учун йўлга чиккан икки чол гурунг билан овора бўлиб, йўлдан адашган. Ориф бобо бу воеани отнинг фахму фаросати, эшакнинг гаранглиги ҳакида, ёки эътиборсизлик ва гурунгбозлиқ ҳакида гап кетганда эслаб қоларди. Чолларнинг исмларини келтиради.

Ўткир сатира, нозик юмор, ҳазил аралаш танқид инсонга баъзи бир камчиликларидан кутилишига ёрдам беради. Санъатнинг асосий тарбиявий вазифаларидан бири – инсонга тозаланишда, покланишда, иллатлар ва камчиликлардан кутилишига ёрдам беришdir. Бу катарсис дейилади. Аристотель “Поэтика” асарида трагедиялар томошибинда қаҳрамонга нисбатан хайриҳоҳ хиссий кечинмалар уйғотиб, уни турли бачканаликлар, кўркоқлик ва худбинликлардан тозалайди, деган фикрни билдириб, мазкур атамани кўллаган. Аслида тозаланиш – катарсис санъатнинг ҳамма турларига хос. Лирик асарларда юксак ва нозик туйғуларни куйлаш, трагик ва драматик асарларда қаҳрамонлик ва фидойиликни кўрсатиш, сатирик ва ҳажвий асарларда иллатлар устидан кулиш орқали одамларни маънавий поклайди.

Абдулла Ориповнинг “Маломат тошлари” деган кичик лирик поэмаси катарсис мазмунидаги асар. У бефарқлик, лоқайдликка қарши, виждон ва диённатни уйғотишига қаратилган. Маломат тошлари “кора ҳasad ё ғараз тоши” ёхуд “ёвуз тухмат ё мараз тоши” эмас. Аммо:

*Идрокнинг мавжига теккани замон,
У мудроқ руҳингга солгай галаён.
У вижсон тамали, диёнат тоши,
Маломат тоши бу, маломат тоши!*

Поэма – инсон шаънини ҳимоя килиш ва улуғлаш тўғрисидаги асар. Инсон кадр-кимматини ҳимоя қила олмаган мафкура ва дин ҳам, сиёсий тузум ва ҳалқ ҳам маломатдан холи бўлолмайди.

Лирик қаҳрамон алоҳида шахс каторида бутун ҳалққа мурожаат этади, маломатини билдиради. Дунёда юз берган ва юз бераётган ишлар учун хар биримиз шахсан ва бутун ҳалқ, инсоният масъулдир, деган ғоя поэмада олға сурйлмоқда. Мазкур ғоя орқали ҳалққа миллий ўзликинг англалиш янги поғонага кўтарилади. Бир томондан, унга буюк фарзандларининг қисмати эслатилади. Иккинчи томондан – бефарқликдан, тафаккур қарамлигидан, масъулиятсизликдан кутилиш лозимлиги уқтирилади. Тафаккур эркинлигини XX асрнинг атоқли мутафаккирларидан бири Эрих Фромм масъулиятни ўз зиммасига олиб, мустакил фикр юритиш, дея таърифлайди. Тафаккур қарамлигини эса, масъулиятдан, мустакилликдан чўчиб, авторитар фикрни нотанкидий қабул килиш, унга бўйсуниш, дея тушунтиради. Авторитар фикр бошлиқ, раҳбар ёки ота-она фикри, урф-одатлар, анъаналар кўрсатмаси, сиёсий тузум ёки диний ташкилотнинг мафкуравий талаби бўлиши мумкин. Тафаккур эркинлигига эришишнинг асосий йўли, Фромм таъкидлашича, фикр юритишда, хулоса килишда мустакиллик ва масъулиятдир.

“Маломат тошлари” мустакил фикрлашда, ҳаётга тўғри, самарали муносабатда бўлишда шахс ва жамият масъулиятининг аҳамиятини очиб беради, ўкувчини огоҳлантиради:

*Мудроқ виждан учун, сохта шон учун,
Беҳуда тўкилган қанча қон учун,
Заминнинг тузалмас жароҳати деб,
Мовий дунёларнинг ҳаловати деб,
Бир кун эгилмасми одамзод боши,
Бизга ҳам ёғмасми маломат тоши?*

Ойдинлашмоқдаки, шоир халқни ҳам, алоҳида инсонни ҳам ҳеч қачон идеаллаштирумаган. Унинг инсонпарварлиги, халқпарварлиги конкрет, аник, мавхум эмас. Зарур ҳолларда инсонни, халқни улуғлайди, жасорати ва ҳалоллигини, ақлзаковати ва яратувчилигини кўкларга кўтаради. Зарур ҳолларда унинг камчиликларини, номукаммаллигини очиб ташлайди, қаттиқ танқид остига олади.

Абдулла Орипов нима ҳақда қандай мазмунда ёзмасин жаҳон адабиётининг гуманистик анъяналарига содик колди. Абдулла Ориповнинг 1979 йилда ёзилган “Самовий меҳмон, беш донишманд ва фаррош кампир киссаси” номли кичик достони бор. Унда ҳалокатга учраган фазовий кема самодан жунглига тушади. Фан шахри беш китъядан беш олимни жўнатади. Дунёдаги барча илмни, барча тилларни эгаллаган олимлар. Улар кемани зўрга очиб карасалар, аллакандай бир кўзли ҷаляжон маҳлук ётибди. Бироқ одамга ўҳшаб кетади, аммо кўл-оёғи узун, ранги сап-сарик. Олимлар қанча уринишмасин, самовий меҳмонни гапга сололмайдилар. Олимлар билан бирга фаррош кампир ҳам жўнатилган эди. Нима килишни билмай турган ночор олимлар олдига келган кампир бирдан маҳлукка меҳр билан ташланиб босини силайди, “ича қолгин, жон болам, деб, ҳатто унга сув тутди”. Ўшанда маҳлук жонланади, кўзига ёш келади ва ўрнидан туриб кетади.

Шоир гуманизм гоясини ажиб тарзда ифодаламоқда. Фан қанчалик олам сирсаноатини ўрганмасин, унга инсонпарварлик, меҳр етишмаса, ўз максадига эриша олмайди. Инсонга меҳр барча ютуклар ва муваффакиятлар қалитидир.

Абдулла Орипов кичик лирик поэма жанрига асос солгани, бу жанр унинг замондошлари, айниқса кейинги авлод шоирлари томонидан давом эттирилаётганини юкорида эътироф этган эдик. Яна кўшимча килиш лозимки, у драматик достон жанрини ўзбек адабиётида ривожлантирган ижодкорлардан хисобланади. Драматик достон шеърий драмалардан фарқ киласди. Драмалар, назмийми, насрыйми – қатъи назар, саҳнада кўйишга мослаб ёзилади. Воқеалар, ҳаракатлар, каҳрамонлар мулокоти, тўқнашуви, воқеа содир бўлаётган жойлар, кўринишлар барчаси саҳна таъбларига мослаштирилади. Жой ва вактни (макон ва замонни) тез-тез ўзгартириш номақбул, саҳналаштиришда, декорациялар ясашда катта кийинчилик туғидиради.

Шу сабабдан классик (анттик) театрда ва деярли XVIII аср охиригача классицизм усулига асосланган европа театрларида уч бирлик – макон, замон ва ҳаракат (воқеа) бирлиги тамойилига қаттиқ амал килинган. Драмалар (анттик театрда трагедия ва комедиялар) шунга мослаб ёзилган. Намойиш этиладиган асар воқеалари бир саҳнада бир кеча-кундуздан ошмаган вақтда юз берган. Кўшимча ён ва параллел (мувозий) мавзуларга ўрин берилмаган. Зарурат туғилса, персонажлар монологларида ёки диалогларида, ёки хор ёрдамида ўтмиш воқеалар, ён мавзуга оид муроҳазалар айтиб кетилган. Уйғониш даврида, айниқса Шекспир театри ва асарларида уч бирлик тамойилига унчалик риоя килмайдиган ислохотчи ижодкорлар пайдо бўлди. Лекин аксарият драмалар ва театрлар уч бирликка таянган. Уни инкор қиласиганлар кўпинча классик услугуни бузганлари учун қаттиқ танқид қилинган. Романтик ва реалистик театр уч бирлик тамойилидан воз кечди. Аммо саҳна имко-

ниятларини хисобга олиб, уч-тўрт пардали, ҳар пардада икки-уч кўрининиши асарлар яратди. Анъанавий драма саҳна имкониятлари билан каттиқ хисоблашган. Аслида улар асосан театрлар буюртмаси билан ёзилган. Муаллифларнинг кўпчилиги театрлар билан ижодий ҳамкорлик килган, айримлари бевосита театрда ишлаган. Масалан, Ўғониш даврида Шекспир, Мольер, ёки XX асрда Михаил Булгаков каби дахолар номларини эслаш мумкин.

Абдулла Орипов театрдан унча узок ижодкор эмасди. У Эргаш Масофеев режиссёрик килган йилларда “Ёш гвардия” (хозирги Ўзбек драма театри) театрида анча вакт адабий эмакдош бўлиб ишлади. У театр ижодий хусусиятларини етарлича нозик ҳис киласди ва биларди. Театр, кино режиссёrlари, актёрлар орасида дўстлари ва ҳамсuxбатлари кўп эди. У саҳнанинг барча талабларини хисобга олиб, драмалар яратиши мумкин эди. Агар шундай килганда, ўзбек драматургияси ва театри бир неча шоҳона асарлар билан бойиб коларди. Бирок Абдулла Ориповга ижодий фантазия парвози учун анъанавий драма торлик килди. Шу сабабдан у драматик достон жанрини танлади. Драматик достоннинг ҳажми, воқеалар, каҳрамонлар, гоялар кўлами, уларни тасвирлаш, ифодалаш усули эркинлиги чекланмайди. У кўпроқ ўқишига мўлжалланган, саҳналаштиришга эмас. У ҳажмига кўра беш ва хатто ундан кўп пардали саҳна асарларига мос келиши мумкин.

Драматик достонни саҳналаштириш анча қийин, чунки уни саҳна талабига мослаштириш лозим. Бунда қайси саҳналарни танлаш (агар достон катта ҳажмли бўлса) ва талкин қилиш режиссёрдан улкан ижодий истеъдод талаб килади. Бу гапларни айтишдан мақсад драматик достонларни анъанавий драмалардан устун кўйиш эмас, балки улар бир-биридан фарқ килувчи жанрлар эканини таъкидлапшидир.

“Жаннатга йўл” ҳажми жиҳатдан катта эмас. Уни саҳналаштириш жуда катта техник қийинчилик туғдирмайди. Аммо матн ва диалоглар анъанавий драмадаги-дек эмас. Персонажларнинг баъзи сўзлари драмаларга нисбатан кўпроқ достонларга хос. Уларда персонажнинг мулоҳазалари, воқеа ва ҳодисаларга, инсоний муносабатларга, одамларга ва жамиятга берган баҳолари батафсил акс этади. Анъанавий драмаларда монологлардан фарқли диалоглар анча қиска ва суръатлари тез. Агар улар чўзилиб кетса, саҳнага, воқеаларга харакатчанлик, динамика етишмай колади. Драматик достон эса кўпроқ ўқишига мўлжаллангани учун, диалогларнинг узунлиги билинмайди. Қайтанга, фикрлар тўқнашуви, баҳси мазмунан чукурроқ очилади. Бирок асарни саҳналаштиришда жиддий қийинчиликни туғдиради. Худди шундай ҳолатни биз нафакат “Жаннатга йўл”ида, шунингдек “Ранжком” драматик достонида кўрамиз. Бу достон ҳажми жиҳатдан катта эмас. Лекин диалогларда айтиладиган сўзлар анча батафсил. Мисол келтириш билан чекланамиз.

“Ҳашорат” журнали таҳририяти қошида одамларни ранжитиш кўмитаси – Ранжком тузилади. Унинг ташаббускори ва раиси икки аъзосига Ранжкомнинг вазифасини баён килади. Шунда биринчи аъзо ундан сўрайди:

Модомики, ер юзида янги ташкилот –
Янги қавм барпо бўлмии, қутламоқ керак.
Бирлик яхши, чанг чиқармас, дерлар ёлгиз от,
Ташкилотни ҳар жиҳатдан бутламоқ керак.
Шу маънода пайдо бўлди уч-тўртта савол,
Ўшаларни ҳал қиласлил, муҳтарам раҳбар.
Биринчидан, низом керак етук, баркамол,

Иккинчидан, бизнинг юмуш анча серхатар.
 Қандоқ қилиб ранжитамиз? Услуб қанақа?
 Борми бизда ҳайфсан ёки рагбатлантириши?
 Дабдурустдан бирор мажслис ёки маътуза,
 Бизни бадном қилиб қўйса бу ҳам оғир иши.

Анъянавий драмада ушбу сўз камида раис репликаси орқали учга, ҳатто тўртга бўлниарди. Биринчиси, “Табрик учун раҳмат” қабилидаги реплика; иккинчи, “пайдо бўлди уч-тўртга савол, ўшаларни ҳал қиласлил” сўзларидан кейин “Хўш, қандай саволлар экан, марҳамат...” қабилидаги реплика; услугуб, ҳайфсан ва рагбатлантириш тўғрисида сўралганда ҳам қандайдир бир-икки реплика кўлланиларди. Драматик достонда динамика диалог кискалиги орқали эмас, балки унда ифодаланган фикрлар суръати ва қамрови орқали таъминланади. Абдулла Орипов бундай услубдан мохирона фойдаланган.

“Сохибқирон” драматик достони ҳажм жиҳатидан анча катта. Достонда шоирнинг Амир Темур образига муносабати, унинг дахосини англаш даражаси Сохибқироннинг ўз сўзлари ва бошқа иштирокчилар сўзларида берилган. Асар шаклан драматик бўлса-да, лекин мазмунан тарихий-фалсафий достондир. Уни театрда саҳналаштириш кийин. Спектакль жуда чўзилиб кетади. Шоирнинг кўп томлик асарлар тўпламида асар жанри ҳақидаги “драматик достон” сўзларидан “драматик” олиб ташланган ва “достон” сифатида берилган. Бу бежиз бўлмаса керак. Афсуски, кўптомликнинг биринчи томи чикканида, мен бунга эътибор бермаганман. Акс холда, шоирдан бунинг аниқ сабабини сўраган бўлардим. Лекин аминманки, “Сохибқирон” нафакат анъянавий драма, ҳатто драматик достон чегарасидан ҳам чиккани учун, уни шоир ҳаётлик пайтидаги охирги нашрида “достон” дея атаган.

Драматик достон ўзбек адабиётида Абдулла Орипов ижоди туфайли мустаҳкам ўринга эга бўлди. Балки кўлэзмаси йўқолиб, нашр этилмай қолган Усмон Носирга бағишлиланган шеърий романи, Мадаминбекка бағишлиланган асарида тарихий воқеалар талкин килиниши, баён килинишида кўлланилган лиро-эпик услугуб ўзбек адабиётида бу жанрлар ҳам мустаҳкамланиши ва ривожланишига катта ҳисса бўлиб кўшиларда. Афсус, бу ҳақда факат тахмин килиш мумкин, холос.

Мавриди келиб колди, шоирнинг йўқолган кўлэзмалари тўғрисида баъзи бир фаразларни айтиб ўтсак.

Абдулла Орипов интервьюларида айрим кўлэзмалари, айникса университетда ўқиган йилларида ва кейин 4–5 йил ўзича турли хонадонларда ижарада яшаб юрганида ёзган шеърларининг бир кисми йўқолганини айтади. Бунда у хонадондан бу хонадонга кўчиб юришлар сабаб бўлган, дейди. Ўзининг тан олишича, кўлэзмаларим бирор гафариятни бермай кетишган, баъзилари ўғирланган.

Талабалик йилларида “Соя” деган драматик достон ёза бошлаганди. Ундан бир парча шеърлар тўпламларига кирган, холос. Бу бош каҳрамоннинг монологи:

*Уни кўрсам, қора қуюн қоплар дилимни.
 Шунда кимдир йигит номим масҳара этар...*

Асарнинг ўзига нима бўлгани – коронги. Шоир на бирор макола ва на сухбатларида бу ҳақда тўхталган. Балки “Соя”нинг кўлэзмаси ўғирлангандир, балки шоирнинг ўзи уни кўч-кўчлар пайтида, асардан кўнгли тўлмагани учун ташлаб юборгандир. “Соя”нинг мазмуни ва гоясини у тахминан 1961 ёки 1962 йилда ай-

тиб берганди: тог орасида, ўтиб бўлмас дарада бир кишлок бор. У ташки дунёдан деярли узилган. Фақат шу кишлокда яшовчи оқсоқоллар, овчилар, савдо-сотик кишиларигагина маълум, кўздан пана, тошлар, горлар орасидан ўтадиган кичик йўлча бор. Йўлни биладиганлар йилида бир-икки марта ёз ойлари шаҳарга тушиб, ҳамкишлеклари учун керакли буюмлар ва маҳсулотларни сотиб олиб келади. Куз ўрталаридан баҳор ўрталаригача қор алокани узиб кўяди. Кишлоқ ахолиси эркин, ўзаро аҳил яшайди, ҳеч кимга бўйсунмайди. Бу асар экспозицияси. Вокеалар куйидагича ривожланади: кишлокда тенги йўқ гўзл Феруза исмли қизга икки кучли йигит ошик. Улар ўзаро кишлокнинг биринчи йигити хисобланиш, Ферузага уйланиш учун зимдан ракобат қиласди. Иккиси ҳам ёвкур. Биринчиси, ҳалол, са-мимий, мард (бош қаҳрамон), иккincinnи, такабуррок. Феруза, табиийки, биринчи йигитга мойил. Иккincinnи, қизни бадном этиб, ўч олиш ниятида қандайдир иғво тарқатиб, кишлокдан фойиб бўлади. Қаҳрамон жуда руҳий азоб чекади, қалбини турли шубҳалар чулғайди. Шеърий тўпламларга кирган парча – қаҳрамоннинг изтироблари ифодаланган монологидир.

Ёз келиб, йўл очилгач, фойиб бўлган ракиби, душман аскарларини бошлаб келаётгани ҳакида хабар таркалади. Қаҳрамон “Энди мен биламан ханжарим кимга уришни”, дея ёвга қарши отланади. Достон шу билан тугайди.

Асар муаллифи, балки, қаноатлантиргандир, схематик таклиддан холи бўлмаганидек туюлгандир ёки уни чоп этишнинг ўша пайтда иложи бўлмагандир, кейинчалик кўлёзмаси йўқолгандир (балки ўғирланган). Бу борада мен аниқ маълумотга эга эмасман. “Соя” тақдирни ҳакида шоирдан сўраш эсимга келмаган. Чунки ҳар сафар Қаршига келганида, тўлиб-тошиб янги шеърлар, қизик ижодий ниятлари билан ўртоклашарди. Аввал ёзганлари унинг учун ортда колган боскич эди. Фақат “Соя” устида у кайта-қайта ишлаганини биламан. Достон, агар шоирнинг ўзи ташлаб юбормаган бўлса, тегишили идоралар кўрсатмаси билан ўғирланган бўлиши мумкин. Чунки унда эрк, озодлик учун кураш ғояси олға сурилгани боис коммунистик мафкурага тўғри келмас эди.

Абдулла Орипов “Шарқ юлдузи” журналхонлари саволларига берган жавобида Усмон Носир ҳакида шеърий роман, Мадаминбек ҳакида асар ёзгани ва уларнинг кўлёзмаси йўқолгани ҳакида айтади. Усмон Носирга бағишлиланган шеърий романни мазмунни каминага маълум эмас. Ундан ҳатто бирор парчани шоир ўқиб бермаган. Лекин Усмон Носирнинг хаёти, ижоди тўғрисида жуда кўп янгиликларни, маълумотларни шахсан гапириб берган. 1967 йил кишида у Самарқандга келди. Мен Самарқандга талабаси эдим. “8-Март кўчасини биласанми?” – деба сўради. Таасиқ жавобини олгач “Юр, бир ажойиб киши бор, сухбатлашиб келамиз”, – деди. Одатда, шоир Самарқандга келганида, ёнида ижодкор ҳамкаслари тўпланар, унга ҳамроҳлик килар, зиёфат ва сухбатлар уюштиради. Бу сафар ҳеч ким билан учрашмасдан, ёнига факат мени олди. Кейин билсан, бир кишидан Усмон Носирнинг қамокқа олиниши тўғрисида аниқ ва батафсил сўраб олиш учун келган экан. Шоир айтган уйни топиб келдик. Бизни олтмишлардан ўтган, одмигина кийинган очик юзли уй эгаси кутиб олди. Эски шаҳардаги кичик ховли. Мехмонхонасига кирдик. Мени у кишига таништириди: “Туғишиган жияним. Талаба. Сухбатимизга ҳалакит бермайди”. Хонтахта атрофига ўтиридик. Мезбон ош келтирди. Мен чой куйиб, сухбатни тинглаб ўтиридим. Мезбон қатағон йиллари воеаларини эслади. Ўшанда у Республика Ёзувчилар уюшмасида хизмат килган экан. Усмон Носир муҳокама қилинган мажлислини батафсил хикоя килиб берди. Етакчи ва истеъоддли адилларини катағон ўз домига тортиб кетгани боис Республиканинг ўша пайтдаги мутасаддилари Ус-

мон Носирни саклаб колишга гўёки НКВД маҳаллий раҳбарларини кўндирган. Мажлисда уни каттиқ муҳокама килиб, тавбасига таянтириб, камокка олмасликка келишилган. Факат Усмон Носирга мажлис охирида сўз берилганда, хатоларини тан олиб, бошқа қайтармасликка ваъда бериши, кечирим сўраши лозим бўлган. Лекин Усмон Носирга сўз берилганда, шоир совет тузими ўзбек халқининг раҳбарлари, арбоблари, ёзувчиларини катағон килганини, бу аввалдан ўйланган сиёsat эканини, Фитрат, Абдулла Қодирий ва Чўлпондан кейин энди навбат унга келганини айтис, кечирим сўрашдан бош тортган. Шундан кейин залдаёк кўлларига кишан такиб, олиб кетишиган.

Мезбон кўп нарсаларни, жумладан, ўз бошидан ўтган воқеаларни ҳикоя қилиб берди. Шундан кейин у ишдан бўшаб, Тошкентдан кочганини, Самаркандга кайтиб келгани, умуман, ижод билан шуғулланмай кўйганини айтди.

Абдулла Орипов Усмон Носир ҳаёти тўғрисида тўплаган бошқа муҳим маълумотларнинг айримларидан ҳам хабардорман, ўзи сўзлаб берган. Аммо ёзётган асари тўғрисида ҳеч нарса демаган. Балки иш тескари кетса, ҳавфиззлик органлари асардан хабари бор кишиларни тергов килиши мумкинлигини ўйлаб, мени авайлаандир. Бу ёгини энди фақат Оллоҳ билади.

Абдулла Ориповнинг 1965 йилда ёзилган “Армон” шеъри Усмон Носирга бағишиланган. Шеър кўлэзмаси йўқолган романнинг сараҳбори (прелюдияси) сифатида қабул килиниши мумкин:

*Жажжи бола тимасдан сира
Акасига ёлворар ёниб:
– Жон акажон, кўрсат биргина,
Жон акажон, бир кўрай қониб.*

Ака – ҳокимият тимсоли, жажжи бола – ҳалк. Акаси кўйнига яширган, болани кизиктирган, унинг учун ўша дамда ноёб бўлган нарса – Усмон Носир ва унинг ижоди тимсоли. Шахсга сифиниш танқид қилиниб, Усмон Носир окланса-да, у ҳақда барча ҳақикат айтилмади, шеърлари ўша пайтда тўлиқ чоп этилмади. Сал кўрсатилди, холос. Ҳалк жажжи бола каби бир кўрганидан коникмай, яна-яна истаб қолаверди.

Йўқолган асарлар каттол тузум ва мафкура шароитида ёзилган. Совет мафкурасининг улар мазмунига шубҳасиз, таъсири бўлган. Шоир баъзи фикрларини эҳтимол, ўз даври мафкуравий ибораларига мослаштиришга мажбур бўлгандир. Агар йўқолган асарлар шоир тириклигида топилганда, бундай жойларни у таҳрир килиб, тузатган бўлар эди. Афсус. Лирик шеърлардан қанчаси йўқолганини ҳатто шоирнинг ўзи ҳам аниқ билмасди. Учрашувларда, зиёфатларда муҳлислар ва улфатларнинг қанчасига дафтарларига, китоблар форзасларига экспромт шеърлар битиб берган. Шоир ижодини, кўлэзмаларини ўрганувчи расмий комиссия тузилиб, эълон берилса, муҳлисларнинг кўпчилиги кўлларида саклаётган шеърий автографларнинг ксеронусхасини тақдим этармиди? Комиссия ҳавфиззлик хизмати идоралари билан боғланиб, балки уларда сакланиб қолган кўлэзмаларни ҳам олишига эришармиди? Хуллас, бу борада нимадир килиш керак.

Шундай килиб, Абдулла Орипов ўзбек адабиётида лирик поэма жанрига асос солди, драматик достон жанрини ривожлантириди. Бундан ташқари, шеърият мазмуни ва руҳини кўплаб янгиликлар билан бойитди.

Абдулла Орипов лирик шеъриятга ижтимоий-танқидий руҳни олиб кирган замонавий ўзбек адабиётидаги биринчи шоирдир. Навоий “Хамса”сида ва баъзи

ғазалларыда танкидий жойлар бор, улар ишк сохталиги, риёкорлик ёки ахлокий камчиликларга оид. “Махбуб ул-кулуб” да танкид турли табақа вакилларидан то золим подшохларгача уларнинг ёлғони ва ахлокий камчиликларини фош килишга қаратилган. “Махбуб ул-кулуб” шеърий, лирик асар эмас, балки насрда ёзилган фалсафий-дидактик асардир. Чўлпонда танкид халкни уйғотишга, мустамлака-чиликка карши қаратилган, шу боис лирик-публицистик мазмун устувор. Гулханийнинг “Зарбулмасал” и эпик жанрга таалукъли, шеърий шаклидан қатъи назар, у дидактик мазмунга, Завқий, Турди изходидаги танкид унсурлари публицистик-дидактик мазмунга эга. Факат Мукимийда лирик-психологик танкид унсурларини учратамиз. Ҳамзада у сиёсий-публицистик кўринишда пайдо бўлди. Кейин умуман унтутилиб кетди. Абдулла Орипов лирик шеърда танкидий рухни қарор топтириди. Бу ва бошқа янги анъаналарни бошлаб берди.

Абдулла Орипов изходи миллатини уйғотган, курашга илҳомлантирган, Эрк ва Ватан куйчиси ўларок маънавиятимиз ва миллий ғоямизнинг қудратли манбаларидан бирига айланди ва шундай бўлиб колади.

ШОИР ИЖОДИДА ИШК-МУҲАББАТ МАВЗУСИ

Ишк-муҳаббат ҳакида шеър ёзмаган, ёки газал тўқимаган бирор шоир жаҳон адабиётida топилмайди. Ҳеч бўлмагандан, улар мажозий ишкка бағишлиланган сатрлар битган. Мумтоз шоирларнинг аксарияти мажозий ишк каторида ҳакикий, дунёвий ишкни ҳам кўйлаган.

Замонавий адабиётда дунёвий ишк, севиши, севилиш энг асосий мавзулардан бири. Абдулла Орипов изходи бошида, айникса 60-йилларда севги мавзусида кўплаб шеърлар ёзган. Чинакамига ҳали бу туйгу уни мафтун ва безовта этмаган ёшида севги тўғрисида, албатта, умумийроқ, фалсафийроқ мазмунда ёзган. Адабиётда севги мавзусида сўз кетганда, бир нарсани ёдда тутиш лозим. Лирик қаҳрамон билан муаллиф ўртасида айният белгисини кўйиб бўлмаса-да, лирик қаҳрамон туйгулари муаллифга таниш бўлиши, қалби ва онги-шууридан қайсиидир кўринишда ўтган бўлиши керак. Акс ҳолда у лирик қаҳрамон ҳолати ва туйгуларини инвидуаллашибиришда қийналади.

“Умр дуч қиларкан кимга бир-бирин”, “Севгисиз одам”, “Сундакар ийроқда”, “Шовуллади тун бўйи шамол”, “Қўл” каби шеърлари умумий мазмундаги битиклардир. 1963 йилдан шоирнинг севги мазмундаги шеърларида ўткир хиссият, ғамгинлик, айрилиқ туйгулари пайдо бўлади. Фараз килиш мумкинки, ҳамма қатори у ҳам илҳомбахш, фарахли илк севги, биринчи муҳаббатни бошдан кечирган. Ўшандада илк муҳаббатини қандай тўлкинланиб кўйлагани номаълум. Бу масалада у ўта ор-номусли эди. Туйгуларини барчага ошкор этиб, ҳар хил гапсузлар тарқалишини истамаган. Балки ёзган шеърларини чоп этмасдан, кизнинг ўзига ҳадя этгандир. Балки кейинчалик қўлёзмаларини йўқотиб юборгандир. Ҳар ҳолда баҳтиёр онларида севги тўғрисида ажойиб байтлар битгани шубҳасиз. “Сен баҳорни согинмадингми”, “Сен Пушкиннинг севган малаги” каби шеърлари буни қайсиидир маънода тасдиклайди:

Узоқларда залворли тоғлар,
Хаёлимни келдилар босиб.
Кечди қанча интизор чоғлар,

*Васлинг менга бўлмади насиб.
Сенсиз мен ҳам, баҳор ҳам гариб,
Сен баҳорни согинмадингми?*

Пушкиндаги каби ўйноки, “ёруғ маъюслик”. Бу аслида қайғудан эмас, кўтариқиликдан ҳосил бўлган рухий ҳолатдир. Қайғу, ғам, айрилик туйғуларига бағишиланган “Эслаш”, “Деразангни коплар оқшом зулмати”, “Ўйлардимки, но-мингни сени” каби 1963 йилда ёзилган шеърлардан бошланади. Лекин уларда умид учқунлари батамом сўнмаган. Шу боис лирик қаҳрамон ишониб-ишонмай севгилисига мурожаат этади.

*Жўнар бўлдим мен бундан дилтанг,
Йўлларимга қараб қолдинг сен,
Сочгинангни тараф қолдинг сен
О, биламан, баджсаҳ отанг,
Остонангга ўйлаттас мени,
Узоқларга жўнаттас сени...*

Бу гарчи оригинал бўлса-да, анъанавийликка якин ифода. Жаҳон адабиётида севги ҳақида ёзилган шеърлар барчаси конкрет образлилиги, бадиий топилмалари бўйича оригиналдир. Чунки аник бир ҳолатда аниқ сабаб туфайли юзага келган. Аммо умумий оқибати, моҳият-мазмунига кўра, бир-бирига ўхшаш. Уларни 4–5 схематик моделда ифодалаш мумкин. “Ўйлим бошлар, кетарман бир кун, Сендан йироқ ўзга томонга” мисралари билан бошланувчи шеър анъанавийликдан анча йироқ. Кутимаган ўхшатиш “Ёрилмаган ярадай севги, Үнда бизни кийнамас тўлиб” Абдулла Ориповга хос ноёб топилмадир. Ёрилмаган яра қаттиқ оғрик беради, ҳатто кишининг ҳароратини кўтаради, кўнглини бехузур қиласди, кийнайди. Севги яраси вужудни эмас, дилни, жонни кийнайди. Айрилиб, бегоналашиб кетгандан кейин, балки, унчалик кийнамас. Аммо “муҳаббатдан сўнг бегоналик” бошлиниши мумкинми? Ҳамма гап шунда. Ноумид – шайтон. Илк севингнинг қалбингдан ситиб ташлай олмайсан. Яна қайтишига, аклан ишонмасанг-да, умид киласан. Ўз-ўзингни юпатасан, алдайсан. Туйғуларинг эса сохталашмайди, билурдек шаффофлашиб бораверади:

*Юлдузлар ўтига бардош берурман,
Фазолар тафтига қулурман тоқат.
Ёнинга сог-омон қайтиб келурман,
Оташ нигоҳингда ёнгали фақат.*

Муаллифга лирик қаҳрамон ҳис-туйғулари таниш бўлмоғи лозим, дедик. Лекин яна қайтарамиз, лирик қаҳрамон ёки эпик, драматик асарлар қаҳрамони ва муаллиф бир шахс эмас. Адабиёт ва санъат асарлари муаллифлар ҳаёти ва кечинмалари кўзгуси эмас. Улардан фақат муаллиф бошдан кечирган реал ҳаётий воеаларни, реал деталларни изламаслик керак. Муаллиф ҳаётни, воеаларни, инсоний муносабатларни бадиий қайта яратади. Ҳатто асар автобиографик характерга эга бўлганда ҳам муаллиф ҳаётини тўлиқ ва аниқ акс эттирамайди. Бадиий мантиқка бўйсунади. Бунда бадиий мантиқ воеалар, туйғулар ривожини бошка ўзанга буриб юбориши кўп учрайди. Лирика эса эпик жанрлардан фарқли, яна романтик услубдан тамомила воз кеча олмайди. Романтик услубга кўтариқини нореал тасвир ва ифода, туйғуларнинг фавқулодда эврилишлари хос.

Абдулла Ориповнинг 1966 йилда “Кўзларим йўлингда” деган китобчаси нашр этилган. Унда “Мухаббат” номли анча катта ҳажмдаги шеъри бор. Шеър ёшлар қалбидаги катта акс садо берди. Чунки мактабни тутатиб, синфдошларидан, англаб-англанмаган илк туйгуларидан, беташвиши турмуш-тарзидан анча-мунча узоклашган ёшлар, илк фирокни, омадсиз севгини бошдан кечирган йигит-қизлар шеърда ўз кайфиятига, кўнглига якин мисраларни топди. Айниқса, талабалар даврасида шеърни эҳтирос билан кимдир ёддан овозини чиқариб ўкир, тинглаётгандардан баъзилари секингина хўрсиниб кўярди. Шеърда ифодаланган туйгулар ҳали оила курмаган, ҳаётдан умидлари катта ўсмир-ёшлар психологиясига жуда мос келарди. Бу ёнда кўпчилик катта айрилик, фирокни бошдан кечиргани йўқ, ҳали ўзини ва ҳақиқий севгилисини излаш, ёрини танлаш билан овора. Бу жараёнда у бир-икки марта кимлар биландир учрашиб, дийдорлашиб кўрган. Аммо танлаши давомида “айрилик” ҳам бўлган. Ўшалар ёш йигит-қиз учун ҳаётдаги изтиробли айрилиқларнинг, муаммоларнинг ўрнини босади. Бу шеър ёшлар томонидан ҳаётий тажриба етишмаслигининг ўзига хос романтик компенсацияси ва чин баҳтили муҳаббатга интилишнинг руҳий рағбати сифатида қабул қилинди. Эҳтирослар максимализми шеърга кучли жозиба бағишлаган:

Болаликдан ўтиб мен ҳам, бўй етиб секин,
Гоҳо пинҳон, гоҳо асов дарёдай тошиб,
Бир ёш йигит севганчалик севдиму, лекин
Бошқалардай толе менга бўлмади насиб.
Кўнгил шишишам бир сўз билан қолганда дарз еб,
Қаламимдан илк мартаба тўқилди гамлар.
Сен бўлмасанг дунё ўзи менга надир, деб
Ичдим ҳатто талай-талай шеърий қасамлар...

Атокли татар шоири Ходи Такташ бундан сал кам бир аср бурун севги аслида эски нарсадир, лекин уни ҳар бир авлод янгидан янгилар деган фикрни айтиб кетган. Ҳақиқатан, Абдулла Орипов мавзууни ўзича янгидан ёшартириди, янгилатди. Айниқса, “Хайр энди...” дея бошланувчи шеъри бадиий образларининг бошқаларга ўхшамаслиги, таъсирчанлиги-ю хуносаси билан мутлако ноанъянавий эди:

– Хайр энди...
Қалбимда бир видо қолди.
Хайр энди, сен кетдинг бегуноҳ оҳу.
Бугун сен қайдасан? Қайларда қолдинг?!
Бугун бош устингда кимнинг паноҳи?!
Сени кеч топгандим, эрта йўқотдим,
Каргагин, лойиқман сенинг қаҳрингга.
Ўзгалар қалбидаги қадр уйготдим,
Бироқ етолмадим ўзим қадрингга...

Шеър куйидаги хитоб билан якунланади:

Бугун сен кимларнинг меҳрига зорсан,
Менинг юрагимнинг маэсрү парчаси.

Экспрессия жиҳатидан муҳаббат мавзусидаги шеърлар орасида “Хайр энди...” алоҳида ажралиб туради. 1965 йилда ёзилган “Аёл” ва “Отелло” шеърларида ишк-муҳаббат мавзуси бошқача ракурсда ёритилади. Умуман шеър, шу жумладан,

муҳаббат мавзусида шеър тасодиф туфайли туғилиши мумкин. Баъзан оддий, малиший, арзимас бир деталь, воеа катта кучли шеърга туртки бўлиши мумкин. У қалбда тўпланиб, тўлиб турган хис-туйғулар, фикрларни портлатиб юборса, шундай бўлади. “Аёл” шеъри ёзилишига туртки (сабаб эмас, албатта) бўлган воеа шоир ижарада яшаган хонадон эгалари қизининг дераза олдида ўтириб ҳар куни ўзига оро беришга, бўяб-таранишга, сочини турмаклашга 2–3 соат ажратиши бўлган. Фронтда ҳалок бўлган амакисининг қўлида чақалок билан қолган, бошка турмушга чикмаган аёли – янгасини эслаб Абдулла Орипов мазкур шеърини битади. Хонадон ёгасининг танноз кизи, ўзи ҳам сезмай “Аёл” шеъри ёзилишига туртки бўлган.

Мен Абдулла Ориповдан у ёки бу шеърининг ёзилиши сабабларини ёки улардаги образларга прототип бўлган шахсларни, сабаб бўлган ҳолатларни сўйардим. Кайфиятига караб, лозим топса, шоир баъзан аниқ деталигача айтиб берарди ёки лозим топмаса, қўлинни силкиб кўя коларди. Конкрет шахсларнинг номларини эса деярли тилга олмасди.

Ўнинчи синфда ўқиётган йили баҳорги таътилда шоирни кўргани Тошкентга келдим. У хусусий хонадонда ижарада турарди. Ижарада бирга яшайдиган ўртоғи қишлоғига ота-онасидан хабар олишга кетган экан. Хонасидаги бўш каравотга жой килиб берди. Ўзи дахлизда ёзиш билан машғул бўлди. Баъзан хонага кириб, иккинчи каравотга бироз чўзилар, сўнг сапчиб ўрнидан туриб, дахлизга чикиб, чирокни ёқар ва хаёлига келган янги сатрларни ёза бошларди ёки таҳрир киларди. Хуллас, тун шундай ижодий безовталиқда ўғди. Уйқу, аёнки, чала бўлди. Эрталаб тонг отгач, мени уйғота бошлиди: “Тур, тур! Чигатойга бориб келамиз”. Чигатой қандай жой эканини, (унда атоқли арбоблар дағн этилишини) билардим, лекин хеч кўрмагандим. Кўзларимни укала мингилладим: “Калла саҳардан кабристонда нима бор? Ё ўтгандардан бирор таси тушингизга кириб чиқдими?” Эшитган жавобим хайрон қолдири: “Қабристон Чигатой кўчасининг ўнг ёки чап томонида жойлашганини аниклашим керак. Эшит, – дедиу, “Отелло”ни ўқий кетди: “Чигатой кўчасини сўл томонида...”. Чигатойга келдик. Шоир ёзгани тўғри, кабристон кўчанинг ҳакиқатан сўл тарафида эканини анилагач, ёш боладек севиниб, кайфияти кўтарилиди. Қабристонга кириб зиёрат килдик. У Аброр Ҳидоятов қабри тепасига бориб, пичирлаб тиловат килди.

У Куръоннинг кўп сураларини ёддан биларди. Онасининг акаси Бозор бобо таникли кори эди. Шоир онасининг илтимоси билан Кори бободан зарур сураларни ёзив олиб, момомизга ўқиб бериб, гўёки ёдлатган. Зехни ўткир ёш бола онасига нисбатан, албатта, тез ёдлаган. Момомиз эсимда колмаяпти, деган баҳонада, кайта-қайта сураларни ўқитиб турган. Менимча, 50-йилларнинг бошида унга Куръонни бошкacha йўл билан ўргатиш хавфли бўлганидан, ота-онаси ва тоғаси Кори бобо шундай усулини ўйлаб топишган.

“Аёл” ва “Отелло” шеърлари мазмунан тор тушунчадаги ишқ-муҳаббат мавзусидан четга чикиб фалсафий мазмун касб этса-да, илохий марҳамат туфайли вужудга келган юксак ишқ ҳакидадир.

Шоирнинг “Биринчи муҳаббатим”гача ёзган шеърларида биз кўпроқ фалсафий мазмундаги мулҳозалар, босиклик билан ифодаланган туйғулар гўзаллигини учратамиз. Лирик қаҳрамон туйғуси соғлиги, ўқувчи қалбидаги суронли, куткули жавоб туйғусини эмас, балки теран “ёруғ маъюслик” уйғотиши билан ажралиб туради:

Чувалади ўйларим сенсиз,
Хаёлимга тароқ ургайман.
Менинг қўлим етмаган юлдуз,
Тушларимда сени кўргайман.

Чувалган ўйларга, хаёлга тарок уриши истиораси мутлако ноёб, такрорланмасдир. Ўйларнингчувалаши сабаби – ёр узокларда, баландда экани, унга етишиш душворлигидадир:

*Баланддасан, тоғлар қоридан,
Чақирасан мени илгари.
Ёлвораман арвоҳ ортидан
Интилувчи Ҳамлет сингари.
Маҳшаргача, майлига, кетай,
Кетай, майли, бўлиб овора.
Сени сўраб қўймаса нетай,
Ерда қолган севги бечора.*

Босиклик, мулоҳзакорлик ва айни пайтда севгилисига содиклик, барча қийинчиликларни мўминлик билан қабул килиш шеърга ўзгача иликлик бағишлади. Лекин Абдулла Ориповга лирик қаҳрамон хиссиётини максимал на-моён килиш бегона эмас.

“Мен сени куйламок истайман” шеърида туйгуларга тўлиқ эркинлик берилади. Улар сел каби гулдираб, ҳеч қандай ўзанга сиғмасдан, йўлда учраган тўсиқларни парчалаб, ёпирилиб келади. Ҳатто шеър қофиясиз, катъий вазнсиз ёзилгани боис “оқ шеър” дея таъкидланган:

*Мен шу асрнинг бир митти фарзандиман,
Мен унинг бутун қўполлигини,
Бутун нозиклигини,
Бутун совуқлигини,
Бутун ҳароратини,
Сенинг шу гунчадек нозик лабларинга
Жо қўимоқ истайман, севгилим...*

Бу шеър ўкувчилар орасида унча машхур бўлиб кетмади. Чунки ўзбек шеърхонлари бошқача эстетик идрок ва ифода анъаналарида тарбия топгандар. Улар муҳаббат мавзусидаги шеърлардан ё мажозий, илохий ишқ изтироблари ва завқшавқини ёки дунёвий маҳбубаси химмати, гўзаллиги, вафодорлиги, бевафолиги, шўхлиги, эркалиги, “шафкатсизлиги” туфайли туйган баҳт-саодат ёки чеккан “оҳвоҳлар”ни чиройли лирик ифодасига ўрганганди. Ўша 1967 йилда ёзилган шоирнинг куйидаги тўртлиги:

*Алвидо, деб қўлларимга бойладинг бир тола соч,
Ошиқ аҳли ичра кимни сайдадинг, бир тола соч?
Қолди умрим дами ишқда, соч каби ҳолим забун,
Толеимни тола-тола айладинг, бир тола соч.*

Ҳамда “Ереван кўчасида” деган шеъри севишганлар орасида шуҳрат козонди. Изидан ёзилган “Кўйигил, у кунларни эслатма менга”, “Севги ўлими”, “Куз манзаралари” шеърлари мавзунинг янги кирраларини очди. Табиат манзараси, холати гўёки бир кўзойнак, у оркали лирик қаҳрамон ўз қалбига, баҳтсиз севгисига синчиклаб карайди. Табиат холати ва руҳий кечинма муштаракликда берилади:

*Яна далаларга бошлайди ҳавас,
Богларда хазонлар ёнади лов-лов.
Дўстларим, бу кузнинг барглари эмас,*

Менинг юрагимдан түкілған олов.
 Шохларда мезонлар ялтирар хира,
 Пойида шивирлар менинг күйларим
 Дұстларим, булар ҳам мезонмас сира,
 Бу менинг чувалған, сұнгсиз үйларим.
 Күёш ҳам фалакда бамисли рүё,
 У энді ёндирмас, ялтираф фақат.
 Дұстлар, у ҳам энді қүёшмас асло,
 У олис ёшликда қолған муҳаббат.

Мұхаббаттинг ўзи ҳақида, айрилик ва севги дарди ҳақида деярли хеч қандай сүз, ох-воҳ, афсус, надомат йўқ. Айни дамда чизилған манзара лирик қаҳрамон идロки ва изтироблари ифодасидир. Шеърнинг бутун мазмуну мұхаббат ва айрилик оқибатлари түғрисида. Мұхаббат ҳақида бундай фалсафий, жозибали қалб туғёнлари ва афсусларини ифодалашаңда бевосита улар ҳақдаги сўзларни чет-лаб ўтиш факт даҳо истеъдодлагина насиб этади. “Севги ўлеми” юкорида тўлиқ келтирилган “Куз манзаралари” даражасида эмас. Бошланиши худди ундағидек қудратли, образлар такрорланмас ва таъсиранчан, бадиий услугуб ўхшаш:

Ёмғир ҳам тинмайин ёёди кун бўйи,
 Ёмғирли кун каби эзилди дардим.
 Яйдоқ кўчаларда жисм юрган кўйи
 Сенинг изларингни ахтардим.
 Уфқларда эса ачиқ бир туман
 Менинг кўзларимга куярди заҳар.
 Увиишган қалбимни сокинлик билан
 Эзар эди бўйм-бўйи бу шаҳар.

Ушбу келтирилган мисралар “Куз манзаралари”дан бадиийликнинг барча мезонлари бўйича паст эмас. Ҳатто рамзийликдан кўпроқ реалликка ўтиши жиҳатидан устун хисобланиши мумкин. Лекин сўнгти тўрт сатр онгнинг юкори – фикрий мушоҳада даражасидан кундалик онгнинг маиший урф-одатлардан ҳосил бўладиган психологияк кечинмалар даражасига туширилган. Бу оддий ўқувчига тушунарлироқ ва таъсиранчар, аммо юксак бадиий пафос пасайтирилган. Мана ўша сатрлар:

Энди сен туттассан асло қўлимни,
 Ўтган севгим учун очмассан аза.
 Оҳ, қандай ўлим бу севги ўлеми,
 Унга на қабр бор ва на жаноза.

Лекин шеърнинг ўзи барибир ажиб бир дурдона асардир. Орадан бир йил ўтиб, 1968 йилда “Биринчи мұхаббатим” туғилди. Ҳа, ҳа, ушбу шеърга нисбатан ёзилди, яратилди эмас, туғилди деган тушунча адолатлироқ. “Ёзилди”, “яратилди” сўзлари қандайдир сунъий ижодкорлик, ясалғанлик, ҳунармандлик аломатлари сакланиб колган. “Туғилди” сўзида табиийлик, илохий зарурат туфайли вужудга келганлик мазмуни яширип. Гарчи ёзиш, яратиш ҳам олий иродага бориб боғланса-да, туғилиш уларга нисбатан чукурроқ ва мухимроқ алоқани ифодалайди. “Биринчи мұхаббатим” Абдулла Ориповни чинакамига машхур қылған, халқ тасаввурода уни ўз шоирига айлантирган шеърлардан биридир. Бунга, албатта, ўша даврнинг энг

севимли икки ҳофизи – Отажон Худойшукуров ва Шерали Жўраевнинг “Биринчи муҳаббатим”га куй басталаб, қўшик қилиб айтганлари ҳам катта роль ўйнади. Шеър кўшиқка мос услугда ёзилган. Етарли даражада маъюслик, қўмсашиб, соғинч, етарли даражада илк муҳаббатни улуғлаш, қўкларга кўтариш, унга сифиниш бор. Меъёр, туйғулар ўргасида мутаносиблик, давомийлик сакланган. “Хайр энд...”, “Куз манзарапари” ёки “Чувалади ўйларим сенсиз” каби шеърларни қўшик қилиб, куйлаб бўлмайди. Уларда ё туйғу, ё мулоҳаза қўшик услугига мос эмас, қўшиқ имкониятларидан ортиклик киласди. Қўшик матни соддароқ бўлиши лозим. Шу сабабдан “Сен баҳорни соғинмадингми” ва “Биринчи муҳаббатим” ажойиб қўшикларга айланди.

“Биринчи муҳаббатим” Шерали Жўраев ижросида шунчалик машхур бўлиб кетдики, тўйларда, ресторан ва кафеларда, паркларда, айникса талабалар ётоқхоналарида тинимсиз ижро этиларди. Ҳатто баъзи кизлар учрашиб юрадиган йигитига турмушга чикишга розилик бериш шарти сифатида “Биринчи муҳаббатим” грампластиинкасини совға қилишни талаб қилишган. “Биринчи муҳаббатим” мана 50 йилдан ортиқ вақт ўтибдики, ҳамон машхур. Грампластиинкаларда, кассеталар, дисклар, флешкаларда ёзуви бир неча миллион нусхаларда таркалган. Отажон Худойшукуров ижроси ҳам анча машхур бўлди. У ҳам турли аудио ёзувларда кенг тарқалди.

Абдулла Ориповнинг катор шеърларига куй басталанганди. Баъзилари қўшик шайдолари орасида машхур. Севиб куйланди, тингланди. Бугун қўшиқчилик меросимизнинг олтин фондидан жой олган. Улар орасида, айникса “Яхши қол, эй, дилбарим, дилда кадар, кетмоқдаман” ва “Бу ишқ сиррин китоб этдинг, китобинг ичра мен борман” мисралари билан бошланадиган ашулалар тез-тез эфирда жаранглаб туради. Лекин машхурликда ҳамон “Биринчи муҳаббатим” пешқадам.

“Куз манзарапари”га ўхшаш шоирда яна бир шеър бор. У “Кузак шамоллари эсдилар яна” сатри билан бошланади. Шеърда қўмсашиб, маҳбуба билан рухий яқинлик, оламни бир хил идрок этишга, тушунишга ишонч туйғуси акс этган:

*Кузак шамоллари эсдилар яна
Сокин юрагимда туйгулар кўзгаб.
Келгил, паривашиб, келгил жимгина,
Келгил самолардан мезонга ўхшаб.*

Бўлган иш бўлди, энди ҳасрат чекиши, ҳатто бирор сўз айтишнинг кераги йўқ. Аммо хаёлан бирга бўлиш, жимгина табиатни, теварак-атрофни кузатиш дилга маънавий озиқ, куч-кувват беради, хотиржамлик бағишлийди:

*Пойнисиз оламга боқайлик сўзсиз,
На ҳасрат, на сўзнинг бордир кераги.
Бизнинг теграмизда ёнаётган куз,
Қайси бир ошиқнинг сўнган юраги...*

Ҳаммаси ортда, факат буюк муҳаббат қолди, хаёлот қолди. Ошиқнинг сўнган юраги – “ёнаётган куз”, сарғайган, олов рангига кирган япроқлардир, вужуддир, ошиқ рухи эса тирик, у каримайди ва ўлмайди.

Абдулла Ориповда 1972 йилда ёзилган ажиб бир дурдона шеър бор, “Соғинч” деб аталади. Уни ишқий лирикага оид ёки туғилган қишлоғини, ҳатто ўтиб кетган онасини қўмсашиб, ёнингга кабристонга қайтсан, деган мазмунда ҳам тушуниш мумкин. Уни тўлиқ келтирамиз:

Парчагина булат,
Чексиз осмон,
Адир ортидаги ёлгизоёқ йўл.
Барча ташвишларни унумиб, шодон,
Қайтгим келаётир қошингга буткул.
Қисмат майин ичдим – аччиқ ва тахир,
Туйдим эҳтироснинг самовий кучин.
Дунёда одамзод яшамас, ахир,
Фақат иродасин синамоқ учун.
Парчагина булат,
Чексиз осмон,
Адир ортидаги ёлгизоёқ йўл.
Барча ташвишларни унумиб, шодон,
Қайта олсан эди қошингга буткул.

Шеърни турлича талкин қилиш мумкин. Ҳақиқатан, биринчи муҳаббатга қайтиш, аммо бу иложсиз эканлиги, айрилик туфайли хаётчи аччиқ ва тахир бўлгани, яшамок ирода синовига айлангани, бундай хаётдан кийналиб кетгани тўғрисида шеър дей талкин қилиш мантикка зид эмас. Лекин ўтиб кетган бегубор, беташвиш болаликни соғиниш, тириклик ғилдирагини ортга айлантириб бўлмаслиги, унинг барча зарбалари-ю қийнокларини қабул қилмасдан, иродасини намоён этиб курашмасликнинг иложи йўклиги мазмунидаги талкин ҳам мантикка зид келмайди. Шоир туғилиб ўстган кишилек ёнида катта адир бор. Унинг ортида шоирнинг дунёдан жуда эрта кетган онаси дафи этилган кабристон жойлашган. Шеърни онаси руҳига мурожаат дей тушуниш ҳам ўринли туюлади. Ўша шоир учун оғир кечган йилларда, хаттоки умрининг охиригача унинг онаси олдига қайтиш истагини ифодаловчи мисралари кўп.

Абдулла Ориповнинг муҳаббат лирикасига қайтамиз. Албатта, эҳтиросларга бой гўзал шеърларни фақат йигитларгина эмас, қизлар ҳам ўқиди, таъсиранади, ёд олади. Уларни ёзган шоирга шайдо бўладиганлари учрайди. Айримларининг хаёлида фақат угина шоирни тушунади, фақат угина шоирга ҳакиқий баҳт ато этишига самимий ишонади. Якинроқ танишишга, дўст тутинишга уринади. Бундай шайдо қизлар орасида самимийлари, ўзини фидо кишишга тайёр гўзаллари, окиласлари кам бўлмаган. Шоирда маъсулият туйғуси кучли эди, у оилавий бурчига содик қолди. Баъзи бир шўхликлар қылган бўлиши мумкин, аммо инсонийликнинг маълум бир сарҳадини бузган эмас. “Илтижо” номли шеърида ёзади:

Кимга фойда беҳуда жунун,
Ва дунёга гавго солишдан
Айрилиқдан қўрқмасман бу кун,
Мен қўрқаман севиб қолишдан.

Бу барча шайдо қизларга шеърий жавоб эди. Яна бир тўртлик худди шундай жавоб бўлиб туюлади:

Оҳ, ўтган у кунлар қайтмагай зинҳор,
Ўчган муҳаббатнинг ёнмоги душивор.
Нигоҳинг қадама қарогимга сен
Унда тўқилмаган кўзёшларим бор.

Тўртликда қайтадан севиб қолишидан кўркиш, нозик калб дардлари уйғониб, кўзёшига айланиши эҳтимоли ифодаланган. Тўртлик 1984 йилда “Илтижо”дан 14 йил кейин ёзилган. 80-90-йилларда ҳам шоирнинг муҳлисалари кўп эди. Аммо севги-муҳаббат ҳақида фалсафий мулоҳазалардан ташқари, эҳтиросли шеърларни ёзмай кўйган эди. Мен шоирдан бир куни бу ҳақда сўрадим. Ахир муҳаббат шеърият учун абадий мавзу-ку, баъзи шоирлар 70-80 ёшларда ҳам эҳтиросли ишқий шеърлар ёзади, деб жаҳон ва рус адабиётидан қатор мисоллар ва исмларни келтиргандим. Шунда у “Кизларим ўсиб, ок-корани ажратадиган бўлиб қолди. Улар менинг шеърларимни ўқиб, нима деб ўйлади. Ҳар мавзунинг ўз вакти бор”, деган жавобни берганди.

Мана шундай ўйноки ва фалсафий-ишқий шеърлардан намуналар:

*Нари кетолмайман бир ҳабаш қиздан,
Жуда ўҳашаш экан сенга кўз-коши.
Билмадим, ўша пайт, қай бирингиздан
Нусха олган экан фалак наққоши.
Лойингиз баробар қорғандир Халлоқ,
Айни илҳом чоги ижод этгандир.
Анави ҳабашининг нусхаси бироқ
Хумдонда узокроқ қолиб кетгандир.*

Иккинчи, мазмунан тамом фарқ киладиган намуна:

*Мен фақат Сен учун яшадим десам,
Бироз лофт бўларди ва бироз ёлгон.
Гоҳи босганида тўфон каби гам
Кўзимга кўрингай ўзимдаги жон.
Сенсиз ҳам яшадим десам мен агар,
Десамки, сенсиз ҳам танамда бор жон.
Ишонгил, бу гатим баридан баттар
Ёлгон бўлар эди, тамоман ёлгон.*

Албатта, бу дил изҳори ёш йигитнинг эмас, нуроний донишманднинг сўзлари-дир. Туйғулар мувозанатта аллақачон келган, мўътадиллашган. Улар эҳтиросли ҳаракатга олиб келмайди, балки фикр, мулоҳаза уйғотади.

Давоми бор



**ҚОЗОҚ
ШЕЪРИЯТИНИНГ
АСҚАР ТОҒИ**

Абдулла РУСТАМОВ

Қадимдан бир-бирига қавм-қариндош, дили, тили ва дини бир бўлган, бир дарёдан сув ичиб, киз бериб, киз олишиб, яқин дўстлик ва яхши ҳамкорликда яшаб келаётган ён кўшни – жон қўшнимиз бўлган қозоқ ҳалқи орасидан ўз ҳалкининг асл фарзандлари бўлган улуғ сиймолар кўплаб етишиб чикқан ва улар ўз элининг фахрига айланганлар.

Шундай буюк сиймолардан бири XIX асрнинг иккинчи ярми ва XX асрнинг бошида яшаб ижод этган қозоқ ҳалкининг асл фарзанди, буюк маърифатпарвар шоири Абай Кўнонбоевdir. У ўзининг барҳаёт номи ва бетакрор ўлмас ижоди билан қозоқ ҳалкининг шуҳратини оламга ёйиб келмоқда. Абайнинг адабий мероси, илғор фалсафий фикрлари, буюк яратувчилик гоялари ватангга, инсонга, табиятга, ҳаётта багишинган юксак маънавий дунёсидир.

Абай Кўнонбоев адабий тафакқурни нурлантирган, мавжуд ҳаётни санъаткорона бадиий акс эттирган улкан мутафаккир адибdir. У шоир сифатида бутун инсониятга муҳаббат кўзи билан каради. Шоирни миллийлик қобигидан чикариб, уни умумбашарий шоирга айлантирган омил унинг ўз ҳалқига бўлган чексиз ва бегубор муҳаббати, эл-юртининг тақдирни билан боғлиқ курашчан доно фикрлариидир. Зоро, ўз ҳалқини чин севган кишигина бошқа ҳалқларни сева олади, ўз қадрини химоя килишга кодир одамгина инсон қадрини улуглай олади.

Ўз элининг тинч, осойишта ҳаёт кечиришини, илмли-билимли бўлишини, маданиятининг юксалишини орзу қилган улуғ шоир ҳалқига теран ҳикматлар ва гўзал туйғулар билан тўлиб-тошган ажойиб шеърлар хазинасини мерос сифатида колдириди. Шоирнинг адабий мероси миллийлик чегарасидан чикиб, жаҳон сўз санъатининг асл дурдоналарига, инсоният тафаккурининг хазинасига айланди. Унинг кўшик бўлиб тилларда янграган ажойиб шеърлари, ҳикмат бўлиб дилларга сингган насрый асарлари дунёнинг кўплаб тилларига таржима қилингани ва таржи-ма килинаётганининг туб сабаби ҳам шунда бўлса керак.

Абай – улкан реалист шоир ва ёзувчидир. Унинг шеърлари тоф бағридан қайнаф чикқан зилол чашманинг суви каби жонга ҳузур бағишлиайди. Бу шеърлар тонгти

Абдулла РУСТАМОВ – 1948 йилда туғилган. Тошкент давлат университетининг ўзбек филологияси факультетини (ҳозирги ЎзТваАУ) тамомлаган. “Ҳаёт қўшиқлари”, “Согинч” каби шеърпий ҳамда “Абай олами” илмий-тадқиқот китоблари чоп этилган.

сабо каби мусаффодир. Улар гулу райхоннинг ва боғу бўстоннинг муаттар хиди каби барқ уриб, кўнгилни завқу шавкка тўлдиради, бўғин-бўғинларни бўшаштириб, юракларни яйратган дўмбиранинг майин ва дил ўртар ноласига ўхшайди.

У асарларида ўз даврининг ҳамма томонларини бутун қарама-каршиликлари билан кўрсатиб бера олди. Шундай қилиб шоир ижоди ўз замонасининг кўзгусига айланди.

Абай Кўнонбоев 1845 йилнинг 10 августида ҳозирги Шарқий Қозогистондаги Чингизтоғ этакларида жойлашган Қашқабулок яйловида таваллуд топди. Унинг асл исми Иброҳим бўлиб, ёшлигида онаси Улжон уни эркалаб Абай деб атаган. “Абай” сўзи козок тилида эҳтиёт, огоҳ деган маънони билдиради. Демак, эҳтиёт бўл, авайла (қозоқчасига абайла), кейинчалик “абайла” “абай”га айланиб, унинг доимий исми бўлиб кетган.

Абайнинг катта бобоси Ўлжой ботир бўлиб, ундан Ирғизбой, ундан Ўскенбой, ундан Абайнинг отаси Кўнонбой тугилган. Қаркаали округининг оға-султони бўлган Кўнонбой Ўскенбоев йирик феодал эди. У қатъиятли ва талабчан, душманларига эса шафқатсиз бўлган. Абайнинг болалиги ана шу каттиқўл отанинг тарбиясида ўтди. Онаси Улжон ақлли, меҳрибон, ширинсухан ва доно аёл бўлган. Абайни эркалатиб, кўп эртаклар айтиб, бўлажак шоирнинг ҳалқ оғзаки ижодини ўрганишидаги дастлабки йўлни очган бувиси Зере (Кўнонбойнинг онаси) кўпни кўрган, меҳр-окибатли, ҳалқ ўргасида алоҳида иззат-эътиборга эга аёл эди. Бу икки она Абайнинг оддий одамлар томонига ўтиб, астойдил хизмат қилишида катта ижобий таъсир кўрсатганлар.

Абайни 8 ёшида отаси “Эски том” овулида ўзи очган мадрасага олиб бориб, Фабитхон (Обидхон) исмли муллага ўқишга беради. Мулланинг таълимидан боласи ҳам ёлчимаган, ўзи ҳам қаноатланмаган Кўнонбой Абайни 10 ёшида Семей шаҳридаги Аҳмад Ризо мадрасасига олиб боради. Абайни мадрасадаги диний билимлар кониктирмади. Бухоро мадрасаларидан бирида ўқиркан, ўзича мустакил ўқиш билан ҳам шуғуллана бошлайди. Араб, форс, ўзбек тилларини ўрганишга киришади. Абай шарқ классик адабиёти номояндларни Фирдавсий, Саъдий, Хўжа Ҳофиз, Жомий, Навоий, Низомий ва Фузулийларнинг асарлари билан таниша бошлайди, улар ижодидаги айрим ғазалларни ёд олади. Айникса, шеърият мулкининг султони, ҳазрат Алишер Навоийни ўзига устоз деб билди. Унинг асарлари-даги ҳаётни севиши, гуманизм ва инсонпарварлик ғоялари ёш Абайга ўз таъсирини кўрсатади. Абай унга эргашиб ўзининг илк шеърларини ёзади.

Абай мадрасада ўқиб юрган чоғида шахар турмуши ва маданияти билан кизиқиб боради. У бу ерда ҳакикий қозок маданиятини яратиш учун илгор рус маданияти ва билимини ўрганиш зарурлигини тушунади. Бунинг учун у даставвал рус тилини билиш керак, деган хulosага келади. Шу мақсад билан Абай мадрасада ўқиш билан бир вактнинг ўзида отасининг руҳсатисиз русча “Приходная школа”га кириб ўқибди. Абай у ерда 3–4 ой ичida бир йиллик ўкув дастурини эгаллашга харакат килади. У шаҳардаги рус кутубхонасидан китоблар олиб ўқибди. Бу ерда кўпгина рус кишилари билан танишади. Улар ёш Абайнинг рус тилини тез ўрганиб, эркин ўзлаштиришига ёрдамлашадилар. Рус шоирлари ва ёзувчиларининг асарлари билан танишган Абай Арасту, Сукрот, Гегель фалсафасидан баҳраманд бўлади. У Фарб адабиётининг машхур классиклари Байрон, Гёте ва бошқаларнинг айрим шеърларини козокчага ўтиради. Натижада ёш Абайнинг дунёкараши ўзгара боради. У ҳалқни инсонпарварликка даъват этувчи шеърлар ёза бошлади.

Бироқ, Абайнинг шаҳардаги ўқиши узокка чўзилмайди. Янги дунё эшигини то-пиб, ичидаги билим дурдоналардан эндиғина баҳраманд бўлаётган Абайни 13 ёши-

да отаси шаҳардан чакиритириб олади. Кўнонбой ўз мақсадларини амалга ошириш учун энди Абайни ёнида олиб юриб, эл бошқаришни ўргатиши ва унга мансаб олиб бериши керак эди. Абай отасининг раъйига карши боролмай, айтганига кўнишига мажбур бўлади.

Абай отасининг ёнига қайтиб келгач, ўзига топширилган вазифаларни баъзан отасининг кўрсатмаси бўйича, баъзан эса юраги буюрганича бажариб юради. Эл ишига аралашгандан кейин, Абай халқ оғзаки ижоди билан ҳам кенг таниша бошлайди ва булар унинг учун иккинчи бир “мактаб” бўлади. Шундай килиб, Абай эл орасида билимли, ўз халқининг урф-одатлари ҳамда тарихий ва маданий ёдгорликларини яхши биладиган ёшларнинг бири бўлиб танилади ва шуҳрат қозона бошлайди.

Козок овулларидаги халқнинг турмуш шароити билан танишар экан Абай аҳолининг ниҳоятда оғир ахволига, ўта кийинчилик билан турмуш кечираётганинг ич-иҷидан ачинади ҳамда уларга хайриҳоҳлик билдириб иложи борича ғамхўрлик килишга тиришади. Абайнинг бундай халқпарварлиги отаси билан ўзи ўргасидаги бир канча қарама-каршиликларга сабаб бўлади. Кўнонбой ўғлининг халққа якинлигини ёқтиримай, унга: “Сен одамларнинг ҳаммасига кулиб гапирансан, ёйилиб оккан сувга ўхшайсан, ёйилиб оккан сувни ит ҳам, куш ҳам ичади. Кўпчиликдан йирок юр, шунда бошинга халқ уймалайвермайди”, деб каттигик коийиди. Шунда Абай: “Кўлида куроли бор, битта-иккитагагина фойдаси тегадиган чукурдаги кўлоб сувдан, ўтган-кетганга, кўпчиликка, халқка фойдаси тегадиган ёйилиб оккан сувни афзал деб биламан”, деб жавоб кайтаради.

Оға-султон мансабидаги Кўнонбой ўз кўлидаги ҳукуқдан керагидан ортиқча фойдаланарди. У кўшни ота уруғлари Жигитек, Буkenши ва Жуантай кабилаларининг яхши ерларини тортиб олади. Бундай зўровонлик ва ҳақсизликлар натижасида элдан тинчлик кетади, ўзаро уруш-жанжаллар ва низолар кучаяди. Масалан, Мусакул деган жойдаги қонли тўқнашувда Кўнонбой кўшни Жигитек уруғининг бир неча одамини ўлдиртириб, ўн етти кишини Сибирга сургун килдиртиради. Кейинчалик Кўнонбой эгаллаб турган лавозимидан туширилиб, Омск шахрига теровгга чакириллади. Жигитек уруғига ерлари кайтариб берилади, лекин орадаги авж олган низолар босилмайди, улар баттар ўчакишидилар. Бу эса кейинчалик Кўнонбой болаларининг бошларига катта кулфатлар олиб келади.

Машхур ёзувчи Мухтор Аvezov ўзининг тўрт томдан иборат “Абай йўли” роман-эпопеясида Кўнонбойни юқорида келтирганимиздай бой-феодал сифатида салбий образ этиб тасвирлаб, у билан ўғли Абай ўргасидаги қарама-каршиликларни бўрттириб кўрсатади. Чунки роман бадиий асар бўлгандан кейин бош ва ижобий қаҳрамон сифатида Абайнинг дунёкараларини янгилик ва отасиникини эса эскилик саркити этиб таърифлайди. Бу билан адид ўша даврдаги қозок жамиятидаги эски урф-одатлар билан янги удумлар, ўтмиш колдиклари билан келажакдаги эзгу мақсадлар ўргасидаги тафутвларни ота-бода орасидаги муносабатлар орқали тасвирлашга ҳаракат киласади.

Камина 2012 йили Абай туғилиб ўсган ҳозирги Абай туманида бўлиб, унинг уй-музейидаги шоир замондошларининг эсадаликлари билан танишганимда ва бошқа тарихий манбааларда Кўнонбойнинг феодал ва каттиккўл бўлишига қарамай ўз даврида жуда кўп яхши ва хайрли ишлар килиб кетганини билдим. Жумладан, Кўнонбой ўз қарамоғидаги овулларда эски мактаблар очиб, болаларни, аввало, ўз уруғига қарашлиларнинг болаларини ўқитиб, саводини чиқаришга ҳаракат қиласан. Ўша даврдаги миллий урф-одатларнинг сакланиб қолишига, мавжуд тартибининг бузилмаслиги учун курашган. Караган чогида эса, Маккага сафар килиб, у ерда ўз хисобидан масжид ва меҳмонхона курдирган.

Абай 1875 йили Тұбикти уруғига қарашли Күнгир-күкча әлиға бўлис (хоким) бўлиб сайланади. У жойларда ўтирилик, боскинчилик, ўзаро низоларга барҳам беришга, гунохкорларга каттik чоралар кўришга уринган. Адолат ўрнатиш оркали у эл ичидаги тинчлик ўрнатишга ҳаракат килган. Бирок, унинг ўйлидаги тўсиклар ва каршиликлар шунчалик катта ва кўп эди, булар Абайнинг эзгу мақсадларини амалга оширишига сира имкон бермади ва унинг бу харакатлари зое кетади. Шу сабабдан хам у 1878 йили ўз хохиши билан бўлисликни топширади. Шундан сўнг унинг устидан ота душманлари Семей уезди хокимиға кетма-кет шикоят аризалар ёғдирадилар. У икки йил давомида Семей шахрига бир неча марта чакирилиб, ўн иккى хил иш бўйича тергов килинади. Ёлғон тухматлардан аранг кутулган Абай 1880 йилнинг баҳорида ўз элиға кайтади. Шундай кейин у муттасил бадний ижод билан шуғулланади.

1885 йилнинг май ойида Шар дарёсининг бўйидаги Корамўла деган жойда Семей вилояти генерал-губернатори Цеклинский бошчилигига Семей вилоятига қарашли 5 уезднинг 100 дан ошик бий-бўлислари бош кўшган фавқулодда курултой ўтказилади. Шу курултойда тўбе бий (бош бий) бўлиб сайланган Абайга “Семей козоклари учун жиноят ишларига қарши конун-коидалар”ни тайёрлаш топширилади. Абай раҳбарлигидаги комиссия ҳаммаси бўлиб 93 бобдан иборат бўлган ушбу низомни 3 кун ва 3 тунда тайёрлайди. 1886 йили Абай Семей вилояти статистика комитетининг тўлиқ аъзоси этиб сайланади.

Абайнинг 7 ўғил ва 3 қизи бўлган. Шоир фарзандларининг ҳаммасини ўқитади. Булар орасида Ақилбой ва Мағавия отаси каби шоир бўлиб етишди. Абдураҳмон исмли ўғли эса Петербургда ўқиб, ўша вактдаги козок билимдонларининг бири бўлди.

Абай ўз атрофига шоирлар, кўшикчилар, адабиёт ихлосмандларини йиғади ва уларга кўлидан келганча кўмаклашади. Абай 1886 йилдан бошлаб рус шоир ва ёзувчилари Пушкин, Лермонтов, Толстой, Салтиков-Шедрин, Некрасов, Крилов ҳамда бошқа рус шоир ва ёзувчиларининг асарларини қозок тилига таржима қила бошлайди.

Абай фаолиятидаги муҳим ишлардан бири ёшларни тарбиялаш бўлди. Шоирлик истеъоди сезилган ёшларга ўзи мавзу бериб, достонлар ёздириб, ўзи таҳрир килиб, танқидий мулоҳазаларини билдириб борди. Масалан, у ўғиллари Мағавияга “Мегдат Қосим”, Ақилбойга “Қиссан Юсуф” достонларини ёзишда йўл-йўриклар кўрсатиб, ижод билан шуғуланишларига раҳбарлик килди.

XIX асрнинг 90-йилларига келиб отаси Кўннобойнинг душманлари кайтадан кўтарилиб, унинг ўғилларидан касд олмокчи бўлишади. 1890 йили элга бўлис бўлиб ишлаб турган Ўспон билан ота душмани Ўрзбой ўргасида катта жанжал чиқади. Ўспон Семей уездига арз килгани кетган Ўрзбойни кувиб етади ва уни “қочиб юрган ўғри” деб генерал-губернаторнинг рухсати билан оёқ-кўлини боғлатиб олиб келади. Ўртадаги душманлик авжга чиккан пайтда, яъни 1891 йили Ўспон касал бўлиб, вафот этади. Ўспон ўлимидан кейин унинг душманлари Абайга ёпиша бошлайдилар. Ўспон тутатиб кетган чўғ аллангага айланади.

1894 йилдан бошлаб Абай оиласида фожиали воқеалар содир бўла бошлайди. Шу йили Петербургдаги ҳарбий билим юртини тутатиб, академияга киришга ҳозирланаётган севикли ўғли Абдураҳмон сил касалига учрайди ва бир йилдан сўнг, 1895 йили Верний (ҳозирги Олма ота) шахрида 27 ёшида вафот этади.

Ота душманлари Абайнинг кайғусига кўшилиш ўрнига уни янада турткилай бошлайдилар. Улар 1897 йили Абайнинг уйида, “подшо хукуматига қарши бўлган

одамлар кўп келади ва ўзи ҳам подшога қарши ишлар билан шутулланади”, деган айблар билан тинтуб уюштирадилар. Лекин полициячилар ҳеч нарса топа олмайди. Уларнинг бу фитнаси натижа бермагач, бошқача чоралар кўришга ўтишади. Ўша йилнинг кузидаги сайлов вактида улар унга қарши турли бўхтонлар уюштиришиб, Абайни калтаклашгача бориб етадилар. Бирок, фитна фош бўлиб, уни уюштирган шахслар жазога тортилади. Бу вокеалар Абайга каттиқ таъсир килади. У 1889 йилда ёзган бир шеърида:

*Юрагим менинг қирқ ямоқ,
Хиёнаткор оламдан... –*

деб, зорланади. Ана шундай ахволдаги Абайнинг бошига 1904 йили яна бир оғир кулфат тушади. Ўша йилнинг баҳорида таникли шоир, бир канча поэмалар муаллифи, Абайнинг севикли ўғли Мағавия касал бўлиб 34 ёшида бевакт вафот этади. Дарди оғирлашган Абай ҳеч ким билан гаплашмай, тўшакда ётиб қолади. Мағавия ўлимидан 40 кун ўтгач, 1904 йилнинг 23 июль куни Абай дунёдан кўз юмади. Унинг жасади Чингизтог этакларидаги ўзи охирги йиллари яшаб ўтган Жидебой деган жойга кўйилади.

Абай бор-йўғи 59 йил яшаган бўлса-да, шу киска ва мазмунли умрида козок ёзма адабиёти ва адабий тилига асос солди. Абайнинг ижодий меросини 180 га якин шеърлари, 3 та поэмаси, 60 дан ортиқ таржималари ва унчалик катта бўлмаган насрый асарлари ташкил этади.

Абай козок адабий ҳаётига янги юксалиш даврини олиб келди. У шоир, достончи, ёзувчи, таржимон, бастакор, файласуф-олим, гуманист, маърифатчи сифатида ижод килиб козок классик адабиётининг отаси, козок поэзиясининг аскар тоғи, замонавий мусика яратувчиси ва маърифатга йўл бошловчиси даражасига чиқа олди.

Ўзбекистонда ҳам козок ҳалқининг буюк шоири ва мутафаккири Абай Кўнонбоевнинг адабий ижоди юксак баҳоланиб, асарлари ўзбек тилида нашр этилган. Тошкент шаҳрида унинг маҳобатли ҳайкали ўрнатилган ва йирик кўчалардан бирига унинг номи берилган. Шунингдек, унинг номида кўрғонлар, қишлоклар, маданият ўчоғлари бор.

2015 йили буюк шоир Абай Кўнонбоев таваллудининг 170 йиллиги республикамиз миқёсида байрам қилинди. У ҳақда “Абай олами” тадқиқот асари, “Абай” асарларидан намуналар китоб ҳолида нашр этилди, оммавий аҳборот воситаларида туркум мақолалар чоп этилди. Шунингдек, “Абай – қозоқ ва ўзбек ҳалқининг ёруғ юлдузи” кинофильми суратга олинди. Жойларда эса, Абай ижодига бағишиланган фестиваллар, конференциялар, адабий учрашувлар ва мушоиралар ўтказилди.

Ҳозирги кунда Абай ижодига кизикиш янада ортиб бормоқда. Айниқса, Абайнинг умуминсоний қадриятлар ва меҳр-оқибат туйгулари юксак пардаларда тараннум этилган етук бадиий асарлари, ибратли ҳаёти ва ижтимоий фаолияти билан ҳалқларимиз маданияти ривожига кўшган улкан хиссаси инобаттага олиниб ҳамда ҳалқларимиз орасидаги ўзаро маданий-гуманитар алоқаларни янада ривожлантириш, эл-юртимизни козок адабиётининг улуғ намояндалари ижоди билан кенг таништириш максадида жорий йил 13 мартада қабул қилинган Ўзбекистон Республикаси Президентининг “Буюк козок шоири ва мутафаккири Абай Кўнонбоев ижодий меросини кенг ўрганиш ва тарғиб қилиш тўғрисида”ги қарори қардош Қозоғистон ҳалқига, унинг бетакрор адабиёти ва маданиятига, ёруғ келажагига бўлган катта хурмат ва ишончнинг ёркин ифодаси бўлди.

Аҳли дониш сұхбатида бўлса қалб зийнат топар



Исмоил Махмуд
МАРФИЛОНИЙ

* * *

Саодат аҳлини, эй дил, ўзингта ошно килғил,
Мухаббат шавкида тўккан ёшини тўтиё килғил.

Азалдин тоабад келгай бу ришига неъмати Ҳақдин,
Этиб шукрини тун-кун сен они рухга гизо килғил.

Иродат аҳдида кетмак азал ишқ ахлига фарздур,
Хидоят дастиди ўзни бу йўлда сен фано қилғил.

Осон эрмас риёзат даштида чекмак хажр дардин,
Тутиб ишқ илкини ўздин ўзингни сен ризо килғил.

Вужудинг сарҳади ичра кезар турфа шайотинлар,
Онинг зил макрини тадбир ила ўздин сиво қилғил.

Асоссиз топмагай ҳеч ким юриб ёлғиз ривож ҳаргиз,
Назар аҳлини ёр эттил, ўзингта раҳнамо қилғил.

Бу жоми ишқ аро, Махмуд, ки, тавҳид бодаси жўшгай,
Тутиб сен косаи дилни анга шавкини жо қилғил.

* * *

Дўст ила сұхбатда ҳаргиз килмагил кибру ҳаво,
Қолмагил охирда ёлғиз бир ўзинг шайтон аро.

Дўст томон аввал қадам кўй, сенга юрмасдан туриб,
Қилмагил нарху наво ҳеч дўстга сен виждон аро.

Исмоил Махмуд МАРФИЛОНИЙ – 1947 йилда тугилган. Тошкент давлат университетининг (ҳозирги ЎзМУ) журналистика факультетини битирган. Шоирнинг “Шуъла”, “Келажаскка ишониб”, “Эътироф”, “Ишқ саодати”, “Гулзор қўлур”, “Саодат манзари” номли шеърий тўпламлари нацир этилган.

Дўустга дўст фикри билан тур окибат саҳнида сен,
Дўст билан туттил йўлингни бу улуғ майдон аро.

Молу мулк, шуҳрат билан ҳеч ўлчама дўст қадрини,
Ўлчаганлар охири, воҳ, колдилар тӯфон аро.

Икки олам ҳикмати бу: дўст азиз, инсон азиз,
Бу мукарримлик била тур, эй кўнгил, даврон аро.

Касру вайрон ичра бир хис, бил, азиз бўлгай абад,
Дўсти тафти бирла ул бўлса ёруғ имон аро.

Яхши дўстлар, Махмудо, билгил саодат даститур,
Ул борар йўлингни ҳар дам айлагай бўстон аро.

* * *

Эй кўнгил, ёр бирла тузган ахду паймонинг қани,
Ахду паймон ичра турган марди майдонинг қани?

Айлаган эрдинг вафо расмини эттайнан шиор,
Ул вафо расми ароким чашми гирёнинг қани?

Бу синов майдони ичра келди ким, бир кун кетар,
Ул кетар чоғда ёруғ юз бирла эҳсонинг қани?

Роҳи ростни ул дилоро айлади бизга шараф,
Роҳи рост ичра ярашган боғу бўстонинг қани?

Бил, омонат ичрадурким ҳар қадам, ҳар бир нафас,
Ҳар дамеким илтижода шавки мастанинг қани?

Бенасиблик заҳми бирла куймасин ҳаргиз даминг,
Воҳ, муҳаббат бирла ўтган руҳи жононинг қани?

Ишқ аро ҳар дам тазарру ичра бўлгил, Махмудо,
Кўйгали ёрга қадам ҳар дамда имонинг қани?

* * *

Ҳар киши етгай муродга, бўлса тартиб-интизом,
Максади бирла ҳаёти ичраким тузса низом.

Оқибу доно киши қўйгай қадам химмат билан,
Тадбири дил ичра ҳар дам эҳтиёт айлаб калом.

Илму ҳикмат бирла кўнгил топгуси ҳусни ажр,
Ажратиб олса ҳаётда не ҳалолдур, не ҳаром?

Ахли дониш сухбатида бўлса қалб зийнат топар,
Кўргуси охирда ҳам ул икки дунё эҳтиром.

Айласа ҳар дам иродат тоза ўй, фикри билан,
Етгуси матлабга бир кун ул топиб юксак мақом.

Ҳақ ризосин олмаганлар бўлдилар хору залил,
Бу хатосига дилида этмайин ҳеч эҳтимом¹.

Махмудо, ҳоли ҳаётда интизоми Ҳақда бўл,
Топгуси руҳинг камолу ул куни ишқ ичра ком.

* * *

Сезмасин окил киши нодонга ҳаргиз эҳтиёж,
Беамал, юзи каро шайтонга ҳаргиз эҳтиёж.

Оқилу ориф одам, билгил, қаноат гавҳари,
Этмасин ул нафс аро нуқсонга ҳаргиз эҳтиёж.

Макдамин чорбоғ килурлар яхшилар хикмат билан,
Қиласин кори зиён хандонга ҳаргиз эҳтиёж.

Ҳар киши имон билан етгай саодат қасрига,
Айламаслар ишқи йўқ ҳайвонга ҳаргиз эҳтиёж.

Аҳду паймон ҳам муҳаббат шавқидандур бир нишон,
Бўлмасин бу ишқ ила ёлғонга ҳаргиз эҳтиёж.

Ул куни етсун висол сахнига дил дўстлар аро,
Тушмасин юз сўнгти дам хижронга ҳаргиз эҳтиёж.

Бас, муҳаббат ичра, Махмуд, ёр сари қўйгил қадам,
Тушмасин ҳеч бевафо инсонга ҳаргиз эҳтиёж.

* * *

Сани коринг мани, эй ёр, асиру мубтало айлаш,
Асириғ ичра ҳам борим ўзингта муддао айлаш.

Тағофул бирлаким баттар этарсан, ёр, бу ҳолимни,
Ки, сезмаслик мақомида яна кўнглим яро айлаш.

Кўярмен деб: неча ой, йил йўлингда интизор эрдим,
Жамолинг партавин сочмай хануз коринг жафо айлаш.

Муҳаббат занжирин боғлаш эрур касби мудом сенга
Ва, лек, ишқириштасин тутмай менга такрор жафо айлаш.

Тутиб ёр илкини қанча, ки, дўсти бовафо ўтди,
Менинг ҳам матлабим сенга ики олам вафо айлаш.

¹ Эҳтимом – ағсусланиш.

Гуноҳ беҳадлигидин, ёр, сенга етмак маҳол менга
Ва, лекин, қанчалар кўрқсан, ки, ондин кўп ражо айлаш.

Тифи хажринг бу жисми нотавоним айламиш мажрух,
Ки, Маҳмуд дардига ёлғиз ўзингданур шифо айлаш.

* * *

Топса ризкин ҳар киши гердаймасин неъмат билан,
Ҳак ато этган анга бир соҳири ҳикмат билан.

Айласин ҳар дам иродатга тутиб куч-кувватин,
Камтаринлик ичраким ул тоза бир тийнат билан.

Бандалик азми ила кибру ҳаво ҳеч қилмасин,
Ўз шарифлик қадрини этсин бажо ҳиммат билан.

Шукрини айлаб макомот ичра топсин аслини,
Аҳдига айлаб вафо ул туну кун заҳмат билан.

Одобу икром ҳаёси барчага бирдек зарур,
Лек, ҳаёти ҳеч кишининг бўлмасин иллат билан.

Дил бериб мақтамасин ўткинчи дунё тафтига,
Тушмасин шайтон тузогига киши шаҳват билан.

Бас, мукаррамлик била, Маҳмуд, дилингни тоза тут,
Айласа Тангirim, ажабмас, ҳар кунинг раҳмат билан.



**Озгина яхшидалика ҳам қўп шуқр
қулагин. Йзар неъматинг қўп бўлса.
қадрини ծилгин.**

Юсуф Хос ҲОЖИБ

БАДИЙИ САНЪАТГА ХОС МЕЬЁР

Дилрабо ҚУВВАТОВА
Дармоной ЎРАЕВА

Ўтган асрнинг 60-йилларида ўзбек адабиётига катта бир ижодий тўлкин кириб келди. Эркин Вохидов, Абдулла Орипов, Рауф Парфи, Омон Матжон... Бу рўйхатни яна давом эттириш мумкин. Ана шу тўлкинни харакатлантирган ижодкорлардан бири Мухаммад Алидир. У ҳам шеърда, ҳам насрда бирдай қалам тебратиб, таникли шоир ва носир сифатида хозирги адабий жараёнда ўзининг собит ўрнига эга. Айтиш мумкинки, Мухаммад Али гўзал шеърияти, достонлари, романлари, публицистик асарлари билан адабиётимизнинг янги сахифасини яратса олди. Тийран нигоҳи олим, филология фанлари доктори, профессор, Ўзбекистонда хизмат кўрсатган маданият ходими Нўймон Рахимжоновнинг “Адаб эстетикаси” номли китоби Мухаммад Али ижодий биографияси, адабий-эстетик қарашлари тадқикига бағишиланганлиги айрича аҳамият касб этади. Сабаби, унда адабиётшунос Умарали Норматов ўринли таъкидлаганидай, “Мухаммад Алиниң адабий-эстетик қарашлари адабиётшунослик, публицистик, насрый ҳамда шеърий асарлари билан узвий боғликликда ўрганилади”. Яна бир жиҳатни таъкидлашни истардик. Адабий танқиднинг адабий портрет жанрида кўплаб асарлар ёзилган. Мазкур тадқикотни тўла маънода адабий портрет сирасига киритиб бўлмайди. Чунки унда ижодкорнинг ижодий олами, асарларининг ёзилиш тарихи ва манбалари ёритилган. Қолаверса, нуктадон олимнинг бу китобга қадар адабиётшунослигимиз учун бутунлай янги бир ўйналишда яратган “Бадиий асар биографияси” номли Иzzat Сultonга бағишиланган асари илим оламида эътироф ва эътибор козонган эди. Мухаммад Али ижод дунёсини ўзида ифода этувчи мазкур китоб, айтиш мумкинки, шу янги ўйналишдаги адабиётшунослик асаридир.

Китобнинг “Миллатга ўзлигини танитган авлод” деб номланган муқаддима кисмida ўтган асрнинг 60-йилларидаги адабий жараён назардан ўtkазилади. Юкорида таъкидлаганимиз, адабиётимиздаги катта ижодий тўлкин ҳакида фикр юритар экан, олим бир жиҳатга ниҳоятда тўғри баҳо беради. Яъни ўтган асрнинг 60-йилларидаги мураккаб ижтимоий-сиёсий жараёнларга қарамай, адабиёт осто-насига қадам кўйган ёник қалбли ижодкорлар миллат дардини дилдан туюб, уларни ўз асарлари катига жойладилар. Шу асосда, адабиётшунос Нўймон Рахимжонов таъбири билан айтганда, улар адабиётимиз тарихида миллатга ўзлигини англатган авлод сифатида собит ўрин эгаллай олдилар. “Ўзбегим” (Эркин Вохидов), “Ўзбекистон”, “Тилла баликчা” (Абдулла Орипов), “Она Туркистон” (Рауф Парфи) сингари бадиий ижодда феноменал ҳодисага айланган асарлар шу даврнинг



Дилрабо ҚУВВАТОВА

маҳсулидир. Худди шу йилларда Мухаммад Али ўзининг “Қадимий кўшиклар” туркуми, “Машраб” достонини ёзди. Олим шу нукталарга эътибор қаратар экан, улкан бир авлоднинг ёркин намояндаси бўлган Мухаммад Али ижодий оламини ўрганишга киришади.

Дастлаб Нўймон Рахимжонов адид ижодининг кирраларини очиб берар экан, унинг хозирга қадар чоп этилган турли жанрлардаги асарларидан таркиб топган китобларини ўзига хос изчилликда келтиради. Шу асосда унинг илк тўплами “Фазодаги хислар” тўпламидан ўрин олган “Дунё”, “Муқанна”, “Том бошида” шеърларидағи эстетик қарашларни очиб беради. Эътироф этиш керакки, озодлик қурашчилари ҳакида сўз айтиш

ниҳоятда мушкул бўлган бир даврда Муқаннанинг ҳаёти бокий гўзаллик тарзида талқин килиниши ижодий жасорат эди, албатта. Ёхуд олим шоирнинг “Оталар юрги” тўпламидаги шеърларни назардан ўтказар экан, унинг илк изланишлари са- мимиятга йўғрилганлиги, бадиият кирраларини кашф этиши сари интилиш мавжудлигини асослаб беради.

Китобнинг “Ўзликнинг ўзак илдизлари” деб номланган қисмida Мухаммад Али эстетикасидаги устувор хусусиятлар публицистик мақолалари мисолида ёритилади. Айтайлик, “Ватан ҳакида сўз”, “Ўз-ўзингни англаб ет”, “Тил – миллатнинг ўзлиги”, “Нажот – ўзликни англаша” сингари маколаларида шоирнинг миллатсеварлик, ватанпарварлик туйгулари билан йўғрилган қарашлари таҳлил килинади. Шу тарзда шоир шеърларида Ватан тимсолининг бўй кўрсатиши туғилган маскан Бешгул кишлоғига бўлган муҳаббатдан пайдо бўлган беадад туйғу эканлиги талқин этилади. Адабиётшунос олим шоир шеъриятидаги Ватан мавзусини ўрганар экан, шоир шеъриятидаги бу тимсол аслида “тупрокка ранг берган буғдорранг чехралар”дан, гўзал кишлоғи ва она тупроқдан улуғвор Ватан киёфаси бўй кўрсатиб, муazzам тимсолга айланганлигини илмий асослаб беради. Айни чоғда, шоир шеъриятига хос романтик идрок унсурларининг очиб берилиши Мухаммад Али ижодий инди-видуаллигини белгиловчи хусусият сифатида эътироф этиладики, бу жихатни хаёл образи тадрижи талқинида ёркин кузатиш мумкин.

“Тил – миллатнинг ўзлиги” деб номланган қисмida Мухаммад Али адабий-эсте-тик қарашларида тилнинг маънавий-интеллектуал хусусиятини ёритиши мақсад килиб олинган. Бунда адабиётшунос адиднинг тил борасидаги қарашларини таҳлил этади. “Сўз сўйлашда ва улардан жумла тузишда узок андиша керак”, деган эди улуг Кодирий. Олим адиднинг бадиий сўзга, тилга муносабатини тадқик этар экан, ижодкорнинг тилни фасоҳат билан хис этишини ўринили таъкидлайди.

“Тарих – миллатнинг борлиги ва борлиги” деб номланган қисмida Мухаммад Али ижодида она Ватан тарихи сахифалари, улуг ва баркамол фарзандлари ҳаёти тасвир этилган турли адабий жанрдаги асарларидан унинг эстетик қарашлари билан вобасталикда ёритилади. Бу жихатдан улкан олим адиднинг бир катор публицистик мақолалари, “Қадимги кўшиклар”, “Спитамен хаёлларидан” туркум шеърлари, “Машраб”, “Гумбаздаги нур” достонлари, “Сарбадорлар”, “Улуг салтанат” синга-

Дилрабо ҚУВВАТОВА – филология фанлари доктори, профессор. 1968 йилда тугилган. Буҳоро давлат педагогика институти (ҳозирги БуҳДУ) ўзбек филологияси факультетини тамомлаган. “XX аср иккинчи ярми ўзбек поэмачилигида жсанр ва услуг ранг-баранглиги” ҳамда “XX аср иккинчи ярмида ўзбек поэмаси” номли монографиялари чоп этилган.

ри йирик насрый асарларини халқимиз тарихининг бадиий солномасини яратиш йўлидаги эзгу ҳаракатлар сифатида баҳолайди. “Мозий сабоклари, улуғ аждодлар закоси шундай ботиний кудраттга эга. Ватан тарихи авлодлар хаётига чўғ, олов, харорат олиб киради; ҳаётбахш руҳини давом эттиради”. Бу фикрлар олимнинг адаб публицистикасида ўз ифодасини топган қарашлар асосида чикарган хулосалиридир. “Тарихий фактларни, олис ўтмиш сахифаларини бугунги кун нури билан ёритиш хусусияти шоирнинг “Машраб” достони мисолида очиб берилади. Олим таъбири билан айтганда, “мозий пучмокларидан шахс эрки учун умрани тиккан тақдирлар” қаторида Машраб шахси туради. Асар яратилган даврда ҳам муносиб баҳосини олган эди. Бу фикр отахон адабиётшунос Умарали Норматов қарашлари орқали далилланади. Бинобарин, адабиётшунос Нўймон Раҳимжоновнинг бутун айтгаётган фикрлари ҳам уларнинг такрори эмас, балки давомидир. Ҳақиқатан ҳам, “Машраб” достони адабиётда янги сўз айтгаётган ижодкорнинг хаёт ва шахс ҳақидаги бадиий концепциясини яхлит акс эттира олган асардир. Колаверса, шу ўринда яна бир жиҳатни таъкидлаш лозим. Нўймон Раҳимжонов адабининг мозий тасвирида Ойбек изидан берганини кўради ва бу адаб ижодига хос муҳим хусусиятдир. Яна олим жаҳон фалсафий тафаккури, айникса, Гегель қарашларига таяниб масаланинг туб моҳиятини ёритиб беради. Яъни тарихни буок шахслар яратиши адаб эстетикасида асос вазифасини ўтайди. “Машраб” достони талкини билан боғлик яна бир янгича талкин шундан иборатки, асардаги Оғоқхўжа ва Машрабнинг диалоглари “Фарҳод ва Ширин” достонидаги Фарҳод ва Хисрав мунозараси билан қиёсланади. Достон талкинидаги яна бир охорли жиҳат шундаки, Нўймон Раҳимжонов мазкур асардаги шиддаткорона рух, кескин драматизм жаҳон адабиётининг “Гамлет”, “Отелло” (Шекспир), “Миндаугас”, “Кон ва хок” (Марцинкевич) сингари нодир намуналари йўлида ифода этилганлигини асосли далиллайди. Бу илмдаги янги гандир.

Ҳар бир асар ўзининг ёзилиш тарихига эга. Бинобарин, Мұхаммад Али Самарқандга илк бор ташриф этганида унинг қалбida тарихий асарлар ёзиш иштиёки уйғонади. Бу иштиёқ ижодкор қалбини түғёнга солади. Адабиётшунос Нўймон Раҳимжоновнинг илмий кузатишлари шуни кўрсатади, унинг “Гумбаздаги нур” достони ана шу саёҳат самарааси сифатида бунёдга келган. Зоро, Амир Темур ҳақида сўз айтиш мушкул бўлган ўтган асрнинг 70-йилларида бу ҳам маънавий жасорат эди, аслида.

Мұхаммад Али ижодининг асосида тарихий мавзу талкини бош ўринда туради. Китобнинг “Кечмиш ҳам осмондай поёнсиз” деб номланган қисми адаб эстетик қарашлари асосида миллат кечмиши ва Ватан ўтмишини ўрганиш устувор хусусиятлар эканлиги масаласига эътибор каратилади. Олимнинг синчков нигоҳи нихоятда ўтқир. У ҳар айтилмоқчи бўлган фикр ва гояни ҳалқ қарашлари, афсона ва ривоятлари орқали талқин этишга интилади. Хусусан, донишманд мўйсафида ҳақидаги ривоят эътиборли. Унда хикоя килинишича, донишманд мўйсафида сопол хум ясатади. У тонг саҳардан қош корайгунча хумнинг копқогини очиб куёш нури-

Дармоной ЎРАЕВА – 1967 йилда туғилган. Бухоро давлат педагогика институтини таомилаган. Унинг “Ўзбекистон ҳалқлари этнографияси ва фольклори”, “Ўзбек ҳалқ оғзаки ижоди хрестоматияси”, “Ўзбек мотам маросими фольклори”, “Бўзлардан учган газал-ай” каби китоблари чоп этилган.



Дармоной ЎРАЕВА

ни йиғар ва кеч тушганда уни ёпиб күяр экан. Хум офтоб нурига тўлгандан кейин мўйсафид сопол хумни очиб, унинг бир четидан ушатиб-ушатиб, куёш нуридан одамларга шамчирок ясад бераверибди, “кўнгилларга, кулбаларга шамчирок билан бирга нур кириб борибди”. Ривоят ибратли мазмунга эга. Зукко адабиётшунос буни бежизга келтирмайди. Олим сўз санъаткорларининг заҳматли меҳнатини донишманд чолнинг нур улашишига киёслайдики, мазкур киёсни ижодкор меҳнатининг ҳакиқий баҳоси дейиш мумкин. Айтиш мумкинки, ривоятдан фойдаланиш китобнинг ўкишлилик даражасини оширган.

Адабиётшунос олим адабий жараёндаги яна бир хусусиятга алоҳида ургу беради. У ҳам бўлса, юкорида таъкидлаганимиз, мозий сабоклари ривоят, афсона накллар ҳақ гапни айтишда, ижтимоий адолат туйғусини бадиий талкин этишда ўзига хос ифода усули сифатида юз кўрсатмоқда. Бинобарин, жаҳон адабиёти дурданаларида ҳалқ ижоди намуналари фалсафий фикр ва ҳаётйликни таъминловчи, ўтмиш, бугун ва келажак орасида кўпприк вазифасини бажарувчи хусусият касб этади. Шу маънода Нўймон Раҳимжонов мазкур устувор хусусиятнинг ўзбек адабиётида намоён бўлиши сабабларини Габриэл Маркес, Чингиз Айтматов, Мустай Карим, Давид Кўғултинов, Евгений Евтушенко сингари жаҳон адиллари асарлари саҳифаларида кўради. Жаҳон адабиёти бадиий-эстетик тажрибаларининг ўзбек адилларининг тарихий мавзудаги асарларида ёркин кўзга ташланишини кузатади. Олим адабнинг шеърий, насрый ва публицистик асарларини бирлаштириб турувчи муҳим хусусиятни шу киёслар оркали амалга оширади. Айникса, Муқаннага бағишланган шеър таҳлили аждодларга содик, фидойи, ватанпарвар авлодни тарбиялаш ишига хизмат қиласди. Шу асосда шоир, адабиётшунос олим таъкидлаганидай, “аждодлар кечмишидан бугун билан боғлиқ маъноларни ёритишга” эришади. Шу ўринда, олим адабиётшунослигимизда тарихий мавзу талкинида яхлит назарий умумлашмалар акс этган янги тадқикотларни яратиш галдаги вазифалар қаторида турганлигига эътибор қаратади.

“Тарихийлик – ҳаёт ҳақиқатининг кўзгуси” деб номланган кисмда адабнинг тарихий мавзудаги дастлабки йирик асари “Сарбадорлар” роман-дилогияси талкинига ўрин берилади. Аввало, Нўймон Раҳимжонов ўзига кадар роман ҳакида амалга оширилган деярли барча катта-кичик тадқикотларни синчковлик билан назардан ўтказади. Бу асарнинг ёзилиши адабий ҳаётимиздаги ўзига хос янги қадамлардан биридир. Чунки адаб тарихий шахслар ва тарихимизни улуғлаш, шу мавзуда баркамол асарлар ёзишни, ўзи тўғри таъкид этганидай, “миллатга меҳр кўйиш айб саналган, миллийлик, миллатсеварлик кора тамга бўлиб ёпиштирилган” собик тузум даврида бошлаган. “Қадимий кўшиклар” туркуми, “Машраб”, “Гумбаздаги нур” достонлари бунга мисолдир. Тўғри, “Сарбадорлар” юртимизда эрк шамоллари эса бошлаган мустакилликнинг дастлабки йилларида ёзилган. Бироқ унинг ёзилиш асоси собик тузум даврида юзага келган. Асар муваффакиятини таъминлаган энг муҳим омил ҳам аслида шу. Сарбадорлар ҳаракати, навқирон Амир Темур, Амир Ҳусайн билан муносабатлар талкини борасида билдирилган таҳлил ва умумлашмалар ниҳоятда оҳорли. Мазкур кисмнинг фазилати шундаки, асардаги бадиий лавҳалар Шарафиддин Али Яздийнинг “Зафарнома” тарихий асари билан киёсланган.

Китобнинг “Бадиий психологизм – маҳорат қалити” кисми ҳам Мухаммад Али эстетикасидаги муҳим хусусиятларни ёритиши билан аҳамиятли. Бунда ҳам, аввали, дилогия билан боғлиқ таҳлилий қараш ва умумлашмалар давом эттирилади. Айникса, Амир Темур ва Амир Ҳусайн ўртасидаги муносабатлар талкини тарихий манбалар оркали ойдинлаштирилади. Бунда адабнинг психологик асослаш санъа-

тини кўллаши китобхонни ишонтиришда кўл келганлиги далилланган. Шу билан бирга дилогияда қаҳрамонларни таранг драматик вазиятларда тасвирилаш хусусиятининг устуворлик килиши улар характерини очиб беришда кўмакка келганлиги борасидаги қарашлар ҳам эътиборли. Адабиётшуноснинг синчков нигоҳи Амир Темур ва Амир Хусайн ўртасидаги келишмовчилик турфа ҳаётий вазиятларда тасвиrlаниши, тарихий ҳаёт ва бадиий тўкиманинг уйгун жиҳатлари талкинига қаратиласди. Айни замонда эпик баёнга драматик унсурларнинг кўлланилиши ёзувчи ижодига хос хусусият сифатида баҳоланади.

Шу ўринда яна бир жиҳатни таъкидлаш зарур: китоб мутолааси давомида кўз ўнгимизда адабиётнинг кучли назарийтчиси киёфаси гавдаланади. Сабаби, таҳлил ва талкинлар давомида адабиёт назарияси асосларини бойитувчи аксиома характеридаги бақувват фикрлар кўзга ташланади. Бинобарин, образ ҳакидаги қуйидаги қараш образ назариясини тўлдиради: “Образнинг бадиий киммати эстетик меъёр орқали зухур топади. Чунончи, бадиий образ ўзининг соф тарихий ҳаётий шакли мазмунида намоён бўлади. Яна бадиий санъатта хос меъёр образнинг моҳияти, адабининг ижодий онг-шуури, ҳаёл ва фараз даражаси, эстетик идеали билан белгиланади” (118-бет). Аслида, бу фикр Амир Темур образи таҳлили жараёнида туғилган умумлашмадир.

“Халқ хотираси ва эстетик яхлитлик” деб номланган кисмда шоирнинг бир катор тарихий мавзудаги шеърлари ва “Сарбадорлар” асари борасидаги таҳлиллар чукурлаштирилган. Бунда шоир эстетикасида “тарихий ҳақиқатнинг таъмини туюш” бош хусусият саналади. Айниқса, ўтмиш вокелигидан ҳақиқат излаш афсона ва ривояларни шеърга солиши орқали кузатилган бўлса, кейинчалик жанрдан-жанрга, асадар-асарга ўтган сайин бу жараён ёркин характер касб эта борди. Яъни, адабиётшунос айтмоқчи, халқ тарихини ёзмокчи бўлган ижодкор, аввало, халқ оғзаки ижодини билиши керак. Мұхаммад Али асарлари асосида эса халқ ижоди ётади.

“Эпик идрок билан ифода уйғунлиги” деб номланган кисмда эса, Амир Темурга бағишлиланган “Улуғ салтанат” роман-эпопеясига хос хусусиятлар ёритилган. Нуктадон адабиётшунос ушбу асар таҳлилига киришар экан, аввало, истиқлол адабиётiga хос хусусиятларга тўхталади, колаверса, “Улуғ салтанат”га кадар Амир Темур ҳақида ёзилган асарларни назардан ўтказади. Айниқса, собиқ тузум даврида яратилган асарлардаги нокис жиҳатлар, Амир Темур характерининг бир томонлами талкини билан боғлиқ қарашлар оригинал тарзда ифода этилади. Мұхаммад Али эса, Амир Темур образини тўлақонли бадиий гавдалантиришга эришган. Бунда адаб тарихий шахснинг нафакат саркардалик, ҳарбий фаолияти, балки инсоний қиёфасига хос жиҳатларга эътибор қаратган. Шу билан бирга, адабиётшунос олим адабий жараённинг нозик кузатувчиси ва жаҳон адабиётшунослигига кечётган бугунги жараёнлардан тўла хабардордир. У роман-эпопея назариясига оид қарашларни ўрганар экан, Юрий Борев, Владимир Пискунов каби назарийтчи олимларнинг бу борадаги қарашларидан фойдаланади. Айниқса, олимнинг уларга таяниб, янги фикрни айтиши куйидаги илмий хулосада кўриниб туради: “...бу юк шахслар халқ ва Ватан тарихини яратади; халқ ҳаёти тарихидаги, даврнинг улкан ижтимоий, сиёсий воқелиги, эстетик тафаккурнинг кўламдорлиги, бадиий умумлашмалар миқёси роман эпопеянинг ўзига хос хусусиятидир” (138-бет). Нўймон Раҳимжонов “Улуғ салтанат” эпопеясини ана шу мезонлар нуқтаи назаридан текширади. Айниқса, асарнинг бир катор тарихий манбалар, айниқса, Шарафиддин Али Яздий ва Низомиддин Шомийнинг “Зафарнома” асарлари билан мұқояса килиниши монографияга янги мазмун бахш этган. Хусусан, Амир Темурнинг инсо-

ний киёфасига оид гүзал чизгилар асарга табиий рух бағишилаган. Унинг ота, оила бошлиғи, суюкли ёр сифатидаги фазилатлари ҳәёттй лавҳаларда ёритиб берилган. Адабиётшунос олим таҳлиллар давомида шу жиҳатта ўз эътиборини каратади.

Китобнинг ўзига хос хусусиятларидан яна бири, унда олимнинг Мұхаммад Али билан адабий сұхбатлари ўрин олган. Адабиётшунос олим бугунги насримизнинг таниқли намояндасига бир қатор саволлар билан мурожаат килади. Айтайлик, мозий билан бугунни боғлаб турған робиталар ҳақидаги савол эътиборли. Ёзувчининг бу саволга жавоблари ҳам серкүлам. Бу жавобларда адабиётшунос, шоири, ёзувчи, публицист қарашлари бир нұктада кесишади. Бинобарин, академик адип Ойбек янги ўзбек адабиётида Амир Темур мавзусида Фигратдан сүнг қалам сурғанлардан бири. Унинг, Мұхаммад Алининг эътирофича, вафотидан кейин “Амир Темур” ва “Бобур” достонларидан парчалар эълон қилинган. Бу илмий факт ниҳоятда кимматли. Чунки бу тарихий сиймолар ҳақида сўз айтиш мушкул бўлган собиқ тузум даврида Ойбек бунга жазм эта олган. Бинобарин, Ойбекнинг маънавий жасорати ўша даврда Мұхаммад Алига ўхшаган миллатпарвар адилларга куч бағишилаган. Адабий сұхбат давомида адип асарларининг ёзилиш тарихи ҳам назардан ўтказилади. Мисол учун, “Сарбадорлар” роман дилогиясини ёзиш учун адип кўплаб ўша давр манбаларини ўрганиб чиккан. Унинг таъкидлашича, сарбадорлар акс этган асарлар ўша воеалар кечгандан 50–60 йил кейин ёзилган, “воеаларда иштирок этган, уларни ўз кўзи билан кўрган, жараёнлар қозонида қайнаган кишилар томонидан ёзилган тарихий солномаларга эга эмасмиз”. Ёзувчи тарихчи олимлар олдига “жараёнлар қозонида қайнаган” кишилар томонидан ёзилган кимматли манбаларни топиб, илмга маънавий вазифасини кўяди.

Ёхуд илмда “Машраб” достони ёзилиш тарихи билан боғлиқ қарашларга адип аниклик киритади. “Рамаяна” таржимасини тутатгач, Мұхаммад Али бу йўналишдаги ишларини давом эттириди. Байрон достонларини таржима қилди. Мана шу таржима таъсирида унинг мазмуни ва шаклида (октава олтилик) “Машраб” достонини ёзди. Демак, бунда адабий таъсир масаласи кўтарилиган. Яна бир жиҳат, адип адабий қаҳрамонларини номлашда ҳам тарихий манбаларга таянган.

Умуман олганда, адабий сұхбат асосида тарихий хотира ва асарларнинг ёзилиш тарихи масаласи асосий ўрин эгаллайли. Адип ва адабиётшунос қарашлари бир ўзанга солиниб, ягона қарашлар концепцияси вужудга келтирилган.

Тарихнавис адебининг шеър, достон, роман ва публицистик асарларидан келиб чиқадиган хулоса шуки, адебининг тарихий мавзудаги асарлари “миллий бирлик хиссини тарбиялашга, такомиллаштириш”га хизмат қилади.

Хуллас, “Адип эстетикаси” китоби сахифаларида ҳалқ оғзаки ижоди билимдони, кўп асрлик адабиётимизнинг улуг сарчашмаларидан чукур хабардор, жаҳон адабиётси сахифаларини ўзлаштирган катта олим, синчков адабиётшунос, файласуф ижодкор нигохи яраклаб туради. Шу маънода мазкур китоб, нафакат замонавий ўзбек адабиётшунослигининг ютуғи, балки тарихшунос, публицист ва философ олимлар учун ҳам маънавий асос вазифасини ўтайди.

Ишончим мақсадга чорлаган нурким...



ШУҲРАТ

Интилиш

Уфқим бор. Уфқимга қараб интилсан,
Ортига чекиниб, кетиб боради.
Мабодо мен ортга қайтгудай бўлсанам,
Кетимдан кувалаб етиб юради.

Уфқни куваламоқ одамнинг иши,
Уфқка қувлатиб юрма ўзингни,
Йўкотиб кўясан борар изингни...
Доимо ютади интилган киши.

Сирли олам

Мұхаббатнинг тили йўқ – соков,
Мұхаббатнинг қулоги йўқ – кар.
Чакиранга келмайди дарров
Ва кетмайди ҳайдасанг агар.

Илтимосни қилмайди писанд,
Молу дунё, мансаб бари пуч.
Сен дардидан бўлдингми хурсанд,
Дованлардан кўркма, юксал, уч!

Ҳеч ким унинг ранг-рўйин билмас,
Қайси йўлдан бориш ҳам мубхам.
Масофани назарга илмас,
Бир кадамдир иккала олам.

ШУҲРАТ – Ўзбекистон ҳалқ ёзувчиси. 1918 йилда туғилган. Тошкент давлат педагогика институтини битирган. Ижодкорнинг “Хаёт нафаси”, “Қардошлар”, “Сенинг севгине”, “Ишқингда ёниб” шеърий тўпламлари, “Шинелли йиллар”, “Олтин зангламас”, “Жаннат қидирганилар” романлари нацир этилган. Шуҳрат 1993 йилда вафот этган.

Қайси бир сүз келадиң мос,
Қайси күйга беради садо.
Ёки хосми ишва билан ноз,
Ёки тоғдан күчган акс-садо?

Гул баргига қурганми макон
Ёки кирлар сайргохими?
Ё кафтиңтә кирганды тикон
Чеккан ноланг севги охими?

Нече ёшга ярашади у,
Нече ёшда тарки дил бўлур?
Нече ёшда мисоли оҳу,
Чўккилардан сакратиб колур?

Кўзёшига раҳми келурми
Ё кулгини ёқтирадими?
Ё сафарда йўлдош бўлурми,
Ё маъқулми кўнгилнинг жими?

Ҳеч ким билмас, ҳатто мубтало
Тавсифини килиб беролмас.
Баъзида баҳт, баъзида бало,
Баъзида у жонга қилас қасд.

Баъзида у юлдузлар аро
Ўз кўшкига таклиф этади.
Баъзида у девонанамо
Сахроларга бошлаб кетади.

Кўлларингга тутиб даста гул,
Висол онин ваъда килади.
Баъзан ёри қошида кўнгил
Ўзин етти ёшдек билади.

У хеч кимдан сўрмас ижозат,
Ўзи кириб борар кўнгилга.
Кўтар, дейди, қаддингни азот,
Нурли кўзла қара, дер, элга!..

Мен сени қуш дедим

Мен сени қуш дедим. Қуш бўлиб учсанг,
Боғларни юксакдан кўрасан яхши.
Тоғларда жилғалар сувидан иссанг,
Дегим бор: кўп умр кўради киши.

Юксакда шуълалар қуюқ бўлади,
Қуёшнинг тафтини сезасан яхши.
Баландда учганлар яхши билади,
Тиникрок янграйди тонглар олкиши.

Дейдилар: жарликка осмондан боксанг,
Жуда ҳам коронғи бўлади туби.
Турналар сафида қанотинг қоқсанг,
Дейдилар: куй билан тўлади калбинг.

Нур билан, куй билан тўлганда калбинг,
Манзилинг уфкини аниқ билиб ол.
Ҳамиша инсоний бўлсин матлабинг,
Минг баланд учсанг ҳам ўзинг бўлиб қол.

Мен сени күш дедим. Осмонда учиб,
Унтиб кўймагин пастда ер борин.
Шу ердир кифтида сени опичиб,
Осмонга учирган кўшиб викорни.

Ишонч

Ишончим бўлмаса, эсимни таниб,
Бу ҳаёт йўлига тушмасдим дадил.
Ишончим бўлмаса, қаламни олиб,
Яхшию ёмондан ёнмас эди дил.

Ишончим бўлмаса, жанг аро кириб,
Душманнинг ўқига тутмасдим кўксим.
Ишончим бўлмаса, душманни кириб,
Охирида саломат қолмасдим ўзим.

Ишончим бўлмаса, бир кизни севиб,
Йўлида жонимни килмасдим фидо.
Иссикда тер босиб, ёмғирда ивиб,
Баҳорда бермасдим нур бўлиб садо.

Ишончим бўлмаса, дўстлар орттириб,
Ҳар бирин кўрмасдим ўзимдан аъло.
Ҳар бирин баҳтини тонгдан кидириб,
Айтмасдим чўққига чикса тасанно!

Ишончим бўлмаса, фарзанд ўстириб,
Умиди уфқига тикмасдим кўзим.
Ишончим, умидим нур бўлиб кириб,
Қалбимдан тилимга чикади сўзим.

Ишончим бўлмаса, манзилга бокиб,
Эртанги кунимга тикмасдим кўз.
Эртанинг чирогин бугундан ёкиб,
Шаънига айтмасдим минг бир аъло сўз.

Ишончим – таянчим, ишончим – эрким,
Ишончим бағримда ёнган сўнмас ўт.
Ишончим максадга чорлаган нурким,
Узугим кўзида порлаган ёқут.

Ишончим – ривожим, ишончим – Каъбам,
Соф қалбда бўлади бутун ва порлок.
Ишончим баҳтимга берилган ваъдам,
Ишончим – умидим, уфкимда байрок.

Ишончим – бойлигим, тенгсиз хазина,
Калиди виждоним кўлида маҳкам.
Виждоним амрила ураркан сийнам,
Ишонинг, ишончим асло бўлмас кам.

Ишончиз бир қадам қўйганим гумон,
Ишончиз ўтган кун ҳисси йўқ тошдир.
Эътиқод тилида, ишонч – бу имон,
Вужудим ер бўлса, ишонч күёшдир.

Кеч кириш

Куёшнинг этаги судралиб келиб,
Теракнинг учига илиниб қолди.
Бу ҳолдан куёшнинг ўзи ҳам кулиб,
Уялди шекилли, кўздан йўқолди.

Чумчуқлар чирқиллаб норози бўлди,
Унинг ҳам күёшсиз яшагиси йўқ.
Олисга нимкора чойшаб ёпилди,
Куёшнинг изи бор, аммо ўзи йўқ.

Дараҳтлар олисда бир тутам кўлка,
Уфқда ўйнайди хира нур, тўзон.
Тик, кумуш камарга ўхшайди йўлка,
Узоқда тепалар тўнтарик козон.

Ариклар киличдек яркираб туриб,
Бирпасда сўндию корайди қолди.
Ўглоқдан подачи келар ҳайкириб,
Кўрага тарқалган поданинг олди.

Кун бўйи килт этмай турган шаббода,
Барглар кулогига нимадир дейди.
Кун бўйи полиздан чикмаган ота,
Этлари унишиб, чопонин кийди.

Осмонда юлдузлар ранги ёришиб,
Сафарга чикади карвонбоши – ой.
Сокин сой оқади нурга қоришиб,
Супада дамланар, хордик ёзар чой.

Кундузнинг ҳисоби кечда бўлади,
Кун яхши ўтдими? Ёстиғинг юмшоқ.
Максадинг манзили яқин келади,
Эртага тонг отар яна ҳам оппок.

БИР НУҚТА БИЛАН КҮЗНИ КҮР ҚИЛМАЙЛИК



Зилола НАМОЗОВА

Алишер Навоий бир ўринда “Лаънат ул котибғаким бир нукта билан “кўз”ни “кўр” килур” деб ёзадилар. У кишининг меросини табдил ёки нашр килаётганда шу гаплар ёдимиизда турмоғи шарт.

Алишер Навоий лирикаси жамланган “Хазойин ул-маоний” куллиёти туркий адабиётимизда алоҳида ўрин тутади. Унда жамланган шоирнинг лирик мероси ҳам бадиий жихатдан, ҳам мазмунан жуда бой бўлиб, полифоник хусусиятта эга. Қолаверса, ўз замондош ижодкорлари ва мунакқидлари ҳам камчилик топа олмаганини “Бадоёй ул-бидоя” дебочасида таъкидлаб ўтади. Бундан кўринадики, ижодкор ўз асарлари устида жиҳдий ишлаган, қайта-қайта таҳрир килган.

“Хазойин ул-маоний” куллиёти дебочасида ҳам Навоий ўз шеърларини хар томонлама жиҳдий қайта ишлагани, ҳаттоқи, устози Жомий таҳриридан ўтказиб тургани ҳакида алоҳида тўхталиб ўтади (1;6).

Шу ўринда, Алишер Навоий лирик меросини ўрганиш, қўллэзмаларини жаҳон китоб фондларидан излаб топиш ва шоир меросининг адабиётимизга номаълум бўлган бир катор намуналарини илмий муомалага киритишдек буюкликка дахлдор ишларни амалга оширган олим Ҳамид Сулаймоннинг ўзбек матншунослиги олдидағи хизматларини алоҳида эътироф этиш лозим. Олим “Хазойин ул-маоний” девони танқидий матни икки юздан ортиқ қўллэzmани кўриб чиқиб, йигирматасини ажратиб, уларга таяниб яратилганини таъкидлайди (4;8). Бирок бугунги кунда, бундай ютуқдан фаҳрлашишнинг ўзи камдек, назаримизда. Й.Э.Бертельс таъкидлаганидек, қўллэzмалар мундарижа жиҳатидан бири-биридан катта фарқ килади (5;3). Буни улуғ ва кўп заҳмат талаб этувчи иш эканини хисобга олсан, танқидий матн ва нашрларни мукаммалаштириш эъзозга лойик зот – Ҳамид Сулаймон фаолияти давомчиларидан бўлиш баҳтини беради. Негаки, Навоий лирикасини нашрларда мукаммал ва нуксонлардан ҳоли бўлишини устоз Ҳамид Сулаймон ҳам орзу килганликлари шубҳасиз.

Орадан кўп асрлар ўтиши билан асарнинг қайта-қайта кўчирилиши, котибларнинг эҳтиётсизлиги, табдил ёки нашр натижасида ёки бошка бир сабабга кўра асар мазмуни ёки шаклига жиҳдий таъсир этувчи бир катор тафовутлар юзага келган.

Навоийнинг “Фаройиб ус-сигар” девонини матний ўрганиш жараённада де-

Зилола НАМОЗОВА – 1990 йилда тугилган. Қарши давлат университетини битирган. “Истейдод мактаби – VIII” семинари Республика босқичи адабий танқид ўналиши шитирор-чиси. “Кўзгуга айланган кўнгил” номли адабий-танқидий мақолалар тўплами чоп этилган. Бир катор мақолалари вилоят ва республика газета-журналларида нашр этилган.

воннинг Беруний номидаги Шарқшунослик институти қўлёзмалар фондида сакланаётган қўлёзмаси, илмий-танкидий матнининг факсемил нашри ҳамда музкаммал нашри хисобланган “Тўла асарлар тўплами” ўзаро жиддий фарқланиши кўзга ташланди (2,3). Биз уларнинг мазмунгага жиддий таъсир этаётган бაъзи тафовутларни таҳдилга тордик.

Девондаги 4-ғазалнинг 7-байти танкидий матнда мактаб бўлиб келган. Муаллиф номи келтирилган байт яъни мактаб эса юкорига чикарилган. Бу гарчи қўлёзмада тўғри акс этган бўлишига карамасдан, танкидий матнда хатоликка йўл қўйилган. Нашрда эса тўғирланган. 67-ғазалнинг 3- ва 5-байтлари ҳақида ҳам шундай фикрни айтиш мумкин. Муқаммал композицияга эга ғазалларнинг бу тарзда бузилишини кўплаб учратиш мумкин.

Ёки танкидий матнни кўздан кечирар эканмиз:

*Тутульмиши эрди газабдин улусни қилди асир,
Күёш тутулса, бале, фитнадур анга таъсир.*

байти билан бошланувчи 7 байтли 145-ғазал танкидий матнда тўлиғича келтирилмаган. 144-ғазал эса такроран берилган. Шу 145-ғазал қўлёзмада бор, нашрда эса тикланган.

Гарчи баъзи ўринлар нашрда тўғирланган бўлса-да, 11-ғазал 3-байт б мисрасининг тафовутланаётганини кўриш мумкин. Қўлёзма ҳамда танкидий матнда ўша байт қўйидагича келтирилган:

*Жузв-жузвумни фигонким мунфак этти тийги ҳажр,
Бир-биридин лек ўзиур жузви лоянфак манга.*

Шу байт нашрда аслига мувофиқ берилмасдан, негадир ўзгартирилган:

*Жузв-жузвумни фигонким, мунфак этти тийги ҳажр,
Хар-биридин лек ўзиур жузви лоянфак манга.*

Мазмуни: фифон қилурманки, ҳажр (бизни) бўлакларга ажратди, мен учун улар бир-биридан ажралмайдиган қисмларнинг ўзидир.

Ушбу ўринда шеърнинг поэтик хусусиятлари бузилган. 31-ғазал 1-байти қўлёзма ва нашрда қўйидагича келтирилган:

*Ҳам рамад теккан кўзунгга чашми бедорим фидо,
Ҳам учук чиққан лабингга жони афгорим фидо.*

Ушбу байтдаги “теккан” сўзи танкидий матнда “тикан” шаклида ёзилган. Ташдид белгиси ҳам ишлатилмаган. Баъзи ўринларда эса ташдид кўлланади. Бунда муайян тутумнинг йўқлиги бугунги китобхонни чалғитиши мумкин. Мисра мазмунига эътибор берайлик: “Кўз оғриги теккан кўзингта бедор кўзларим фидо”. Энди тикан сўзини кўяйлик, “тикан кўз...” мантиқ бутунлай бузилган.

161-ғазалнинг 6-байт а мисрасида қўлёзма ва танкидий матнда кўлланган “бокий” сўзи нашрда (2011) “бақо” тарзида кўлланган. Бу ҳолда мазмун ўзгариши билан бирга, вазн талаби ҳам бузилган.

*Боқий топар улки бўлди фоний,
Рахравга бақо фано бўлибдур.*

байт тактеъси: “мафъувлу мафоилун фаувлун” (— v v — v — v —). Унинг вазни

шаклланишида “мафоийлун” аслининг бир йўла учта – ахраб (*мафъулу*), макбуз (*мағбулун*) ва маҳзуф (*фаувлун*) фарълари иштирок этган. Шунга кўра, бу байтнинг вазни “ҳазажи мусаддаси ахраби мақбузи маҳзуф” деб аталади. “Бақо”ни кўлласак, *v - v v - v - v -* – ҳосил бўлади. Бироқ бу афоилу тафоил ғазал вазнига мутлақо мос келмайди.

167-ғазалнинг 2-байти қўлёзма ва нашрларда қуйидагича келган:

*Тонг эмас ул нукта гар кўздин ниҳондур, ваҳ, нетонг,
Мардумин кўрмаклигидин кўз агар маҳрум эрур.*

Танқидий матнда эса:

*Тонг эмас ул нукта кўздин гар ниҳондур, ваҳ, нетонг,
Мардумин кўрмаклигидин кўз агар маҳрум эрур.*

тарзида берилган. Бу ўзгариш гарчи вазн талабини бузмаса-да, танқидий матннинг аник фактларга таяниб тузиш тутумига зид келади.

168-ғазалнинг 6-байти қўлёзма ва танқидий матнда қуйидагича келтирилган:

*Хуштуур жону жсаҳон жонон била, жонон агар,
Бўлмаса жон ўйлаким ўлмак жсаҳон зиндан эрур.*

Нашрда эса:

*Хуштуур жону жсаҳон жонон била, жонон агар,
Бўлмаса жон ўйлаким, ўлмас жсаҳон, зиндан эрур.*

Фарқланаётган “ўлмак” ва “ўлмас” сўzlари бир караганда кичик фарқдай туюлса-да, мазмуннинг жиддий ўзгаришга учраганини кўриш мумкин. Мазмуни: жон ҳам, жаҳон ҳам жонон билан хушдур, жонон йўқ бўлса, жон жаҳонда ўлган кабидир, жаҳон зиндан кабидир.

Агар “ўлмас” сўзини кўйсак, мантиқан номукаммаллик юзага келади, яъни мазмун бузилади. Бундай ҳолатни 184-ғазалда ҳам кузатиш мумкин. Ғазалнинг 3-байт б мисрасидаги “харж” сўзи танқидий матнда “ҳаж” шаклида нотўғри ёзилган. Гарчи ҳе ва жим ҳарфлари ўзаро bogланмай ёзилган бўлса-да, р ҳарфи йўқ.

Ёки:

193-ғазалнинг 2-байти қўлёзма, танқидий матнда қуйидагича келган:

*Базм эмас bog ичра майсизким, ҳунарвар илгидин,
Бўлди рангин мум ҳар қолаб била ҳайъатпазир.*

Шу байт нашрда:

*Шамъ эмас bog ичра майсизким, ҳунарвар илгидин,
Бўлди рангин мум ҳар қолаб била ҳайъатпазир.*

Шамъ ва базм сўzlари ёзилишда ҳеч қандай ўхшашликка эга эмас. Негадир бу сўз нашрда ўзгартирилган.

195-ғазал 5-байтда кўлланган “нукта” (нозик) сўзи кўлёзмада “нукта” (нукат) шаклида кўлланади. Бизнингча, мазмунан нукта сўзи тўғри ишлатилган.

Баъзи ўринларда эса арабча, форсча бўлган ўзлашма сўзлар тарихийлик принципи асосида ёзилмаган. Масалан, 59-ғазал 7-байтида кўлланган “тоат” сўзи

танқидий матнда ҳ (т) билан ёзилган. Кўлёзмада, хаттоки луғатларда ҳам ҳ (то) билан ёзилган.

Бундан ташқари бир катор фонетик хусусиятларнинг нашр этишда инобатга олинмагани, натижада, давр тили сакланмаган ўринларни ҳам кўплаб учратиш мумкин. Масалан, т билан тугаган сўзларга кўлёзма ва танқидий матнда -тур, нашрларда эса -дур шаклидаги кўшимча кўшилган: Мухаббатдур (180-ғ. 5-байт). Бундай мисолларни юзлаб келтириш мумкин.

Буғунги кунгача ўзбек матншунослигида, хусусан, Навоий лирикаси матнларида табдил қилиш ва нашрлар билан боғлик юзага келган муаммоларнинг келиб чикиш сабаблари турлича бўлиб, уларга хозиргacha ягона ечим ишлаб чикилган эмас. Шу сабабли, кейинги йилларда нашр этилаётган Навоий лирик мероси жамланган аксарият тўпламлар, газета-журналлар, хаттоки айрим дарслклар нашрларида ҳам бундай хатоликларни учратишимиш ҳақиқат.

Мухтасар айтганда, танқидий матн ва нашрларни мукаммаллаштириш учун муайян принциплар ишлаб чикиш куйидаги натижаларга эришиш учун хизмат килади: Биринчидан, муаллиф яратган матнни айнан ёки энг яқин вариантини тиклаш имконияти кенгаяди; Иккинчидан, кўлёзмаларни табдил қилиш, нашр этиш ишлари билан боғлик муайян принциплар ишлаб чикиш ва уларни амалда жорий этиш нашрларни мукаммаллашувига олиб келади; Учинчидан, таржима-чилик тарақкий этаётган бир даврда, классик меросимизни таржимонлар кўлига нуқсонлардан ҳоли тарзда беришимиз натижасида мукаммал таржимага эришиш имконияти пайдо бўлади.

Хулоса ўрнида шуни айтиш мумкинки, юкоридаги масалалар ўз ечимини топган тақдирда, ўзбек матншунослиги ва манбашунослиги тараққиёти мисли кўринмаган даражада ривожланиши ва бошқа соҳалар ривожида ҳам алоҳида ўрин тутиши шубҳасиз.

Агадиётлар

1. Алишер Навоий, Хазойин ул-маоний, Кўлёзма. Тошкент, Ўзбекистон Фанлар академиясининг Беруний номидаги Шарқшунослик институти, XVI аср, инв. № 677.
2. Навоий, Алишер. Faroib us-sifar (ilmий-танқидий матн, факсемил нашр). – Тошкент: Мумтоз сўз – Т: 2012.
3. Навоий, Алишер. Тўла асарлар тўплами. Хазойин ул-маоний. Faroib us-sifar. 10 жилдлик. 1-жилд. – Тошкент, 2011.– 804-б.
4. Алишер Навоий, Хазойин ул-маоний, IV жилдлик. I жилд, Faroib us-sifar, (сўзбоши муаллифи X. Сулаймон, масъул мухаррир П.Шамсиев), Т:1959.
5. Й. Э. Бертелс. Навоий. – М. – Л.; 1948.

ТЕАТРДА ТЕАТР ҚАНДАЙ ПАЙДО БҮЛАДИ?



Шоҳруҳ
АБДУРАСУЛОВ

Ҳеч бир адид ёзаётган ҳикоя, кисса ёки романни вақти келиб саҳналаштирилишини хаёлига келтирмаса керак. Чунки бадий асар аввало китобхон учун яратилади, бинобарин, унинг бошка санъат турига айланиши, ўз ифода воситаси, шаклу шамойилини ўзгартириши алоҳида мавзу. Колаверса, томоша учун адабиётнинг драматургия йўналиши манба бўлишини инобатга олсак, насрый асарларни саҳнага қўйиш нотабийи ҳодисадек туюлади. Бирок ўзбек ва жаҳон театри тарихи гувоҳлик берадики, драматургия гуркираб ривожланган паллада ҳам адабиётнинг бошка турва жанрларига мансуб асарларни саҳналаштиришга бўлган эҳтиёж асло сусаймаган. Натижада китобхонлар орасида шуҳрат козонган машҳур асарлар саҳнага кўчиб, ўзининг янги кирраларини намоён этди, ўқувчи тасаввuriда яшаб келаётган қаҳрамонлар жонланиб, театрда “иккинчи умр”ини бошдан кечирди. Бундай спектаклларнинг нозик жиҳати шундаки, одатда китоб мутолаасидан сўнг ўқувчи шуурида муаяян образнинг аник-ёркин киёфаси пайдо бўлади, спектаклдан сўнг шу чизгилар янада куюклашса, нур устига нур. Акси бўлсачи?

Насрий асарларни саҳналаштириш бўйича адабиёт ва театр назариётчилари хар хил фикрлар билдиришган. Улар орасида айниқса, таникли рус театршуноси Константин Рудницкийнинг қарашлари эътиборга молик. “Қачонки насрый тил саҳна тилига айланса, шубҳасиз, насрый ижод кўп нарса йўкотади. Одатда бундай вазифа билан маҳсус мутахассис – инсценировкачи шуғулланади. У саҳна учун нима керак ёки керак эмаслигини яхши билиши лозим”¹.

Маълумки, насрый ижод намунаси мутолаа жараённада ўқувчига эстетик завк ва ҳаяжон баҳш этишининг асосий сабаби ижодкор исталганича тасаввuriга эркебриб, турфа хил ва ранг-баранг характерлар яратади ҳамда китобхонни ўз кечин-маларига ҳамдард этади. Шубҳасиз, бадий адабиёт намунаси инсон характерининг энг нозик кирраларини инкишоф этиши ва айни ҳодиса орқали театр санъати ривожига ижобий таъсир кўрсатиши мумкин. Бу жиҳат ҳам олимнинг образли тафаккуридан четда колмаган: “Айрим эътиrozларга қарамай, театр адабий асар-

¹ Константин Рудницкий. Проза и сцена. – Москва: Издательство “Знание”, 1981, С.6

Шоҳруҳ АБДУРАСУЛОВ – 1991 йилда тугилган. Ўзбекистон давлат санъат ва маданият институтини тажомлаган. “Адабиёт. Саҳна. Инсценировка”, “ХХ–ХХI аср Ўзбекистон санъатида трансформациян жараёнлар” (ҳаммуалифликда) каби рисолалари нацир этилган.

ларга камбағал күёв бадавлат келин сари интилганидек, астайдил талпинади”². Дарҳақиқат, бадий адабиёт театрга нисбатан бой ва катта ижодий кудраттага эга. Тасаввур килинг, ёзма адабиётдан ташқари халқ оғзаки ижоди, фольклор, эпос ва достонлар, афсонаю мифлар, хуллас, бизга маълум-номаълум адабий ҳазиналар қанчалик салмоқли ва кўп бўлса, саҳна санъатининг барча талабу мезонларига тўлиқ жавоб берувчи, гоявий-бадий жиҳатдан етук драматик асарлар шунчалик оз. Фикримизча, нафакат дунё, балки биргина миллат адабиётининг энг сара намуналарини ҳам тўла-тўқис саҳнада кўрсатиш имконисиз. Шундай экан, юкорида келтирилган ҳазиломуз мукояса замирада ҳақиқат мавжудлиги аён бўлади.

Истиклол йиллари республикамиз театрларида миллий насримизнинг кўплаб намуналари саҳналаштирилиб, томошибинлар эътиборига ҳавола килинди. Ушбу жарайн таникли адаблар ижодини саҳнада жонлантириши баробарида театр санъатининг репертуар ва жанр ранг-баранглигини таъминлаш, бадий-гоявий аҳамиятини мустаҳкамлаш, насримизнинг сара намуналарини китобхонлар орасида янада кенг тарғиб килишга хизмат қилди.

Ўзбек театрида саҳналаштирилган адабий асарлар бисотига назар ташласак, миллий насримиздан Абдулла Қодирийнинг “Ўткан кунлар” ва “Мехробдан чаён” романларини алоҳида ажратиб кўрсатишга эҳтиёж сезилади. Ҳар икки роман ҳам миллат маънавиятининг ажралмас қисмига айланиб улгурган, ўзбекнинг росмана ҳаёт тарзи, феълу табиати, гўзал урф-одатларини авж пардаларда тараннум этгани сабаб уларни саҳна ва экранда кўриши иштиёқи мутолаага бўлган муҳаббатдан кам бўлмагани рост. Абдулла Қодирийнинг тўнгич романи “Ўткан кунлар” илк бор 1973 йил Фарғона театрида Шаҳобиддин Низомиддинов инсценировкаси асосида режиссёр Носир Отабоев томонидан саҳналаштирилган бўлиб, ушбу спектаклининг ютуқ ва камчиликлари кейинги изланишлар учун замин ҳозирлайди.

Эътиборлиси шундаки, Қодирий романларининг саҳна варианatlари доимо турфа фикрлар, баҳсу мунозараларга сабаб бўлган ва бу хусусда матбуотда ҳам очик-ойдин хуносалар айтилган. Жумладан, 1989 йил ҳозирги Ўзбек миллий академик драма театрида саҳна юзини кўрган “Абдулла Қодирийнинг ўтган кунлари” номли спектакль фикримизни тасдиклайди. Муаллиф Иззат Султон асарни Қодирий романининг инсценировкаси эмас, балки адабий асосга таянган ҳолда яратилган мустакил оригинал пьеса дея тақдим этган, табиийки, бу фикрнинг тарафдорлари ҳам, муҳолифлари ҳам етарлича эди. Асарга мустакил ижодий ҳодиса сифатида баҳо берилишининг асосий сабаби шундаки, Иззат Султон роман руҳияти ва адабий матнга дахл қилмаган ҳолда, сюжет композициясига эркин услубда ёндашади. Яъни, Абдулла Қодирий ҳаёти ва ижодининг драмабоп, кескин зиддиятларга тўла саҳифалари, ёзувчилик қисмати, инсоний тийнати ва фожиавий тақдирини бадий йўсинада идрок этади. Шунингдек, “Ўткан кунлар”ни ёзиш устидаги изланишлар, иккиланишлар, ижод машакқатлари ва илҳомбахш онлар шу воеаларга монанд тарзда кўрсатилади. “Ўткан кунлар” романи дунёга келгач, энди муаллиф Қодирийдан бироз чекиниб, унинг адабий қаҳрамони – Отабек турмушини тасвирлашга ўтади. Бу хусусида санъатшунослик фанлари доктори, профессор Тошпўлат Турсунов шундай ёзади: “Шу тариқа “театрда театр” пайдо бўлади. Отабек ролини Абдулла Қодирийнинг ўзи бажара бошлайди. Вакти-вакти билан романнинг баёни бўлиниб, асар мавзуи ва мазмуни хусусидаги муҳокама, баҳсга кўчилади”³. Очиги,

² Ўша манба, 7-бет.

³ Турсунов Тошпўлат. Абдулла Қодирий саҳнада. – “Ўзбекистон адабиёти ва санъати” газетаси, 1989 й, 11-сон, 6-бет.

атокли олим ва драматург Иззат Султон тасаввур дунёсини ишга солиб, кутилмаган ва анчайин охорли янгиликка күл урган бўлса-да, барибир спектакль “Ўткан кунлар”нинг сахнавий тажассуми бўлиб хотирага муҳрланди.

Ўзбек романчилигининг ибтидоси бўлмиш “Ўткан кунлар” Фарғона театрида, “Мехробдан чаён” романи эса дастлаб Андижон вилояти мусикали драма театри, кейинчалик Ўзбек Миллий академик драма театрида сахналаштирилди. Шунингдек, Ўзбекистон халқ шоири Жуманиёз Жабборов инсценировкаси асосида Мукимий театрида сахналаштирилган “Отабек ва Кумушбиби”, таниқли драматург Эркин Хушвактос инсценировкаси бўйича Миллий театр сахнасида кўйилган “Ўткан кунлар” спектакллари мумтоз романнинг театрал ифодаси ўлароқ озми-кўпми таассуротларга туртки берди.

Қолаверса, миллий насримиз намуналаридан Faфур Гуломнинг “Шум бола” кисаси асосида Республика ёш томошабинлар театрида, Миллий ва Мукимий театрларида “Шум бола”, “Халфана”, “Омонали ва Замонали” каби спектакллар яратилгани, “Ҳасан Кайфий”, “Менинг ўтиргина болам” хикоялари сахнавий талкин топгани, китобхонлар ардоклаб ўқиган Ҳамид Гуломнинг “Мангалик”, Сайд Аҳмаднинг “Уфқ”, Ўткир Ҳошимовнинг “Баҳор кайтмайди”, Тоғай Муроднинг “Ойдинда юрган одамлар”, “От кишинаган оқшом”, Ўлмас Умарбековнинг “Одам бўлиш қийин” каби қиссаю романлари сахнага кўчиб, адабиёт ва театр муҳибларининг эътирофига сазовор бўлганини кайд этиш лозим. Айниска, санаб ўтилган спектакллар орасида Ўзбекистон халқ ёзувчиси Тоғай Муроднинг “Ойдинда юрган одамлар” ва “От кишинаган оқшом” номли бетакрор қиссалари асосида ҳозирги Ўзбекистон давлат ёш томошабинлар театрида режиссёр Олимжон Салимов томонидан сахналаштирилган “От йиғлаган томонда” спектакли маданий ҳаётимизда алоҳида воеқа бўлди.

Маълумки, Тоғай Муроднинг ҳар икки қисаси ҳам кучли изтироб, дардчил рух ва фожиавий пафосга бой, ҳатто бу қадар тушкунлик, руҳий забунликнинг асл моҳиятини тушунтириб беришга бაъзан адабиётшуносу мунаккидлар ҳам ожизлик киласи. Ноодатий баён услуби, кинояли тили, тагматн фалсафаси, ижтимоий залвори ва бошка хусусиятлари ўқувчи эътиборини тортади. Айниска, асарларнинг поэтик олами, муаллиф ўй-кечинмалари, тасвир ва тил имкониятларини сахнавий талкинда саклай билиш, бадиий асар жозибаси билан беллаша оловчи спектакль яратиш ижодкорлардан жиддий маҳорат ва изланишни талаб киласи.

Хўш, адабий асарларнинг сахнага кўчиш жараёни кандай кечди? Театрнинг шартли санъат эканини ҳисобга олиб режиссёр рамзий ифода воситаларига мурожаат килди.

Сахна юкорисидан марказга туширилган, томошабин кўзидан беркитилган ва бутун спектакль давомида гир айланниб, томоша темпа-ритмини белгилаб берувчи бакувват арконлар ва уларни боғлаб турувчи айланма чархпалак. Арқоннинг учига эса эгарлар илинган. Бамисоли бўшлиқда муаллак турувчи эгарлар сахнанинг исталган бурчагига етиб бориши, демакки, Зиёдулланинг харакат динамикасини ифодалashi мумкин. Энг кизиги, бир карашда примитив кўринувчи бу топилма сахнада рамзий от – Тарлонни акс эттирибгина қолмай, қиссаларнинг инсценировгадаги ихчам холатини вужудга келтиради.

Сахнада отлар пойгаси бўлаётган кўпкари манзарасини гавдалантириш учун эгар-жабдуқлар доира бўйлаб айлантирилади, бамисоли умр шитоб билан ўтятпи, ҳаёт қизғин, шиддаткор. Сахна ортидан эшилтирилган оломон кий-чувви, шовкини рамзий топилмаларга уйғунлашиб, режиссёр услуби ва рассом ифодасининг жонли ва тъясирчан чикишини таъминлайди.

Зиёдулла – актёр Фарҳод Аминов атрофдаги инсонлардан хеч качон яхшилик кўрмаган, доимо мазах бўлиб, жамият томонидан яккаланган, орзу-умидлари поймол этилган “кичик одам”. Одам кавмидан меҳр-окибат кўрмагач, бутун қалби, вужуди илиа тил-забонсиз жонивор – Тарлонга талпинади, ёлғиз колган кезлари эгарни кучоқлаб, узок вақт от билан тиллашади, дардлашади. Шу жонзотни бағрига босганда, недир роҳат ва ишонч хиссини түяди. Ушбу дардчил холат киссада жуда гўзал поэтик тил илиа ифода этилади: “Тарлон-ай, нима кунларга колдиг-а?.. Тушда бўлляптими ё ўнгда бўлляптими? Сен фарқламасанг, мен фарқлай олмай қолдим, Тарлон... Ҳалигилар қандай жонзот эди, Тарлон? Син-симбати одамга келбат беради. Уст-бошлари-да бор. Одамга майзаб гапиради, одамга майзаб кулади... Билмадим, Тарлон, билмадим. Сен билмасанг, мен билмадим. Мен сени биламан, Тарлон. Улар мен учун бегона, Тарлон...”⁴.

Спектаклда эса режиссёр таъсиричан монологларни саклаб колиб, Зиёдулланинг оти билан бўладиган сухбатларини шартли саҳналарга қўчиради, натижада, бадий адабиётга хос хикоянавислик, баёнчилик услуби драматик кескин ва муросасиз кайфият тусини олади. Вокеалар ўрни, макони ва образлар характерининг рамзийликка йўғрилгани, саҳнавий мухитни юзага келтиришда ноёб экспериментлардан унумли фойдаланилгани “От йиғлаган томонда” спектаклининг асосий ютуғи бўлди.

Кейинги йилларда замонавий адабиётимиз насррий намуналарини саҳналаштиришда Ўзбекистон давлат драма театри пешкадамлик кильмоқда. Мазкур театр саҳнасида Эркин Аъзам хикоялари асосида “Жийдалилар”, Улугбек Ҳамдамнинг “Мувозанат”, Абдуқаюм Йўлдошевнинг “Пуанкарэ”, Зулфия Қуролбой кизининг “Аёл” каби асарлари асосида эътирофга молик спектакллар яратилди. Шулар орасида таникли ёзувчи Абдуқаюм Йўлдошевнинг “Пуанкарэ” хикояси саҳнавий талкини (режиссёр Сайфиддин Мелиев) турли мунозараларга бойлиги билан ажралиб туради.

Хикоя илк бор “Жаҳон адабиёти” журналида эълон қилингач, адабиётшунослар, ёзувчилар эътирофига сазовор бўлди, ҳатто жаҳон адабий мезонлари билан бўйлашувчи асар сифатига баҳоланди. Гарчи вокеалар соф реалистик йўсинга курилган бўлсада, характер ва тасвир баённида муаллифнинг теран ҳаётй кузатувлари, рамз ва киёслардан унумли фойдаланиши, фоят нозик масалаларни тагматиларда ифодалаш маҳорати ўқувчи эътиборини жалб этади.

Хикоянинг бош қаҳрамони ёш олим жиддий математик жумбок – Пуанкарэ гипотезасини исботлашни мақсад килган. Бу жуда мураккаб ва абсурд мавзу эканини билсада, ўз ниятидан бир кадам хам чекинмайди.

Саҳнанинг турли кисмлари, бурчаклар, поллар, деворлар бўйлаб ёйиб ташланган, кийим-кечаклар, ҳалтаю тутунларга туташиб кетган формула тасвиirlangan матолар, тахлам-тахлам бўлиб ётган қофозлару жилд-жилд китоблар илмнинг заҳматли, охири шарафли йўлига чорлаб туради. Олим гипотезани исботлаш йўлида турли қийинчиликларга дуч келади, ҳатто устози уни ўз мақсадидан кайтармокчи бўлади. Ахийри у бу чигал масалага ечим топиб, бор овози билан “Топдим!..” – дея кичкиради. Бор ёзгиришлар, аламу дардлар унут бўлиб, вужуд, қалб билиш, англаш лаззатидан баҳраманд бўлади.

Спектакль хикояга нисбатан иликроқ, некбинрок тасаввур уйғотади. Боиси асар бўйича, навқирон тадқиқотчи турмуш ташвишларига андармон бўлиб, гипотеза исботини кўлдан бой берган, аникроғи рус математиги Григорий Перельман

⁴ Тогай Мурод. Юлдузлар мангу ёнали (киссалар) – Тошкент: “Шарқ”, 2009 й, 212-бет.

онти эртароқ камчилаб, масалага ечим топади. Спектаклда эса олимга гипотезани исботлаш бахти насиб этади. Күриниб турибеки, театр хикоядан фарқ қилувчи, мутлако ўзгача ечим таклиф этаётир. Айни шу жиҳати билан худди хикоя сингари спектакль ҳам маданий жамоатчиликда катта кизикиш уйғотди.

Маълумки, ҳар қандай саҳна асарининг муваффакияти биринчи навбатда ёзма манбанинг пухталиги, адабий асоснинг мустаҳкамлигига боғлик. Шундай экан, театрнинг драматургия маҳсулига бўлган эҳтиёжини таъминлашда нафакат пьесалар, балки насрой асарлар ҳам салмокли ўрин тутади. Айнан уларни саҳна учун мослаштириш, драматургия талабларидан келиб чикиб, кайта ишлаш, инсценировка шаклига келтириш театр санъатида мухим жаҳаёнлардан бири хисобланади.

Бир қарашда адабиёттинг бошқа тур ва жанрларида яратилған асарларни драматургик шаклга солиш осон вазифа бўлиб кўринади. Бироқ бу ишнинг масъулияти ва заҳмати оригинал драма ёзишдан кам эмас. Чунки саҳна талабларидан бирмунча йироқ, китобхонга мўлжаллаб ёзилган бадиий асарни театр тилига кўчириш, матн тароватини сақлаган ҳолда драматургия қонун-коидаларига бўйсундириш ҳакиқий ижодий ходиса бўлиб, бу фаолият билан тажрибали адибу драматургларнинг шуғулланиши мақсадга мувофик.

Республика театрларида бадийй-гоявий асоси мустаҳкам, ижтимоий ҳаётда юз берәётган ўзгаришларни ифода этувчи драматик асарларга эхтиёж тобора ортиб бораётган бир палла замонавий наср намуналарини инсценировка шаклида саҳнага олиб чикилиши ғоят муҳим аҳамият касб этади десек, муболага бўлмайди. Бундай ижодий ҳамкорлик ўзбек насли ва театри ривожига бирдек ижобий таъсири кўрсатиши табиий. Аввало, бу орқали драматургиядаги вазият янада барқарор тус олса, шунингдек, адабий ҳаётимизда эътироф топаётган асарларни кенг жамоатчиликка якиндан танитиши имконияти туғилади.



03-03 ўрғаниб доно бұлдыр.
Кампа-қампа ңишилиб қарең бұлдыр.

Алишер НАВОЙ

АДАБИЙ ҲАЁТ

* * *

13 март куни Абдулла Каҳхор уй-музейида Наврӯз умумхалқ байрами муносабати билан “Янгила-наётган юртнинг янги илхомлари” мавзусида адабий кечада бўлиб ўтди.

Тадбирда Ўзбекистон Маданият вазирлиги, Ўзбекистон Ёзувчилар уюшмаси вакиллари, музей раҳбарлари, ЮНЕСКОнинг Ўзбекистондаги ваколатхонаси раҳбари, ЮНЕСКО ишлари бўйича Ўзбекистон Республикаси Миллӣ комиссияси масъул котиби, Яккасарой туман ҳоким ўринбосари, Ўзбекистон Ёшлар Иттифоқи фаоллари иштирок этдилар.

* * *

13 март куни Ёзувчилар уюшмаси Наср кенгашиниң йиллик ҳисобот йигилишида ижодий кенгашилар фаоллари, ёзувчилар, адабиётшунослар иштирок этишиди.

Наср кенгаши раиси, ёзувчи Абдукаюм Йўлдош ўтган йили ёзувчи Исажон Султоннинг Стокгольм шахрида бўлиб ўтган “Open Evrasiya” халқаро танлови голиби бўлгани, шу танловда иштирок этган ёш адабиа Нодирағим Иброҳимова ҳам алоҳида эътироф этилганини таъкидлайди.

2017 йилда эълон килинган романлар бўйича Самарқанд давлат университети докторантини Азмиддин Носиров, киссалар бўйича – филология фанлари доктори, профессор Курдош Қаҳрамонов, адабий нашрларда эълон килинган хикоялар бўйича филология фанлари номзоди Марҳабо Кўчкоровалар сўзга чикишиб, йилнинг диккатга лойик асарлари ҳакида ўз фикр-мулоҳазаларини билдиришди.

Йигилишида, шунингдек, ёзувчилар Озод Мўмин, Собир Ўнар, Неммат Арслон, адабиётшунослар Гулноза Сатторова, Ислом Ёкубов маърузалар юзасидан мулоҳазаларини билдиришди.

* * *

14 март куни Тошкент Фотосуратлар уйида “Баригал”, “Бисот”, “Дараҳт тагидаги одам”, “Камалак яшайдиган уй”, “Кўзгудаги иковлон” сингари романлари, кисса ва хикоялари орқали адабиёт муҳлисларига яхши таниш бўлган таникли ёзувчи Нодир Норматовни хотирлаб адаб ижодига бағишланган фотокўргазма ҳамда “Нодир Норматов ҳаёти ва ижоди замондошлари нигоҳида” китобининг тақдимоти бўлиб ўтди.

Тадбирда ёзувчининг якин дўстлари, оила аъзолари, адабиётшунослар, мунаккидлар, рассомлар, санъатшунослар, журналистлар ва талабалар иштирок этишиди. “Санъат” журналининг бош мухаррири Дилафрӯз Қодирова Нодир Норматовнинг ўзбек адабиёти ва тасвирий санъатига кўшган хиссаси, ибратли фаолияти ҳакида гапирди. Адабиётшунос олимлар ИброҳимFaфуров ва Умарали Норматов ёзувчининг бадиий асарлари, маколалари ҳакидаги мулоҳазаларини ўртоқлашдилар. Тадбир сўнгтида ёзувчининг рафиқаси Гавҳар Норматова ўз хотираларидан сўзлаб, йигилганларга миннатдорлик билдириди.

* * *

4 апрель куни Ўзбекистон Ёзувчилар уюшмасида буюк қозок шоири ва мутафаккири Абай Кўнинбоев ижодий меросини кенг ўрганиши ва тарғиб этишини ташкил килиш бўйича ташкилий кўмита йигилиши бўлиб ўтди. Унда ёзувчилар, шоирлар, таржимонлар, давлат ва жамоат арабблари иштирок этди.

Тадбирни Ўзбекистон Республикаси Президентининг давлат маслаҳатчisi Хайриддин Султонов очди ва бошқариб борди.

Йигилишида Ўзбекистон Республикаси Президенти Шавкат Мирзиёев ва Қозогистон Республикаси Президенти Нурсултон Назарбоев ташабbusлари ва амалии ишлари тимсолида ўзбек ва қозок ҳалкларининг ҳамдўстлик алоказлари ривожида янги давр бошлангани алоҳида таъкидланди. Тили, дини, кони бир, келиб чикиш тарихи бир бўлган ўзбек ва қозок ҳалкларининг маданий-адабий алоказларини Навоий ва Абай каби мутафаккир шоирлар ворисларининг ҳамкорлик робиталари Ойбек ва Муҳтор Аvezов, Миртемир ва Абдулла Тожибоев, Абдулла Орипов ва Ўлжас Сулеймоновнинг жонажон дўстлиги, кадрдонлиги билан маҳкам боғлангани, бугунги глобаллашув замонида бу дўстликнинг янада мустаҳкам бўлиши ҳалкларимизнинг фаровонлиги ва оламнинг тинчлиги учун нихоятда муҳим эканлиги айтиб ўтилди.

* * *

4 апрелда Ўзбекистон Ёзувчилар уюшмасида буюк адабиёт ва жамоат арабби Чингиз Айтматов таваллудининг 90 йиллигини нишонлаш бўйича ташкилий кўмита йигилиши бўлиб ўтди. Тадбирни Ўзбекистон Республикаси Президентининг давлат маслаҳатчisi Хайриддин Султонов очди ва бошқариб борди.

Йигилишда шу йилнинг 2 апрелида Ўзбекистон Республикаси Президентининг “Буюк адаб ва жамоат арбоби Чингиз Айтматов таваллудининг 90 йиллигини кенг нишонлаш тўғрисида”ги карори кабул килингани туркй халкларнинг буюк адабига кўрсатилган юксак эҳтиромнинг намунаси бўлгани таъкидланди.

Шундан сўнг йигилиш давомида “Чингиз Айтматов ва Ўзбекистон” номли хотира китобини нашрга тайёрлаш ва чоп этиши, Чингиз Айтматов ҳаёти ва ижодий фаолияти ҳакида ҳужжатли фильм суратга олиш, Чингиз Айтматов хотирасини абадийлаштириш мақсадида Тошкент шаҳрининг марказий кўчаларидан бирига адаб номини берни, “Чингиз Айтматов ва ўзбек адабиёти” мавзусида илмий конференция ўтказиш, мамлакатимиздаги олий ва ўрта маҳсус, қасб-хунар, умумий ўрта таълим муассасалари, ҳарбий қисмлар, меҳнат жамоалари ва маҳаллалarda таникли шоир ва ёзувчilar, олимлар иштирокида учрашувлар, адабий кечалар ташкил этиши, 2018 йил декабрь ойининг иккинчи ўн кунлигига Ўзбек Миллий академик драма театрида атоти адаб хотирасига бағишиланган ижодий кеча ўтказиш чора-тадбирларини белгиланган муддатда юксак даражада амалга ошириши ҳакида келишиб олинди.

* * *

Давлатимиз раҳбари ўзининг ҳалқ билан бўладиган учрашувларида, турли тантанали маросимлар ҳамда катта-катта йигилишларда китоб ўқиши, айниқса, ёшларнинг маънавий оламини бойитиши борасида, уларни ватанн парвар, фидойи инсонлар килиб тарбиялашда китобнинг нечоғлик юксак аҳамиятга эга эканлигини такрор ва такрор таъкидлаётгани ҳар бир юртдошимиз қалбида кенг акс садо берәтири.

7 апрелда Сирдарё вилояти Мирзаобод тумани 6-умумий ўрта таълим мактабида Ўзбекистон ҳалқ ёзувчиси, Давлат мукофоти соҳиби Мухаммад Али билан адабий учрашув бўлиб ўтди. Тадбирда адабиётшунос олим Адҳамбек Алимбеков, “Шарқ юлдузи” ва “Звезда Востока” журнallari Бош мухаррири, шоир Сирожиддин Рауф ва бошқа бир катор ижодкорлар билан китоб мутолааси синоатлари ҳакида сурурли сирлашув учун йигилган мактаб ўкувчилари ҳамда тумандаги адабиёт ихлос-мандлари иштирок этди.

Учрашув сўнгидаги ижодкорлар Ёзувчilar уюшмаси томонидан чоп этирилган китоблар тўпламини мактаб кутубхонасига тақдим этдилар.

* * *

11 апрель куни Ўзбекистон Ёзувчilar уюшмаси Фаоллар йигинининг навбатдан ташкари мажлиси бўлиб ўтди. Унда таникли ёзувчilar, шоирлар, уюшманинг фаол аъзолари, шунингдек, давлат ва жамоат арбоблари иштирок этдилар. Йигилишини Ўзбекистон Ёзувчilar уюшмаси раисининг ўринбосари Гайрат Мажид очи ва бошкарив борди.

Ўзбекистон Республикаси Президентининг Давлат маслаҳатчиси Хайрилдин Султонов сўзга чиқиб, Президентимизнинг шу йил 5 апрелдаги “Ўзбекистон Ёзувчilar уюшмаси фаолиятини янада токомиллаштириш чора-тадбирлари тўғрисида”ги карори миллый адабиётимиз ва маънавий-ижтиёмоний ҳаётимизда тарихий воеқа бўлганини алоҳида таъкидлади.

Мажлис кун тартибida ташкилий масала кўрилди. Ўзбекистон ҳалқ ёзувчиси, Давлат мукофоти совриндори Мухаммад Алининг Сохибқирон Амир Темурнинг ҳаёти ва тарихий фаолияти ҳакида бадиий фильм сценарийини ёзиш ва кизғин ижодий фаолият билан шугулланиши учун шарт-шароит яратиб беришни сўраб Фаоллар кенгашига Ўзбекистон Ёзувчilar уюшмаси раиси лавозимидан озод этиши ҳакида ёзган аризаси мухокама этилди. Йигилиш иштирокчilari унинг бу таклифини инобатта олиб, уни Ўзбекистон Ёзувчilar уюшмаси раиси лавозимидан озод этишиди.

Йигилишда Ўзбекистон ҳалқ шоири Сирожиддин Сайид Ўзбекистон Ёзувчilar уюшмасининг раиси лавозимига, шоир Минхажиддин Мирзо Ёзувчilar уюшмаси раисининг биринчи ўринбосари лавозимига сайданди. Ўзбекистон Ёзувчilar уюшмаси раисининг Ёшлар билан ишлаш бўйича Нодир Жонузок Ўзбекистон Ёзувчilar уюшмаси раисининг Ёшлар билан ишлаш бўйича ўринбосари лавозимига сайданди.

МУНДАРИЖА

ДУРДОНА

ОГАХИЙ. Ки, ўн саккиз минг олам ўн саккиз ёшиңдин айлансун. ...4

ПУБЛИЦИСТИКА

Анвар ОБИДЖОН. Тупрокдан довруг ясаётганлар.7

НАЗМ

Үткир РАХМАТ. Ёдга тушар умрим парчаси.11

Собир ЖАББОР. Вужудимда гуллар хаяжон.16

Тошиблат АХМАД. Менга сўз бердингиз...43

Дилором ИСМОИЛОВА. Мухаббатим кўрсатсин сеҳр.47

Халима АХМЕДОВА. Кўзим гавхарида сайр килар дунё.61

НАСР

Усмон АЗИМ. Ходимлар бўлими бошлиғи. Ҳикоя. Охири.19

Муҳаммад САЛОМ. Келин. Ҳикоя.51

Гулчехра АСРОНОВА. Дилбанд. Ҳикоя.66

Баҳтиёр АБДУҒАФУР. Султон Жалолиддин Мангуберди. Роман.80

Давоми. Бошланиши ўтган сонларда.80

Абдураҳим ЭРҚАЕВ. Абдулла Орипов феномени. Эссе.122

ИЖОДИЙ КЕНГАШЛАРДА

Наргиза ТЎҲТАЕВА. Изланишлар сархисоби.68

Ориф ТЎҲТАШ. Бола бўлолмасак – барчаси бекор!73

БУЛОҚ КЎЗ ОЧДИ

Лайло ҲАСАНОВА. Туйгулар сўзлайди сирли ривоят.77

ЁНДАФТАР

Барот ИСРОИЛ. Шоирликнинг мактаби йўқ.108

ЧИНГИЗ АЙТМАТОВ ТАВАЛЛУДИННИНГ

90 ЙИЛЛИГИГА

Аҳамджен МЕЛИБОЕВ. Улуғ адабининг улут нияти.112

АДАБИЙ АЛОҚАЛАР – АБАДИЙ АЛОҚАЛАР

Абдулла РУСТАМОВ. Қозоқ шеъриятининг аскар тоғи.146

БУ БЎСТОН САҲНИДА

Исмоил Махмуд МАРҒИЛОНӢИ. Ахли дониш сухбатда бўлса қалб зийнат топар.151

АДАБИЁТШУНОСЛИК

Дилрабо КУВВАТОВА, Дармоной ЎРАЕВА. Бадиий санъатта хос мезёр.155

Шоҳруҳ АБДУРАСУЛОВ. Театрда театр кандай пайдо бўлади? ..169

УНУТМАС МЕНИ БОҒИМ

ШУҲРАТ. Ишончим максадга чорлаган нурким...161

ТАДҶИКОТ

Зилола НАМОЗОВА. Бир нукта билан кўзни кўр килмайлик.. ..165

Адабий хаёт.174

Шарқ ўлдузи

2018

4-сон

Муассис:
**ЎЗБЕКИСТОН ЁЗУВЧИЛАР
УЮШМАСИ**

* Муаллифлар фикри таҳририяни ижодий жамоаси нуктаи назаридан фарқланниши мумкин.
Таҳририяни юборилган материяллар муаллифларга кайтарилмайди.

Журнал ОАК эътироф этган национарнинг 10.00.02 “Ўзбек адабиёти” ихтисосиги бўйича рўйхатига кирилганди.

* Журналга обуна даврий национарни етказиб берниш билан шугулланувчи барча ташкилотлар орқали амалга оширилади.

Обуна индекси – 911

Манзилимиз:
100066, Тошкент шаҳри,
Бунёдкор шоҳкӯча, Адаблар хиёбони,
Ўзбекистон Ёзувчilar уюшmasи
биноси.

Телефонлар:
231-23-65, 231-23-66, 231-23-68
www.sharqyulduzi.uz
e-mail: sharqyulduzi1931@mail.ru

Босишига руҳсат этилди
07.05.2018 йил.
Коғоз бичими 70x108 1/16.
Офсет босма усулида офсет когозида
босилди. Босма табори 11,0.
Шартили босма табори 15,4.
Нашириёт хисоб табори 17,2.
Адади 3150 нусха.
Буюртма №164.

Журнал Ўзбекистон Матбуот ва
аҳзорот агентлигига 05.02.2016 й.
0562-ракам билан рўйхатга олинган.

“Mashhur-Press nashriyoti” МЧЭК ва
“Argumenty i fakty Centrasia”
МЧЭК хамкорлигига чоп этилди.

Корхона манзилилари:
Тошкент шаҳри,
Ислом Каримов кўчаси, 16-й.
100011, Тошкент шаҳри,
Элбек кўчаси, 8-й.
Журнал ойда бир марта
чоп этилади.

Мусаххих:
Дилғузга Маҳмудова
Саҳифаловчи-дизайнер:
Мадина Абдуллаева


Copyright © “Шарқ ўлдузи”

Унутылмас лаҳзалар



Шүхрет ұаётидан лаөхалар

Метнұғд 28224.



Ортиқали Қозоқов. Шарқ гүзали